

經驗壽世良方

歷下趙繼賢
署登

良方
經驗壽世

梁士詒
題

民國十三年

夏月重印



照玉樞星君唐者輯編

序

予不知醫於古今各名家醫書又未一經研究家人生齒日繁偶有
小恙檢閱經驗成方愴怛不決可否臨時未免張皇幸戚誼中大半
通醫如妹壻夏閏枝太史孫桐內兄俞午山衛生課長迪新內弟俞
輔卿大令迪初壻馮叔瑩僉事汝玖甥吳魯弢諮議寶彝姻姪歐陽
仲坪大令桓咸精岐黃之學均聚處於京城遇家人有病便請診視
著手成春有時因受病太深難求急效不厭要約參酌洞察病源始
行開方屢試屢效予不過唯唯聽命而已而標準毫無頃見唐星樞
先生壽世良方一書觀其論症辨脉分門立方無不詳明精當且極

簡捷允宜珍藏熟讀以備緩急之需不揣譎陋用綴數言

民國十三年歲在甲子秋日山陰劉敦謹拜識於京漢鐵路局次

序

世之言集古醫方者咸盛稱陸敬輿吾聞敬輿之貶憂讒畏譏不敢著書乃託於醫方以自晦士君子聞而悲之若乃時際昌言挾書無禁有心世道者方各肆力於經國之著述不暇而唐子星樞獨汲汲以集古醫方聞此則何也古之治病也藥味必取平易漢以前方書無矜奇炫異之作也仲景輯金匱闡發靈素之精奧至當不易唐宋以來代有作者要皆準則純粹金元四大家出持論好異主氣補陰兩說聚訟紛紜所見偏倚而古人精當之意旨至此益晦乃觀唐子所輯書其自敘凡例於平淡無奇之不可忽三致意焉古之名醫曰和曰緩命名之意豈曰無取唐子其知之矣余故不知醫顧惟先

大父平階公以醫名於時其所手輯古方若家藏珍本甚夥童時猶及見之每承庭訓引述當日之遺教不少十年以來一官匏繫無田可歸烽火南天音信隔絕雖楹書無恙而繩武未能每覽斯編輒爲於邑而生感不已也

民國三年二月

南海關廣麟識於都門

序

醫方之輯由來舊矣唐陸宣公每見一方輒手自抄錄宋蘇東坡沈存中間亦手輯醫書故有蘇沈良方見於四庫全書大抵古人於醫理類皆探其奧蘊時自出其素所心得以醫治世人此救濟之一端未可忽而視之也孟子有言人有七年之病求三年之艾苟爲不蓄則終身不得然則醫方之待輯其可少緩乎哉家星樞兄輯有壽世良方一書以之施治鄉人屢見奇效鄉之人又往往轉相傳述以故踵門求方者匪可以指計蓋其爲書分門別類按脈切理且藥物又爲力所易致施之隨時隨地而皆宜者斯誠衛身之至寶救世之金丹也夫藥無論貴賤而總以適於病症爲宜是書擷諸家之要旨化

腐朽爲神奇苟能審病知源依方用藥其神效自必迎刃而解亦安可不家置一編以爲緩急之用乎余恐其久將弗傳爰爲募集版資印送諸友他日者風行海內使是書不脛而走然後前人述著之旨與後人採輯之意至此而大快而余亦若幸所言之不謬也夫

民國紀元癸丑冬月

弟士清識於都門

序

壽世良方一書唐子星樞苦心孤詣而成者也星樞爲吾都望重之士生平於地學風鑑占驗諸書無所不究而尤潛心於醫理蓋其活人濟世之心早已蓄而不發科舉廢後慨然有感於不爲良相當爲良醫於是搜集古來名家醫案與方書中之確有經驗者互相讐校比附精切積之既久編帙成書故其每論一症必詳述內外經絡表裡虛實與夫感受發生之所由來然後治以何方施以何藥罔不條分而縷晰焉若第取其藥物完備治法精良猶未得其真相者耳癸丑冬余適入都見其將刊是書出而問世因就其書披覽一過不禁色然喜曰此書一出斯世無難治之症矣書凡四卷彙爲一編可以

便取携可以易檢閱衛生家苟手一編而珍藏焉亦何異藥籠中物
取不盡而用不竭乎余與星樞爲莫逆交且共事最久於其書之行
將出世也不可無一言以相質證遂書以與之

民國二國癸丑冬至前一日 愚弟梁鳳鳴儀庭識於都門寄廬

叙

昔范文正公少時嘗曰吾不能爲良相必爲良醫蓋以醫可救人不亞於良相出可以救世此其意唐陸宣公早見及之故於被謗時留心醫道聞有秘方輒自鈔錄嘗告人曰此亦濟人之一術也二公者功業在天壤誠不藉此以自表見而其活人救世之心未始不於醫葯三致意焉余友唐子星樞英年發軔龔序蜚聲帖括餘暇兼於內經素問諸篇潛心而研究之惟過自謙抑未肯出而問世迨科舉停止家居閒處習見夫世之以國手自命者非不引指調烝而師古不得其意貿貿焉以人命爲兒戲者不知凡幾心滋戚焉亟思手輯良方參以精意出而挽救之偶讀陸范二公傳不禁喟然曰二公者其

先得我心乎於是振厥精神矢之毅力廣爲蒐羅凡夫目所見耳所聞者罔弗悉心纂錄積久成帙顏曰壽世良方擬付剞劂以公諸世而問序於余余受而讀之觀其醫方純備醫理精深夫乃嘆星樞之心一文正救世之心也星樞之術一宣公活人之術也上下千餘年曷其若合符節哉不揣固陋爰書數語以弁厥首亦藉伸欽佩之意云

光緒歲在丁未秋七月望越愚弟黃鑑清少研氏拜序

自序

聞之上醫醫國中醫已疾庸醫誤人醫者人之生命所託一或不慎則足以損人命而害天和蓋病託於醫醫託於藥其間得失利害有因而立見者未可掉以輕心也嘗見古今醫書汗牛充棟其中列諸治法非不詳且盡然皆參用貴重藥品鄉曲固費搜求貧戶尤難措辦求其方藥良易隨地咸宜者不數數覩一時迫不及待每至束手無策識者憾焉鄙人濟世有心懸壺無術每慨世人類多奇病而施治不善藥症相左往往有因而誤命者非細故也爰於庭課餘閒悉心研究或搜諸古方或得之親友撮其簡要別類分門顏曰壽世良方務求方與症宜藥與症對因症施藥屢見神奇然後夙願始償或

可告無罪於一已書成既久未嘗出以示人今年冬家乘儒弟募資刊印於是出諸行篋付彼手民固知撥拾牙餘方家見笑然於半生之心力個人之天職期所亦保全生命而衛養天和者不至湮沒無傳焉此則鄙人所私心自慰爾

民國紀元癸丑冬月 香山澹塵居士星樞唐世泰誌於都門

跋

評閱是書於各症之門首論病源次集古方均甚簡捷可從單方對症效如桴鼓較之驗方新編高勝一籌可謂見病知源矣且論症辨脉理甚正當本諸內經靈素實煞費苦心惜時光短促僅將各門之首校勘無訛以此付諸棗梨庶幾無憾焉爾

江蘇伯謙弟朱遜謹識

三世醫辨

曲禮云醫不三世不服其藥大抵皆沿俗解以父子相承三世爲言不知所謂三世者一曰黃帝針灸二曰神農本草三曰素問脉訣脉訣可以察症本草所以辨葯針灸所以去疾非是三者不可以言醫若必云三世相承然後可以服其葯將祖父二世行醫終無以服其藥者矣且歷考古近名醫並未聞有三世相承者知俗解之不可據也

例言

一是書採集驗方新編醫方易簡萬病回春筆花醫鏡及歷年手抄各方取其簡易經驗者彙輯成編以便鄉居之用

一每症首冠論說辨明證候俾閱者審病知源然後按症用方自無僂事

一人身最危險者如喉舌及癰疽傷寒夾色癩癆蟲毒瘟疫楊梅瘡等症平日熟玩各方大有裨益

一方內所用如燕子窠蜂窠蟻子窠百草霜新抱雞子壳等藥平日務宜預備庶免臨時無措

一書內所載藥方雖平淡無奇如果對症效驗異常幸勿忽視

一是書附梓業已十年今重刊印千本公諸同好如有好善君子印送廣傳功德莫大焉

目錄

診脈歌

表裏虛實寒熱辨

虛寒論治

忌食諸物

頭痛論脈

眉部

鼻科論症

舌部

頸項

胸部

脇痛論症

脾胃

痞滿論症

腳氣論治

噎膈翻胃

壽世良方

目錄

一 望舌色

三 內外傷感雜治說

八 疫痢癰腫論治

一 製食物法

八 頭部

七 目科論症

三 口舌論症

三 牙痛論症

四 咽喉論症

四 手足論症

三 腋部

七 腹痛論症

九 筋骨

八 氣痛論症

九 呃逆論症

一 望聞問切論

六 傷寒論治

九 預備藥物

五 頭痛論症

九 面病論

六 耳科論症

七 唇部

四 鬚髮論治

五 乳部

三 腰痛論症

七 心痛論症

七 諸蟲論症

三 腳氣論症

九 飲食節調論

九 咳嗽論症

二 一 七 一 八 五 元 四 五 六 七 七 老 元 二

468073

哮喘	一〇五	大便論症	一〇八	小便論症	二二
遺溺論症	二四	遺精論症	一五	濁症	二七
淋症	一八	疝氣論症	三〇	囊癰前陰附	二四
懸癰	二七	腸癰	二七	肺癰論症	二六
吐血論治	二九	虛勞論治	二五	諸汗論症	二七
痰病論症	一六	癩狂論症	一四	鼓脹論症	一四
水腫論治 <small>黃腫附</small>	一四	中風論症	一五	類中風症	一五
預防中風	一五	癩病論症 <small>俗名羊吊</small>	一五	中毒論治	一六
蠱毒論症	一七〇	蠱毒論治	一七〇	斑疹論症	一七
斑症	一六	痧症	一七	傷寒論脈傷風附	一八〇
傷寒審症訣	一八一	傷寒治法	一八二	傷寒論	一八三
癰癆論症	一九二	感冒傷寒	一九三	中暑論症	一九三
傷暑	一九五	泄瀉論症	一九七	泄瀉論脈	一九九
霍亂論症	二〇〇	瘟疫論症	二〇三	瘧疾論症	二〇六
瘧疾論治	二〇七	內經錦囊瘧疾原論	二二	痢疾論症	二三
痢症論脈	二二五	急救論	二八	跌打損傷	二三
人物傷	二三	湯火傷	二四〇	骨頓論	二四三

●診脈歌

病人雙腕仰高骨定爲關（依掌後之高骨定爲關脈）寸脈量虎口尺脈準臂彎
（關前距虎口一寸故曰寸關後距臂彎一尺故曰尺）左寸心胞絡左關膽與肝
左尺司何職膀胱腎依焉右寸胸中脾胃脾屬右關要知大腸腎右尺胃昭然
口鼻一呼吸脈來四五跳此是無病者平和氣血調三至爲遲候六至作數教遲
則寒之象數則熱之標一二寒愈盛七八熱更饒
輕舉得皮面表邪脈故浮若是病在裏重取須沉求洪長徵實健細弱識虛柔火
濕並痰飲滑利又弦適緊促氣內亂伏瀆氣疑留妊娠中止代失血中穴芤（代
脈中止芤脈中空）祇此尙易見其他渺以幽

●望舌色

舌者心之竅凡病俱現於舌能辨其色症自顯然舌尖主心舌中主脾胃舌邊主
肝膽舌根主腎假如津液如常口不燥渴雖或發熱尙屬表症若舌苔粗白漸厚
而膩是寒邪入胃挾濁飲而欲化火也此時已不辨滋味矣宜用半夏藿香迨厚
膩而轉黃色邪已化火也用半夏黃芩若熱甚失治則變黑胃火甚也用石膏半
夏或黑而燥裂則去半夏而純用石膏知母麥冬花粉之屬以潤之至厚苔漸退

而舌底紅色者火灼水虧也用生地沙參麥冬石斛以養之此表邪之傳裏者也其有脾胃虛寒者則舌白無苔而潤甚者連唇口面色俱痿白此或泄瀉或受濕脾無火力速宜黨參焦朮木香茯苓炙草乾薑大棗以振之虛甚欲脫者加附子肉桂若脾熱者舌中苔黃而薄宜黃芩心熱者舌尖必赤甚者起芒刺宜黃連麥冬竹捲心肝熱者舌邊赤或芒刺宜柴胡黑山梔其舌苔厚而黃者胃微熱也用石斛知母花粉麥冬之類若舌中苔厚而黑燥者胃大熱也必用石膏知母如連牙牀唇口俱黑則胃將蒸爛矣非石膏三四兩生大黃一兩加糞金汁人中黃鮮生地汁天冬麥冬汁銀花露大劑之投不能救也此唯時疫發癍及傷寒症中多有之余嘗治一獨子先後用石膏至十四斤餘而癍始透病始退此其中全恃識力再有舌黑而潤澤者此係腎虛宜六味地黃湯若滿舌紅紫色而無苔者此名絳舌亦屬腎虛宜生地熟地天冬麥冬等更有病後絳舌如鏡發亮而光或舌底隘乾而不飲冷此腎水虧極大劑六味地黃湯投之以救其津液方不枯涸

●望聞問切論

望者看形色也聞者聽聲音也問者訪病情也切者診六脈也四事本不可缺一而惟望與問爲最要何也蓋聞聲一道不過審其音之低響以定虛實嗽之悶爽以定升降其他則無可聞也切脉一道不過辨其浮沉以定表裏遲數以定寒熱

強弱以定虛實其他則胸中不了了指下難明且時大時小忽浮忽沉六脉亦難定準故醫家謂據脈定證是欺人之論也惟細問情由則先知病之來歷細問近狀則又知病之淺深而望其部位之色望其唇舌之色望其大小便之色病情已得八九矣而再切其脈合諸所問所望果相符否稍有疑義則默思其故兩兩相形虛與實相形寒與熱相形表與裏相形其中自有把握之處即可定斷慎斯術也以往其無所失矣

●表裏虛實寒熱辨

凡人之病不外乎陰陽而陰陽之分總不離乎表裏虛實寒熱六字盡之夫裏爲陰表爲陽虛爲陰實爲陽寒爲陰熱爲陽良醫之救人不過能辨此陰陽而已庸醫之殺人不不過錯認此陰陽而已假如發熱惡寒鼻塞咳嗽頭痛脈浮舌無苔口不渴此病之在表者也如或潮熱惡熱口燥舌黃腹痛瀉便脈沉此病之在裏者也假如氣短體弱多汗驚悸手按心腹四肢畏冷脈來無力此病之本虛者也若病中無汗或狂躁不臥腹脹拒按脈實有力此病之又實者也假如唇舌俱白口不渴喜飲熱湯鼻流清涕小便清大便溏手足冷脈遲此病之犯寒者也若舌赤目紅口渴喜冷煩躁溺短便秘或唇燥舌乾此病之患熱者也凡此皆陰陽之分也至於邪盛正衰陰虛火亢等則又陰中之陽陽中之陰其間毫釐千里命在反

掌辨之者安得而不慎

表治宜發散也如初感風寒發熱頭痛但用蘇梗荆芥各一錢五分防風一錢川芎一錢甘草五分生薑二片以散之頭痛甚加羌活六分如鼻塞或流清涕加半夏一錢五分茯苓陳皮各一錢如咳嗽則加桔梗七分杏仁三錢前胡一錢之類一劑得汗而熱即退不必再服但避風寒忌油膩未得汗則再劑而止若寒熱往來欲作瘧狀宜用柴胡八分酒苓八分赤芍一錢製半夏一錢五分甘草五分大棗三枚生薑三片以和之虛者加防黨二錢此其症在表切勿妄用枳壳神麩麥芽消導之藥引邪入內

裏治宜歸經也有虛實有寒熱宜辨其病在何臟腑而治之法詳臟腑門惟喜怒哀憂思悲恐驚謂之七情此裏症之最難治者但寬其心而藥始效否則無益也然症在於裏大忌發散散之則虛者汗脫熱者煽熾醫家動輒用表可懼哉

虛治宜補也然有陰虛有陽虛血虛者爲陰虛宜補其血輕者用生地四錢首烏二錢歸身一錢五分酒芍一錢五分炙鱉甲二錢稽豆皮三錢海參三錢北沙參三錢重者用熟地五錢枸杞三錢五味七分萸肉一錢鬼絲一錢以填之氣虛者爲陽虛宜補其氣輕者用黨參三錢白朮二錢山藥二錢茯苓一錢五分炙草六分紅棗六枚生薑一片之類重者用人參一錢黃耆一錢

五分以振之氣欲脫則并加附子二錢乾薑二錢以回陽若氣血兼虛則陰陽並補八珍湯十全大補湯皆補虛之聖藥也

實治宜瀉也心有邪火肺有風寒脾有食積蟲痞濕熱肝有鬱怒之氣膽胃胞絡膀胱大小腸各能受邪皆爲實症治法詳各臟腑門然治實以速爲功苟遷延日久病未去而元氣虛則難消導矣

寒治宜溫也寒在表則惡風寒宜蘇葉一錢藿梗二錢荊芥防風各一錢前胡一錢五分杏仁三錢生薑三片之屬以散其邪甚則桂枝五分麻黃五分細辛六分寒在裏則喜熱湯宜製夏二錢藿香一錢五分焦朮一錢五分製朴一錢吳茱萸八分焦穀芽三錢煨薑二片砂仁二粒之屬以煖其中甚則附子六分肉桂六分乾薑六分凡寒症唇舌必白脈遲便利腹或冷痛一投寒涼入口立脫慎之

熱治宜涼也然熱症有實火有虛火實火之症或因外感或因內鬱所致宜分臟腑治之火之微者黑山梔一錢五分石斛三錢地骨皮二錢青蒿一錢五分丹皮一錢連翹一錢五分麥冬二錢花粉一錢五分銀花三錢竹葉五分燈心一握之屬甚加黃連七分黃芩一錢五分或石膏四錢知母一錢五分極甚則用大黃一錢五分龍胆草七分等虛火之症或陽虛外熱口不渴唇不紅脈不數宜四君子湯以補其陽若陰虛內熱舌或絳頭或痛目或乾過

午便熱宜四物湯六味地黃湯以補其陰

●內外傷感雜治說

前言表裏虛實寒熱六字病已盡在其中矣而表裏之中又有內傷外感之治焉內傷者裡症也而有氣血痰鬱四字之分外感者表症也而有風欬水濕燥火六字之別再詳其治法醫無餘蘊矣

內傷一曰氣氣虛者四君子湯若氣實而滯者宜香蘇散平胃散二曰血血虛者四物湯若血實而凝者宜手拈散三曰痰痰輕者二陳湯六君子湯若頑痰膠固變生怪症或停飲隔間宜滾痰丸小半夏加茯苓湯之類四曰鬱凡喜怒憂思悲恐驚皆能致鬱鬱小者越鞠丸逍遙散若五鬱互結腹膨腫滿二便不通宜神佑丸承氣湯之類此內傷之治也

外感一曰風真中風是也非表治中之偶感風寒也風有中腑中臟中血脈之殊中腑者與傷寒同太陽用加味香蘇散陽明用葛根湯少陽用小柴胡湯中臟者眩仆昏冒痰聲如鋸內有熱風寒風二種熱閉則先用搐鼻散次以牛黃丸灌之便結脹用三花湯冷脫則汗珠頭搖以附子理中湯急救之或三生飲中血脈者口眼喎斜半身不遂大秦芫湯加竹瀝薑汁勾藤二曰寒傷寒是也寒在表則與風之中腑治同寒入裏用附子理中湯法詳傷寒論

三曰暑暑輕者但煩渴益元散足矣暑重者煩喘昏悶消暑九灌之寒包暑者頭痛惡寒而煩渴四味香薷飲加荊芥秦芫若暑天受濕而霍亂藿香正氣散主之更有乾霍亂症吐瀉不得俗名攪腸痧飲入口即敗危症也陳香圓煎湯救之四曰濕或受潮或食冷面黃身重平胃散治之若黃疸則目潮色黃茵陳大黃湯茵陳五苓散茵陳薑附湯若發腫五苓散五皮飲若滲入筋絡肩背臂痛用秦芫天麻湯蠲脾湯五曰燥此症惟秋冬時久晴有之而吃鴉片者更易犯其症鼻乾口渴咽痛舌燥目火便秘乾熱不宜發表宜用生地天冬麥冬花粉沙參元參歸身梨藕蔗汁之類以潤之六曰火治法詳於前熱治中更審其臟腑投涼劑則得矣然中寒則暴痛中暑則猝悶中濕則痰寒中火則竅閉皆能猝然昏倒非中風而似中風謂之類中勿槩作中風治此外感治之也

●傷寒論治

傷寒之症與春溫夏熱不同溫熱症頭痛發熱心不惡寒而口渴若傷寒則異是其病由表而入裡初起時邪在太陽膀胱經則頭痛惡寒發熱脈浮宜加味香蘇散或桂枝湯麻黃湯柴葛解肌湯繼傳陽明胃經則目痛鼻乾唇焦不渴宜葛根湯再傳少陽膽經則耳聾目眩胸滿脇痛口苦寒熱往來頭汗脈弦宜小柴胡湯

此三陽傳經之表症也失治則傳入三陰矣其傳入太陰脾經者則腹滿痛下利脈沉宜大柴胡湯其傳入少陰腎經者口燥咽乾痛利清水目不明危矣宜小承氣湯大承氣湯至傳入厥陰肝經者小腹滿舌捲囊縮厥逆用大承氣湯或有得生者亦有不傳三陰而傳入太陰脾腑者則口渴溺赤宜五苓散傳入陽明胃腑者則譫語狂亂燥渴便閉轉失氣自汗不得眠宜白虎湯調胃承氣湯以上謂傳經傷寒因寒化火也其有初起寒邪直中三陰者其症腹冷痛清吐沫利完穀倦臥肢冷囊縮吐虵舌黑而潤脈沉細此寒症也中太陰脾理中湯中少陰腎四逆湯中厥陰肝白通加豬膽汁湯急投勿緩此係醫中第一要症故專論之

●虛寒論治

虛勞之症大症也固由真陰虧損虛火鑠金而然而其始大半由於外感感邪在肺則作咳嗽治失其宜則咳不已久咳則傷肺金金傷不能生水則腎水日枯腎火日熾上灼於肺再復嗜慾色受外邪以竭其水而虛勞成矣間有本元不足思慮太過而心血耗心火旺腎水乾肺金瘵者其受病不同及其成功一也此等症多見吐血痰湧發熱夢遺經閉以及肺痿肺疽咽痛音啞側臥傳尸鬼注諸疾唯在屏棄一切不近女色調飲食慎風寒息嗔怒靜養二三年服藥可不服藥亦可自然生機徐轉復其天和非日夕所能效也然既有症必有治列方備擇仍在其

人之能養治

咳嗽初起用止咳散加蘇梗以散之如或不已變生虛熱者佐以團魚丸若病勢漸深更佐以月華丸若吐血先用四生丸繼用生地黃湯逍遙散之類元氣虛五味異功散如氣血虛而發熱八珍湯人參養榮湯均可咽痛用百藥煎散音啞用通音煎如遺精用秘精丸經閉澤蘭湯至五臟虛損則補天大造丸用藥之法不過如斯而已此症什存一二其能存者皆自養之功非藥力也

●疫痢瘧腫論治

疫痢瘧三症最多腫最難治故合提而論疫有由天時者有由人染者由天時則邪從經絡入爲頭痛發熱咳嗽頸腫發頤大頭天行之類用香蘇散普濟消毒飲治之由人染則邪從口鼻入爲增寒壯熱胸膈滿悶口吐黃痰之類用神朮散藿香正氣散治之此兩路之邪若傳入臟腑漸至譫語腹脹唇焦口渴者宜治疫清涼散承氣湯治之總不越乎發散解穢清中攻下四法而已痢症則生死所關良由夏秋之際暑熱在中而爲風寒生冷所遏火不得舒迫而爲痢也熱者爲赤寒者爲白熱傷血分者爲赤熱傷氣分者爲白初起時不宜妄攻宜葛根治痢散以解之餘邪未已裡急後重則用治痢奇方以清之腹脹痛有堅積則用朴黃丸

下之日久脾虛五味異功散加白芍黃連木香清補之氣虛下陷者補中益氣湯升提之如邪穢塞胃者嘔逆不食開噤散啟之此一定之治法也瘰則輕於痢矣寒邪入內陰陽相搏初起寒熱往來用香蘇散逐之隨用小柴胡湯和之三四發後止瘰丹加白蔻仁醋炒鱉甲以截之久瘰元虛六君子湯加柴胡補之中氣下陷補中益氣湯舉之此易治也惟腫脹一症目胞與足先腫者水也先腹大後四肢腫者鼓脹也鼓脹症用和中丸虛者白朮丸水腫症四鼓脹而腹不腫者表也腹亦腫者裡也腰以上腫邪在表也宜汗五皮飲加蘇葉秦芫防風荆芥腰以下腫邪在裡也宜利小便五皮飲加赤小豆赤苓澤瀉車前草薺防已但煩渴便閉者陽水熱也五皮飲加連翹黃柏黃芩不煩渴者陰水寒也五皮飲加附子乾薑肉桂先腫而後喘或但腫而不喘者胃經蓄水也五皮飲照前加減治之若先喘而後腫者腎經聚水也金匱腎氣丸治之此症最難收功慎勿悞治更有中風後熱傷經絡足不任地腿腫脹痛者此脈痿也用蒼朮黃柏苓連冬斛歸地苡膝寄生葶藶丹參之類又有腫痛在脚名曰脚氣風濕勝也用檳榔防已秦芫天麻獨活牛膝桑枝木瓜之類

●預備藥物

舊草帽

老絲瓜

灶心土(名伏龍肝)舊毛毡

黃蜂窠

舊辮線

白蟻泥 蟻子窠(即鴛鴦窠)

火腿骨

舊繃線

燕子窠(即燕泥) 蘿蔔菜

舊葵扇

舊竹鍋蓋邊

水仙花連根 舊梳篦

人指甲

鳳仙花子

舊兔毫筆 人頭髮(男女小兒均可用)

舊羊毛襪

抱子鷄蛋壳名鳳凰衣

鏤底烟(名百草霜燒煤不用)

●忌食諸物

春不食肝

夏不食心

秋不食肺

冬不食腎

諸心損心

諸肝損肝

諸血損血敗陽

諸腦損陽滑精

魚餒肉敗

諸脂燃燈損目

經夏臭脯痿人陰成水病

六畜脾一生不可食

四季不食脾

本生命肉食之令人神魂不安

▲禽獸肉忌食

牛獨肝

牛馬生疔死

羊獨角

馬生角

黑牛白頭

黑羊白頭

壽世良方

預備藥物

忌食諸物

馬肝

馬鞍下黑肉

獺犬肉(即癩狗肉)

鹿白臆

獸歧尾

獸並頭

脯沾屋漏水

米囊中肉脯

諸肉經宿未煮

脯曝不燥

肉煮不熟

肉煮熟不斂水

六畜肉墮地不沾塵

以上諸肉食之殺人病人令人生癰疽疔毒

凡禽獸鷄鴨等自死口不閉足不伸及多年鷄頭俱有毒

鴨日白者大毒

羊頭蹄肉極補水腫人食之百無一愈

驢肉及諸魚同荊芥食之殺人

白馬黑頭

馬無夜眼

犬有懸蹄

鹿文如豹

諸獸赤足

猪羊心肺有孔

六畜自死首向北

祭肉自動

六畜肉熱血不斷

生肉不斂水

肉落水浮者有瘟毒

乳酪煎膾

六畜肉與犬不食者

白羊黑頭

白馬青蹄

兔死閉眼

諸畜帶龍形

禽獸肝青

禽獸中毒箭死

六畜至死口不閉

六畜疫病瘡疥死

六畜肉中有米星

六畜五臟著草自動

六畜肉得鹹酢不變色

肉汁器盛閉氣

牛肉同猪肉食之久成寸^白虫 羊血全硫黃忌食

屋漏水滴肉上宜洗淨方可食之否則生毒瘡

猪肉全胡荽食之爛臍 母猪花腸小兒食之生寸白虫

羊肝全生椒食破腸臟 猪油不可與梅子共食

猪肉羊肝全食心悶 猪肝魚膾共食生癰疽

羊蹄上懸白珠者食之成癩 犬肉同菱食生癩

熊肉病人食之終身不治 山鷄全鳥獸肉共食毒人

鷄肉全生葱白朮三味煮食經年七竅流血

鷄鴨蛋有瘡毒人食之惡肉突出(小兒患痘斑症尤忌)

鷄養三年食之毒人鷄頭尤忌食

▲水族忌食

鼈與莧菜同食腹生小鼈最難醫治

魚頭有白色連珠至脊無腮無膽勿食

鱧魚鯉魚鬚赤者食之有舊病必發而死

鰻魚昂首無腮背有黑點二三斤重者食之殺人

鼈目閉及獨目足不伸無裙腹有卜字王字五字紋赤腹三足及隱有蛇皮狀者

食之必死

河豚魚不見樑上灰塵並去盡血子可食否則殺人

鱸魚同諸乳食之變諸虫 魚鮮不可同蜜食

蝦無鬚下通黑瘻之不灣而直食之瞎目

蟹獨螯獨目眼赤六足腹下有毛背有星點忌食 蟹同紅柿食之傷人

▲菓木忌食

瓜李入水不沈者 霜下瓜茄大發者

本瓜赤色仰生者 瓶中養花水酒後食之殺人

土茨菇(即土香芋)與黃瓜同食斷腸無救

蔥汁和蜜全食名甜砒霜殺人無救

土蓴上面有毛下面光仰捲赤色瘻投薑屑飯粒色變者誤食必死

燒酒同生薑食之壞肺

燒酒錫器盛之過宿飲之毒人

楓樹上蓴名曰笑蓴食之令人笑死

杏仁半生食之傷人 草烏汁塗傷處立斃

蕁菜野葛苣多食成痔 胡萎久食耗人心血

芥菜兔肉同食成疾 諸梨凡金瘡損傷及產婦忌食

冰片細辛巴豆三味不可過用一錢多食傷人

黃蠟炒鷄食之殺人

夏月曝衣須過夜裝箱以免冬月取衣感暑

洗衣城水悞食之即脫指甲及口鼻出血

暑天水缸須蓋之恐蛇入水中洗浴蝮虎愛水中交媾悞飲必孕蛇胎蝮蛋

▲孕婦忌食諸物

多食大蒜生子腥臭 食兔肉生子缺唇

食雀肉生子淫亂 食犬肉及鼈生子無聲

鯉魚同鷄蛋食令子生瘡 食薑過多生子多瘡疥及孖指

夫婦返背受胎生啞子

迅雷風烈受胎生子肢體不全非貧即夭

●製食物法

煮肉用籬上舊竹篾捆之則易融爛

煮肉燒肉忌用桑柴火

蒸臘肉或火腿取燒紅炭放皮上略燒片刻則皮易爛

煮臭肉須切片用短稻草同煮其臭氣盡入草內暑天煮凍肉將肉煮透放灰中

過夜則凍

又用洋菜煑融和入亦可

夏月肉用醋煑可留數日

燉羊肉加青草一把易爛而不羶

煑雜色羊肉加松子數粒則不毒投灶邊瓦一片易爛

煑老鴨放灶邊瓦一片易爛

洗猪肚猪臟用鹽或用糖則不臭用麵同洗亦可煑魚臨熟入川椒數粒則去腥

用枳實數片或鳳仙花子數粒則骨軟下木香亦不腥

造魚胙先用鹽並礬醃洗去涎再用炒鹽紅曲米醃透入罈則經久味佳

糟蟹用皂角一寸置罈底則黃不沙亦不散或入白芷黃亦不散

醃薑用蟬退泡水洗再用蟬數個入罈底雖薑老亦無筋

煑笋入薄荷加鹽則不老而味更鮮

醃茄入石綠數顆則切開不黑

食蒜生薑棗子同食則不臭

洗象牙器或用豆腐渣浸擦或用人乳浸半日洗之

象箸油透插入芭蕉梗內則淨白如新

枷楠香枯以新荷葉包裹露過夜則發香如新

寫石碑用皂角水調硃砂寫上不落

▲試肉桂法

將上品肉桂削幾分投開水壺中其沸立止其泡亦頓下矣

▲肉桂(能治噎隔引火歸源)

肉桂上品其油飽滿其皮不及分稍觸之油即溢出所以稱爲肉桂大抵寬厚壯觀者皆不可恃惟潯州之峩桂條狹而皮粗肉薄而油足者較佳紅油紫油者雖厚亦不佳惟以黑油者惟上品蓋黑油能滋陰入腎以收引火歸源之功紫油尙可紅油則反助火上升紅紫油者■其味必辣惟黑油則甜潤可立試而辨別也

▲研珍珠法

用瓦鍋滿盛水豆腐將珍珠放於豆腐內以文火煮一晝夜取出乘熱入瓦砵內研之自易碎爲粉末

▲作玻璃粉

將玻璃燒熱至呆白色忽插入冷水內則自裂爲粉

●頭痛論症

頭者諸陽之首也其痛有各經之不同而治法亦有異也氣虛頭痛者耳鳴九竅不利也濕熱頭痛者頭重如石也風寒頭痛者身重惡寒邪從外入宜汗之也偏頭痛者手少陽陽明經受病左邊屬火屬風屬血虛右邊屬痰屬熱也眞頭痛者腦盡而痛手足冷至節者不治也少陽頭痛者往來寒熱也陽明頭痛者自汗發熱惡寒也太陽頭痛者有痰重或腹痛爲之痰僻也少陰頭痛者三陰三陽經不流行而足寒氣逆爲寒也厥陰頭痛者或痰多厥冷也血虛頭痛者夜作苦者是也眉輪骨痛者風熱痰火也汗虛羞明眉心痛者亦痰火之徵也肥人頭痛者多是氣虛濕痰也瘦人頭痛者多是血虛痰火也風寒惡心嘔吐者乃頭風痛者左痛屬風與血虛也右痛屬痰與氣虛也左右俱痛氣血兩虛也頭旋眼黑惡心者痰厥頭痛也偏正頭痛者風氣上攻肢體酸疼也熱厥頭痛者見火則痛見寒則止也眉稜骨痛者風熱相併也頸項強痛者風所干也雷頭風者頭痛而起核塊也略陳病源俾閱者一望而知因症用藥病可回春亦可爲臨症者指南一助焉

●頭痛論脈

頭痛脉弦浮風緊寒熱必洪數濕細而堅氣虛頭痛雖弦帶數痰厥則滑腎厥堅實

●頭部

▲老人風眩頭昏如半截空虛之象

白羊頭蹄全副水酒洗淨燉食便愈 又方八月初一日平日取百花草頭露水磨墨點太陽穴多次永不復發

▲頭暈昏倒(老人更宜)

生白菓二枚去壳搗爛空心淡水冲服重症不過五服全愈

▲頭旋

如暈船之狀坐臥不安 方用蟬蛻一兩去翅足微炒爲末紹酒調下每服一錢以服至病愈爲止或開水服亦可

治頭疼痛

川芎一錢茶葉二錢水煎服

▲偏頭疼

加冰片少許昂頭灌入鼻中左痛灌左右痛灌右即愈

▲猝然頭痛

壽世良方

頭痛論脈

頭部

皂角研末吹入鼻中大嚏即止

▲頭腦鳴響

狀如蟲蛙名天白蟻用 土茯苓煑猪肉食之神效前後忌茶十日 或用茶子末吹入鼻中自愈

▲頭頂結核如寡蛋響者

此命門火虧也用 寡蛋水酒煑老每食一二個酒送服十餘個全愈

▲禿瘡方

獨核肥皂一莢將沙糖填滿入巴豆兩粒扎好鹽泥煨煨爲末加檳榔末一錢輕粉五分研勻香油調敷剃頭後煎湯洗過溫水再洗拭乾乃搽之

又方 芒硝二錢牛膝三兩水煎加童便半杯沖服立效

▲頭上軟癩

生在鬢邊年久不愈用 野芋頭(俗名諧芋仔)磨醋敷之 或用豬頭上毛貓頭上毛各一撮燒灰雄鼠糞一粒(兩頭尖者是)共研末香油調敷年久不愈亦效

效

▲頭上生瘡乾而無膿

即白禿頭瘡方用 抱過鷄蛋壳名鳳凰窠燒灰研極幼末麻油調搽

▲治鱗癩頭

胞衣瓶內石灰蜜陀僧等分爲末先用花椒湯洗淨香油調敷聽其自落即愈矣
▲太陽出血

有人兩太陽忽起紅瘡用手抓破出血如線不止用瘦猪肉一厚片貼之即止後服元麥地黃湯便愈

▲腦漏神方

一名鼻淵從腦頂一股酸氣由鼻孔流出黃水臭不可聞方用 白色鷓鴣翎毛三錢擦生漆絲棉一塊如無絲棉即揩漆布亦可二種物漆店有買將二味放於瓦上焙脆研末和冰片少許令病人仰臥用筆管吹入三四次即愈屢試屢驗

▲頭面腫滿

雞蛋黃白調勻塗腫處即消

▲頭昏

每早用茯神五錢和腐皮五張煮服即愈

▲頭痛治法

用粗棉線尺許生油浸一時取出絞乾以左右手分執二線頭抽緊於頭額上勒括即覺輕鬆而霍然矣

▲頭面發熱有光彩他人手近之如火燒一樣

葱汁五錢酒調服吐出如虫即安（蒜汁亦可用）

▲腦髓虧耗

用少年人所戴舊氈笠十餘件煎濃湯熬成膏早晚服之自愈

▲小兒頭上生瘡大小不一遍頭皆是

生苦練樹皮(即森木)或樹枝亦可不拘多少用火煨炭研末放地上一二時以去火毒用豬油開搽三四次即愈神妙之至

▲小兒頭面胎毒

桐油調輕粉塗之多年不愈者皆愈 又方水牛糞晒乾燒枯(燒太過不效)搽患處即收水脫痂而愈並治痘後餘毒 又方米湯油洗淨取燕子窩坭用麻油調敷數日即愈 米湯油即米鍋水面濃汁也

▲頭面紅癩(名曰石癩)

菊花葉搗汁調白蜜敷之用渣敷四圍留頭不敷俟毒水流盡即消 如久爛者用舊黑毡帽燒灰調油搽之

▲偏正頭風

此症發時雖盛暑亦覺畏風不可忍方用 舊小襯帽(愈舊愈妙)燒灰入薑汁一兩水煎洗數次即愈 又方用 蕎麥粉炒熱加醋再炒乘熱敷上用布包好勿令見風冷則隨換日夜不斷以愈爲度尋常傷風頭痛可用

▲頭風畏冷

用陳蕎麥麵作餅乘熱貼於頭上患處外用絹布包好出汗風毒盡收入餅內兩次即愈 又方用 葦荳不去皮作枕枕之能治風熱頭痛兼能明目

▲風熱頭痛

薄荷爲末帛包作燃水浸濕塞鼻內

▲一切頭風兼濕氣

瓜蒂松蘿茶爲末臍鼻出黃水立愈 或用筆撥末開豬胆臍鼻作噓立愈

▲千層瘡

此瘡生在頭面愈而復發生生不已故名千層瘡俟破口時用 生白欖核（即青果核）燒灰和鷄蛋油以鴨毛調敷 如無生者用鹹欖核以水煮去鹽味亦可用

▲髮中生節如珠相染不已

此名火珠遲則難治急用 生蘿蔔搗爛好醋浸透敷之即效此林屋山人經驗方也

▲平易方

凡男女孩童突然頭面腫大如斗似如棉花並無寒熱眠食如常取 磨坊飛麵大人先用水漱口後嚼飛麵成絨吐出塗敷腫處自消 或用桑枝燒灰用水淋汗乘熱熏洗亦妙

▲腦漏流臭

甜絲瓜籐近根三五尺許燒灰研末酒調服

▲腦漏鼻涕臭

百草霜即鏤底灰(煤灰不用)研末空心冷水調服一錢

▲禿頭

生黃荳炒黃爲末香油調搽

▲頭上白禿

生鵝油塗在頭上將舊鞋底洗淨烤熱擦之擦盡白皮一連數次以淨爲止

▲禿頭癬癩

大蜂房一個以白礬末填孔內用罐底盛之炭火煨令白礬化盡爲度研末臘豬油和塗

▲白癬頑瘡

木炭燒紅入滾水內溫洗數次自愈

▲頭上癬癩旋生旋好

大蝦去鬚壳將肉搗如坭擦三五次便愈 或用牛骨髓油煎滾加松香一塊溶化將癬癩用刀剃去甲壳以髓油塗數次斷根

▲豬頭風

頭面忽然發腫是用 野苧麻根不拘多少搗極爛敷之即愈外用桑枝燒灰淋汁乘熱燻洗自愈

●面病論

面生瘡者上焦火也面唇紫黑陽明經病也面生粉刺肺火上升也面熱者陽明經風熱也面寒者陽明經虛寒也此面病之大略也

▲面上生瘡

急尋有亮疇牛一二條搗融攤紙上貼之即愈紙上留一小孔出氣初起用之神效

▲抓破面皮

白欖核(即青果核)磨水搽之即愈並無痕跡或用白糖擦之亦妙 又方 生薑自然汁調輕粉末搽之極妙

▲面上黑點

白僵蚕末水和搽之 或用杏仁去皮搗爛和鷄蛋白夜塗之

▲面黚

李核仁(去皮研細末)以蛋白和稀蜜糖調勻夜臥塗之次日以米泔水洗去又用白僵蚕 黑牽牛研細末各等分和蜜日日敷之並治粉刺

▲面黑令白

雞蛋三枚紹酒浸緊封二十八日取出每夜以蛋白搽面久之自白

▲面鼻赤泡

蜜陀僧不拘多少研末臨臥乳汁調敷面上次日洗去敷三五次即瘥

▲鼻瘡

杏仁去皮尖研末和乳汁調搽患處

▲疔腮方

石灰不拘多少炒七次每次放地上一點鐘內去盡火毒候冷開醋調搽腫處立消陳者更佳 或用蝸牛搗爛調敷即愈

▲雀斑治法

用茄子一枚切成小片擦抹患處日三次用刀將斑刮破再擦三四次即起痂次日用藥規洗去則斑點盡脫面部一新不刮破亦可不過收效較遲耳經驗多人

▲美容新術

荳粉十兩珠末五分生松子肉一錢磨粉 三味共研勻用磁瓶封固每早起用藥五分化鮮人乳或牛乳擦面上不及一月面白且美屢驗

▲冬天面唇皸破

熟豬油夜敷之自愈

▲嗜茶面黃

樵子七個每日食之以面改色為度

▲下頰脫落(俗名脫下耙)

此症起於腎肺虛損元神不足或談笑高興忘倦一時元氣不能接續以至頰脫急令病者平身正坐令人以兩手托住向腦後送上關竅隨用絹條兜頰於項上須要避風外用 天南星研末薑汁調塗兩頰一夜即上次日當服湯藥調理恐風火邪侵致痰涎壅盛口眼歪邪風中臟腑十無一瘳 又方烏枚搗泥為餅塞滿牙盡處張口流涎隨手撥上 又方用蘇葉八兩煎水燻之即效

▲頰頰熱腫(俗名撐耳風又名炸腮)

絲瓜燒灰研末水調搽之 或用赤小荳末和蜜塗之 或加芙蓉葉末敷之

◎眉部

▲眉毛不生

桑葉七片日日洗之一月復生如舊髮落亦然

▲眉毛搖動晝夜不睡喚之不應但能飲食

大蒜二兩搗汁兌酒飲自愈

● 目科論症

夫人之有兩目猶天之有日月也視萬物察秋毫莫不端資乎自然日月有時而晦者風雲雷雨之所致也眼目有時失明者四氣七情之所害也大抵目爲五臟之精華一身之至要故五臟分五輪八卦名八廓五輪者肝屬木曰風輪在眼爲鳥睛心屬火曰火輪在眼爲二鬚脾屬土曰肉輪在眼爲上下胞肺屬金曰氣輪在眼爲白睛腎屬水曰水輪在眼爲瞳子至若八廓無位有名胆之腑爲天廓膀胱之腑爲地廓命門之腑爲水廓小腸之腑爲火廓腎之腑爲風廓脾之腑爲雷廓大腸之腑爲山廓三焦之腑爲澤廓此雖爲眼目之根本而面爲包絡五臟或蘊積風熱或七情之氣鬱結不散上攻眼目各隨五臟所屬或腫赤而痛羞明怕日養澁難開或雲翳內障白膜遮睛其症七十有二治之須究其所因風則驅散之熱則清涼之氣結則調順之翳障則點退之腫痛則消止之此治目之大略也切不可用針刀鉤割偶得痊愈出乎僥倖耳又不可過用涼藥燻其面目使血不流暢而成痼疾凡腎虛者眼目昏花當補煖下元以益腎水而目疾又有南北之分北方之人患眼者甚多皆是日冒風沙夜臥熱炕二氣交蒸使然治之宜用涼藥與南方不同故也至小兒痘疹之後毒氣流於心肝二經以至上攻眼目視物不明常見黑花當風多淚癢澁難開久生翳障或婦人面風時發眼目暴赤或因

氣惱有傷心肺二經日久生翳障膜遮睛因循不治雲翳漸厚視物不明而爲終身之害矣可不謹哉

大眚赤紅肉堆起者心經實熱也小眚赤紅絲血脹者心經虛熱也烏睛紅白翳障者肝病也白珠紅筋翳障者肺病也上下眼胞如桃者脾病也迎風流淚坐起生花者腎病也赤而痛者肝實熱也羞明怕日者脾實也視物不真者脾虛也眇多結硬者肺實也眇稀不結者肺虛也拳毛倒睫者脾風也努肉攀睛者心熱也畫則明而夜不見者名曰雀目瞳子黑白分明視物不見謂之青盲至若暴發赤腫者肝經風熱之甚也久病昏暗者腎經真陰之微也內障者腎病外障者肺病也能遠視不能近視者火盛而水虧也能近視不能遠視者有水而無火也按症服藥宜審慎焉

脉眼本火病心脉數洪右寸關見相火上衝

▲雙目不明

鷄胆一個入蜜半匙以線捆好再入猪胆內掛房檐下通風不見日處二十一日去猪胆留鷄胆先以人乳點患處潤之少刻用骨簪蘸鷄胆點上遍身生涼流淚出汗二三次即明忌茶百日用霜降後桑葉煎湯代茶飲並戒惱怒酒色爲要

▲目赤不明老眼昏花（大利老眼）

海鹽二斤揀淨以百沸湯泡透取清汁於銀石器內熬取雪花白鹽用磁甌滿貯

每早用一錢擦牙以水漱口用左右手指互以口內鹽津細洗兩眼大小皆內閉目良久然後用水洗面久久行之自能洞視千里此方明目固齒簡易良法幸勿輕視

▲翳障遮睛

鵝不食草（一名移星草）左眼塞右鼻右眼塞左鼻便退 或用白蠶魚研末注少許於翳上一日二次以愈爲止 或用刀刮指甲末合乳汁調點三五次亦消

▲眼上生膜

蛤胆調乳汁點之立愈

▲目不能遠視

羊肝一具去膜細切以葱子一杓炒爲末用水煮熟去滓入米煮粥食 或用銅器煮羊肝用麵作餅覆器上鑽兩孔如人眼大以目向上燻之

▲明目無價丹

夜省看書一減思慮二專內視三簡外視四晨興遲五夜眠早六凡此六事熬以神火下以氣飲運於胸中納諸方寸修之一時長服不已非但明目亦可延年此方始於上陽子以授魯門左邱明卜子夏左太冲凡此諸賢皆有目疾得此俱愈

▲七十二種眼痛

羊膽一枚入蜂蜜一錢用線捆好兩手揉勻用涼水煮一滾即取出涼水浸半日

去水傾內汁點之

▲夜不合眼

燈草煎湯代茶飲即思睡矣 如晝夜不眠火炙新布熨目並蒸大荳更番囊盛枕之冷則再易終夜枕之即愈

▲眼皮生珠

黃丹五錢鯉魚胆汁調和如膏點三五次即消

▲眼皮生瘤

櫻桃核磨水塗之

▲兔毛入目

白礬一大塊水洗去塵垢以舌舐白礬良久其毛從舌根上出

▲竹木刺入目

地蠶搗爛塗之立出

▲麥芒入目

以新布覆面將活地蠶一條從布上摩之芒著布上出 或用大麥煮汁洗之

▲飛沙入目

鷄胆汁點之用指甲末均可

▲烟尿入目

用亂髮或髮纒緩擦之切不可用湯水洗

▲石灰入目

生山枝煎濃汁不住手洗即痛止腫消

▲煎油爆入眼珠痛不可忍

用赤金葉愈多愈妙煎水洗之立時止痛洗二三次眼目如初靈驗之至

▲花炮火藥傷目

急令傷者臥地用熱小便澆之然後用自己小便徐徐洗之即明

▲眼目打傷青腫

生半夏爲末水調塗之即愈

▲鷄盲眼(大小並治)

明雄黃(水飛候乾研細)每日用五厘以活雞剖取熱肝搗和溫酒調服 或用

雞肝一具不見生水以車前子末一錢共搗爛飯上蒸熟以夏枯草湯送服

▲雞盲眼

用黑鱈魚即侯魚之魚五臟洗淨并用雞蛋兩個搗爛和魚臟飯面蒸熟食二三

次便愈

▲痘風眼

蛔虫搗爛取汁塗眼邊上永無再發如無蛔虫即蛆虫亦可用並迎風落淚久近

可治

▲風弦爛眼

雞冠血點之一日三四次 或用青礬火煨去毒研末湯泡澄清點洗之 或用女貞子(即冬青樹子)陰乾按歲服之風爛可除至老目明 或用晚蠶沙入麻油浸透研塗之

▲目赤流淚痛癢晝不能視夜畏燈光

羯羊胆 蜂蜜以蜜入胆內蒸熟候乾細研爲膏每含小許或點目中神效 此足少陽厥陰藥也羊胆苦寒瀉熱蜂蜜甘潤補中煖肝名二百味草花膏以羊食百草蜂採百花也時珍曰肝開竅於目膽汁減則目暗目者肝之外候膽之精華也

▲目中淚出

食鹽點目中冷水洗數次即愈

▲風眼下淚

臘月不落桑葉日日煎湯燻洗

▲男婦老幼火眼

瓦松搗爛用紙攤放眼胞皮上乾又換貼之

▲火眼(凡暴發赤腫疼痛流淚隱澁難開者是)

善世良方 目部

大黃末三錢取新汲水調塗兩眉心及兩眼胞乾用水濕之 或用生薑切片貼眼皮四圍即愈 或用田三七末水調塗眼皮上

▲目赤熱痛

田螺一個入鹽花少許取汁點之

▲目赤癢痛

用人乳浸黃連頻點皆中能治目中百病

▲目腫

五楮子煎水洗之

▲目赤腫痛

用自己小便乘熱細帕抹洗即閉目少頃如此數次即愈 或用豬膽汁一杯和食鹽五分銅綠五分點之 或用黃丹調蜜糖貼太陽穴立效 或用甘草水磨白礬敷眼皮上 或用豆腐貼之 或用決明子炒研茶調敷兩太陽穴乾則易之一夜即愈(並治頭風熱痛)

▲目中白珠全黑毛髮堅直如鐵能飲食而不語如痴如醉名血潰症

五靈脂研末二錢酒調服之

▲眼赤鼻張氣喘渾身出斑毛髮如鐵乃熱毒結於下焦亦名發斑

白礬滑石各一兩研末水三碗煎至一碗半頻服

▲兩目忽然不見

取地上三尺下黃土攪水澄清洗之即愈此葛仙肘後方也 或用老薑一枚令人嚼之即以舌日舐目六七次以明爲止

▲目赤腫痛數日不能開者

生薑一塊洗淨去皮用古銅錢刮薑汁點之初點頗痛點後即愈 或用自己小便乘熱以綢帕輕輕蘸洗即閉目少頃便開此以真氣而退肝熱之法小便頭尾不用

▲眼生星翳

白鹽少許研細末燈心蘸點三五次不痛不碍屢用屢效 或用葶薺（即馬蹄槌碎取汁成粉去渣取粉加冰片點之如不見效照風火眼痛治之 或用萐菜根洗淨用結葉外裹男左女右塞鼻中過夜即愈 或食葶薺十數日自退

▲眼中起翳肉

此症不過半日即遮白眼一日即遮黑眼用刀上鐵銹滴涼水少許用快子頭磨起銹水點患處頻點頻開 或用好梨一個搗汁以綿裹黃蓮少許浸汁仰臥點之

▲目中生管

即翳肉之類前列各方可治用 生白蜜塗目仰臥半日洗去每日一次自愈

▲眼漏流膿

將目閉住用熟牛糞敷一日數次數日即愈

▲眼胞忽然紅腫發癢

俗名偷針眼方用 白芨磨水點之甚效 或向背上膏盲穴處（由頸上數下第三節骨兩旁是）有紅點用針挑破即愈如不用針挑用燈草即燈心燒即愈 若不見紅點用大梳向背上頻頻刮之紅點自現

▲眼胞生珠生菌堅凝不痛

取過江蛛蜘蛛絲纏之即落（凡蜘蛛牽絲搭過屋者謂之過江） 或用櫻桃核磨水搽之自消

▲眼珠縮入

老薑燒熱敷眉心即愈

▲眼珠無故湧出垂下大便下血亦有不便血者名肝脹症

急用手托好拍入眼內莫斷血線斷則不治即用薑活煎濃湯乘熱先燻後服即入 或用薑活燒烟燻之更妙 或用新汲井水洗眼數次即入

▲眼珠傷損

凡眼珠打出或觸傷腫痛或火胞沖傷方用 牛口涎日點二次避風即愈 忌酒並各熱物如火藥傷眼欲瞎者急用熱小便頻洗即愈

▲塵芒入目

生藕汁滴入自出 或用手抓頭髮垢膩點之即愈

▲飛絲入目

雜物入目亦可用 好墨磨濃用新筆蘸墨點眼角內閉目片時其絲自然成塊
用手輕抹即出並可散翳奇效之至 或用手指甲以刃刮細末燈草蘸點一二
次入眼內用手搓目片時其絲即出二方可以兼用

▲眼瞠成漏

凡眼下空處生癰出膿流水不乾日久成漏諸藥不效方用 柿餅去皮取肉搗
爛塗之十日全愈

▲拳毛倒睫

眼毛顛倒捲縮刺目者方用 冬天壁上乾蒼蠅研末時向鼻內嗅之即愈 或
用青鹽火煨以碗合地上出火氣研細每用五分熱湯半盞泡溫服之 或用五
棗子爲末蜜調敷眼皮上其睫自起 或用虱子血點入眼中數次即愈

▲風火眼痛

眼紅癢者是 凡兩目腫脹赤甚痛甚作癢多淚畏日畏風容易惹人鼻塞腦酸
諸病皆是但洗眼時務在帳內方可避風即帳內脫衣揭被亦有風動俱宜留意
若不謹避即不效方用 上白糖一斤分三天九次開水和服每日三服早晚中

三次三日全消不必再服此方不拘老少胖弱俱宜

▲眼生偷針

生於眼皮上如赤珠由脾經風熱所致方用 熱鹽水洗之 或用鷄蛋青調熟明礬末敷之即消 或將耳對接用燈草火向接角處一燒其瘡自愈左眼燒左耳右眼燒右耳兩眼燒兩耳各一炤自愈 或用白芨磨水敷之

▲洗眼神方

山西太原守樂景錫失明十九年忽有神人傳一靈方用 厚樸五分清水一碗煎至五分逐月洗之即愈未洗之先須齋戒沐浴將洗之際須迎日光焚香一日三次其方已傳七代愈人不少也

▲洗眼日期(用舊歷)

- | | |
|--------|--------|
| 正月初三日 | 二月初六日 |
| 三月初三日 | 四月初五日 |
| 五月初五日 | 六月初四日 |
| 七月初二日 | 八月初九日 |
| 九月初十日 | 十月初三日 |
| 十一月初四日 | 十二月初四日 |

●耳科論症

耳者腎之竅腎虛則耳聾而鳴也耳左聾者忿怒動膽火也耳右聾者色慾動相火也兩耳俱聾者厚味動胃火也兩耳腫痛者腎經有風熱也兩耳出膿者腎經亦有風熱也有氣閉耳聾者候氣復順自明也
脉耳病腎虛遲滯其脉浮大爲風洪動火賊沉瀦氣凝數實熱塞此久聾者專於腎責暴病浮洪兩尺相同或兩尺數陰火上衝

▲少年耳聾

木耳一撮醋炒白糖拌食

▲久年耳聾

巴豆一粒不去油斑蝥三個共搗爛加射香少許以葱汁蜂蜜和捻作錠如麥粒大用絲綿裹置耳中響聲如雷切勿驚慌待二十七日耳中有膿水流出方可去錠奇效非常

▲腎虛耳聾嚮如風水鳴如鐘磬聲

白毛烏骨雄雞一隻洗淨以無灰酒三大碗煑熟食三五隻見效 婦人用烏骨雞雞亦合

▲暴聾

鯉魚腦髓二兩粳米三合和鹽醬煮粥食之 或用檳榔一個剝一孔如錢眼大實以麝香安患耳肉上以艾火灸之不過二三次即愈（十合爲一升）

▲猝然耳聾氣閉

蚯蚓（即地龍）一條入鹽少許放葱管內化水點之立愈真奇方也

▲耳聾耳鳴

甘草胭脂甘遂各一錢研末用少許以白棉裹之日夜換塞兩耳自通

▲耳聾神方

巴豆一粒斑毛三個冰片射香各少許共爲末以葱蜜和研如麥形新綿裹葱蜜入耳中嚮音如雷勿得驚駭三七日取出便愈

▲諸般耳聾

棉裹珍珠塞耳內自通 或用好新鐵片三塊咬口內好磁石塞兩耳內靜坐覺耳內鳴響便效有頃刻通者有數日通者

▲耳鳴

生地切斷紙包火煨塞耳頻頻易之

▲耳痛

鬱金浸水滴之 或用枯礬末加冰片吹之（流膿亦合）

▲耳內流水或流膿

香附末搽之 或用五焙子燒灰爲末吹之

▲耳鼻流血不止(不急救即死)

生地一兩麥冬一兩淨水煎服即愈

▲耳漏及耳底痛

蓮子心田鷄骨二味炙黃爲末加冰片一分和勻吹之止痛

▲水銀入耳(最易蝕腦)

以金枕耳邊自出

▲耳閉不通又作痛

每日平明以大拇指指捏住鼻孔勿令泄氣咬牙拏目口唇閉緊使氣俱入耳竅
悶極放手時時行之久則自通 或用大田螺一個撥開蓋入麝香五厘俟化水

滴入耳內即愈

▲耳被挖傷

金頭蜈蚣一條瓦上焙枯研末吹之立效

▲耳內生粒如棉子大極痛名耳疔

人指甲瓦上焙枯研末加梅花冰片少許吹入耳內極效

▲耳疔震耳纏耳停耳風耳

各症俱係耳內悶腫出膿但膿色不一而名各異耳疔則出黑色臭膿震耳出青

膿纏耳出白膿停耳出黃膿俱由胃濕與肝火相兼而成惟風耳則出紅膿偏於肝經血熱也方用

青魚膽和冰片少許滴之即愈 或用抱過鷄蛋壳內白皮炒黃研末香油調灌耳內痛即止 或用頭髮瓦上燒灰爲末每一錢加冰片七厘研末少許入耳甚效

▲耳內膿血腫痛有虛有熱其症不一甚至痛不可忍夜難安枕用上各方便效如不效用

葦菜自然汗灌入百發百中其效如神

▲耳內如有蟲走或血水流出或乾痛雖忍蛇蛻皮燒灰研末吹之立愈

▲耳內耳外生瘡

蚯蚓糞爲末吹入或用麻油搽調

▲耳下生瘡時出膿血數年不愈鉛粉搽之三日收功

▲兩耳脫落兼治鼻落

用人髮入瓦罐內以鹽坭封固煨過爲末急以所傷耳鼻蘸藥安於舊處再用老薑嚼溶四圍厚敷用綢捆定自安

▲諸蟲入耳

凡諸蟲入耳不可驚動用手緊閉耳鼻閉口不言蟲入之耳不閉少頃自出或用好醋麻油韭菜汁葱汁薑汁此數種隨便而灌耳中其蟲自出如在夜間暗入者切勿驚慌響叫逼蟲內攻宜端坐點燈草向耳竅其蟲見光自出若有人在旁其蟲不出人皆避開方效

▲壁虎入耳

鷄冠血滴入即出

▲蜈蚣入耳

生薑汁或韭菜汁灌入即出

▲飛蛾入耳

用銅器向耳邊敲打自出

▲蛆蟲入耳

皂礬末摻之即化爲水 或用杏仁搗如泥取油滴入耳中非出即死

●鼻科論症

鼻塞聲重流涕者肺感風寒也不聞香臭者肺受風熱也鼻淵者膽移熱於腦也鼻赤者熱血入肺成酒醴也鼻頭紫黑者屬風寒血冷則凝滯不散也

脈右寸洪數鼻衄鼻齩左寸浮緩鼻涕風邪

▲鼻孔生玉筍

若左右兩鼻陡然長出肉筍二條痛癢不可忍者用 食鹽五斤分作兩股先將一半炒熟放足底下使熱氣入內其肉自縮後將一半炒熟以便接續替換不可間斷以肉筍縮盡爲度應驗非常

▲鼻中肉墜

藕節要有毛處一節燒枯爲末吹患處立愈

▲虫吃鼻子

用鯽魚一尾破開洗淨後用砒霜放入腹內以泥包好放於柴火內煨俟泥紅時取出研末用紙包好放地上一小時以去火毒然後搽之即愈

栗

▲鼻衄

栗

子壳燒枯研末粥湯調服二錢 或用生 子衣陰陽瓦煨灰研末噴鼻即止
久疔除根 或以乳頭對鼻孔擠乳汁入鼻內立止 或用蘿蔔汁半盞入酒少許熱服並注鼻中

▲鼻血不止

用大蒜一個去皮研如泥作錢大餅子式如係左鼻血出貼右足心右鼻貼左足心兩鼻貼兩足心 或用白芨末唾津調塗鼻上山根處即止 或用黑枝甘草

等分爲末吹之即止 或用燈草一莖點清油燒之在少商穴燒一炷立止穴在兩手大指內外甲縫之中不上不下處即是左流燒左手右流燒右手雙流燒左右手有人鼻血三日不止口內亦流百方不效勢甚危急用此立止止後半刻復流仍在原處燒之而止如原處起泡將泡挑破燒之止後服艾栢飲二三劑方免復發之患(艾栢飲查驗方新編鼻部便知) 或用線扎緊手之中指第二骨節彎屈之處即止左流扎右右流扎左雙流雙扎極效止後緩解 或用韭菜搗汁蒸微溫服其效無比

▲鼻血神方

胎髮龍骨等分焙成灰同烏梅炙脆研末吹入鼻中

▲鼻孔爛穿

五倍子放新瓦上煨黃色研末以黃蠟與豬油和勻敷之

▲鼻内生蟲

韭菜子燒烟向鼻薰之引虫出淨自愈

▲鼻内生瘡

苡米 冬瓜煎湯當茶飲之神效 或用杏仁(去皮尖)搗爛成膏用人乳調塞

鼻內 或用嫩桃葉搗爛塞鼻內無葉用枝亦可

▲鼻中生痔

生藕節連鬚瓦上焙枯研末和冰片調敷 或用冰片點之雖痔肉垂下亦入

▲鼻中肉塊(並治鼻中生瘡俗名息肉)

生藕節連鬚瓦上焙枯研末吹入其肉自落 或用枯礬生豬油和勻棉裹塞鼻中數日肉隨藥出

▲鼻流清涕不止

生花生四五斤入鍋內令本人親手拌炒數次即愈

▲鼻流臭水(名鼻淵又名腦漏)

此症從腦頂上一股酸氣由鼻孔而下臭不可聞用老刀豆焙枯研末酒調服三錢重者不過三服即愈

▲鼻塞出水日久不聞香臭

鐵鎖鬚磨石上取末和生豬油塞鼻有肉虫出即愈

▲鼻中生毛晝夜可長一二尺漸粗如繩痛不可忍

此食猪牛羊血過多所致用 猪毛焙枯研末吹入鼻中即愈如食牛羊血過多者或加牛羊毛亦可

▲鼻準紅赤

食鹽研末每早擦牙含水漱口吐入手中洗面月餘自愈 或用白菓嚼融和甜酒糟夜敷日洗甚效 或用大黃朴硝爲末口水調塗鼻上

▲鼻流血方

用廣東熟煙一撮向兩耳後上邊貼上其血立止 或用青苔貼額門穴上立止
或用乾蘿蔔菜豬精肉同煮食之 或用烏荳二兩煎水加冰糖入內食之

▲豆塞鼻管

有小兒以豆誤塞鼻管而不能出但將此兒兩耳與口掩緊不使通氣乃以筆管
吹其無豆鼻孔則豆自出

▲鼻口出腥臭水以碗盛之狀如鐵色蝦魚走躍捉之即化水名曰肉壞
多食鷄肉自安

▲鼻口出血不止

用多年尿壺火上烘熱向鼻薰之立止如神 或用韭菜搗自然汁半碗飲之立
見功效

▲治鼾聲法寢發鼾聲者

每夜臥時以冷水漱口即不發

●口舌論症

經言舌乃心之苗此以竅言也以部分言之五臟皆有所屬以症言之五臟皆有
所主如口舌腫痛或狀如無皮或發熱作渴爲中氣虛熱或眼如烟觸體倦少食

或午後益甚爲陰血虛熱若咽痛舌瘡口乾足熱日晡益甚爲腎經虛火若四肢逆冷惡寒不思飲食或痰甚眼赤爲命門火衰若發熱作渴飲冷便閉爲腸胃實火制發熱惡寒口乾喜湯食少體倦爲脾經虛熱若舌本作強腮夾腫痛爲脾經濕熱若痰甚作渴口舌腫痛爲上焦有熱若思慮過度口舌生瘡咽喉不利爲脾經血傷火動若恚怒過度寒熱口苦而舌腫痛爲肝經血傷火動病因多端當臨時血宜凡舌腫脹甚宜先刺舌尖或舌上或邊旁出血泄毒以救其急惟舌下瀝泉穴此屬腎經雖宜出血亦當禁針慎之

一口舌生瘡咽喉腫痛燥渴便閉此三焦實熱也用涼膈散加減頻頻陰咽不可頻服恐上熱未除中寒復生變證莫測也

一口舌生瘡發熱惡寒神勞體倦不思飲食此中焦虛熱也用補中益氣湯加麥冬五味子

一口舌生瘡口乾飲湯不止乃胃氣虛而不能化生津液也用七味白朮散

一口舌生瘡飲食不思大便不實中氣虛也人參理中湯若手足逆冷腹痛中氣虛寒也加附子

一口舌生瘡糜爛或晡熱內熱脈數無力此血虛而有火也用四物湯加白朮茯苓麥冬五味牡丹黃柏知母

一口舌生瘡食少便滑面黃肢冷火衰土虛也用八味丸

一口舌生瘡日晡發熱作渴睡痰小便頻數腎水虧損下焦陰火也如滅八味丸若熱來復去晝見夜伏見晝伏不時而動或無定處或從腳下起此無根之火也亦宜八味丸又以附子末唾津調搽湧泉穴若概用寒涼之劑損傷生氣爲患

既輕

一口臭牙齦赤爛腿膝痠軟或口鹹此腎經受熱也用六味地黃丸

口瘡者三焦火盛也口苦者心熱也口甘者脾熱也口辣者肺熱也口鹹者腎熱也口酸而苦者肝膽有實熱也膽熱而口苦者乃謀慮不決也

口舌生瘡脈洪疾速若見脈虛中氣不足

▲口苦方

黃連去鬚爲末水調服

▲口辣方

桑白皮 地骨皮各二錢甘草一錢水煎飯後服

▲口渴心熱

天花粉水煎當茶服之

▲口出臭氣(胃熱也)

大茴香糞蘞及生食甚效 或用紅砂糖漱解之

▲口臭齦腫及牙齦腫痛

壽世良方 口舌論症

北細辛一兩煮取濃汁熱含冷吐甚效

▲口瘡

朴硝含之 或用生黃柏蜜炒研末塗之

▲滿口潰爛

青銅錢二十文燒紅投醋中將醋服之用酒亦可 或用生薑汁時漱吐或塗瘡上 或用蘿蔔汁頻漱去涎 或用鷄肫皮即鷄內金燒灰敷之

▲冰砂毛毒

口內忽然腫痛牙肉黑色牙將脫落者是用甘草煎水含之 再取牛喉切片瓦煨桑蠟蛸煨共研末加冰片少許用鴨毛挑搽口內各處去清涎毒再含甘草水漱之痰涎去淨即愈

藥末

▲口眼歪邪

爲邪風所吹方有是症用 草麻仁搗膏左歪貼右右歪貼左即止

▲口內上腭生癰

一名懸癰生口上腭形如紫葡萄舌難伸縮口難開合鼻內出血時發寒熱急用食鹽燒紅枯礬各等分研細末以快子頭蘸點每日三五次自消

▲口舌生瘡

一名口糜用茄蒂燒灰敷之 或用吳茱萸去梗研末好醋調敷兩足心過夜即

愈 或用柴胡地骨皮各二錢五分煎服

▲口臭難聞

每夜臨睡時含荔枝肉一二枚次早吐去半月見效 或用眞霍香常含口中即解

▲夜臥口渴喉乾

元參二三片含口中即生津液大有功效

▲治寢言法

以艾炙章門穴必愈

●唇部

▲口唇腫黑痛癢難忍

古銅錢四個於石上磨豬油時時擦之

▲口角生瘡

燕子窩連泥帶糞研末麻油調擦 或用砂仁壳放瓦上火焙研末敷之即愈

▲口角四圍乾燥時以舌舐口水滋潤紅腫難堪

松毛(即松針)煮豆腐約半日久取豆腐貼之日換數次雖多年不愈亦能斷根 或用熟礪砂時時點之亦妙

▲口唇緊小

此名繭唇又名翻唇初起口緊不能飲食若不急治難救用新白布作捲如酒杯大燒燃放刀口上俟刀口汗出取汁搽之日擦十餘次並以青布燒灰沖酒服極效 或用五倍子柯子肉等分爲末香油調敷神效

▲唇破生瘡

瓦松生薑汁搗溶入鹽少許敷之

▲唇邊生瘡多年不愈

藍靛葉取汁洗之數日即愈

▲冬月唇乾血出

桃仁搗爛豬油調敷

▲人中生瘡(俗名馬嘴疔)

坑蜆一二個搗爛加冰片敷之 或用百草霜(即鏤底烟)和冰片調茶油敷之 或用白菊花葉和紅糖搗爛敷之 或用生蠔仔貼之立刻止痛或用馬前子(忌食)磨醋擦之 或用蟾子窠水飛淨調黃糖敷之

▲嘴唇陡然翻突形如猪嘴

此名唇菌症乃心脾熱毒所致對時必死(無藥可救)急燒兩手少商穴(在大指內外甲縫之中不上不下即是)即用活地龍(即蚯蚓)十條搗爛 吳萸

二錢研末加灰麵少許熱醋調敷兩足心用布摺住半日一換以愈爲止

▲口唇連環生疔瘡七粒（名七星攢月危症也）

用十二歲內小兒所下虻虫（即屎虫）百條搗餅疊敷之即愈 凡疔生口唇上看大腿腕有紫根起者急用銀針刺出血即愈

舌部

▲舌脹滿口

此症由心經火盛以致卒然舌大腫硬咽喉閉塞即時氣絕名曰鑿舌至危之症急用 皂礬不拘多少用新瓦煨紅色放地上攤冷細研以磁羹攪開牙關或用鹽梅擦之或用半夏擦之牙關自開將 皂礬末搽舌上立效再用 鍋底煙三錢調酒送服若舌腫而喉內有痰者即是喉風須查咽喉各方治之 或用雄鷄冠血搽舌上咽下即愈

舌忽腫出口外或長數寸

此症由心經熱極所致方用 雄鷄冠血一小盞以舌浸之即縮 或用真川連三四錢煎濃汁以舌浸之亦效

▲舌忽縮入

銀針刺破舌尖出盡惡血以臘燭油擦之即愈

▲舌上生菌

此惡症也初起如豆漸大如菌疼痛紅爛無皮朝輕暮重由心脾熱毒所致急用蜘蛛絲搓作線一條打圈套在菌根上其絲自漸收緊收至極痛忍耐片時菌落血出用鑊底煙敷之 或用蒲黃末敷之亦效

▲舌下腫痛

此亦重舌之類用 蒲黃五錢煎濃汁去渣含口中數次極效 或用生銹鐵鎖燒紅打下銹研末水調一錢含咽而愈

▲小舌落下

俗名跌落吊鐘在喉嚨之上用白欖(即青果)連核燒枯研末吹之即止 或用吊仰塵灰點之 或用食鹽炒熱點之均效 宜先用快子將舌根壓住然後吹點方上

▲重舌齶齦老幼皆治

凡重舌者乃舌下生舌重齶乃上齶皮腫如水泡重齶乃牙牀起腫皆用針刺患處(當中不可刺)及紫脉令出惡血用 生蒲黃末搽之即愈

▲治重舌乃

生松毛一握煎烏醋二大碗候冷以醋含口內即有痰涎流出涎盡而小舌便焦即用 百草霜和冰片點之即愈 或用冰片黃蓮末擦之亦效

▲舌出不能入
葶麻油蘸紙作燃燒煙燻之即收

▲舌出寸餘

傷寒常有此症連日不收方用 梅花冰片爲末擦舌上應手而收症重者須用一錢方效 或加硃砂一錢開豬膽擦之更妙

▲舌腫不消

百草霜（即鑊底烟）調醋敷舌上乾即再敷須臾便消 或用黃連煎水服之以瀉心火其效尤速

▲舌硬出血

百草霜調鹽醋含咽數次 或用木賊煎水漱口即止

▲重舌腫脹

生銹鐵鎖燒紅打下銹水研末水調一錢含咽立愈

▲舌上生胎

薄荷煎水含漱並治口臭 或以新布蘸井水抹舌後用薑片時時擦之

▲木舌腫滿

糖醋時時含漱 或用地鼈虫炙五枚入鹽五錢爲末水煎十沸乘熱時時含吐至愈乃止 或用蒲黃末八錢敷之自消

牙痛論症

牙痛不外風火虫三項又有虛火實火之分虛火其痛甚緩日輕夜重實火痛不可忍風痛者痛而且腫甚至頭面皆痛呵風亦痛虫痛者發時必在一處叫號不已亦有虛痛總在一處者治法雖多初服甚效而再發服之不效蓋虛實風火各有不同也

牙痛者胃火盛也開口呬風則痛甚者腸胃中有熱也開口則臭不可聞者腸胃中有積熱也蟲食而痛者腸胃中有濕熱也牙齦宣露胃中客熱也走馬牙疳者上焦濕熱也齒動搖者腎元虛也

齒痛腎虛尺濡而大火炎尺洪疏搖豁壞右寸關數或洪而弦此屬腸胃風熱多涎

▲ 踮齒疼痛

烏賊骨(即墨魚骨)研粉調醋左齒痛塗左齒右齒痛塗右齒

▲ 牙痛方

乾薑一錢紅丹三分爲末擦之立止 或用葶藶十一粒胡椒七粒共搗極碎用綿裹如黃荳大用一粒咬於牙痛處其痛永除如疼極不可忍先以燒酒漱口吐去然後點藥立愈 或用檳榔葉十塊(男雙女單)生鹽一撮共搗爛敷患處

或用熟晒蠨螋（即蠨螋乾）不拘多少煎粥食或煎水食可治腎火牙痛蓋蠨螋最去腎火愈後不可多食 或用生地二文皮硝一文搥爛敷之即止 或用杉木煎水漱口

▲秘傳牙痛方（名千金一笑）

用巴豆一粒（去壳取仁）以龍眼肉包好含患處一炷香久取出其涎水隨藥而出吐清涎水便愈切勿咽下令作嘔洩慎之

▲蟲蛀牙痛

用新白洋布一條捲胡椒末一撮如豆大蘸生菜油（以濕透爲止）向燈上燒紅塞入蛀牙痛處立刻止痛連燒二次下次再痛再燒一次永不再發眞神方也該椒末燒紅放入蛀牙內毫無痛苦幸勿畏視

▲風火牙痛

腮門發腫呵風痛者亦是用荔枝連壳燒枯研末擦之 或用燒酒浸花椒常常漱之 或用紋銀一兩燒紅淬酒一盞熱漱之 或用生地搗爛加樟腦少許捶勻貼患吐盡涎水即愈

▲蟲牙痛

痛在一處有膿無膿皆是用枸杞根白皮煎醋漱口蟲即流出 或以葦子煎濃湯漱口其蟲亦出 或用天仙子不拘多少燒煙以竹筒抵牙引烟燻之蟲死

或用雄黃末和棗肉爲丸塞牙縫內 或用五倍子煎濃汁含漱數次即愈

▲火牙痛

生石羔研末擦之且能固齒 或用松木節一片咬痛牙上即刻止痛

▲牙疼方

黃薑白芷細辛各五分爲末擦患處須臾以鹽水漱口如遇面赤腫加姜湯加川芎

▲多年牙折

鼠脊骨研末日日擦牙自然復出

▲擦牙固齒

火煨羊脛骨爲末入白鹽末二錢日日擦之 或用柏油薤餅研末擦牙終身不痛不落

▲牙動欲脫

凡牙齒動搖及外物損傷欲脫者用 五倍子乾地龍炒研末先以生薑揩擦然後敷之數次自固

▲牙軟

因食酸物過多所致即嚼 核桃肉數個便愈

▲齒落復生

雄雌鷄屎各十五粒焙研入射香少許先將牙根以針挑破血出敷之十日即生

▲牙齒日長飲食難進

名髓溢病 用白朮三四錢煎湯頻頻漱口即愈 若長至寸許常嚼生地甚妙

▲牙齦腫爛流出臭水(即牙疳症)

芥菜桿燒枯研末敷之 或用蘿蔔子十四粒生研以乳汁調和左痛點右鼻右痛點左鼻

▲牙痛外治法

向患人肩尖微近後當骨節陷中以蒜片蓋住上用艾絨一團如豈大燒五次左牙痛燒左肩右牙痛燒右肩燒後頸必大痛良久齒痛永不再發百方不效者惟此立驗亦神方也 或用烏枚燒枯研末加上好冰片少許擦之神效 或用竹葉膏

生竹葉(去梗淨一斤)生薑四兩淨白鹽六兩先將竹葉熬出濃汁又將薑搗汁同熬瀝去渣入鹽同熬乾如遇牙痛用擦一二次即愈其效如神

▲陰虛牙痛

枸杞一兩蒸瘦猪肉食一二次神效之至

▲走馬牙疳(牙根腐爛即是)

紅棗一枚去核入紅砒一粒如黃豈大紫好放瓦上炭火炙至棗枯烟盡爲度取

出用碗蓋住候冷加梅花冰片一分研末將患處洗淨吹入效速如神久爛之孔生肌亦速切勿輕視 凡大人熱病及小兒痘症之後火毒流於胃經致有此患勢甚危急甚則落牙穿腮透鼻一二日即能致命故有走馬之名言其驟也 此症有五不治不食爛舌根不治黑腐如筋者不治白色肉浮者爲胃爛不治牙落穿腮鼻臭難聞者不治山根上發紅點者不治如是凶險命在須臾急用前方治之

▲牙痛腿痛(名青腿牙疔)

此症兩腿形如雲片或紅或青大小不一痛而腫硬步履艱難其毒上攻以致牙根腐爛甚至穿腮破唇雖說話高聲亦痛照前走馬牙疔方治之 或服六味地黃湯(不用山萸肉)十餘劑亦可 有人患此痛苦八年一乞食道人用艾火在耳門邊肉尖上用蒜片隔住連燒五次立時全愈神妙非常左痛燒右右痛燒左兩面痛雙燒無不奏效 或用燈草火燒之更妙

▲牙縫出血(滿口牙齒出血可治)

此名牙宣症又名牙衄乃陰虛熱極所致發時血出不止若不急治難救用 黃荳腐渣敷之立止如神內服六味地黃湯(去山萸肉不用)其病若失或用 蘿蔔含口內嚼之熱則再換另嚼極效 或用蠶繭二個爲末點血立止 或用百草霜摻之 或用麥冬(去心)川芎煎水或含或服均可

▲軟牙瘡

此症小兒最多用。生蜆三四個擣開取肉先將壳燒枯和蜆肉搗爛敷之甚效

▲睡臥咬牙聲響

即取本人所睡席下灰塵一捻納入牙內勿令本人知之即愈

▲取痛牙法

大蒜一個搗爛入白龍骨末一二分拌勻貼痛處半時即下 或用巴豆末點牙亦落勿點好牙 或用白馬尾燒灰點上即脫勿點好牙緊記

▲齒黃

糯米糖燒取白灰日日擦之自白

●鬚髮論治

鬚屬腎故下生稟水氣也髮屬心故上生稟火氣也夫胆榮於鬚腎華於髮精氣上升則髮潤而黑六八以後精華不能上升秋冬令行金削水枯以致鬚髮焦稿如灰白色養生者宜預服補精血藥以防之如張天師草還丹四物坎離丸五老還童丹之類徒事染掠亦非上策

▲白髮染黑

蕎麥針砂二錢醋和先以漿水洗淨塗之荷葉包至一更洗去再以無食子柯子

皮大麥麵二錢醋和塗之荷葉包至天明洗去即黑如用西葯須取沒食子酸二分半玫瑰水一兩香水五分許溶和每日擦髮或用沒食子酸一錢火酒二錢半水一兩溶和使用如前並效

▲潤髮水

菩提樹子汁一合半玫瑰水一合甘油一兩半精製火油一兩半檸檬油三十滴調和擦髮能使頭髮光潤或以水四合半入椀梔子一兩煎至水減半濾過取水加入香水瓶收聽用功效亦著

▲烏鬚方

胡桃外面青皮壓油塗之 或用鮮覆盤子榨汁塗之

▲又方(能變白爲黑身輕體健功難盡述)

每年冬十月壬癸日面東採大紅枸杞子二升搗破用無灰酒二斤盛磁瓶內浸二十一日足開封加生地黃汁三升攪勻以紙三層封口至立春前三十日開瓶飲一杯至立春後髭鬚都黑勿食蕪青葱蒜服之見效若年年如法服之身輕耐老也

▲烏鬚秘方

用香油一瓶油核桃二三十個去壳取肉古銅錢一二十個浸油內埋土二尺深約一年內取出擦鬚髮上即黑

▲立刻烏鬚

酸石榴一個去頂蓋 白信石三分研末入內將原頂蓋好用紙封固過七日化水先將鬚髮洗淨拭乾用汁染上黑色到根 須將石榴穰子攪勻然後入葯封口 或用好墨一方填在鳳仙花粗梗內外用麻扎緊霜降後取出磨墨點之

▲令髮長黑

熊胆 蔓荊子等分爲末和勻醋調塗之

▲沐髮光澤(頭髮枯槁並治)

豬胆汁入湯沐之 或用木瓜浸油擦頭髮自然光潤

▲婦人髮生黃白

黑荳一升青石榴一個搗碎入好醋三升煮爛去荳再煎至一升收貯每早擦髮則黑而潤

▲髮垢

雞蛋清塗之少頃洗去光潤不燥

▲令髮不落

榧子三個核桃二個側柏葉一兩共搗爛浸雪水擦頭永不落髮

▲令髮易長

東向棗根三尺橫臥甑上蒸之兩頭出汁收取塗髮即易長矣

▲無髮

甜瓜葉搗汁塗之即生 或取側柏葉陰乾研末和麻油塗之

▲髮落重生

米泔水洗淨布揩令熱生鐵一塊入猪油內煮三沸塗數次即生

▲婦人禿髮

花椒四兩酒浸日日搽之 或用生半夏莖杵出涎汁塗禿處即生

▲白鬚轉黑

先將白鬚拔去用猪胆塗孔中即生黑鬚 或用白蠟點孔中即再白

●頸項

▲治頸核法(俗名栗子頸)

患此病者難以速愈此方試驗極靈即用 皮硝不拘多少用膏葯數張將皮硝按在膏葯上即貼患處後有清水流出即行揩去而膏葯亦時時易換三四日即消滅若流出清水不可沾染他處否則延蔓無已

▲頸上生瘡大如櫻桃有五色者瘡破則頸皮斷

黃牛乳日日飲之久則自愈

▲對口瘡

生後頸正中處正對前口故名對口偏生者稍輕若不急治對時即死 初起採桃葉尖七片用鐵斧搗爛貼之即愈 或用雄鷄屎要似糖色敷數次亦愈按鷄糞性涼最能敗毒加荔枝核研末調敷尤爲神妙

▲閃頸促腰

眞礪砂研粉以燈心蘸點眼四角淚出即鬆連點三次立痊 或將扎竹之篾順解一條勿令人見携歸煎水一碗候冷飲之立愈眞神方也

●咽喉論症

咽喉腫痛其症不一有喉痛生瘡者有咽痛閉塞者有紅腫結核脹痛者有閉塞不能言語者俱是風熱痰火用清涼散加減服之或喉閉急症即刺少商穴用三稜針放出毒血然後施治自無誤事大抵咽喉之患最爲險惡頃刻之間痛不可忍係屬寒症若悠緩而痛乃爲熱症內經云驟起非火緩起非寒虛寒實熱是在智者區別庶不至誤投方藥耳喉痺者火分虛實也炸腮者腫痛風熱也聲音不出者腎虛也

咽喉之脉兩寸洪盛上盛下虛脉忌微伏

▲咽喉辨症要訣

凡患喉痛忽然牙關緊閉不辨何症即用手指按耳下較骨處辨之如第一指部

位脈動生鎖喉疽第二指部位脈動生雙單蛾症第三指部位脈動生疽蛾不分之症第四指部位脈動生喉疽及鎖喉疽鎖牙疽等症是也用後開牙關葯治之再用葯散吹之倘調理不善瘀血未清須用火灸之法方無後患

▲火灸法

凡患喉症未愈者即用厚銅錢三個先將一個兩傍鑽兩小眼取線兩條長五寸（不可過短）將二線穿入二小眼內一頭繫銅錢一個即以鑽眼之錢放正病人頭頂（不可分毫欹斜）其小眼所穿兩錢自然吊到兩耳尖上用手指壓住吊下之錢再向錢邊度去離錢一寸八分用燈心火左右各一灸先向頭頂■眼兩三灸然後灸兩邊永無發矣

愈後戒食生鷄鯉魚蝦蟹田鷄豆腐餅麵百日爲要

▲喉症愈後不用火灸宜服此方

青黛五分甘草一錢人中白五分共研細末用米搗爛和藥散糞成膏分三次服之便無後患 或用金銀花一錢五分貝母一錢准山一錢五分甘草八分茯苓一錢五分人中白一錢係豬瘦肉食二三便愈

▲雙單喉蛾

凡雙單蛾初起頭頂上必有紅毛半截及紅血泡一粒雙泡即雙蛾單泡即單蛾若無紅泡謂之隱蛾又名喉痺生於牙關上者輕關下者重喉閉片時即不可救

若男子從鼻樑中心尋至頭頂婦女從腦後尋至頂上小兒看兩手虎口如有紅泡即用銀針挑破其蛾喉亦破忌見燈火方用 老蒜搗溶如蠶豆大敷經渠穴（穴在大指手腕寸脈後）男左女右用蜆壳蓋上紮住（用別物蓋亦可）片時即起一水泡用銀針挑破將水揩淨以去毒氣立刻安痊再服甘桔湯以免後患無藥之處不服亦可 或挑去頭上血泡細看耳後較上筋有藍點出現便是蛾眼即按藍點處用燈草火一灸將火冲熄便是此症一灸不愈再灸便痊並用後方治之 或用鵝毛一根粘真桐油一分入喉捲攪痰涎隨油吐出愈後服甘草水一碗解去油氣爲妙 或用食鹽自搓手掌心鹽乾復易新鹽搓之數刻即消此經驗良方也 或用生半夏末臍鼻內涎出甚效 或用人指甲瓦上焙焦研末吹入喉內其蛾立破至便至神 或用燈草數莖纏指甲一塊向火燻灼至黃色將二物研細又用壁虱（俗名灶火公鷄即壁上蠹蟀）用新瓦煨研末二味和勻吹入喉內流出痰涎吹二三次便愈並濃煎甘草水含洗喉內餘毒永無後患

▲喉症各方

凡一切咽喉急症或閉或痛切忌刀針以免穿透急將病人兩手膊以手勒四圍五十次趕血於大拇指取小繩紮住用針刺在少商穴處（穴在大拇或指甲縫之中外甲邊是）刺破出血立愈男左女右重者兩手齊刺此百發百中救急第五良方也 或用先於後頸窩處搽油少許用銅錢一文刮之如刮沙樣（要順刮

切勿倒刮）其痛稍緩以便乘勢進藥輕者不藥亦可此法極妙 或用鹽藕節
平時取新鮮藕節烘乾用鹽醃好封固遇有喉痛者嚼汁嚥之極爲神妙陰虛喉
痛更效

▲急救乳蛾

將本人頭頂上髮用生薑擦紅即愈 或用壁上蟻窠數個剝去窠皮用本人腦
後髮一根搗定瓦上焙乾研末加冰片少許吹之即愈並治

▲喉痺已破疼痛難食

喉風

猪腦髓蒸熟醋薑和食之

▲急治喉方

皂角末一錢雞子清調如膠噎下吐痰便愈

▲鎖喉風（小兒均治）

喉內無蛾痰聲不響喉內氣息不通者是用 芙蓉葉搗汁煮雞蛋二個一貼顧
門一貼肚臍即愈

▲喉中結塊不通水食危急欲死

百草霜和蜂蜜爲丸如茨實大新汲井水調一丸灌下一二丸即愈 或用鯉魚
胆汁點之即痊

▲喉痛良方

射干 山豆根 二味共十文煎水飲之或見腫痛外用白麵和醋敷之

▲無故聲啞

廣陳皮四兩煎湯頻飲立效

▲驚嚇失音不語

佛陀僧七分水飛過用茶調服一錢即愈屢試如神

▲忽然口不能言

附子研末吹入喉中即愈 或用豆豉羹湯加入好酒服之 或用人乳汁半合

和好酒調服

▲咽隔奇方

每逢日食時用老蘇梗泡水和麵粉在日中搓爲丸須即日曬乾丸皆中空用水

送服奇效非常

▲咽喉紅腫難進飲食

蚯蚓一條搗爛以滾水泡去泥待冷飲之避風忌雞數日

▲咽喉腫痛飲食不下

兔毛敗筆頭燒灰調米飲每服二錢 或用白麵和醋塗喉外腫處 或用吳茱

萸末醋調敷足心自愈 或用山豆根含口中咽津自愈

▲雙單鵝喉屢驗方

壽世良方

咽喉

正米片二分生礬砂二分正硃砂二分共研用竹管吹入喉內再以榕樹鬚煎水飲之痰下即愈 或用木患子四個去核每個滿裝生鹽火煨成炭研末用米醋開好再用鵝毛蘸藥擦入喉內出水自愈 或用生白凡三錢研末用白粥水一碗開服如不能服以匙羹緩緩灌之服後喉內略覺寬舒一二時其鵝喉穿破便作悶嘔吐痰吐後腫處漸漸消散自愈 或用胆凡五錢薑蠶五錢炒去絲研末用少許吹入喉內即時吐出痰涎而愈

▲咽喉怪症

咽喉層疊生瘡不痛日久有竅出臭氣廢飲食用臭桔皮葉煮水連服甚效

▲咽喉生疔

田螺肉(即螺獅肉)搗爛週圍敷之乾即再換

▲咽喉腫閉危在旦夕

芥菜搗汁灌入喉中少頃用黃柏煎水含口取吐血痰即愈忌甜物十餘日勿食

●乳部

▲乳頭破裂

雞尿白炒研每服一錢酒送下三服即愈

▲乳癰

紅腫疼痛者皆是生乳上及左右爲乳癰下爲乳岩男婦皆有此症方用 生蒲公英搗爛調酒服搽敷乳上略睡片時敷數次即愈此爲乳癰聖藥妙不可言或用荳腐店棹上做豆腐淋下之水一桶入鍋熬乾成膏冷透火氣厚敷之乾即再敷乳上結塊自消五七次必愈屢試神驗名五百金方 或用生葱連根搗爛敷上用瓦罐盛炭火蓋葱上一時蒸熱出汗即愈 或於初起時以玉簪花根搗酒服以渣敷之

▲乳癰多至二三百頭者

柳樹根刮去皮搗爛蒸熱布包熨之冷即隨換過一宿即愈

▲乳癰日久腫痛不愈

蝦醬用好醋蒸熱敷之諸藥不效治之奇驗切勿輕視

▲乳癰

蜘蛛三隻紅棗三枚去核每紅棗一枚包蜘蛛一隻炒熟酒送下未成則消已成立潰

▲乳癰久不收口

用茅屋上陳年舊茅草剪尾一束研末加梅花冰片敷上自愈

▲婦人縮乳

急用兩手緊緊抓住取公鷄一隻約重十兩內外連毛破開去腸雜加眞射香一

錢入鷄肚內覆臍上即愈

▲治乳巖方

枸橘李切片炙研每日酒調二錢服半月愈

▲婦人乳吹(時時吹氣有聲)

用硃砂筆寫子丑寅卯辰巳午未申酉戌亥等字於本婦所戴簪上(本命所屬之字不寫)戴之即愈初起時用之最妙 或用舊葵扇去筋燒灰(扇風爐多年者更佳)熱酒沖服立愈

▲婦人乳孔塞痛

用核桃肉(即胡桃肉)數顆搗碎滾酒調服

▲無子食乳腫痛難消

用本夫穿過包脚布敷乳過夜腫消痛止 或用本婦現穿之鞋包乳上亦消 或用炒麥芽一兩煎水頻飲即消

▲乳巖

先由乳旁起一核如豆漸大如鷄子七八年後方破破則不治方用 生蟹壳砂 鍋焙焦爲末每次酒服二錢日日服之不可間斷消盡爲度

▲乳巖已破

荷葉蒂七個燒灰研末黃酒調服

●胸部

▲胸旁生瘡

凡大人小兒胸間兩旁各生紅白瘰泡濕爛疼癢每處直長一條連生十餘個不等名曰硃簾倒掛久則難治諸藥不效用端午日門前所掛菖蒲連根切碎瓦上焙枯研末香油調搽五六次即愈

▲龜胸

龜尿時時擦之久久自平用鏡照龜其尿自出

●手足論症

手足乃人身關鍵一有損傷實爲終身憾事此醫治之方不可不講也其症有蛇頭穿掌鵝掌風甲疽疔瘡人面瘡濕氣潰爛症本甚微得藥治之應效如神使治不得法經年屢月延纏無已甚至損指缺足終身不愈吁可畏也如有各疾速宜按方施治自無痼疾之憂幸勿以事小而忽諸

▲蛇頭惡毒(生各指頭及足趾頭者是)

此症初起痛甚急用頭髮紮住指根取癩蝦蟆一個(目赤腹無八字紋者忌用)破去腸雜(不可破胆胆汁沾指更痛)將瘡頭套住用繩紮好並將蝦蟆心肝焙

枯研末調酒服之以免毒氣攻心約一對時破口出膿而愈套住之後瘡頭猶如針刺痛更難忍甚至心中難過遍身發熱或嘔吐惡心不必驚慌急服麻油一盞（用生菜油亦可）心自安定（蝦蟆能拔極重惡毒切不可輕易搗去忍耐片時自然破口出膿而愈倘誤蝦蟆搗去別藥難醫爲害不淺）去膿後如發昏暈亦不必驚慌用高麗參三四錢以砂罐煎濃汁服之自然無事無力者用好黨參一二兩煎服之亦可若愈後再腫此毒氣未盡之故再用蝦蟆一個套上少頃膿盡即不再發神效之至 或用鳳仙花（下半截連根用不用水洗）和甜酒糟搗融敷之半日消腫止痛此方較前方尤爲神速簡便之極 或手足指生蛇頭看手足指頭有紅氣透上用燈草蘸油在氣尾上灸一次氣中間灸一次作痛上灸一次左右灸一次必然止痛即用檳榔四個熟烟屎（即熟烟筒內油）共搗爛敷痛處 或用鷄蛋一個穿一小孔入雄黃末一些套指頭上熱則另換以愈爲度 或用生油熬頭髮以滾油洗之

▲脫骨疽

甲疽可治 此症生手足各指（或云生手足第四指是）或生指頭或生指節指縫初生或白色痛極或如粟米起一黃泡其皮或如煮熟紅棗黑色不退久則潰爛節節脫落延至手足背腐爛黑陷痛不可忍古方有截去指頭一法斷不可用宜用 頂大甘草研極細末用香麻油調敷一日三四換不可間斷忌食發物不

出十日必愈真妙方也凡手指生瘡俱效 或用甘草嚼融厚敷乾則隨換數日全愈幸勿輕視

▲灌甲初起

用磁鋒於甲上削去一層并用枯礬末敷之神效

▲指頭畏冷

天氣不寒指尖作冷名曰螺瘡用醋和鹽調勻將指頭泡入自愈

▲手足指頭羅紋生瘡

生橄欖核(即青果核)有鹽者煮去鹽味切兩段醋磨鷄毛蘸擦二十日後漸消

▲指節生瘡

指甲及虎口各手指縫生瘡腫爛痛不可忍均治名曰蛀節用 生黃豆嚼爛敷之(須先漱口再嚼)即愈 或用生蒲公英搗融敷之 或用甘草末開香油敷之熱則另換敷至全愈爲止

▲手腕足腿等處傳染濕毒氣或起紅點或不見點奇癢難受

防風 荆芥 銀花 甘草 蘄艾各五錢熬水一大鍋傾出面盆上飯後承熱洗之每日洗二三次數日全愈永不復發

▲手丫枝痛不可忍

通草研末生鷄蛋白調敷即消

▲鵝掌風

生手掌上紫白斑點疊起白皮堅硬乾燥甚則疊疊脫皮血肉外露或癢或痛久則成癬難愈方用大碗一個以紙緊糊碗口紙上用針刺破多孔上鋪細米糠二三寸厚手鉗燃炭放糠上緩緩燒之燒至離紙三分光景將炭與糠一並棄去不可將紙燒穿取碗中糠油時時揉之數日斷根 或用豆腐沫熱洗之拭乾後塗以桐油用松毛燒燻之戒食鵝肉 或用鴿屎白雄鷄毛炒研煎水日日洗之或以陳艾側柏葉湯乘熱燻洗一月全愈

▲足底石硬方

自死鯽魚一條石灰一兩共搗爛和烏醋煮糊熟敷一日便愈已穿者不用石灰用牛七五錢全鯽魚搗爛加蜜糖塗之一日便愈

▲手足一切風痛及酒脚風漏肩風濕氣作痛

生蔥生蒜生薑各取自然汁一碗加醋一小碗熬濃汁入飛麪二兩牛皮膠四兩熬成膏用青布攤貼患處或加鳳仙花汁一盞更妙

▲手足凍裂

五椀子研末和牛骨髓填縫裂內 或用頭髮一大握桐油一碗乘瓦器內煎滾候油沸頭髮溶爛以瓦器收貯不令灰入先用滾水洗軟裂口拭乾敷之 或用生薑自然汁熬膏塗之 或用老絲瓜燒炭研末和豬油塗之

▲手足凍瘡(俗名生蘿白仔)

蟹壳燒灰研末麻油調敷先用蘿葡桔皮煎水洗之 或五月五日午時以葱薑艾擦患處一時之久永不再發 或於夏天三伏內取冬瓜皮煎湯洗之亦妙 或用白芨磨汁不時塗之最良方也

▲熱毒攻手腫痛欲脫

豬油和羊糞塗之 或用水糞馬糞洗之

▲呂祖仙方統治爛脚爛肉及爛瘡不收口者均治外科聖藥

金不換四錢毛茹四錢甘草二錢大黃五錢田七一錢五生地四錢忍冬二錢牛七四錢雲連三錢血竭二錢共研末用紅臘燭油開擦三日去腐生新十日自愈

▲手足生瘡久不收口

取路邊多人撒尿木板爛成白色者以炭火煨化研細末和冰片少許搽之即愈

▲手指及掌生黃膿白泡痛癢無時纏綿不已內必有虫

豬肝切片和桃葉搗融敷之

▲掌上紅絲斷之流血不止

用燈心火燒之自能漸收而愈

▲手足心中忽然腫起或痛或不痛或爛或不爛

名曰穿掌又名擎疽又名託盤用 白鹽花椒末等分醋和敷之未破者極效已

破者勿用 或用糖鷄糞敷之 或用鮮桑葉搗敷均效

▲石硬

葶薺(即馬蹄)六個沙薑末五錢冰片五厘共搗爛敷之

▲酒風脚

南蛇皮和酒煮熟貼之其痛立止永無後患

▲生石硬方(即足底凍瘡)

凡初起及成膿未穿者均可用 韭菜數兩搥汁用碗裝住又用新磚一個火燒紅將韭菜汁少許淋火磚上將足踐磚上冷即再燒再淋再踐以愈爲止

▲各種爛脚或借傷成毒均治

蛇退五錢草節三錢防風三錢京芥三錢連喬四錢細辛一錢五紅黃精三錢煎水洗數次自愈 或用冰片一錢極幼銅末二兩升硃一兩五白蠟一兩同各藥鎔化用紅臘燭油開搽以愈爲止生癬用生薑搽之生癩用茶油開搽

●腰痛論症

大凡腰痛無論新久總屬腎虛新痛宜疏外邪清濕熱久則補腎兼補氣血時常腰痛者腎虛也日輕夜重者瘀血也腰背重注走串者是痰也遇陰久坐而發者是濕也

腰痛之脈必沉而弦沉微氣滯弦損腎元或浮而緊風寒所纏濕傷濡細實閃挫然瀆爲瘀血滑痰火煎或引背痛沉滑易症

▲閃跌毆打腰痛（並治閃頸痛）

眞礪砂研極細末用燈心點眼睛四角淚出即鬆連點三次全愈 或用白葡萄乾一兩用好酒煎服重症兩服全愈

▲腎虛腰痛（凡痛不能轉動者是）

大胡桃四個燒焦去壳去皮細嚼酒送下痛立止 或用猪尾二條烏豆拌煮食一二次甚效

▲腰痛奇方

松毛（即松針）和酒糟搗碎加醋炒敷一夜即痊 或用絲瓜子仁炒焦搗酒服之以渣敷之

▲猝然腰痛

黑大豆一碗水拌炒熟布裏熨之

●脇痛論症

左脇痛者肝經受邪也右脇痛者肝邪入肺也左右脇俱痛者肝火盛而水氣實也兩脇走注痛而有聲者痰飲也勞傷身熱脇痛者脈必虛也咳嗽氣急作熱脈

滑數者痰結痛也久而不治便成脇癱左脇下有塊作痛不移者是死血也右脇下有塊作痛飽悶者食積也脇肋脹痛大便通和喘咳吐痰者肝火傷肺也兩脇疼痛脉必雙弦緊細弦者多怒氣偏沉瀆而急者痰瘀之愆

▲脇痛

白芥子研末水調服 或用吳茱萸末醋調敷之

●腋部

▲腋下狐臭

熟蒸餅一個分作兩片摻蜜陀僧末一二錢急夾在腋下略睡片時候冷棄去如一腋狐臭祇用一片夾之以不見臭爲止屢試如神 或用枯礬爲細末以絹袋盛之常撲腋下不過十度即愈 一名體氣每夜靜時用小便乘熱洗之除根 或用薑汁頻塗 或用三年陳醋和石灰敷之 或用自己小便洗一次米泔水洗一次自然薑汁每日塗十數次一月之後可以除根 或用頂大蜘蛛一個（若小蜘蛛用兩個）黃泥包好火內燒紅取出候冷去泥加輕粉一錢共研末日搽數次輕者二日即愈重則三四日必斷根百發百中神驗之至 或用白膠末不時時搽之

●心痛論症

心痛初起者胃中有寒也心痛稍久者胃中有鬱熱也心痛大便質者宜利大便則痛隨利減也心痛因素喜食熱物者死血流於胃口也心膈大痛攻走腰背厥冷嘔吐者是痰涎在心膈也時痛時止面白唇紅胃口有虫作痛也心痛脉微急痛甚伏入陽微陰弦或短又數緊實便難滑實痰積心痺引背脉微而大寸沉而遲關緊數銳

▲心痛灸法

兩手肘後陷處酸痛是穴先用香油半盞調水煮溫服即用艾入水粉搗爛爲炷每處灸五壯其痛立止

▲心痛諸方

舊毡襪後脬一對燒灰酒服 或用眞麻油一盞煎入酒一小盞乘熱飲之 或用飯粘白礬末爲丸每服三分 或用灶心土爲末熱痛冷水調服冷痛熱水調服 若怒痛不止用羊毛敗筆頭三個燒灰無根水服 年久痛者小蒜煮濃汁飽食勿用鹽 或用山羊糞七粒油頭髮一團燒灰酒調服無論久近可治

▲猝然心痛

老薑末一錢米湯調服 或用木耳一兩焙乾研末白酒送下三服愈 或用鹽

放刀頭上燒紅用水一杯淬入水內乘熱飲之吐痰立效（並治絞腸痧（即霍亂症）死去）若牙關緊閉用葱白五根去皮搗如泥以匙送入喉中以麻油四兩灌下即愈

▲心痛危急

老葱頭七根（隔年者更妙）搗汁灌之以香油送下其人即醒少刻腹中有虫化為黃水從大便而出如葱無汁略加水搗之

▲食積心痛

神麩一塊燒紅淬醋二次水調服

▲心腹冷痛

布裏胡椒末安痛處用熨斗頻熨之汗出即止

▲停痰心痛

小白螺螄壳洗淨燒灰研末酒服少許即愈

▲蛔蟲心痛

痛時口出清水即是用 薏苡根煎濃汁服蟲死俱出 或用海螵蛸一塊以醋磨濃頻服 或用苦練根皮（即森木樹根）煎水服之 或用葱白搗汁一酒杯飲下咽隨飲麻油一杯少頃蟲皆化水即蟲牙痛亦效 或用生芝蔴不拘多少俟痛時隨手取來放銅鍋內炒黑為末酒送下

▲心氣痛妙方

用燒鐵浮起白沫研極細末白湯調服二分再發再服便愈

▲心膈脹腹中又饑又痛

胡椒七粒研末酒調服之

▲心痛作酸

並治水停心中作聲如雷口眼歪邪不省人事用胆礬一分爲末溫酒送下以吐盡痰爲度

▲冷氣心痛及疝氣腹痛

延胡索 胡椒等分爲末每服二錢溫酒送下

▲心跳方

茯神 遠志 棗仁 紅棗 桔餅 桂圓肉各一二錢水煎代茶飲

▲心氣怔忡

龍眼核(即桂圓核)一斤去黑皮長流水煮極爛加大黑棗一斤去核搗爛如泥爲丸每晨淡鹽湯送下三錢即愈 或用白蓮肉去心皮煮食久之自愈

▲心中饑雜似辣非辣似餓非餓似痛非痛得食暫止或兼噯氣或兼惡心

豬護心油蒸糯米食二三次即愈此乃火動其痰也

▲心口生疽

名井泉疽又名慢心銳毒初起若心口內有塊暫大心口發高毒陷即死醫皆束手諸書亦無法治此危症也急將本人兩手十指以線量其長短共有若干積於一線放喉管正中處雙環至背脊之中看兩線合攏盡頭處爲中穴又以本人中指之中一節用竹片量準作一寸放在中穴之左右各遠一寸各以墨記分立三穴如^{〇〇}形樣每穴用艾三團一齊火灸灸畢全愈

▲心窩成漏

一人胸口一片如腕大無皮潰爛成漏膿血時流經久不愈用 葶薺(即馬蹄)磨成粉摻之數日即愈

▲惡心吞酸

核桃嚼爛薑湯送下

●脾胃

▲脾胃虛冷不思飲食

鯽魚和豆豉胡椒老薑陳皮煑熟空心服之

▲脾胃積滯

有人食白煑鷄蛋過多胸胃積滯數年不愈用 大蒜半斤煑食吐出一團開視已成小雞連服數次吐出十餘團而愈

▲多服冷水

食生蒜頭二三枚亦效 或服砂仁一二錢亦可

▲多年消渴飲水百藥不效

每日食好梨二三個 或食蘿蔔亦可均極神效

▲胃氣病

預將海參腸子數條用瓦焙乾研極細末貯之備用時取開水沖服便愈

●腹痛論症（參看虫痞科）

腹痛有寒熱食血濕痰虫虛實九般也綿綿而痛無增減脈沉遲者寒痛也乍痛乍止而脈數者火痛也腹痛而瀉瀉後痛減者食積也痛不移處是死血也小便利而痛者是濕痰也腹中引釣脇下有聲者是痰飲也時痛時止面白唇紅者是虫痛也怒傷肝氣脇刺痛者是刺氣痛也腹滿硬手不敢按者是實痛也以手按之腰軟痛止者虛痛也

臍眼上痛者食痛也臍眼下痛熱手按之不痛或其痛多急或痛如刀割或吐或瀉或痛甚而覺有冷氣皆寒痛也手按之更痛冷物熨之不痛或自下而痛上或時痛時止腹滿堅結皆熱痛也時發時止痛在一處而不移者或有硬塊起者虫痛痞痛也或聞煎炒食物香氣則痛痛時口吐清水或口渴者亦虫痛也

壽世良方

脾胃

腹痛

七五

脈腹痛關脈緊小急速或動而弦甚則沉伏弦實滑痰尺緊臍腹心腹痛脈沉細者生浮大弦長者死

▲寒症腹痛

或炒鹽熨之或葱薑熨之 或用熱灰熨之 或用滾水一壺隔布熨之均止痛妙法也 或用龍眼(即生桂圓)連壳燒灰研末酒服之屢驗

▲腹中緊脹

白糖糞酒飲數次即愈

▲小腹痛諸葯不效

婦人油髮燒灰酒服三錢

▲腹痛緊急不辨何症男女並治

食鹽微炒以布裹熨之

▲熱症腹痛

服六一散最妙 或用銅鐵冷物熨之 或服痧藥亦可

▲蟲積肚痛

葱汁半盞菜油半杯調和服虫化爲水除根

▲虫疾腹痛

虫痛如有硬塊起於腹內者用手在硬塊處久久揉擦至一日其虫即死從大便

而出 此症面色黃瘦飲食少進發時腹痛口吐清水照寸白虫疾各方治之甚效

▲肚腹麻木

此風襲也多煮葱頭食之並用葱薑炒熱熨之

●諸蟲論症

古云濕熱生虫正如今人俗驗禾苗雨洒日照末節生虫此說明矣人患虫積或因饑餓調攝失宜或過食鯉鱠白酒或炙食牛羊或多啖鼈鳧中腕氣虛濕氣少運故生寸白虬蟻諸虫形如蚯蚓相似團魚曰血鼈小兒最多大人間有爲患錯雜腹痛嘔吐涎沫面色痿黃眼眶鼻下青黑以致飲食少進肌肉不生沉黑寒熱若不早治虫生不已又云虫長一尺則能殺人虫若貫心殺人甚急此治虫之方不可不講也脈沉而滑者爲寸白虫 慝蝕陰痛脈虛小者生勁急者死 外臺云虫脈當沉弱而弦今反洪大即知虬虫甚也 脈沉實者生虛大者死 凡虫在人腹中每月十五以前虫頭向上服藥之後虫必瀉出十五以後虫頭向下服藥無益此治虫之法不可不知也

▲虬虫日夜腹痛

苦練根(即森木樹根)刮去根外粗皮取內白皮二兩以水三碗煎至一碗半去

壽世良方

腹痛

諸蟲

七七

渣用晚粳米三合煮粥待空腹先食炒肉一二片引虫向上然後進藥粥一二口少頃又食一二口漸漸加至一碗或二碗其虫盡下矣

▲虻虫上行出於口鼻

烏梅煎水含飲即愈 或用川椒末（閉口者不用）調水服即愈

▲寸白虫痛

男婦小兒均治方用 榧子一斤陸續去壳頻頻食之（用火燃熟更妙）食完一斤其虫即下用便桶接下是雄者祇一條雌者三五條或六七條大小不等如虫不止再食一斤方得淨盡虫若出後飲食須小心調理半月後精神如舊 或用酸石榴根一握水煎濃汁先食肉脯次服此汁則虫盡去矣

▲虫痛

使君子肉火煨七個去皮研末熱水和白糖調服三四次其虫自出 或取苦練根（即森木樹根）去皮洗淨晒乾炒黃研末白糖調服七八錢虫即化水 或用葱汁半盃菜油半盃空心和服虫亦化水

▲虫痛口流涎水不能飲食

烏梅一個花椒十四粒生薑三片煎水服之或加榧子十枚黑砂糖少許全服亦可

▲治三尸虫

桃葉搗汁空心服一盞便效

▲大腸出虫生不已行坐不得

鶴虱研末水調服五錢自愈

▲臍虫怪病

腹中如鐵臍中出水旋變爲虫繞身而行痛癢難忍掃撥不盡方用 蒼朮煎濃水浴之又以蒼朮研末加射香少許服之

▲心胃虫疾作痛

或滴水入口即吐或口渴飲水不止或吐清水皆是用 葱白汁一杯飲下隨飲真小磨麻油一杯少頃即愈虫當化水除根雖痛至牙閉欲死者亦效

●痞滿論症

夫痞滿者非痞塊之痞也乃胸腹飽悶而不舒暢也有氣虛中滿有血虛中滿有食積中滿有脾泄中滿有痰膈中滿皆是七情內傷六淫外侵或醉飽飢餓失節房勞過度則脾土虛而受傷轉輸之官失職胃雖受穀不能運化故陽自升而陰自降而成天地不交之否不通之泰也蓋陰伏陽蓄治用香砂養胃湯加減枳壳丸調養脾胃使心肺之陽下降肝腎之陰上升而成天地交泰是無病也痞者心下痞滿而不能食也仲景云滿而不痛是痞滿而痛爲結內傷元氣而痞滿者宜

大補氣也

脈滑大痰火作孽弦伏中虛微瀦衰劣

▲痞積

生鵝一隻取熱血用好酒泡滾醉飲病深者數服即消

▲血痞

葱白搗爛和蜜攤布上貼患處用熨斗微火熨之

▲痞塊外治

凡腹中有塊痛如刀刺者用商陸根搗碎蒸熟以新布裹熨痛處冷即再換再熨以愈爲止 或用生鷄蛋一個開一小孔加入木鼈子一個打碎去油和勻紙包火煨熟避風食之即消 或用雄黃一兩白礬一兩爲末麵糊如膏攤患處即效不效再貼但覺身如負重即愈 或用玉簪葉獨蒜共搗穿山甲末和醋搗餅量痞塊大小貼兩炷香爲度痞即消化由大便而出（虛弱人不可用此方）

▲痞滿

糖坊內糖漿溫服一二盞即效

▲痞病外治

新鮮水紅花同老蒜搗爛如坭入皮硝一二兩搗成餅量痞大小貼之乾則再換便消 或用葱白汁四兩薑汁四兩牛皮膠八兩好黃酒二盞同水熬成珠攤狗

皮上貼之 凡腹內瘀血凝結時發時止謂之痞積又有形者爲癥無形者爲瘕
久瘕不愈亦成痞症

▲髮癥

好飲清油者是喉中如有蟲上下亦是用 白馬尿飲一二碗即化 或以雄黃
末五錢清油半碗服之即吐出一蟲而愈 有人腰痛牽心發則氣絕一名醫視
之云是髮癥以油灌之吐出一蟲掛壁上滴盡血水乃一髮也

▲米癥

好食生米者是用 白色雞糞三錢白米三錢同炒焦爲末煎水服之吐出米汁
即愈

▲肉癥

常喜食肉者是用 白馬尿飲二三碗當吐肉出不吐難治

▲虱癥

人好嚙虱多染是症用 舊梳篦各一件各破作兩分以一分燒研末以一分糞
水調末服之即下

▲龜鼈癥

胸腹中如有龜鼈疼痛堅硬或動或不動者是用生硫磺末調酒時時服之 或
生蝦糞食一日二次數日斷根

●筋骨

▲週身骨軟

一人愛食燒炙炒煎厚味以致週身筋骨疼痛軟弱漸至手足不能舉動經年不愈後食冬瓜一二百斤而愈

▲腋肋手足腰脇等處忽如火熱腫硬如石痛不可忍或彎曲不伸

急用熟糯米飯加食鹽蔥頭少許敷之冷則蒸熱再敷敷至過夜即鬆連敷兩日全愈其糯米飯洗淨喂魚喂鼠不可暴棄

▲皮膚中痛

名癥症用醋調燕窩坭敷之甚效 或用杏仁炒黑搗坭敷之

▲風濕疼痛

樟樹皮切細和老薑搗爛調糯米酒糟炒熱冷則再換日夜不斷三日全愈

▲男婦抽筋妙方

用男子足穿襪布一雙(舊襪亦可)以現穿者佳煎水二大碗俟水稍冷即灌入病人口內入口便吐吐後再灌以愈爲度屢試屢驗 或用老生薑搗爛以布包擦患處亦妙

●脚氣論症

其症始於受濕復挾風寒食熱之邪而成故先起於腿足必脚屈弱而舉體轉筋肢節痛而足胛腫小腹不仁心中悸動胸滿便澀但發熱頭痛身疼之候甚似傷寒人多誤治故仲景以脚氣爲類傷寒證另立篇目以別之古人謂之厥證類傷寒則難察能致人死則難治詳察其證由於平居酒色勞役之後外感風寒暑濕忽然手足發冷發熱其氣從脚下而起上衝小腹作痛或脹悶或嘔吐或昏迷或兩足脛紅腫寒熱如傷寒狀從此或數月一發或一月半月一發漸漸四肢攣縮脚膝腫大此爲脚氣非中寒也或發作而手足不病者亦謂之脚氣此病南方人最多雖由痺濕之氣所感而實始自酒後房勞傷其胃腎倫不知爲脚氣而誤以傷寒中風治之其不至於殺人者蓋亦鮮矣

●脚氣論治

足麻是風足痛是寒足腫是濕足內踝骨紅腫痛者名遶蹕風足外踝骨紅腫痛者名穿躄風兩膝紅腫痛者名鶴膝風兩腿胯痛者名腿胫風至於腫者名濕脚氣濕也者筋脉弛長而軟或浮腫或生臙瘡謂之濕脚氣宜利濕疏風也不腫者名乾脚氣乾即熱也筋脉蹇縮攣痛枯細不腫謂之乾脚氣宜潤血清燥也腫痛

初發者宜先導其滯也血虛濕熱者宜除濕潤燥也熱痛如火燎者濕熱盛也歎熱紅腫痛者屬風熱也腫痛屬風濕者宜外治也脚跟痛者有痰有血熱也脚氣冲心最爲惡候也無汗走注爲風勝風者脈浮汗而愈也拘急掣痛爲寒勝寒者脈遲溫而愈也腫滿重痛爲濕勝濕者脈細滲而愈也燥渴便實爲熱勝熱者脈數下而愈也

脈弦者風濡弱者濕洪數者熱遲澁者寒微滑者虛堅牢者實結則因氣散則因憂緊則因怒細則因悲此脚氣脈之候也

▲腎虛脚軟

淨杜仲一兩(寸斷去絲)半酒半水一大碗煎服數劑調理保中即愈

▲兩腿受濕常如冰冷

透骨草一兩絲瓜絡一錢加鮮生薑鮮葱煎水燻洗數次宜飯後燻洗

▲脚腿紅腫熱如火炙

鐵鎖磨水塗之即解 或鐵綉水塗之亦解

▲脚氣急痛甚至不省人事

木瓜爲末酒調服 或用好木瓜切片囊盛踏之即愈 或用連根蘿蔔菜煎水洗之

▲脚氣外治法

用鹽三斤炒熟包裹痛處並用一包以腳踏之冷即再換夜夜用之以腳心熟爲度加白槐皮同炒更妙 或用白礬二兩地漿十大碗新杉木數片共煎六七滾用杉木桶(新者更佳)盛一半浸腳留一半徐徐侵入以衣被圍身使略有微汗洗完隨飲薄粥如一次未愈再洗二次照前方加硫黃三錢同洗無有不愈取地漿水法於淨土地上掘二三尺深用新汲井水傾入攪濁少俟澄清取半濁者吹去浮沫用之 或用鹽擦痛處少時以熱湯洗之 有人患腳氣痛諸藥不效後常用鹽擦熱湯浸洗竟除其患 或用鳳仙花葉曬乾煎湯熱洗以葉搗爛敷之 或用花椒一兩葱一把生薑三片煎湯先燻後洗腫消痛止 或用馬鞭草煎湯洗三四次便愈

▲腳氣入腹喘息欲死

木瓜蒸爛研膏爲丸每服百粒酒送下

▲腳氣衝心

白礬三兩煎水浸洗兩足良久自愈 或用檳榔爲末童便調服自愈

▲脚痔脚蛙

水仙花根晒乾研末濕者搽之燥者麻油調搽

▲酒風脚良方

粵人多患此症發時腫痛苦不堪言余君來粵亦得是症百治不效有遊方道

士告之曰俟發時用紹興老酒糟四兩松針即松毛一兩同搗爛用好酒拌濕炒熱敷患處用布包裹約一時取下炒熱再敷一劑可敷三次如痛不止再換二劑大約患輕者三五劑即愈年久患重者十劑便可斷根藥雖無奇神效莫測誠妙方也至用酒糟視患處之大小酌用多寡不必拘定四兩之數如無紹酒糟即陳酒糟亦可用

▲脚背生瘡破爛久不收口

用八角末二錢搗飯敷之即愈

▲無名腫毒手脚破爛不愈

用打麻油即他油搽患處自愈 或用甘草末四兩滲患處自愈

▲脚趾縫濕爛奇癢難堪

凡趾縫感受潮濕水氣紅腫奇癢搔之疼痛濕爛出水步履維艱用烏柏樹嫩葉水浸軟抹燥嵌脚趾縫內立時止痛收燥而愈 如女子脚踝腫上濕氣起泡腐爛貼之止痛 或用新瓦一塊放在火爐內撒韭菜子於瓦上加入麻油兩足向上燻之用布圍住勿令透風少刻癢止虫落瓦上即愈 或用硫磺擦之擦後再用硫磺厚敷布包穿襪一日一換數日斷根不可抓擦 或用五檜子(三個煨)冰片(五厘)爲末茶油調搽 或用省城十三行羅澤禮琥珀膏敷之拔去濕水結痂而愈百發百中效驗非常 或用陳火腿骨米泔水洗淨鹽味燒枯研末敷

之 凡染此症濕熱而有虫也兩腳總宜平擱雖大小便亦不可下地如下地必潰爛最要忍癢如抓動一次必爛數日不若聽其生水作濃結痂七八日後無不愈也屢試神驗

▲兩腳痛如刀割

先用生薑切片蘸香油擦痛處隨用生薑火煨熟搗爛敷患處其痛立止

▲足生疔瘡（腫脹骨痛俗名石硬）

用獨頭蒜切片鋪痛處每片用艾火灸二次去蒜再換再灸其痛自止

▲足趾縫中生毛拂之痛不可忍

桐油煎透乘熱滴一點於毛上毛即脫落忍痛片時即愈

▲足底紅腫熱痛

大蒜頭生薑和鹽搗爛敷之

▲趾腫（凡行遠路趾腫是）

舊草鞋浸尿缸內半日以磚一塊燒紅置草鞋於上將腳踏之令熱氣入皮膚即愈

▲足底開裂

白芨研末用口水調敷立刻止痛能行

▲足底起泡（行遠路所致）

善世良方 脚氣

生灰麵水調敷一夜即平 或用生半夏末水調塗之 如見腫者用蚯蚓泥敷之 或用蘿蔔子炒研和白礬末鋪鞋內遠行不痛

▲脚臭脚汗

蘿蔔煎湯洗數次即愈

▲脚生雞眼或生繭

蕎麥麵一錢荸薺一個(即馬蹄)共搗爛貼患處一夜連貼五六次連根脫出

或用滿天星(又名遍地金錢)生在階砌及花盤上搗爛厚敷一日夜根自拔出

▲雞眼作痛

地骨皮 紅花共研爛敷患處如成瘡者次日結痂 或用 蛇蛻(一片)照雞

眼大小貼患處次日雞眼自落

▲腿癢難忍(名寒毛瘡)

豆腐渣炒熱以布包緊熨之冷則再換再熨過一夜即愈

▲腿上一切寒濕血風等瘡(亦名臙瘡)

此瘡多因濕熱而起又被手甲抓傷破爛淋漓纏綿不已欲求速愈切忌手抓自

易痊也初起用濃茶洗淨再用好茶嚼爛將口漱淨再嚼再敷之 或用龍眼核

(即桂圓核)去黑皮研細用油調敷 或用鵝鴿糞燒枯研末如乾瘡加桐油調

勻貼之如出黃水加黃丹(飛淨少許)乾摻之 或用舊鞋底皮牛皮亦可用瓦

煨枯爲末麻油調敷之 或用柿餅燒枯同川椒末塗患處 或用牛屎燒枯入輕粉敷之 或用驢蹄皮（獸醫錘下合用）用鍋炒枯研末麻油調搽如瘡濕乾摻之屢試神效

▲蚌脚臙瘡

馬齒莧搗爛調蜜敷半日虫出

▲膝上生癰（名牛頭癰腫而紅者是）

連鬚葱頭切碎用糯米飯乘熱拌敷重者敷五六次必消

▲人面瘡（生兩膝頭其形如面）

貝母研末調水灌之數日結痂而愈

▲濕熱爛脚

凡人每值夏季趾間常患濕氣腫爛痛癢有時跬步難舉方用 鮮牽牛葉貼之數日而愈若初發時即用此法治之效驗尤速 牽牛蔓生到處皆有花如喇叭形俗名喇叭花又名打碗花折斷其莖有白漿湧出者是另有一種葉莖及背有毛者不可用

▲流火瘡（兩腿紅腫放光其熱如火又名赤遊風）

馬前子磨水塗之一日塗一次 或用芭蕉根搗爛塗之 若不急治氣一冲心即死

▲遠年爛脚

隔年白疳葉搗爛用未蒸酒糟和勻放碗內用熱水隔碗熨煖敷之藥冷再換敷次敷之自愈

●氣痛論症

人身之氣一身之主也要在週流順行而無病矣逆則諸病生焉男子宜養氣以全其神婦人宜平氣以調其經若內傷七情者喜怒憂思悲驚恐是也喜則氣散怒則氣逆憂則氣陷思則氣結悲則氣消恐則氣怯驚則氣耗也外感六淫者風寒暑濕燥火也風傷氣者爲疼痛寒傷氣者爲戰慄暑傷氣者爲熱暈濕傷氣者爲腫滿燥傷氣者爲閉結有虛氣有實氣虛者正氣用四君子湯實者邪氣用分心流氣飲丹溪有云氣實不宜補氣虛宜補之雖云氣無補法若痞滿壅塞實脹似難於補若正氣虛而不補則氣何由而行故經云壯者氣行而愈怯者著而成病此氣之確論也一切七情之氣爲病者宜順氣飲一切氣虛爲病者宜補氣也脉下手脉沉便知是氣沉極則伏瀯弱難治其或沉滑氣兼痰飲

▲九種心胃氣痛

千年石灰一兩生熟白礬各五錢共研末薑汁爲丸如桐子大或薑湯或酒送服七丸即愈

▲胃氣痛不能俯仰

韭菜葉或根洗淨搗汁飲之 或用淡豆豉五錢煎湯半茶盅服之 或用紅棗七枚去核搗爛結皮三錢生薑三錢煎服

▲胃氣痛

荔枝核煨灰研末七分加廣木香三分酒送服 或用生白礬末以飯爲小丸每服二三十丸滾水送下

▲胃腕大痛

黑棗三枚去核填明礬令滿炭火燒枯研末酒下被蓋煖片時即愈 或用古銅錢燒紅淬入陳醋中令微熱服之

▲胃氣痛仙方

韭菜根搗爛敷肚臍上然後以錫壺盛開水熨韭菜根上令熱氣入腹內以痛止爲度應效如神

▲男婦氣痛

白扁豆去皮煮酒服立效 或用山羊糞七枚油頭髮一團燒灰酒調服之

▲氣症

凡諸氣攻刺及感受風寒暑濕飲食所傷中腕痞悶嘔吐吞酸用 陳皮洗淨新汲水煎服

桃 氣結聚心下不散

樹上不落乾桃子三個爲末空心溫酒送下每服二錢

▲氣卒上奔呼吸有聲喘急欲死

韭菜搗汁飲之

▲氣滯腹脹手背脚膝疼痛

大麥醋糟炒熱布裹熨之三兩換即愈

▲氣痛

凡氣痛急切無藥以食鹽一撮放刀口上炭火燒紅淬入水中乘熱飲之即愈
後戒食脚魚鱉記 或照鼻部鼻血方燒少商穴法治之亦效

▲心氣痛妙方

熟烟灰五分紅黃五分用黃糖爲丸每服十粒便愈

●飲食節調論

夫脾者陰氣也靜則神藏燥則消亡飲食自倍腸胃乃傷謂食物無務於多貴在能節所以保天和而遂頤養也若貪多務飽飫塞難消徒損暗傷以招疾患蓋食物飽甚耗氣非一或食不下而上湧嘔吐以耗靈源或飲不消而作痰咯唾以耗神水大便頻數而洩耗穀氣之化生洩便滑利而獨耗源泉之侵潤至於精清冷

而下漏汗淋瀝而下洩莫不由食物之過傷滋味之太厚如能節滿意之食省爽口之味常不至於飽甚者則頓頓必無傷物物皆爲益糟粕變化早晚洩便時按精華和凝上下津液含蓄神氣內守榮衛外固邪毒不能犯疾病無由作故聖人立言垂教爲養生之大經也

傷食者因多餐飲食脾虛運化不及停於胸腹飽悶惡心惡食不食噯氣作酸下洩臭屁或腹痛吐瀉重則發熱頭痛左手關脈平利右手關脈緊盛是傷食也初起一吐即寬若鬱久不化成食積也脾胃俱實能食而肥過時不飢多食不傷也脾胃俱虛不食而瘦與食則減食不與食則不思飢飽不知也

食少而肥者雖肥則四肢不舉蓋脾困邪勝也
食多而瘦者胃伏火邪於氣分則能食雖多食而不能生肌肉也

五味淡薄令人神爽氣清蓋酸多傷脾鹹多傷心苦多傷肺甘多傷腎辛多傷肝尤忌生冷硬物氣口脈緊盛爲傷食食不消化浮滑多痰

▲食積外治法

凡飲食停滯胸膈脹滿或大便不通或大便泄瀉或年老或體虛難以攻擊內消者用

亂髮一團剪斷酒麩一個小者二三個亦可葱白七個老薑三錢胡椒七粒以雞蛋一個破壳傾入碗中將各藥搗融和入調勻用隔夜燈油煎成一餅貼病人心

坎下胃腕處先用燈油於胃腕處順擦七次再貼如嫌太熱用紙隔貼亦可用布帶束住冷則煎熱再貼約一二時似覺鬆動即便取去其病立痊屢試如神若治小兒藥料減半可也

▲飲食過多脹滿不安

用鹽擦牙濫水嗽下二三次如湯沃雪也

▲食牛肉腹脹方

用乾稻草一把煎濃湯熱飲自消

▲食鴨蛋積滯

用淘米水煎熱飲一盞即消

▲食雞蛋積滯

飲好醋即消或飲豆豉水亦消

▲食諸瓜過傷

用瓜皮煎湯解之

▲食荔枝腹脹

用荔枝壳煎水服即消

▲食菱角腹脹

取生薑汁飲之立消

▲食麵不化

用生薑汁調好酒熱服自化 凡食麵用醋斷不作脹

▲飲食凝滯腹脹

用飯搓成團加鹽少許燒枯煎水飲立消

噎膈翻胃

夫膈噎翻胃之症皆由七情太過動五臟之火燻蒸津液而痰益盛脾胃漸衰飲食不得流行爲翻胃也丹溪云年高者不治蓋年少之人氣血未虛用藥劫去痰火雖得暫愈其病立復所以然者氣虛則不能運化而生痰血虛則不能滋潤而生火也又云此屬熱症切不可用香燥之藥而厚滋味蓋香能散氣燥能耗血厚滋味能佐火而生痰也庸醫不識病源一見是疾便投以峻劑而取刻效以圖厚賞不思病危復不可救可不歎哉

大凡膈噎翻胃不可服辛熱香燥最能耗血糞如羊屎者不治大腸無血也口吐白沫者不治氣血俱憊也

翻胃者胃虛吐食不納也氣血虛而翻胃者宜攻補兼濟也年老之人陰血枯槁痰火氣結升而不降飲食不下者乃成膈噎之病也

年少之人有患膈噎者胃腕血燥不潤便閉而食不下也氣惱翻胃者宜順氣化

痰清火也收功保後者宜調養血氣也

翻胃噎膈脈寸緊尺瀋緊芤或弦虛寒之厄關沉有痰浮瀋脾積浮弱虛氣瀋小血弱若瀋而沉七情所搏

▲神灸翻胃法

拿棍一條伸手柱棍在地與肩一般高看肩上有窩名肩井穴男左女右灸三炷燈草火即效

▲噎膈諸方

凡患此症胸前有二小骨漸次交合則不能飲食而死方用活蝸虎一個入燒酒內浸七日將酒煮熟去蝸虎飲酒即愈（兼治中風）或用糯米粉以老牛口涎拌和爲丸煮熟食之效 或用牛涎和水服亦妙取牛涎之法以水洗淨牛口角以鹽塗之少頃涎自流出 或用猪毛連粗皮及蹄尖不拘多少曬乾放淨石上用明火點着燒至如膏葯樣俟火冷研極細末每服三錢滾水送服此方年在五十歲內者百發百中 或用白蜜一兩滾水調服數次自愈 或用老生薑十斤以布袋盛之將袋口紮緊放大便缸中浸四十九天取出提往急流水處漂洗潔淨切片晒瓦面上四十九天以新瓦焙透研幼末每日服一兩水送下服至八日病痊飲食如常矣（大便缸必須人糞可用如雜有畜糞斷不可用）此方必須預製以行方便 或用婦人舊頭梳一隻用刀劈碎新瓦焙透研幼末每服一錢

水送下數次自愈 如見胸前有二小骨交合即用 鵝血（不用鹽）乘熱飲之
數次則二骨俱化也 或用牛乳人乳薑汁薤汁和勻常服（永遠忌食牛鵝）
或飲自己小便去頭尾不用常服自愈

▲噎膈回食（回食者食下即吐也）

用初出窰石灰投入鍋中滾水內化開去渣止用清水煑乾炒黃色爲度黃色難
得牙色可用以罐收貯黃蠟封口勿泄氣過一二年勿用 凡人身體壯健者
用四分如年老體弱者止用二分至三分爲止以好酒一二盞調服多飲更妙
此方專治回食病哽咽年深或吐虫或下虫其病若失再發再服一次不發不必
服自愈

▲噎膈翻胃

柿餅放乾飯上蒸食不用水亦勿雜食他物十日即愈

▲噎食方

豬肺管四兩舊羅底一個篩麵粉所用之絲羅底即羅斗紗愈舊愈好白色不用
鮮藕四兩無鮮者即舊藕節亦可三味用新瓦煨炭研細末用生薑一兩搥爛取
汁又用白糖一兩滾水開服初服嘔吐再三服之至不吐爲止忌食各色豆十數
日便愈屢驗

▲翻胃

壽世良方

噎膈

九七

白葡萄一個剝空入壯年人糞在內蓋好封口炭火煨至粉紅色研末不拘茶酒每次調服少許以愈爲止

▲噎食不下

白鵝尾毛燒灰研末每服一錢米湯下 或用碓嘴上細糠蜜丸如彈子大每服一丸口含化咽下極效 或用杵頭糠以布包時時拭齒另煎湯時時呷之即效 或用大木中蛀虫七個瓦焙研末酒調服或加茴香虫七個更妙此方可以除根 或用五穀虫以麻布包好水洗淨炒黃色加木香沉香研末酒調服

▲翻胃吐食

凡朝食暮吐暮食朝吐者是用 甘蔗汁一升入生薑汁一升和勻溫熱日服之 或用乾柿三枚連蒂搗爛酒服甚效(勿雜他藥) 或灶中土年久者研末米飲服三錢 或用抱出鷄子壳爲末酒服二錢

▲血膈方(或因跌撲或因大怒血積胸膈)

生韭汁一盞無灰酒調和熱服

▲膈氣方(撫院慕天顏母患膈異人所傳)

大黃二兩酒製九次上沉香末六錢桃仁泡去皮尖研去油六錢烏藥一兩簷水煑炒硼砂二錢共研細末每服三分五更舌上抵津下

● 呃逆論症

發呃者氣逆上衝而作聲也一名欬逆若胃火上衝而逆隨口應起於上膈病者知之易治也自臍下上衝直出於口者陰火上衝難治俗謂打呃是也胃口虛寒手足冷脉沉細是寒呃也發熱煩渴脉數者是熱呃也有胃中痰火發呃者有水寒停胃發呃者有臍下氣上升發呃者陰火也有脈虛微氣不相續而發呃者陽氣不足也有陽明內實失下而發呃者有傷寒傳經熱症醫生誤用薑桂等熱藥助其火邪痰火相搏而爲欬逆者大凡瀉痢發呃者與傷寒結胸發黃又發呃者俱難治也

脈呃逆甚危浮緩乃宜弦急必死結代促微

▲ 發呃不止

將乳香末紙捲燒煙燻鼻中及灸中腕臆中期門三處即效

▲ 灸欬逆法

乳根二穴直乳一寸六分婦人在乳房下起肉處陷中灸七壯其效如神 或灸氣海三五壯亦效氣海穴在臍下一寸半 或用紅黃二錢酒一盞煎七分急令患者嗅之自愈

▲ 呃逆日久不愈一連四五十聲者

壽世良方

呃逆

生薑汁一杯加蜜一匙溫服

▲偶然呃逆

用紙撚通鼻取嚏即止

▲氣熱呃逆

用柿蒂煎水飲即止

▲呃逆不止

酒一杯新汲水一杯和服 或用橘皮(二兩去白)水一碗煎五分服 或用荔

枝七個連壳核燒枯爲末以熱水送服

▲中酒嘔吐

赤小豆煎水徐徐飲之

▲酒後口乾渴

甘蔗汁飲數次效

▲乾嘔

蔗汁 薑汁和勻溫服 或用生薑頻頻嚼之

▲聞藥即吐百藥不效

灶心土水調爲丸塞兩鼻即不吐矣

▲上吐下瀉

樟木煎水服立止 或用葑菜搗汁隔水燉微熱服

▲男婦嘔吐不止

屋簷滴水處小石子七粒煨薑三片門斗灰一撮滾水沖溫服 婦人加胡椒七粒綠荳七粒柿蒂七個煎濃汁全前三味沖服

▲食物直出

枝子二十粒微炒去皮煎湯服

▲食物作酸

蘿蔔生嚼數片 或生菜食之亦效

▲食物酸心

核桃嚼爛以生薑湯送下

▲久患吞酸諸藥不效

魚鱸食之即愈勿夜食勿飲冷水 食魚鱸法用鮮活魚切薄洗淨血腥配以蒜

薑薑醋五味炒食甚效

▲口吐清水

艾葉煎汁飲之

●咳嗽論症

善世良方 宛逆

春是上升之氣夏是火炎上最重秋是濕熱傷肺冬是風寒外束四時感冒一切咳嗽發熱吐痰者宜發散風邪也

感冒風寒嗽而聲啞者是寒與熱也冷風嗽者遇風冷即發痰多喘嗽是也痰嗽者嗽動便有痰聲痰出嗽止者是也嗽而痰多者是脾虛也肺脹嗽者嗽即喘滿氣急也若喘急不眠者難治久嗽聲啞或喉生瘡者是火傷肺金也難治血氣若衰敗失音者亦難治食積嗽者痰嗽如膠也咳嗽胸膈結痛者是痰結也早晨嗽者胃中有食積也上半日嗽多者胃中有伏火也午後至夜嗽多者屬陰虛也黃昏嗽多者火氣浮也火嗽者有聲痰少面赤身熱脈數者是也乾嗽無痰者是痰鬱火邪在肺難治也勞嗽者盜汗痰多作寒熱脈數大無力也大抵久嗽者多屬腎氣虧損火炎水涸或津液湧而爲痰者乃眞臟爲患也須用六味地黃丸爲主以補中益氣湯爲佐久之自愈

雜

咳嗽所因浮風緊寒數熱細濕房勞瀆右關微濡飲食傷脾左關弦短肝極勞疲肺脈浮短咳嗽無期五臟之嗽各視本部浮緊虛寒沉數實熱沉滑多痰弦瀆少血形盛脈細不足以息沉小伏匿皆是危脈惟有浮大而嗽者生

▲咳嗽肺痿吐血氣喘方

猪肺一副倒懸滴盡血水又用大蘿葡十個搗爛用新砂鍋一個水五碗煮爛蘿葡濾去渣添蜜四兩雞蛋白十個不用黃和蜜攪勻裝入肺內又用欵冬花五味

子柯子去核各一錢白礬五分共研末將雞蛋白及蜜攪勻入肺管內煑熟空心服之其效如神

▲又方(平常咳嗽可用)

豬肺一個洗淨血水用薑汁炒過若病人年歲若干用杏仁若干粒去皮尖將肺以竹片竅眼每眼塞杏仁一粒以線札住放瓦器內重湯煑熟去杏仁不用只吃豬肺輕者一服重者二服便愈

▲老人久患喘嗽不已睡臥不得

杏仁(去皮尖炒)胡桃仁(去皮)各一兩熬膏入煉蜜少許爲丸如彈子大每服一丸細嚼薑湯送下

▲久嗽不止

大蘿蔔一個切片白糖二兩 蘿蔔一層糖一層鋪勻煑之飲湯即愈熟嗽合用
或用蜂蜜生薑汁各半酒盅調服即止寒嗽合用

▲老人久嗽

夜臥後用連皮核桃仁三個生薑三片細嚼咽畢飲熱水一二口頃刻再服甚效

▲久嗽聲啞

青蒿不拘多少童便煑服

▲肺虛咳嗽

養世良方

咳嗽

猪肺煮熟蘸葱仁末食之

▲胸膈脹滿咳嗽不安(並治各症咳嗽)

蕎麥雞蛋白和成團擦之亦效

宮粉香油入鐵器內熬數滾離火用頭髮一團蘸粉擦胸膈數次即愈

▲咳嗽痰喘(久嗽四五十聲可用)

雪梨四兩生薑一兩共搗汁去渣加蜜四兩共煎數沸入磁器內封固不拘時服一劑即愈無病亦可服最能滋陰降火忌食蘿蔔

▲咳嗽氣喘

生山葯半碗搗爛加甘蔗汁半碗和勻燉微熱服立愈

▲多年咳嗽肺痿咯血紅痰

白芨三兩爲末每服二錢臨臥糯米湯送下即愈

▲寒嗽

核桃連皮搗爛加冰糖少許開水調入蒸服數次極效

▲風寒咳嗽

燒生薑一塊含咽之

▲止喘方

白糖三錢生薑三錢搗爛碗中露一夜用蘿蔔一個切片煎湯下 又方一片蘿

葡萄三片梨 七枚紅棗一塊薑 藕節三個一齊燉 此是咳嗽立止方

▲咳嗽帶血

小兒胎髮燒灰入射香少許酒送下男用女髮女用男髮甚良

▲氣嗽痰喘咳吐膿血

萊服子炒研末煎水送服

▲小兒晝夜咳嗽食少髮黃

此脾虛也用眞山葯一味煮熟加糖調服神效之至

▲止咳嗽妙方

用福桔(即桔仔)一個去頂上皮一小塊放食鹽一撮入內將桔皮蓋上再用濕草紙(即表心紙)一張包裹完好放火內煨熟去皮將桔肉食之其嗽自止食二三個即痊眞神方也

▲治傷風食鷄咳嗽不愈

此症哮喘成病日久類似癆傷醫生不知用葯以致傳裡即難調治方用 舊芭菓核二個打碎水二碗煎至一碗空心服之自愈

●哮喘

凡哮喘有虛實之分熱哮喘鹽哮喘皆虛症也寒哮喘遇冷風而發熱哮喘暑而發其

症專主去痰宜用吐法亦有虛而不可吐者治吼必使薄滋味不可純用良藥必兼發散方合

凡遇天氣欲作雨便發齁喘甚至坐臥不得飲食不進此乃肺竅中積有冷痰乘天寒氣從背口鼻而入則肺脹作聲此病有苦至終身者亦有子母相傳者每發即服不過七八次覺有痰腥臭吐出白色者即是全愈之候也方用 生白朮一錢枯礬三錢淡豆豉一兩（水泡去皮蒸研如泥）

右藥搗丸如菉豆大遇症發時用冷茶送下七丸以不喘爲愈切勿多增丸數慎之慎之小兒服一丸便效

▲吼積妙方

用鷄蛋一個略敲碎令膜不損浸尿缸內三四日夜取出煮熟食之神效蓋鷄子能去風痰故也 或用柚子皮燉豬心肺食數次斷根

▲哮喘奇驗

用小公鷄一隻不去血不洗水乾去毛及腸臟以酒洗淨勿近鐵器再用柚子（即香油）一個剖開一蓋去肉將鷄放入柚內內以原蓋覆上沙紙封口用濕葦坭厚敷柚皮外煨爛熟去柚皮以鹽點食鷄肉甚效 或用鵝鶩糞放新瓦上煨灰研末酒送一二錢愈 又方每早空心食薏米粥一碗甚效

▲哮喘食厚味發者

蘿蔔子淘淨蒸熟晒乾爲末薑汁浸蒸餅爲丸每服二十丸茶送下

▲哮喘氣急坐臥不安者

每早空心食豈腐漿數次便好

▲哮喘灸背肺腧穴良方

正川射香一分川貝母五分葶藶仁五分荳蔻仁五分雄黃精五分艾片五分共研末將葯末放肺腧穴兩處再用灰麵水搓成條圍住葯末以免葯末散開葯末上加生薑一片又用生附子兩個挖吼如盅樣載滿艾絨放在肺腧穴生薑片面上將艾絨燃燒用細竹管頻吹勿使熄火令其葯氣薰蒸肺竅灸至見微痛仍灸如病甚可將艾盅啓開停一息再灸約兩時辰乃止

按肺腧穴在背脊第三節骨左右兩旁便是用左右手擦至背後中指嘴至極處便是肺腧穴又叫病者作咳嗽兩三聲遂有騰動處便是即用墨點記之便不錯誤至灸艾時以五月五日最好總以天氣溫暖爲佳哮喘之病遇寒即發症重者誤食生冷麵食發品茶水過多天暖亦發發時喉如鋸聲不能安枕辛苦異常食乾薑亦可暫止 又方川貝母一兩法半夏八錢澤蘭六錢開洋花一兩五毛射一兩生草葯店有買共研細末用老生薑一斤搗爛取汁將葯末和汁又用有蓋小盅載好封固蒸一時久取出再用熟烟絲十兩和勻葯末陰乾不用日晒每日裝竹烟管或烟袋內隨意吸食斷根用珠末煮粥食能治哮喘之病

●大便論症

身熱煩渴大便不通者熱閉也久病人虛大便不通者虛閉也因汗多出者精液枯竭而閉也風證者風閉也老人染者血氣枯燥而閉也虛弱及產婦失血而起者血虛而閉也多食辛熱之物而起者實熱閉也燥結之脈沉伏勿疑熱結沉數虛結沉遲若是風燥右尺脈浮

▲自汗及小便利而大便燥結不可推蕩者

猪胆一枚傾去汁小半仍入醋在汁內用竹管相接套入穀道中以手指燃之令膽汁直射入內少時即通蓋酸苦益陰以潤燥也

▲大便不通腹脹欲死

用竹管蘸葱汁探入大便內以香油一半溫水一半同入猪尿胞內擦入竹管將人倒放兩腳向上半時即通順矣 或用烏梅十個去核水浸搗爛爲丸如棗大納入穀道少刻即通

▲水瀉不止

白糖五錢白茯苓五錢伏龍肝（即灶心土）五錢燈草一丸煎服即止 或用車前子一錢炒黨參一錢白米一撮煎滾載碗內俟葯冷然後服之亦止

▲大便虛閉

食鹽炒熱填臍眼艾火燒五次即通 凡大便不通多因寒熱不清用老薑寸許如指頭大加紙包裹火內煨熟取出蘸麻油塞糞門內快則半日遲則一日必通此方最妙不可輕視 或用連鬚葱頭三個薑一塊鹽一錢豆豉十餘粒搗作餅烘熟敷臍中搗定良久氣通即愈不通再敷必效此方虛熱可治

▲老人久病諸虛或產後便閉

蘇子半合胡麻半合研極細末用水研再取汁一碗煮粥食之

▲大便下血(名曰腸紅又名腸風)

絲瓜籐又名水瓜燒枯研末淡酒調腸神效 或用豆腐未曾入袋取漿者炒老黃色攤冷每空心服三錢日服三次血紫者白糖調服血紅者紅沙糖調服或黃糖亦可雖患症多年面色黃瘦垂危者服之亦極神效 或用黑芝麻五錢黑豆五錢水七碗煎至四碗一日服盡兼治便毒真神方也

▲便下膿血

烏梅二個去核燒枯研末每服二錢茶調服立止

▲腸風下血

乾柿餅燒灰米飲服二錢遂愈有人患病十年一服而愈 或用山渣(生用一錢炒黑一錢)黑砂糖一錢米飲調服數次全愈久近皆效 或用木耳入猪大腸內煮爛多食見效 或用蜜炙蘿蔔任意食之 或用生黑芝麻時時食之不

但止血且杜後患 或用僵蠶四兩(去頭用絲棉包好)紅棗三斤同僵蠶煮爛去蠶不用早晚食之棗盡即愈 或用敗棕(不拘多少)燒灰研末每服二錢甚效

▲中蠱下血

蝟皮燒灰研細末熱水調服二錢

▲酒毒酒積下血

茄子焙乾為末新汲水調服二錢 或用酒煮鱒魚常服立愈

▲糞前下血

石榴皮醋炙研末每服二錢用茄梗煎湯下

▲糞後下血

艾葉同生薑煎濃汁每服一盃 或用白鷄冠花並子炒煎服亦效

▲肛門生瘡

鷄內金(即鷄肫內皮)燒枯為末乾敷其效如神

▲肛門癢痛

森木樹根(即苦練根)煎湯燻洗再以 乾艾生薑煎水服甚效

▲肛門生寸白蟲

黑丑頭研末每服二錢空心熱湯調服

▲大小便不通（老幼並治）

蜂房燒灰研末酒調服三錢日服二次甚效 或用大田螺三個搗爛加青鹽三分貼臍下一寸三分即通（熱閉更合） 或用雄鼠糞研末調水敷臍上立效（雄糞兩頭尖者是） 或用蝸牛三枚連壳搗爛加射香少許貼臍中以手揉按之 或用連鬚生葱一斤生薑一塊淡豆豉二十粒鹽二匙同搗爛捏餅烘熱貼臍以帛扎定良久自通不通再貼無不應效 或用蜜糖一盃入皮硝二錢滾水調服

凡大小便不通有病者仍從病治如無故不通者照上各方治之無不奏效如神

▲大小便關格不通危急者

皂角末（無蟲蛀者）燒灰米湯調服三錢立通 或用皂角燒煙燻之

▲小便出尿大便出尿

名交腸病用 舊草帽燒灰酒服五分效

▲大小便同出

薏米二錢白糯米二錢研末每早熬粥砂糖調服便愈

▲大小便下血

劉寄奴研末茶調空心服一錢即止

●小便論症

小便不通多是熱結也口不渴者熱在下焦血分也口渴而閉者熱在上焦氣分也虛寒便閉者寒結也虛熱閉者虛結也年老便閉者氣短血虛也咳嗽便閉者痰氣壅塞也陰虛便閉者火盛也若瀉痢便閉者因後去多而前去少瀉止後而自通也若嘔噦小便閉者難治也中滿臃脹便閉者亦難治也
脈小便不通浮弦而瀉乳則便紅數則黃赤便難爲癰實見左尺
上吐逆而小便不通爲關格病關者甚熱之氣無由出格者甚寒之氣無由入用枳縮二陳湯加減治之痰出爲要此症多死治宜得法

▲小便不通

皮硝一合連鬚葱一根共搗爛攤布上貼臍下用熱瓦熨之即通 或用好麻三兩扯碎火焙用新盤一個蓋上作灰黃酒調服蓋被出汗即愈
小便不通之症有寒熱虛實不同治無一定每用一方俟過一二時不效方可另治不得性急亂投以致悞事方用 猪尿胞一個用鵝毛管插入尿胞內以線扎緊用口吹氣脹滿以手按住管口將管口插在小便孔上用手捻氣透入孔中小便即出諸藥不通者用此法最妙婦人更效 或用食鹽炒熱填臍眼上用艾火燒五次即通 或用猪胆一個留汁以陽物插入胆中少頃汁入自通如婦人染

此症以胆汁滴入陰中 或用田螺二枚鹽半匙共搗敷臍下一寸三分雖腹脹如鼓可通 或用舊草帽頂洗淨煎湯飲之立效 或用葱頭煎湯飲之亦效 或用生葱連鬚搗爛調蜜包外腎上即通 或用金針菜煎水頻飲亦通

▲小便不通遍身水腫欲死

青布十七層貼臍下用滾燒酒一大壺熨之 或用蚯蚓七條研爛投入涼碗攪勻澄去泥渣飲之大解熱疾雖不知人事服之亦效 或用生明礬末放臍內以手指蘸清水滴入臍內良久自通

▲小便不通

正射香二分田螺一個（即螺獅）連壳搗爛如無田螺圓螺蟲亦可用先將射香放在肚臍內即將田螺蓋上又用檳榔葉二塊用熱水泡軟蓋在螺肉上用布捆住一二時即通孕婦忌用 或用小麥楷一抹煎湯飲之立愈

▲身熱口渴小便赤色

甘蔗汁服之 或用生鷄蛋三個調蜜糖服之

▲尿管澀痛

牛膝用好酒濃煎服之

▲小便滴瀝或有或無

大蒜一個紙包煨熱露一夜空心用新汲水調下

▲老人小便不通

白頸蚯蚓茴香共搗汁飲之

▲便血（血出如小便者是若血如點滴爲血淋）

人指甲五分頭髮二錢五分共燒枯每次酒調服一錢空心服 或用葶麻根煎水服 或用小麥麵炒香以肥猪肉蘸食之 或用葶薺汁（即馬蹄）半盃酒半盃空心溫服每日三服 或因酒毒用大田螺五個燒至壳白肉乾研末熱酒服之

●遺溺論症

經云膀胱不約爲遺溺小便不禁常出而不覺也人之有溺賴心腎二氣之所傳送蓋心與小腸爲表裡腎與膀胱爲表裏心腎氣虧傳送失度故有遺溺之症小便自遺失禁者溺出而不知也遺溺失禁者屬氣虛用參芪湯加減老人溺多者是虛寒用參附湯加減壯人溺多者是虛熱用滋陽降火湯加減夏月因伏暑熱溺溺必遺也用人參白虎湯加減無不奏效如中風症遺溺失禁者難治也若小便頻數或勞而益甚屬脾氣虛弱用補中益氣湯加山藥五味子服之若小便無度或淋瀝不禁乃陰挺痿痺也用六味地黃湯去澤瀉加益智仁服之若小便澁滯或莖中作痛屬肝經濕熱也用龍胆瀉肝湯主之

▲治寢中小便

以燒酒塗於陽莖歷三十分鐘久用水洗去再用雁皮紙將陽莖包好塗醬於紙上歷二點鐘之久然後去之如此數回寢中小便必止誠妙法也

▲遺尿

夜睡遺尿不論老幼用白紙一張鋪席下俟遺尿於上取紙晒乾燒灰酒服即愈不愈再服見效 或用鷄腸燒灰爲末溫酒送下 或用燕窩中草燒灰調水服 或用破故茺一兩研末熱水調服（每服一錢）

▲小便不時

雄鷄尾毛燒灰酒調服一茶匙 或用白菓十四粒七生七煨兼而食之 或用益智仁二十四粒鹽水煎服亦效

▲小便過多下焦虛冷

羊肺一具切碎作羹入少許羊肉和鹽食之即止 或用象牙屑燒灰酒調服愈

●遺精論症

邪客於陰神不守舍故心有所感夢而後泄也其候有三年少氣盛鰥矜持強制情慾不自覺知此泄如瓶之滿溢者也人或有之是爲無病勿藥可矣心家氣虛不能主宰或心經受熱陽氣不收此泄如瓶之側出者也人多有之其病猶輕

用和平之劑治之至若臟腑積弱眞元久虧心不攝腎腎不攝精一泄如瓶之罅而漏者也人少有之其病最重當以大補之劑治之

或謂夢泄尤甚於房勞此世俗習聞之說而不知候之有輕重也外此又有一輩神氣消糜怪異橫生風邪乘其虛鬼氣干其正往往與鬼魅交通是又厄運之不可曉者也法藥相助誠哉是言

久無色慾而精滿泄者不必慮也心有所慕而夢遺者君火動相火隨也而夜夢與人交感精泄者謂之夢遺也有不因夢而精自出者此精道滑也有陰虛火動而遺精者宜滋陰降火也有夢遺日久元氣下陷者宜升提腎氣以歸元也有濕熱而遺精者宜健脾除濕熱也虛弱人患夢遺精滑者宜補心腎也

遺精白濁常驗於尺結芤動緊二症之的微瀦精傷洪數火逼亦有心虛左寸短小脉遲可生急疾便天

▲遺精

並治白濁盜汗方用 萆子一兩炒研末每服二錢

▲夢遺

並治腰痛用 雄猪肚一個洗淨入杜仲八兩以線縫固煮爛去杜仲連湯食盡

便愈

▲陽物不舉

陽物軟而不舉者是用雄麻雀二個（去毛及腸臟）蛇床子末二錢搗爲小丸臨事溫酒服七丸神效。或用麻雀蛋煮食更妙。或用母猪腹內子腸洗淨新瓦焙乾爲末調溫酒每服一錢可堅舉一月。或用蜂巢一個新瓦上焙枯研末新汲水調服二錢終夜不倒。

▲陽舉易洩

用大蚯蚓（又名曲蟮要韭菜地內者）十一條破開長流水洗淨加韭菜汁搗融滾酒調服日服一次服至數日即能久戰可望生子。

●濁症

濁者小便去濁也有赤濁有白濁其狀澀面如油光彩不定脚澀澄下凝如膏糊小便如米泔者如粉糊者如赤膿者皆是濕熱內傷腎經虛損而成濁也瘦人是虛火肥人是痰濕流下滲入膀胱猶如天氣寒則水澄清熱則水混濁濁之爲病濕熱之本明矣。

赤濁者心虛有熱也白濁者腎虛有寒也赤白濁者水火不分也瘦人赤白濁是虛火也肥人赤白濁是濕痰也。

兩尺脉洪數便濁遺精 心脈短小因心虛所致亦然

▲白濁

壽世良方

遺精

濁症

生白菓十粒搗水飲即效 或用藕節切碎洗淨蜜拌飯上蒸熟連服三四次愈

或用冬瓜仁炒(陳年者更佳)爲末每服五錢米湯調下(並治白帶)按冬瓜仁久服悅顏色益氣血補肝明目亦治五勞七傷 或用猪肚一個擦淨油氣蓮子八兩去心入猪肚內蒸爛或送酒或送飯服二三個即愈

▲又方(並治女人赤白帶男子砂淋)

鷄蛋一個連黃攪勻入硃砂細末一錢拌勻飯上燉熟酒下每日一個三個全愈

▲濕熱白濁

凡少年思慾不遂相火鬱結兼受濕熱而起者用六一散調服三錢自愈

▲呂祖仙方治白濁

石蓮肉三兩蠟鼓三兩生地一兩車前子三錢煎水連渣服一次即愈

▲赤濁

益母草(葉子莖並可用)取汁一盞空心溫服數次愈

●淋症

淋有五種勞淋氣淋熱淋血淋石淋是也因勞而發者爲勞淋小便常有餘澀者爲氣淋小便內有血點或血條莖中痛者爲血淋小便熱而赤短而澀臍下急痛者爲熱淋小腹急脹莖內痛如刀割苦楚萬狀尿如沙石者爲石淋沙淋氣血結

聚小便如膏者爲膏淋

勞淋氣淋屬虛熱淋屬熱血淋有虛有熱石淋或因熱起或因虛起久而成沙石者是也要之五淋皆因酒色勞力傷腎膀胱蓄熱也以疏通清熱主治之

淋病之脈細數何妨少陰微者氣閉膀胱女人見之陰中生瘡大實易愈虛瀆其亡

▲五淋

淡豆豉五錢煎服雖痛不可忍者無不奏效 或用冬瓜加淡豆豉煮食一日三五次七日必愈 或用生藕節搗爛酒調服之 或用船底青苔煮水飲之奇效 此藥得水氣之精能分利陰陽去臟腑之邪毒也 或用多年木梳燒枯空心冷水調服男用男梳女用女梳 或用苧麻根兩莖切碎水一碗煎至半碗服之

▲石淋

瓦松（即瓦上無根草）煎濃湯乘熱薰洗小腹約兩時即通或取鷄糞白晒乾炒爲末調服二錢日服二次甚效 或用古銅錢煮水服之（兼治氣淋） 或用白扁豆根數寸煎水服之 或用生軍五錢黑枝一兩研末用鷄蛋白糊小丸清茶送服即通

▲熱淋

乾柿燈心各等分水煎日飲數次或不愈照小便不通方用豬胆田螺蚯蚓各藥

治之無不奏效

▲血淋

白冬瓜每日熟食兩三碗七日全愈 或用白鷄冠花燒枯米湯調服每日服三錢數日即止 或用浮小麥加童便炒研末沙糖調水服五錢即愈

▲男婦血淋

髮灰二錢藕汁和服雖痛欲死三服即愈 或用白柿 烏豆鹽花煎湯入好墨汁服之甚效

▲砂淋

鷄蛋白一個和蜜糖攪勻服之再用蓮子心煎水服之即出

▲血淋

黑芝麻燈心等分煎瘦猪肉湯服之

●疝氣論症

疝氣者本肝經宜通勿塞絕與腎經無干或無形有聲或有形如爪有聲似蛙是疝氣病也始初濕熱在經鬱結日久寒氣外束不得疏散所以作痛不可執作寒論須用寒熱相兼用神効湯加減川烏以散寒氣山枝以清濕熱皆是下焦主藥

其効遠矣腸中走氣作聲或痛者是盤腸氣也小腸陰囊手按作響聲痛者是膀胱氣也小腸臍膀一梗升上鈎痛者小腸氣也小腹下注上奔心腹急痛者腎也陰子偏大偏小者偏墜症也陰子雖硬大而不痛者是木腎氣也一切疝氣多因熱鬱於中而寒束於外也疝氣因氣惱而起者宜順氣也因勞役而發者此夾虛也發於寒月者多是寒邪入膀胱也發於暑月者多是暑入膀胱也年久不愈者宜攻補兼施也

脈疝脈弦急積聚所釀察其何部肝爲本藏心滑肺沉風疝易蕩關浮而遲風虛之鬱陽急爲癥陰急疝狀沉遲浮瀆疝癥寒痛痛甚則伏或細或動牢急者生弱急者死

▲疝氣灸法治偏墜氣痛

用草麻子一歲一粒去皮研爛貼頭顙門上却令病人仰臥將兩腳掌相對以帶子綁住二中指於兩指合縫處艾炷如麥粒大灸七次即時止痛

▲又方（治腫脹偏墜）

槐花米一錢炒黃色爲末入鹽三分空心酒調服一二次立效 或用五倍子六個燒枯爲末以好酒調服以醉爲度 或用艾葉灸大敦穴（是穴入肝經在足大指後有毛處）數次即愈 或向左腳側螺絲骨上排起四指是三陽交穴用艾火燒七次止痛如神並可除根 或將兩腳第二指對摺一處用艾絨如豆大

從第二腳指上合縫處燒之立愈 或在足大指外邊甲縫內中間不上不下之處燒之亦可須分男女左右灸之 或用老絲瓜瓦上焙枯研末熱酒調服重者不過三服即愈雖氣痛衝心亦效 凡疝氣初起必發寒熱疼痛欲成囊癰者用鮮地骨皮（即枸杞子根）生薑各四兩共搗如泥用紬包於囊上其癢異常一夕即消永不再發 或用薏苡仁四兩向東方舊壁上土拌炒黃色去泥入水煮爛研成膏每日用無灰酒服四錢五日即消而愈屢試屢驗奇效非常幸勿輕視雖腫如斗大均治

▲猝然疝氣

凡小腹及陰中相引其痛如絞汗出欲死者用 沙參搗篩爲末酒服半匙立愈 或用乾薑爲末放手心內用唾沫調勻將腎囊放手心有藥處再用右手蓋上候變出汗腹內大熱方輕起右手不可冒風腹熱痛止 或用旱蓮草搗汁一盃酒半盃和勻燉熱服效（按旱蓮草行血治血久近老少可用）

▲疝氣痛不可忍

荔枝核焙枯爲末空心白湯調服

▲膀胱疝氣

檳榔十二枚一生一熟爲末酒煎服 或用茴香炒熟作二包更換熨之

▲寒疝

鐵秤錘燒紅，搥燒酒內承熱服之。凡寒疝攻痛及偏墜腫痛，均治初起。用乾鳳仙花、乾葶藶二味浸酒服。病在左者用荔枝核（一歲一粒）慢火煨枯研末，空心好酒調服。如年多核多，不妨作數次服，但須一日服完。病在右者用小茴香鹽水炒研末，空心酒調服三錢。

▲疝氣偏墜

茨實切片，煑熟調鹽醋食之。或用猪毛燒枯為灰，每服二錢，空心調水服之。或用紅黃五分飛淨為末，或薑湯或陳酒送下。或用馬齒莧搗汁，如坭和蛋黃塗之。或用大黃磨醋塗之。或搗馬鞭草塗之。

▲呂祖治小腸氣痛仙方（濕氣頂腎囊大如升斗，二服應驗）

雲苓五錢，淮山五錢，澤瀉四錢，蘇葉三錢，大腹皮四錢，川練子四錢，枳殼四錢，木瓜四錢，赤芍四錢，生地五錢。煎好加酒服，回渣加入土坭三兩，生鹽二兩，再煎水侵洗數次。

▲陰腫核痛大如升斗

活麻雀一隻，連毛及腸臟用河邊黃坭糊裹，不可洩氣。灶火煨雀成炭，去坭酒調服，永不發。或每日用茴香煑鯽魚十尾食之。

▲小腸氣痛遠臍冲心者

連蒂老絲瓜燒枯研末，熱酒調服三錢。重症不過三服即止。或用核桃一枚燒

枯研末酒調服

▲小腸疝氣

以陳壁土炙於火爐中或爆於烈日中及熟以布包之用薰陰囊冷則更熱而薰之如此數次連薰數日即愈且能斷根 又方用打碎之生鷄蛋置於銅器中又以秤錘於火爐中燒紅先浸以醋再置於銅器中將鷄蛋收上及冷後剝下於睡眠前食之可立愈

▲小腸疝氣(屢試屢驗)

青礬三錢白糖一兩二味開滾水一茶杯候冷服之服後一二時吐瀉交作(幸勿驚慌)吐瀉之後其病若失倘身體虛弱用青礬二錢亦可瀉後煎白粥水飲之自愈



前

囊癰

凡小腹作痛牽引腎子多寒少熱好飲熱湯乃疝氣也如陰囊紅腫發熱小便赤澀內熱口乾隨腫作痛乃囊癰之候不宜用疝氣熱藥宜清肝滲濕湯主之方用抱出鷄卵壳 黃連 輕粉各等分爲末以煉過麻油敷之 如囊癰初起用煨葱加鹽搗如坭塗之 若皮脫用青荷葉包之皮自生 若陰囊爛出腎子者用老杉木燒灰蘇葉各等分爲細末麻油調敷仍以蘇葉包之 如爛盡祇留二

子用鳳仙花子 甘草末麻油調敷即生肉矣 夫囊癰乃陰虛濕熱流注於囊結而爲腫至潰後罌丸懸掛者猶不傷人以其毒從外發治當補陰清利濕熱十有九效

▲囊癰騎馬癰懸癰

凡覺玉莖後穀道前腫痛即多用 甘草濃煎湯多服以解其毒外用 野紫蘇葉（面青背紫者是）焙乾爲末麻油調敷

▲囊腫如斗

棉花子仁一兩煎湯時時洗之 或用生蔓青根搗爛敷之 或用馬鞭草搗爛敷之其效如神

▲陰囊腫痛

葱白乳香末搗爛敷之即時痛止腫消 或用雄黃 白礬等分研末清油調敷

▲腎腫如水晶因受潮濕而起者
灶心坭三升研碎炒熟鋪板橙上再用川椒小茴香末撒在上面將陰囊薰蒸冷則再炒再熨數次自消

▲腎囊風

凡陰囊破爛腎子在外用 北瓜內釀敷之以荷葉浸軟包好宜仰面睡定次日即收甚效 如未破爛用 地骨皮二兩吳茱萸一兩煎湯洗之 或用野紫蘇

煎湯洗之 或用蒜梗煎湯洗之 或見庠痛用陳壁土研細撲之 或用亂髮煎水洗數次自愈

▲陰囊生瘡

花椒七粒葱頭七個煮水洗之

▲陰囊濕癢

紫蘇葉 枯炭共研末摻之 或用蘆甘石蛤粉等分爲末摻之

▲陰囊油蟻

用飯湯洗之再用六一散加冰片少許摻之

▲陰毛生虱(即八脚虱奇癢難受)

生白菓嚼塗自絕 或用水銀硫黃久搗極細末用指甲挑些搽上卽死不可多搽切記 或用百部煎濃湯洗之數次愈

▲陰囊撲損瘀血積滯有時疼痛

此名血疝臨睡時自以一手挽其下一手按其上由輕至重摩弄百回一月之間瘀血盡散陳氣皆行雖年深日久不藥亦愈誠妙術也

▲陰囊奇癢不止

茄子一枚連根葉煎湯燻洗一週時脫壳如舊 或用新荷葉一張連鬚葱頭七個煎湯先燻後洗自愈

▲縮陽症

檳榔多用紅灰搗汁和童便灌之即愈

●懸癰

此症由三陰虧損濕熱積聚而成生於肛門前腎囊後名海底穴初生狀如松子漸如蓮子大小癢多痛十餘日腫如桃李成膿即破輕則成漏日久便成癆瘵不治者多矣方用 大粉甘草四兩截寸段急流水浸透炭火炙乾再浸再炙擘開中心有水潤爲止切片再用甘草歸身各三兩水三大碗慢火煎至成膏去渣再煎以成濃膏爲止(去火毒)每用三錢溫酒一大杯溶化空心服之未成者即消已成者即潰既潰者即斂此良方也 如初起祇用粉甘草一味每次一兩煎酒服之以愈爲止

●腸癰

凡小腸癰則左足縮大腸癰則右足縮是也又一足拘攣口有臭氣者皆是方用 鼈甲燒枯研末水調服一錢每日三服以愈爲度 或用雄鷄頂上毛並鷄屎其燒枯空心酒調服 或用桑樹上結纍一塊以陳米醋磨服取瀉瀉後急服補中益氣湯 或用皂角刺煮好酒一碗溫服膿血從小便而出自安

善世良方

囊癰

懸癰

腸癰

●肺癰論症（又名肺疽）

諸患易識肺中患毒難知於何辨之若患者兩腳骨疼痛或腳骨不痛而舌下生
物如細豆一粒心口之上內作微痛或兩脇微痛及咳嗽口乾咽燥此即肺中生
毒之症也即用 甘草二錢桔梗三錢煎服服下如覺稍安肺之患毒無疑矣再
服犀黃丸服至一料全愈 舌下豆粒忌用針灸刀刺服藥後自然消散矣
口吐臭痰胸中發腥者肺癰症也此症有三不治時吐臭痰如硬米飯者不治嘔
膿不止者不治白痰變赤者不治惟嘔惡而膿自出者易治宜服地黃歸脾保生
等湯輪流服之自愈若不早治悔之晚矣
肺癰肺疽兩症無力服藥者以陳年醃芥菜齏每晨取半盞用滾豆腐漿調服服
下則胸中一塊塞上塞下至數次方能吐出惡膿數日膿盡自愈終身戒食鴨豆
白鯊紅蘿葡鱘魚甲魚如不禁戒復發難治
脉寸口脉數而實者肺癰也若脉微緊而數者未有膿血也若緊甚而數者已有
膿也又脉短而澹者自瘥浮大者難治

▲肺癰危症

凡患肺癰者先因感受風寒未經發越停留肺中亦有七情飢飽勞役損傷脾肺
而生者又有勞力內傷迎風嚮叫外寒侵入而生者其初則毛聳惡風咳嗽聲重

胸膈噎痛強不能轉側者是其真候也久則鼻流清涕咳吐膿痰黃色腥穢重則胸膈脹滿呼吸不利飲食減少脉洪自汗漸至久咳帶傷咳吐痰血寒熱往來形體消瘦咯吐瘀膿聲啞咽痛其候轉爲肺痿患此者皆百死一生之病也 方用大瓜萆一個開一孔將內核傾出數得多少即配杏仁多少(去皮尖)共入瓜萆內封口用黃泥包裹燒紅無烟候冷去杏仁將瓜萆又配貝母如前數研未和勻臨臥時將燈心湯漱口後用蜜糖調服每次二錢即愈

▲辨肺癰腸癰法

用棉花捲竹片上蘸油點火使本人觀之若肺癰看火頭是二個腸癰看火頭是一個用 薏苡仁略炒爲末糯米湯調服或糞粥或水調服當下膿血而愈 或用竹葉絞汁一盞服之吐膿自愈 或用白芨四兩磨末每服二錢米湯調服

●吐血論治

血爲人身之寶一有損虧百病叢生何也蓋血爲榮氣爲衛心生血肝藏血脾爲總管血隨氣行氣逆則血逆臟得血而能津腑得血而能潤目得血而能視舌得血而能言手得血而能握足得血而能攝榮衛晝夜循環運行不息若是勞傷火動皆令失血一切血症皆屬熱藥宜清涼俱是陽盛陰虛火載血上錯經妄行而爲逆也用犀角地黃湯隨症加減鮮血者新血也宜止之紫黑成塊者瘀血也宜

去之以後俱用補榮湯加減調理夫血得熱則行得冷則凝赤屬火黑屬水見黑必止理之自然如或暴吐紫血多者無事是由平日熱傷死血在胃口吐出爲好若止吐太早便成血結塊痛難治須用活血湯加減治之吐血後見痰者是陰虛火動用滋陰降火湯加減若先痰後血者是積熱用清肺湯加減治之全吐血者胃血也鼻中出血肺血也咳嗽痰中帶血亦肺血也咯出血屑者血出於腎也鮮血隨睡而出者亦腎血也諸失血者止後宜調理也小便出血者心移熱於小腸也大便出血臟腑蘊積濕熱也腸風下血必在糞前名近血也臟毒下血必在糞後名遠血也

脾肺之血屬氣虛以補氣益脾爲主肝血屬勞傷以滋陰降火爲主如概用滋陰之藥則殺人如草菅矣可不慎哉

諸血症皆見芤脈隨其上下以驗所出大凡失血脈貴沉細和緩若見洪大後必難治

血吐在水內浮者肺血也羊肺煑熟蘸白芨末食沉者肝血也羊肝蘸白芨末食半浮半沉者心脾血也羊心羊脾蘸白芨末食極效（白芨末火略焙炒研）

▲血症禁忌

鹽能走血不可多食而藥方忌用丹皮雖症愈必發時師未能見到往往誤用不可不知

▲吐血不止

舊墨三分京墨更好當歸五錢淨水煎好再加童便一碗勻服不論新舊吐血均治

▲咳嗽咯血（咳至破金聲唾可治）

雞蛋四十隻用童便浸四十九日取起連壳洗淨加廣東六安茶四兩水一大瓦鍋煮一日爲度頻頻加水煮鷄蛋至黑色爲佳取出連六安茶用瓦鍋收貯每日食三隻分早午晚水煮熟用六安茶送服自愈此經驗方也

▲吐血治法

舊藕節日日煎湯飲不可間斷輕則三月重則半年斷根用鮮藕亦可無鮮藕即藕粉亦可以自製爲眞買者多假陰虛吐血人勿用 又方凡勞傷吐血及咳嗽者用童便之清利者日日飲之勿間斷或自己戒食葱蒜等臭濁之物並戒房事則小便日清去其頭尾數滴日飲二三次每服南棗三個自不惡心一月見效久服除根身體強健吐血服小使者百無一死服寒涼者百無一生此屢驗良方也小便色黃者不可用或用足紋銀一塊約重五六錢放碗內小便乘熱飲之亦可或用老生薑一塊約重七錢搗細如粉再用胡桃肉一酒盞熱水泡去衣和薑再搗爛放碗內蓋好俟病人熟睡用滾水沖薑桃末攪勻碗內稍溫暖卽叫醒病人端坐連渣服完乃睡不過二三服即愈永不再發

▲吐血不止

白茅根水煎服或搗汁服 或用薄白帛五張燒灰調水服奇效

▲吐血不止

全當歸一枝重一兩二三錢陳白酒瀘一斤煎一碗加黑豆汁一盃童便一盃沖服重者三服

▲傷肺吐血(并治嘔血咯血)

白芨爲末每服二錢陳酒調服

▲猝然吐血

海螵蛸末米飲調服一錢即止

▲吐血衄血

並治血崩血淋損傷產後瘀血方用 荷葉末煎湯服之 或用韭菜汁和童便服之

▲吐血尿血

鮮地骨皮搗汁服之

▲痰嗽帶血

大柿餅飯上蒸熟剖開入真青黛末一錢臨臥服一個常服甚效

▲咯血

新棉燒灰五分好酒送下

▲勞心吐血

糯米五錢蓮子心五錢爲末酒調服

▲中蠱吐血

小麥麵一合冷水調分兩服半日即下

▲痰內血絲

天門冬一錢麥冬一錢五分煎水代茶飲

▲吐血無痰

此胃血也方用 童男剃下頭髮洗淨陰陽瓦煨研末篩淨調好舊墨汁服甚效

▲諸血上攻

男婦並治方用 皮硝二錢研末童便一盞黃酒一盞和勻燉熱溫服便止

▲吐血不止

即取病者所吐之血向鼻一聞不臭者可治臭者不可治將血取來用砂鍋焙乾研末每服一錢用麥冬(去心)煎水調服便愈

▲毛孔節次出血不止皮脹如鼓頃刻口鼻眼目俱脹

名血脈溢症用 生薑研汁飲一二盞即愈

▲汗血

壽世良方

吐血

頭髮燒灰敷之自愈

▲五竅出血

凡耳目口鼻一齊出血名曰上虛下竭死在須臾不及用藥先將冷水向病者面上噴幾口如婦人急分開其頭髮冷水噴之如男子用粗帛數層冷醋浸透貼在額門其血即止隨服補血湯方用 炙黃耆一兩當歸三錢沉香五分水煎童便調服再服補藥無不愈者

▲九竅出血

新汲井水洗足即止 或以井水猝然噴面勿令病人知之一驚即收 或用鮮紫蘇一把搗汁好酒半盞調和煎服無鮮者用乾紫蘇末三錢亦可

▲毛孔出血

猪瘦肉一片貼之立止（猪皮亦可） 或用草紙燒灰候冷敷之亦止

▲臂竅出血

有人臂上毛竅如針孔濺血一盤晝夜長流面色潔白身倦無氣即用 炒鼈甲片研末敷之以帛紮住即止再服補血湯數貼自愈 有老人腎囊上起一針孔流血不止諸藥不效仍以上法治之立愈 或用婦人陰毛一根放患處立止此奇方也

●虛勞論治

虛怯症者皆因元氣不足心腎有虧或勞傷氣血或酒色過度漸至真陰虧損相火隨旺火旺則銷鑠真陰而爲嗽爲喘爲痰爲熱爲吐血衄血爲盜汗遺精爲上盛爲下虛脚手心熱皮焦午後怕寒夜間發熱或日夜不退或嘈雜怔忡嘔噦煩燥胸腹作痛飽悶作瀉痞滿虛驚面白唇紅頭目眩暈腰背酸疼四肢困倦無力小水赤色脈來數大或虛細弦急怪症多端犯者難治虛勞不受補者難治咽喉聲啞生瘡者難治久臥生眼瘡者難治此皆陰虛火動俱用滋陰降火湯加減或清離滋坎湯後服滋陰清火膏六味地黃丸之類愈後用坎離既濟丸乃收功保後之藥也

勞症者原是虛損之極痰與血病先起於陰怯已後成勞治藥一同勞症脈數大而虛又有傳屍勞瘵之症乃臟中有蟲嚼心肺者名曰瘵此是傳尸疰骨勞瘵者注也自上疰下骨肉相傳乃至滅門者亦有之矣

▲嘔勞喘急方

活鯽魚一尾以本人小便浸魚令呼吸入腹約一時取出用荷葉包裹燒熟去魚腸將肉吃盡三次卽愈

▲勞怯妙方

壽世良方 虛勞

凡男女一切勞怯但有脈有神者無不應效方用箭頭砂一兩雄黃五錢二味研末單層棉紙封固選十二三歲未行經壯實童女將藥貼上童女臍內用帛扎固約一週時取下秤藥多重三錢者更妙即刻將藥貼病人臍上先備人乳十餘碗候病者口乾發燥飲之渴止即不飲乳解去臍上之藥其病自去再用補葯調養十人九活

▲虛勞

豬肚釀黃糯米蒸熟搗爛爲丸白湯下 或用枸杞葉細切以糯米二合瓦器內煑粥五味調食之或用小紅棗二斤水 泡去皮黑糖一斤揀淨共搗爛不見星做一餅磁盒盛之每晚開水調服一二兩甚效

▲乾血癆奇方

白鴿子一隻去腸入上血蝸一年一兩二年二兩三年三兩以線縫住無灰酒煑數沸服之淤血必行如心中慌亂者即食白鴿肉一塊即止

▲傳屍勞症

凡傳屍勞瘵血氣未甚虛損者不必多用藥方能早服此丸則虫自不能爲患此方得自河南郡王府照方調服無不全愈方用 川椒二升（去閉口者微炒出汗）研幼末空心米飲調服二錢或用紹酒煑米粉糊爲丸如桐子大每服三十丸以漸增至六十丸酒送服

▲驗癩蟲法

用乳香燒煙燻病人手背男左女右以紬帕蓋手掌心良久有毛從掌中出白者可治紅者難治黑者不治無毛者即無癩蟲

▲灸癩蟲法

用濕紙條貼背脊上紙先乾者即癩蟲處以墨點記用老蒜切片貼上以艾一團放蒜片上燒之多燒爲妙無蒜用薑亦可先備火盤鐵鉗如虫出即用鉗夾火盤內或遠送野外埋入土內恐飛入人口鼻內須謹防之

▲治癩蟲法

八月初一日早收取百草頭上露水點膏肓穴（穴在背上第四節骨左右兩旁各三寸）最爲神效

▲童子癩並治傳屍癩

貓糞（取五面上晒白者）用黃土包裹火內煨焦取出用碗蓋住候冷去土研末黃糖和爲丸每服三四錢效若仙丹

●諸汗論症

盜汗者屬陰虛睡中而出醒則止也自汗者屬陽虛時常而出也盜汗自汗者宜實腠理也心汗者心孔有汗別處無也名月心汗因憂思悲恐驚勞傷鬱結而成

也頭汗者邪搏諸陽之首也其病渴飲漿水小便不利此濕熱也久必發黃用茵陳湯或五苓散治之大汗髮潤喘不止者死症也黃汗者汗出染衣黃如柏汁也心熱則汗出亦有火氣上蒸胃中之濕亦作汗用涼膈散治之 自汗不休因內傷及一切虛損之症而得者用補中益氣湯柴胡升麻(俱用蜜水炒)少加製附子麻黃根浮小麥 若陽盛陰虛盜汗者用當歸六黃湯 陽氣虛弱汗出不止肢體倦怠用參附湯治之 若腎氣虛弱盜汗發熱者腎氣虛乏盜汗惡寒者俱用六味丸 上熱喘急盜汗氣短頭暈者用參附湯 若氣血俱虛而盜汗者用十大全大補湯治之

▲自汗(常出者)

舊蒲葵扇燒灰和粉搗之 或用酒調服一錢極效 或用鬱金研末臥時蜜調塗於兩乳即止

▲盜汗(睡中出者)

帶露桑葉瓦上焙乾爲末空心米湯調服二錢數次全愈有人睡後出汗遍身衣被皆濕二十年不愈後照此方服至數日斷根眞神方也

▲汗出不止

牡礪一兩研末撲之即止

▲自汗盜汗

五倍子爲末用津唾調填滿臍中以絹帛縛一宿即止加枯礬末更妙

▲脚汗

白礬五錢乾葛五錢研末水煎連洗五日自然無汗矣

▲淡汗（即盜汗）

珠末五分猪瘦肉煎湯開服即止 或用飯鑊內未起之飯焦（即鍋巴）用老薑一把搥爛將飯焦擦透用火燒紅飯鑊下冷水二三碗煎滾將水傾出面盆上洗身一二次便愈

●痰病論症

王隱君曰痰之爲病難明或頭暈目眩耳鳴或口眼蠕動眉稜骨痛耳輪俱癢或四肢遊風腫硬或齒浮痛癢或噫氣吞酸心下嘈雜或痛或噎或咽隘不利咯之不出嚥之不下其痰似黑有如破絮桃膠蜆肉之狀或心下如停水心氣冷痛或夢寐奇怪之狀或足腕酸軟或腰腎骨節猝痛或四肢筋骨疼痛或手足麻痺臂痛狀如風濕或脊上每日一條如線紅起或渾身習習如臥芒刺或眼粘澀癢口噤喉痺或繞項結核或胸腹間如有二氣結鈕噎塞煩悶或失志顛狂中風癱瘓或風毒脚氣或心下怔忡如畏人捕或喘嗽嘔吐或吐冷涎綠水黑汁甚至爲肺

癰瘍毒者惡心痞隔泄瀉寒熱便膿或胸間軋軋有聲或背心一點常如冰冷皆痰病所致百病中多有兼痰者世所不知也諸病所以化痰爲先善治痰者兼治氣氣順則痰利痰脈浮滑者宜降浮實者宜吐沉小者不宜吐恐虛故也凡治痰症不可全用利藥太過使脾氣虛弱則痰反易生而多若脾虛生痰者用健脾燥濕便要利補兼用陳皮白朮爲佐也痰乃穢濁之物宜吐不宜瀉瀉則反加別症矣痰屬濕乃津液所化也咳嗽白痰者肺感風寒也食積痰者多餐飲食鬱久成痰也小兒居多咳嗽線痰者脾胃有濕也痰氣者胸膈有痰氣脹痛也（痰在喉間有如絮綿有如梅核吐之不出咽之不下或升或降塞得不通亦痰氣也）痰在胸膈間痛而有聲者痰飲症也渾身胸背脇痛不可忍者痰涎症也渾身有腫塊或作寒熱骨床串痛者痰濕流注經絡也渾身上下結核不散或發腫塊者是痰核也痰呃咳嗽氣逆發痰呃也項背骨節腫痛者皆是痰氣風熱也咳嗽咯吐黃痰者脾胃有熱也（日久不愈成肺痿口吐癰膿或痰血作腥臭者難治）咯吐黑痰成塊者勞傷心腎也不能言語者是痰迷心竅也咯痰不出者是痰結也胸膈有痰不化元氣虛弱津液乾燥咯不得出喘咳身熱痛難轉側者是痰結也脇下有痰作寒熱咳嗽氣急作痛者亦痰結也喉中軋軋有聲喘急咯痰不出者難治也氣鬱痰喘不得睡者難治也服藥後咯吐痰出爲效若咯痰不出亦難治也痰燥者痰火作熱煩燥也痰話者痰火作熱驚惕不安錯語失神也痰迷心竅神

不守舍因思憂鬱結驚恐傷心心不自安神出舍空使人煩亂悲歌叫罵奔走不識人也干般怪症多兼痰火也調理痰火之疾宜消補兼濟也

脉伏弦爲飲或沉弦滑或結沉伏痰飲中節又脈多滑有弦滑有沉滑 火痰黑色老痰膠色濕痰白色寒痰清色

▲痰厥方

白礬一兩水一碗煎半碗入蜜糖少許再煎少時溫服須臾得吐如不吐再飲熱滾水一盞即吐矣 或用膽南星一錢薑湯調灌即愈 或用清油一盞灌之吐痰即愈

▲風痴不知人事

桐油四兩煎豆腐八塊盡量與食食完吐痰痰盡即愈要餓極方與飲食

▲上焦痰熱

藕汁 梨汁各半盞調和燉熱服

▲痰積

頂大葱頭二三十個略搗爛入鍋內炒熟俟微溫塗於胸坎不久痰即盡出

▲中痰

明礬末用陰陽水灌之再服再吐甚效

▲喉中痰壅喘急

壽世良方

痰病

巴豆一粒去壳搗爛作一丸以棉花包裹男左女右塞鼻中痰即墜下而愈小兒亦可用

▲滌痰散

廣陳皮先用白水洗淨每一斤入食鹽四兩同入水浸過一指鍋內煑乾略去筋膜切作小片炒乾每陳皮一兩入粉甘草二錢共研末每日早晚服二匙白湯下此藥潤肺消痰定嗽解酒毒除一切痰火

▲癡笑不止

食鹽燒紅用河水煎飲過片時用手指入喉抵住舌根使作嘔吐嘔出熱痰數次甚效

●癡狂論症

陰附陽則狂陽附陰則癡脫陽者見鬼脫陰者目盲狂者大開目與人語所未嘗見之事爲狂也讖語者合目自言日用常行之事是也又蓄血症則重復語之鄭聲者聲顛無力不相接續造字出於喉中是也喜笑不常顛倒錯亂者心血不足也狂亂而無正定者痰火實盛也喜笑不休者心火之盛也婦人癡疾歌唱無時踰牆上屋乃營血迷於心胞所致也邪崇之症似顛而非顛有時明有時昏但心者一身之主清淨之府外有包絡以

羅之其中精華之聚萃者名之曰神通陰陽察纖毫無所紊亂稍有濁痰沉入其中以主宰故味其明言語交錯或精氣赤汁流通逐去濁物其言猶復舊也此名爲痰迷心竅之患非邪祟也若以符水治邪崇用蜜共敷以客其外不治此乃上

隔之痰理宜先用吐法後用清痰順氣安神之藥調之病即安矣
癩癩之脈陽浮陰沉數熱滑痰狂發於心驚風肝癩弦急可尋浮病腑淺沉病臟
深癩脈搏大滑者生沉小緊急者不治脈虛可治實則死
熱狂脈實大者生沉小者死

▲顛狂治法

苦參末蜜爲丸每服十丸薄荷湯送服

▲失心顛狂

眞鬱金七兩明礬三兩爲末薄荷丸如桐子大每服五十丸水送服

▲驚憂發狂

絲瓜蒂五錢爲末每服一錢井水一盞調下即大吐得睡勿驚起

●鼓脹論症

夫脹者由脾胃之氣虛弱不能運化精微而致水穀聚而不散故成脹也然飲食失節不能調養則清氣下降濁氣填滿胸腹濕熱相蒸遂成脹滿經曰鼓脹是也

中空無物有似於鼓小便短濇不利其病膠固難以治療用分消湯加減治之健脾順水寬中爲主也不可太用猛烈之藥反傷脾胃病再復來不可治也若臍凸肉硬肚大青筋足背手掌俱浮男從腳下腫上女從頭上腫下皆不治之症也肚腹脹起中空似鼓者是爲腹脹也脾胃氣血俱虛者宜半補而半消也元氣脾胃兩虛者宜補多而消少也腹有積聚者爲熱脹宜分消也不喜飲食者爲寒脹宜溫散也血氣凝結積聚而成腹脹者宜專攻也腹脹因於氣者宜順氣也手指按之下陷不起者水鼓也隨手即起者氣鼓也週身老黑色皮內有紫黑斑點者血鼓也若身大熱如火者身發寒熱如癩者四肢發黑者腹脹脈大命絕者唇口黑是脾絕缺盤平心絕手足心平腎絕肚臍翻凸肺絕背平肝絕陰莖腫爛瀉後身有青筋起大便滑泄週身有破皮以上各件有一端見者俱屬難治先起於四肢後散於腹者難治先起於腹後散於四肢者易治脈脹滿脈弦脾制於肝洪數熱脹遲弱陰寒浮爲虛脹緊則中實浮大者生虛小危急

▲試臛法

用鹽四兩炒熟絹包放臍上水鼓鹽化水食鼓鹽紅色 血鼓鹽紫色 氣鼓黑色 氣虛中滿鹽色不變 凡試鼓必用白鹽而此症又忌鹽醬法用 活黑魚一尾重七八兩去鱗甲剖開去腸淨用好青礬五分松蘿茶三錢男用蒜八瓣

女用蒜七瓣共入魚腹內瓦鍋蒸熟令病人連茶蒜食之從魚頭食起病從頭上消從魚尾食起病從腳下消

▲各種鼓脹治方

西瓜一個削去頂一片挖去穰三成以蒜瓣填滿將原頂蓋上放瓦鍋內再用瓦鍋蓋覆之蒸熟瓜蒜連湯作二三次食盡三日脹消不忌鹽醬 或取蓋屋多年稻草煎湯傾入盤內令病者坐盤上燻之待湯溫方洗其腹小便隨下黃水燻洗數次永不復發 或用黃牛糞男用雄糞女用雌糞在四五月間取淨者陰乾用微火焙黃爲末每服一兩用酒三碗煎至一碗瀝去渣止飲酒三服全愈

▲氣鼓

大蝦蟆一個以砂仁推入其口內使吞入腹以滿爲度用泥罐封固炭火煨紅透烟淨取出候冷去泥研末爲一服或酒或陳皮湯送下候撒屁多乃見功效 或用陳年大麥（不拘多少）煎湯頻服漸消 或用五穀虫洗淨炒黃色爲末黃米飯爲丸白滾湯下自愈

▲水鼓

大蒜一歲一粒以沙糖煮爛時時食之忌鹽三年或照前烏魚冬瓜各方治之更妙

▲水鼓小便淋閉

善世良方 鼓脹

大田螺（即螺獅）四個大蒜五個車前子三錢研末共搗成餅貼臍中以布束縛則水從小便出腫自消去終身戒食田螺

▲十種水鼓腫滿喘促

商陸根赤者杵碎貼臍心絹帛縛定病自小便出 或用多年舊鼓皮三錢瓦焙爲末酒調服

●水腫論治（黃腫附）

其症通身浮腫皮薄而光手按成窟舉手即滿者是水腫也初起眼胞上下微腫如裹水上則喘咳氣急下則足膝浮腫大小便短澁不利或大便溏泄皆因脾虛不能運化水穀停於三焦注於肌肉滲於皮膚而發腫也治用健脾利水以爲上策久則肌肉潰爛陰囊足脛水出唇黑缺盆平臍口肉硬足背手掌俱平者是脾氣憊也

水腫氣急而小便澁也血腫氣滿而四肢寒也朝寬暮急是血虛也暮寬朝急是氣虛也朝暮急氣血俱虛也大凡水腫宜健脾去濕利水也

水腫腹有積塊者宜半消半補也因氣惱而成者宜順氣也濕熱作腫脹滑泄者宜清熱除濕利水也元氣壯盛者宜消導也

水腫之病有陰有陽陰脉沉遲其色清白不渴而瀉小便清澹脉或沈數色赤而

黃燥糞赤溺兼渴爲陽沉細必死浮大無妨

▲中滿腹脹一食不能再食

不着鹽豬血澆去水晒乾爲末酒服取瀉爲效

▲腹脹四肢浮腫

黃瓜一條破開連子以醋水各半煮爛空心服之 或用蘿蔔子一兩微炒水一碗煎三滾服

▲小腹堅大如盤胸滿食不消化

酒麪末滾水調服一茶匙每日三服

▲頭面四肢俱腫惟額上及耳尖指尖不腫不變色

香附二錢研末冷茶調服

▲氣腫水腫

多煮野鴨食之

▲氣鼓

豬肝一具洗切和葱頭豆豉薑椒炙食之或單煮羹食亦可

▲腫脹不食

豬脊肉一斤煮熟切片以生蒜蘸拌食之

▲身腫攻心

壽世良方

水腫

生豬油以漿水洗壓乾切膾蒜薤啖之一日二次

▲腹大如鼓遍身浮腫

用棗一斗入鍋內以水浸過棗面用 大戟根苗蓋之瓦盤蓋上煮熟取棗時時食之棗盡用自愈

▲水腫

薏苡仁三錢炒黃色研末鹽湯下 或用青頭雄鴨煮汁飲之厚蓋取汁（上腫者方宜汗）或和米並五味熟煮作粥食之亦佳 或用白鴨一隻洗淨以豆豉

▲一切水腫濕氣肚及四肢發腫

豬雄胆一個入大蒜四兩煮爛淡食五六個忌鹽醬醋百日自消

▲足腫

葱子煮湯洗之日三五度

▲小腹及腿足腫脹

大鯉魚一尾醋三升煮乾食之一日一次 或用大鯉魚一尾赤小豆一升水二斗煮汁食一頓服盡見下痢爲愈 妊娠水腫皆治

▲黃腫

任意食落花生至二三斤全愈

▲統治黃病

鷄蛋一枚連壳燒研末醋一合溫服鼻中虫出爲效三十六種黃病皆治重症食
三次便愈 或用七月七日取水花晒乾爲末每服一錢黃酒下 或用黑髮燒
灰研末水調服一錢七分每日三服 或用茵陳生薑同搗爛於胸前及四肢日
日擦之又以鷄蛋白三個熱酒冲服 或用馬鞭草煎湯常飲自愈

▲濕熱發黃或因大飢過食或因素有濕熱汗出浴身而成者

生薑時時週身擦之其黃自退或加茵陳蒿尤效或取蟹燒枯研末酒糊小丸每
服五十丸白湯下每日二服

▲食勞黃病

絲瓜連子燒枯研末每服二錢因食麵得病用麵湯下因飲酒得病溫酒下數服
自愈

▲黃疽變黑

凡醫生不能治者 急用土瓜根搗汁每早溫服一碗午刻黃黑水從小便出不
出再服自愈

▲黑疽危症

瓜萆根一斤搗汁溫服隨有黃水從小便出不出再服便愈

▲黃疽

壽世良方

水腫

茵陳蒿作菜或作羹日日食之 或用水楊枝煎濃汁服之 或用甜瓜蒂同赤小荳煎服或研末吹鼻中取出黃水愈 或用猪胆一個取汁和荳腐漿服之男女可治

▲黃疸週身如黃金色

薏苡仁根煎湯頻頻飲之 或用陳糯米煮汁服之 或有小便熱赤用 萊服子研末白湯調下

▲黃疸無汗

初生莧菜（未經割過）陰乾遇病用砂鍋煮湯不時服之若無莧菜即菜根種子亦可用

▲黃疸痧症

黃疸痧一症古人多言爲濕熱及有五疸之分者曰黃疸曰穀疸曰酒疸曰勞疸曰黃汗皆未足以盡之而不知黃之大要有四曰陽黃曰陰黃曰表邪發黃曰膽黃此四黃症人往往忽之其害匪淺惟景岳論之甚詳今特羅列各症如能對症服藥自無終身之患矣
凡額黑微汗手心足心熱薄暮即發膀胱急大便濇黑名曰勞疸又名女勞疸此症因大勞大熱男女交接所致身目俱黃日晡發熱惡寒小腹滿小便艱澁便是凡身面眼目黃如金色小便黃而無汗者曰黃疸此症寸口無脈鼻出冷汗腹膨

形如烟薰頭搖視直環口黎黑汕汗發黃久之變黑並喜睡吐涎者不治

金匱要略曰跌陽脈緊而數數則爲熱熱則消穀緊則爲寒寒則食滿尺脈浮爲傷腎跌陽脈緊爲傷脾風寒相搏食穀則眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸此症寒熱不食食即頭眩心胸不安因飲食傷脾久久發黃者是

凡心中懊痛足脛滿小便黃飲酒發赤黑黃班食時欲吐鼻燥名曰酒疸其脈浮者先吐之其脈沉者先下之夫病酒者小便不利心中熱足下熱是其症也

凡因濕多成熱則生黃此即所謂濕熱症也其症身熱煩渴或躁擾不寧或消穀善飢或小便熱痛赤澁或大便秘結其脈必洪滑有力不拘表裏成風濕外感或酒食內傷皆能治之但察其元氣尙強脾胃而損而濕熱果盛者宜清火邪利小便濕熱去而黃自退

凡陰黃疸症多由內傷不足不可以黃爲意常用清利此症宜調補心脾腎之虛以倍血氣血氣充足黃氣自退

若因內傷勞倦致染傷寒者亦多有發黃之症但察其本無濕熱實邪等症即當以治陰黃疸法治之若祇知攻伐未有不敗事者

凡胆黃疸症皆因傷胆而然膽既受傷則臟氣之損敗可知若不調理必致剝喪此症宜大用甘溫速救元氣然必察其所因之本或兼酸以收其散亡或兼澁以

固其虛脫或兼欵以鎮其失守之神魂或開導以釋其不解之疑畏用藥宜用陰黃腫治法則有起死回生之功否則再用尅伐利水之藥則殆矣然須細察脈象病症按方治之無不奏效如神也

●中風論症

中風者有眞中風類中風之分眞中風者中時猝倒皆因體氣虛弱榮衛失調或喜怒憂思悲驚恐或酒色勞力所傷以致眞氣耗散腠理不密風邪乘虛而入乃眞中風也有中腑中臟中血脈氣虛血虛之不同因而治法亦有異也大抵中腑可治中臟難醫凡遇此症急用生半夏牙皂細辛爲末吹入鼻內有嚏可治無嚏即死

凡口開手撒眼合遺尿吐沫直視喉如鼾睡肉脫筋骨痛髮直搖頭上攞面赤如粧汗出如珠痰喘作聲皆不治也若動止筋痛是無血滋筋故痛曰筋枯不治凡卒中昏倒不省人事牙關緊閉者此中風痰也先用通關散吹鼻次用吐法吐後未醒急灸百會人中頰車合脊各穴即服導痰湯或攝生飲俟稍醒其氣未盡順痰未盡除當服霍香正氣散加南星木香防風當歸一二劑然後視其中某症用某方治之慎毋膠柱鼓瑟也

凡卒然倒撲昏暈不醒名曰閉脫亦有虛實務宜分別如牙關緊閉氣粗痰喘兩

手握拳謂之閉症用老薑汁童便灌之最妙蓋薑能豁痰開閉童便能降火下氣故也 或用痧氣丸亦效

如口張目閉手撒鼻鼾遺尿面赤如粧汗出如珠謂之脫症蓋目閉肝絕口張心絕手撒脾絕鼻鼾肺絕遺尿腎絕皆元氣竭絕之候惟大進參朮者附庶可挽回元氣於無何有之鄉而痧藥斷不可用慎之

中風脈浮吉滑兼痰氣其或沉滑勿以風治或浮或沉而微而虛扶危治痰風未可疏浮遲者吉急疾者殂

●類中風症

類中風者則常有之有中寒中暑中濕中火中氣食厥勞傷房勞痰厥血暈中惡卒死等症皆類中風甚多各有治法不可作風治若用風藥誤事不淺矣

中寒者謂冬月卒中寒氣昏冒口噤肢攣惡寒脈浮緊也其症或口吐涎沫重則四肢僵直先用熱酒薑汁各半蓋灌之稍醒後隨用附子理中湯若不急治舌短囊縮而死矣

中暑者謂夏月卒暴炎暑昏冒痰厥吐瀉喘滿也用十味香霍飲治之

中濕者朱丹溪所謂東南之人多由濕土生痰痰生熱熱生風用清燥湯加竹瀝薑汁治之

中火者河間所謂肝木之風內中六經之邪外侵良由五志過極火盛水衰熱氣拂鬱昏冒而卒撲也用六味地黃丸四君子湯獨參湯之類內有恙怒傷肝火動上炎者用小柴胡湯治之

中氣者由七情過極氣厥昏冒或牙關緊急也其症因與人相爭暴怒氣極而昏倒者氣脈多沉風脈多浮風中身溫有痰涎氣中身冷無痰涎先用薑湯灌救醒後即用木香順氣散或藿香正氣散治之

食厥者過於飲食胃氣自傷不能運化故昏冒也先用薑鹽湯多灌探吐之再服六君子湯便愈凡中風猝倒口噤不能言目不識人四肢不舉等症多因飲食過度變爲異常必須審問明白若果因飲食之後或着氣惱另煎鹽湯灌之探吐即愈

勞傷者過於勞役耗損元氣脾胃虛衰不任風寒故昏冒也用補中益氣湯治之房勞者因腎虛精耗氣不歸元故昏冒也用六味地黃湯治之

痰厥者皆因內虛受寒痰氣阻塞手足厥冷麻脾眩暈欲倒脈沉細也用加味二陳湯治之

血暈者皆因平日去血過多虛而成血暈脈微瀋也用加味四物湯治之

卒中暴厥者卒然不省人事也其症因犯不正之氣忽然手足厥冷肌膚粟起頭面青黑精神不守錯言妄語牙緊口噤昏不知人頭旋暈倒此中惡卒厥客忤飛

尸鬼擊弔死問喪入廟登塚多有此病宜艾炙臍中百壯以皂角末噴鼻或半夏末亦可或研韭汁灌耳中即活或以蘇合香丸灌之俟稍醒用調氣散合平胃散服之或藿香正氣散亦可凡病人初中風喉中痰塞水壅難通非香品不能開竅故集諸香以利竅非辛熱不能通塞故用諸辛爲佐使犀角雖涼涼而不滯柯子雖澁澁而生津世人用此方於初中之時每每取效丹溪謂辛香走散真氣又謂腦麝能引風入骨如油入麵不可解也醫者但可用之以救急慎勿令人多服也

●預防中風

凡人初覺大指次指麻木不仁或手足少力肌肉微掣三年內有中風之疾宜先服愈風湯天麻丸各一料此治未病之先又云於未病之先服竹瀝枳朮丸可祛去之若與搜風順氣丸間服何中風之有

▲中風中暑中寒中氣中毒中惡及霍亂等症

生薑汁一杯童便二杯同調溫服立解蓋生薑能開痰下氣童便能滋陰降火也

▲卒然中風口眼邪喎

用生鱗血入射香少許塗之即止 或用葶麻子搗爛左歪塗右右歪塗左正即去之 或用醋炒石灰爲末仍以醋調塗法如前 或用鷄冠血塗如前正即洗去 凡塗鮮血口眼一正即速洗去

▲中風口噤痰厥不省人事

用鷄毛蘸桐油掃入喉中吐痰即活 或用胆礬末一分溫酒調下以吐痰爲度

▲中風口噤

皂角五兩去皮弦研末用三年陳米醋和勻左隔塗右右隔塗左乾更易之

▲口眼喎邪一切風癱暗風癱瘓等症砭法

用鋒利碎磁片刺少商穴使血出即解 少商穴在十指頭指甲兩旁與出指甲處相齊離指甲兩邊各一分便是先從背上抹至指間使血下行方刺先從大指刺起但見鬆醒不必遍刺也磁片須用竹筋頭夾住露磁鋒一分在外用線扎緊以兩指捏着筋稍按穴上再用竹筋一枝橫敲扎線處使磁鋒刺入則輕重有準

▲中風不語

用人尿澆面自醒 或用龜尿少許點舌上即愈 或用巴豆肉一粒同艾葉打

碎燒煙燻鼻即醒

▲中風失音

搗梨汁頻服甚效

▲中風撲地

大蒜一把用路上熟黃土攪和研爛以新汲水調勻澄清去渣灌之 或用巴豆油帛捲皂角末燒煙薰之

▲中風中痰不省人事

凡中痰中風不省人事得病之日便進此藥免成廢人方用 柏葉一握葱白一握連根研細如泥加無灰酒一大盞煎一二十沸去渣溫服如不飲酒分四五次服之

▲中風角弓反張

凡中風頭足往後扯動彎屈不伸其形如弓名曰角弓反張用 鷄屎白三錢酒五杯用竹箸順攪一千遍飲之小兒減半日服一次此葛仙方也

▲眼珠上翻手足彎曲狀如中風時發時愈

名拘麻症用 生木耳滾水浸開於病未發時取木耳細嚼一二兩飲黃酒三四杯蓋被出微汗抹去服至二三斤除根

▲腰脚風濕作痛不能履地

松毛(即松針)燒灰布包乘熱熨之神效 或用松毛一斤搗如泥用酒三斤泡七日隨量飲甚妙

▲腰腿手足疼痛不能起臥

名風癱症用 老楊樹虫蛀糞 乾菊花連枝葉梗 桑樹枝先將臥房內土地掃淨長五尺寬二尺取上三物鋪勻加火燒之以地熱爲度掃去火燼乘熱噴黃酒於地上用乾稻草鋪上又噴黃酒於草上再用稻草蓋之將病人脫盡衣褲臥

於草上以被蓋煖俟出透汗緩緩去被密室避風數日行步如舊再服藥丸便無後患 藥丸方用 牛骨髓(熬熟淨油一碗)白蜂蜜(一斤半煉過)炒麵(要上白者一斤以熟爲度)焦黑乾薑三兩爲末 右四味共搗爲丸如彈子大每日用三四丸細嚼黃酒送服全愈

▲瘋癱十餘年不能行動手戰腳軟

金毛狗脊全身(用黃酒洗去淨毛)切片酒三斤煮三炷香久埋土內七日退火氣空心服每日三服數日自能行走

▲中痰癱瘓

左癱右瘓三十六種風可治方用 紫背浮萍曝乾研末蜜丸如彈子大以豆淋酒化服三丸汗出卽愈

▲半身不遂

牛膝三兩白鴨一隻(去腸臟不用)將鴨去毛洗淨放牛膝入鴨肚內水二大碗瓦鑊煮熟去牛膝食鴨數次自愈 或用正橘紅生薑煎湯頻飲之 或用白鳳仙花陰乾煮酒飲半月見效

▲鶴膝風

凡三陰之氣不足風邪乘之兩膝作痛久則膝愈大而腿愈細故名鶴膝風用大何首烏煎酒服以醉爲度將渣搗爛敷膝上戒食鰵魚黑魚 或用大肥皂一

斤煑爛去筋砂糖六兩同搗敷三四日見效 或用生薑搗爛炒熱將絹包膝上
二宿次將陳小麥打碎炒熱包膝上 或用新鮮白芷酒煑成膏收貯磁瓶內每
日取膏二錢陳酒送服再取二三錢塗患處至消腫乃止 或內服陽和湯外敷
白芥子末酒調塗亦消

▲四肢癱瘓筋骨拘攣久近皆治

椿槐桃李茄柯桑柘等葉及葶藶子共煎水一大鍋日洗數次全愈

▲遍身麻木不仁

芥子末醋調搽之

▲風濕疼痛灸法

用鹽鋪酸痛處將燈草火不住手炙鹽上如見皮內略熟便住手待熱退再灸目
愈

●癩病論症（俗名羊吊）

癩病者卒時暈倒身軟咬牙吐涎沫不省人事隨後醒者是癩病也有羊癩猪癩
牛癩馬癩犬癩皆驚風熱痰俱用二陳湯加減安神丸又有癩病者狂叫奔走而
不知人事也主於治痰用二陳湯加減服之

諸癩者痰涎壅併也癩屬氣血虛而兼痰火者宜攻補兼施也清心抑膽湯治之

癩屬風痰者宜追風祛痰丸治之癩屬痰火者清心滾痰丸治之癩屬風熱者宜祛癩清熱也

脈虛弦爲驚爲風癩

▲邪狂癩狂

用一人早起於寅時勿令人見用左手摘向東方桃葉十瓣暗藏病人髮內即安

▲發羊疔

山羊頭一個羊脚四隻洗淨用好酒熬爛食之再用 白頸烏鴉二隻每次食一隻去腸臟用酒煑熟食之全愈屢驗

▲癩症

羊蹄跟一錢搗桐油渣五分和勻爲丸冷水送下吐痰而愈

▲風痰癩病

生白礬一兩(入猪胆內陰乾)北細辛(五錢研末)蜜丸如梧子大一歲十丸茶送服大人五十丸久服痰自大便出

▲羊癩風

甜瓜蒂七個研末白礬一錢用無根水送下即吐痰過五日再服一料以愈爲度

▲治羊癩(風兼痰迷等症小兒驚風研少許吹入鼻孔內)

皂礬一斤灌入陳尿壺內鹽泥封口炭十斤圍燒尿壺冷定取出研爲細末加魚

膠八兩醋一斤化烱火上利藥爲丸每服五分服半月即愈

●中毒論治

凡解毒藥俱宜冷服大忌飲熱湯水飲熱水則難救矣若以酒飲之必死不可不知

▲中諸藥毒

玉簪花根搗水吞之勿粘牙齒 或用生薑汁灌之立解 或用葛根煎汁服之

▲中藥毒鳩毒已死(心頭猶溫皆可治之)

犀角磨水飲之 或用扁豆爲末溫水服之

▲中蒙汗藥毒

飲冷水即解 凡臥室內夜間貯水一盤庶免此患 或用甘草黃糖水飲之可解

▲中仙鶴血毒

其鶴或傍樹枝或臥叢草將頭騷癢遺有頂血毒粘在樹草間人以手摸腳踏登時赤腫疼痛異常急以 青松毛(即松針)和糯米飯同搗敷之立愈

▲解救百毒

乾淨地上黃土挖三尺深入水一桶用棍攪動名曰地漿能解百毒 凡食隔夜

菓餅飯菜蔬茶酒等物或飲田塘溪澗井溝之水誤中無名百毒者取飲數碗極爲神效愈後戒食鱒魚 或用把牆草搗爛煎湯冷服能除百毒屢驗

▲解救鴉片烟毒

若身冷氣絕似乎已死如身體柔軟則臙腑經絡之氣尙在流通實未死也乃鴉片性烈醉迷之故耳將其人放在潮濕陰地用快子撬開牙齒或用瓷調羹撬開或用烏枚擦之亦開若用銅鐵等物反不能開矣以快子橫放口內使口常開以冷水時時灌之或白沙糖調冷水灌之更妙外用手帕二三條以冷水泡透放胸前輪流更換或用整塊豆腐貼之亦可又用冷水一盤將頭髮散放盤內時時換水切不可見太陽一見日照即不可救矣三四日後鴉片之氣散盡即活如身不硬雖七日內亦可回生切不可爲無救遽行棺斂此法曾救多人無論服毒輕重雖手足青黑照此救法無不活也切忌灌服醬油恐受鹽鹵之毒反致誤事若服藥雜亂亦不可救慎之慎之活後多服白沙糖水及生葦豆末調水服之最效 或用清油灌之立解緣鴉片煙粘滯腸胃見油即散也

▲解斷腸草毒(此症治好須戒殺生)

此草有尖圓兩種如服尖葉者不過一二日肉即消化急用蕘菜搗汁灌之其效如神 或用韭菜汁灌入亦效 或用黑豆一升煮濃汁候冷透飲之立解

▲解鹽鹵毒

生豆腐漿冷服二三碗至神至妙如一時難得以黃豆搗爛調冷水去渣服之亦可
或用白沙糖五六兩用冷水調服 或用淘米水冷服三四碗亦可

▲解悶藥方

白沙糖調冷水服此味能解百毒

▲解食桐油

急飲熱酒即解 或用蓮蓬煎水服甚效

▲解食蛇毒

烟油(即食熟烟桿中結成如漿者)俗云烟屎是也愈舊愈佳用冷水洗出二三杯飲之凡受蛇毒者飲之其味必甜並不難飲試之如神

▲解蜈蚣毒並治咬方

本人十指甲磨冷水多飲之其效無比

▲解螞蝗毒(又名水蛭又名牛蟻)

此物入腸久必生子食人肝血腹痛不可忍面目黃瘦不治必死用桂圓肉荔枝肉亦可包烟尿油吞之即死隨由大便而出屢試如神 或食羊肉可化爲水 或食蜜糖一二斤即化爲水體虛人不宜用 或用黃坭粉蜜糖爲丸服之自愈

▲解食牛肉毒

苦瓜皮搗爛調水服之神效 或用人乳飲之即解

▲解豬肝毒

地漿水飲之立效 或用熟豬油一斤拌飯或炒飯亦可分一二日食盡此一二日勿食別物爲要

▲解杏仁毒

杏仁生熟服之都不爲害若火炒不透半生半熟者服十數粒即死如中此毒其人眼閉舌唇耳竅手足十指俱青色肚腹有青色塊每有食以詐人者人不易妨最難禁止惟急取吐吐出可解用杏樹皮煎湯飲之雖迷亂將死者可救 或用射香一分調水飲之亦可此方能解百果毒

▲解飲田澗山溪水毒隔夜茶水毒

凡田澗山溪往往有蛇遺毒在內若誤飲其水即用雄黃調水多服數次自愈

▲中金鷄納霜毒

此物食多用 紫蘇葉煎水多飲之自解 或以紫蘇葉煎濃汁注封糞門內三四次亦愈

▲中雄黃毒

漢防已煎湯飲之

▲中水銀毒

炭末煎汁飲之即解

▲中鉛粉毒
白沙糖調水服 或蘿蔔汁飲之亦愈

▲中砒霜毒

活鴨血熱灌之 或用胆礬末調水灌之 或用真麻油灌之立解 如毒重以黑鉛一塊用井水在石上磨出黑汁旋磨旋灌之 或用生綠豆粉一兩新汲水調服

▲十種丹毒

因生瘡過服丹藥以致火毒發作延及遍身不等先用淡竹葉煎濃湯服之 一從頭頂起散開腫者用葱白汁塗之 二從頭頂起紅腫痛苦異常用赤小豆末調鷄蛋白塗之 三從面部起紅腫者用灶心土和牛皮膠塗之 四從背上起赤點者用桑白皮研末和羊油塗之 五從兩臂起赤腫黃色者用柳木灰和井水塗之 六從兩脇起赤腫者用舊鐵綉末和猪油塗之 七從腳背上起紅腫者用猪槽下土和麻油塗之 八從臍上起紅腫者用檳榔研末和醋塗之 九從兩足起紅腫者用羊油和乳香末塗之 十從陰囊下起紅腫者用門限下干步土和羊油塗之 更有毒重延及遍身者用油菜子搗酒頻飲之以油菜葉搗爛敷之

▲古井毒

壽世良方

中毒

凡古井及五月中恐有毒淘井者先以雞毛投之如迴旋不下則有毒直下則無毒也以熱醋一斗投入俟一二日方可汲飲

▲中水毒

手足至肘膝俱冷者是用 浮萍煎水浸洗之

▲解食沙虫水毒

葛苴菜搗汁飲之立解

▲解食野葶靈芝毒(心疼胸脹瀉痛欲死)

橄欖(即青果)搗如坭食之 或以甘草汁磨紫金錠服之

▲野芋頭毒

石榴葉煎水服之 或用黃土煎水服之

▲諸果毒

廣木香磨汁入射香一厘服之

▲中白菓毒

凡中此毒者驟然一喊即暈去儼若驚扑之狀用白菓壳煎水服之立解

▲中諸魚毒論症

河魴魚其毒在肝血脂子並眼其肝入口爛舌入腹爛腸脂令舌麻子令腹脹眼令目花團魚即鼈也鼈腹下隱隱有蛇皮之狀其色大紅乃毒蛇所化也悞食之

必腹痛欲死手足發青而亡是毒氣攻腸也方用多食青果(即白欖)便愈

▲解各色魚毒

多食咸欖(即青果)並用核磨水服之最效 或用冬瓜生搗汁飲之 或用魚鱗燒灰冷水調服二錢

▲解百足尿毒方

皂角八錢煎水服即愈 百足遺尿多在雞肉處若誤食之見肚痛眼藍舌黑肚臍上起紅氣一條便是中毒過對時即死若牙關緊閉取鐵器撬開用藥灌之

▲過食魚毒

用船底青苔搗爛冷水調服若不大愈加青皮五錢煎水冷服立效

▲中蟹毒(食蟹後食紅柿即有此症)

蘇葉煮濃汁飲之 或蒜頭汁或麻油俱可解或用生藕汁飲之 或用水香磨汁飲之俱效

▲中鴨肉毒

糯米汁溫服一盞即安(食鴨蛋不消亦可)

▲中牛馬猪瘟肉毒

生甘草一兩煎湯飲之 或旱稻草煎湯飲之

▲中狗肉毒

壽世良方 中毒

杏仁三兩連皮研末熱湯調溫服三盞吐出即愈

▲中飲食毒

飲饌中毒倉猝不知何物急以生甘草荸薺(即馬蹄)等分煎湯飲之入口即活 此症覺腹中不快即以黃豆入口嚼之不見腥氣者中毒也急以升麻五錢煎汁飲之以手探喉吐出毒物 心煩悶者以苦參煎汁飲之 或飲麻油一盞能解百毒

▲中食麩毒

生蒜搗爛和醋食之 或用蘿蔔汁飲之

▲誤食水蛭

田中泥和水飲數碗蛭必盡下 或用牛羊熱血生調豬油飲之亦下

▲誤食桐油

甘草汁服之 或用滾酒多飲之 或用乾柿餅食之即解

▲誤食斑蝥毒

腹痛吐嘔不止用綠豆或黑豆煎水服之

▲飲鹹水毒

米醋飲之 或食乾柿餅亦效

▲解食死畜毒

豆豉一合新汲水煎濃汁溫服之

▲中挑生毒

凡吃魚肉瓜果皆可挑生初中毒者覺胸腹稍痛明日漸加攪刺滿十日則物生能動躍騰上則胸痛沉下則腹痛脇下忽腫起如癰節狀頃刻間大如碗以綠豆嚼試若香甜即是用小升麻研末冷熟水調二大盞連服之瀉出生葱數莖根鬚皆具腫痛立消續煎平胃散服之日食白粥即愈在上膈者即胸痛是也用熱茶一盞投胆礬五分於茶內候礬化盡一口飲之良久再以鷄毛探喉取吐在下膈者即腹痛是也用鬱金末二錢和米飲服之即瀉去毒物再用人參白朮各五錢爲末用無灰酒慢火煎至半日溫服之每日一盞五日乃止然後飲食無恙

▲解豆腐毒

蘿蔔煎湯飲之即解

▲飲酒醉死

用射香一分放在鼻中即醒

▲洋烟醉傷

飲鹽水即解 或飲醬油 或飲糖水均效

▲酒醉心痛

善世良方

中毒

白沙糖三四兩淡酒冲服止痛如神

▲酒醉傷

凡酒醉死者急將醉人頭髮放新汲水盤內將衣解開用豆腐遍身貼之若無豆腐用布泡井水貼之少刻再換換至數次必醒惟寒天不宜 或用白蘿蔔汁灌之 或熱尿灌之俱效

●蠱毒論症

凡中蠱毒身必腫脹頭先腫病在脾面先腫病在肺眼先腫病在肝口先腫病在小腸腰先腫病在腎手先腫病在筋脚先腫病在心下陰先腫病在太腸四肢齊腫病在胃經愈後戒食煎炒熱毒及無鱗魚生鹽等物六十日戒房事一年謹之慎之

▲治蠱毒妙方

葶藶 甘遂 茯苓 川椒 澤瀉 芫花 桑白 巴戟 大戟 雄黃 各一錢研末如係頭腫加(甘遂一錢不用雄黃)面腫加(桑白一錢不用芫花)眼腫加(巴戟一錢不用澤瀉)口腫加(巴戟一錢不用甘遂)腰腫加(大戟一錢不用巴戟)手腫加(雄黃一錢不用桑白)脚腫加(葶藶一錢不用茯苓)下陰腫加(澤瀉一錢不用川椒)四肢齊腫加(茯苓一錢不用大戟)以上十味藥末

照症加減壯者每服一錢井水調服弱者每服七分用茯苓一錢煎水調服服後必瀉以瀉至淨黃水即不服藥或見肚痛亦無妨礙

● 蠱毒論治

凡中蠱毒腹中作響朴朴如鼓聲大小二便不通口乾作渴即買猪鬃頭肥肉煎油不用鹽糖清晨溫相空心服半碗至午必瀉其毒必出向有水處瀉之毒重者有毛粒瀉出如綠色由一粒散至數粒隨水面而走小粒如綠豇大或如芝麻大者瀉出均能流走水面如腹中無毒祇瀉清水而已用白米粥冷食即止

▲ 中蠱試驗

先以白礬末令病者食之不澁反見甘味再食黑豇不見味腥乃真中毒也即濃煎石榴皮根湯飲之吐出毒物無不愈者

▲ 解中諸毒（治信石山砒鴉片鉛粉水莽草羊角賴斷腸草大茶藥朝東草諸毒）

用麻油和雞蛋灌之即吐 或用雞窠內乾雞屎二碗炒焦加清水四碗煎汁乘熱灌之取吐再灌再吐垂死可活 或用山鴨一隻先將鴨頸皮割開將頸皮連毛翻上鴨頭後斬鴨頭用鴨頸送入喉入取鴨血乘熱射入喉內亦可吐出諸毒

▲ 蠱毒及蟲獸傷毒

凡遇此症則毒氣入腹眼黑口噤手足強直方用明礬 甘草各一兩爲末每服二錢不拘時候冷水調服將藥末數患處

▲解百蠱毒

生甘草五錢以水濃煎燉服吐痰即愈 或用芝麻油多飲取吐爲止 或用黑荳爲末入酒絞汁服半碗亦效 或用白鴨血乘熱飲之

▲中蠱腹痛

凡染此症腹內墜痛面目青黃病變無常用 眞生蜜一碗豬骨髓五兩研爛同煎熟分作十次服之日三服即痊

▲中蠱吐血

小麥麵二合分作三服以冷水調下半日服盡下蠱即愈

▲水蠱

凡腹大搖動有聲者是用 赤小荳一碗白茅根一把水煮食荳以消腫爲止

▲蛇癩治法

凡蛇之精液沾於菜上人若食之便有此症其症病者常饑食入即吐用赤頭蜈蚣一條炙末酒服

▲避蠱毒法

凡人家房屋潔淨並無灰塵蛛網者即是有蠱之家勿與往來以免受害

凡食茶水菜飯將要食時用快子向杯碗上敲動並向主人問云食內果有蠱毒否一經問破即可免害矣 又將食時自帶大蒜頭食之有蠱必當場吐出不吐即死主人畏累則不敢下蠱矣 或用大葶薺不拘多少切片晒乾爲末每早空心白滾湯調下二錢入蠱家無害此神方也

▲解煙瘴毒

用磁瓦有鋒者或刺額上或刺眉叢或刺兩手膊出血一合即解血紅而多者輕血紫而少者重用生熟大蒜各七片共食之少頃腹鳴或吐血或大便即愈

▲辟煙瘴癘氣

凡雲南貴州兩廣等省地方忽有一股香味撲鼻即是瘴氣斷不可聞以免生病凡有瘴氣之處飲食不可過飽每日須飲酒數杯不飲酒者亦勉強飲之可辟瘴氣

●斑疹論症

斑發紅赤爲胃熱紫而不赤爲熱甚紫黑爲胃爛故赤斑半生半死黑斑九死一生大抵鮮紅起發稀朗者吉紫黑者難治黑斑爛者死也

凡斑欲出未出之際且與升麻湯先透其毒脉虛加人參食少而大便不實加白朮

斑見已出不宜再發也斑不可汗斑爛不宜下如脉洪數熱甚煩渴者用人參化斑湯若消斑毒用犀角立參湯

凡發斑疹先將紅紙點燈照看病人面部胸堂背上四肢有紅點起者乃發斑也若大紅點發於皮膚之上謂之斑小紅點行於皮膚不起者謂之疹蓋疹輕而斑重也先將薑汁噴於斑上以後照陰陽虛實寒熱而用藥

凡丹疹皆是惡毒熱血蘊蓄於命門遇君相二火合起即發也如遇熱時以防風通聖散辛涼之劑解之寒月以升麻葛根湯辛溫之劑解之

凡丹疹先從四肢起而後入腹者死

發斑者熱毒蘊於胸中也

凡斑既出須得脈洪數有力身溫足溫者易治若脈沉小足冷元氣虛弱者難治疹即痧也北方謂之疹南方謂之痧未出兩三日即憎寒壯熱鼻涕清涕身體疼痛嘔吐泄瀉欬嗽氣急腮紅眼赤乾嘔惡心目淚嚏噴便是疹候及其既出則有顆粒綻現於皮膚之外必至頭至足無一處不有而尤以頭面多出爲吉至出至沒約以三日爲準或出一日即沒者乃爲風寒所衝必至毒邪內陷倘不早治胃爛而死已過三日不沒者乃內有濕熱之故然所謂三日漸沒第以手摸之無痕耳飢膚之內隱隱紅點雖至五六日亦有至疹子之色則以鮮明紅潤爲佳赤紫乾燥晦暗皆火盛毒熾急治始無變症若渾身如錦紋則爲夾斑疹若色白則

爲血不足若黑色則九死一生矣疹沒之後必慎風寒戒勞碌靜養三七日至色慾一事非四十九日後斷不可犯蓋疹雖已痊餘邪不能一時即盡若傷精喪血慾火煽動恐邪復乘虛肆橫至生別症設有此患急宜大補氣血仍兼消毒清火飲食禁忌尤宜小心五辛早令生驚搖鹽醋早令歛不止雞魚早令天行時即重出此皆終身之患故須切戒也

▲遍身風癩癧疹

二蚕砂一升水二斗煎至一斗去渣洗之

▲遍身風癩

蒼耳子煎水洗之 如成風癩用皂角煎汁洗之如癩入骨髓不可忍者用食

鹽

九錢泡湯三碗分三次服每服一碗探而吐之三吐即效 或用浮萍煎濃汁

洗之 如心下迷悶用 巴荳五十粒去皮水七盅煎二盅以帛染藥水拭之並治瘡疥

▲紫癩風

醋磨知母頻擦之

▲雲頭白癩

以茄子花擦之 或以花紅擦之永不再發

▲白癩風

壽世良方

斑疹

硫黃 蜜陀僧爲末薑汁調搽

▲赤白汗癩

夏枯草煎濃湯日洗數次神效或用硫黃少許入麻油研如糊用麻布蘸搽數次

▲汗斑

刺蒺藜不拘多少研細末篩去刺用醋調搽以手指用力推搽黑斑隨手而愈惟薄留影子連擦五六次除根愈後戒食各種飛禽野鳥 或用老生薑一塊挖空入陀僧五分砒霜少許在內黃坭封固火煨研末取薑擦之 或用田螺（即螺獅）一個去掩入枯礬末少許其水自出將水搽數次即愈

▲身上及頭面斑痕

馬齒莧煎湯日洗二次

▲去諸斑

雞蛋二三枚去白取黃炒黑塗一二次久之自無痕迹

▲風斑

紫背浮萍煎湯沐浴則風散而斑愈

●斑症

▲天行發斑

狀如火燒如豌豆頃刻間頭面及身皆起白漿此惡毒時症也方用 蜂蜜 升麻水煎每服一杯每日服三四次再以棉蘸升麻蜜汁時時拭之 又方急煮葵菜葉(不拘多少)以蒜齧啖之即止

▲痲症大熱症夾食應驗方(頭痛身熱週身沉重者均合忌食米氣)

茶仔餅一塊新瓦煨研末放地上去火毒用二錢又用武夷茶六錢煎水一碗將茶仔餅末攪在茶內飲完見肚响或吐瀉即愈如不見效再服一次便愈如疫症加正硃砂一錢全服 或用濕檳榔二個連衣搥爛煎水一碗服之見嘔瀉亦愈

●痧症

痧症各有不同而脉之細軟沉遲與虛損脉象相同庸醫不察痧脉誤認爲血氣兩虧大用補劑無不垂死有陰痧陽痧烏痧斑痧絞腸痧等症初起多半腹痛亦有並不腹痛只覺昏沉脹悶者切忌服薑急用 南蛇簾(草藥名)煎水和酒服之立可起死回生神妙之至 陰痧則腹痛手足冷看身上有紅點以燈草爆之 陽痧則腹痛手足暖用針刺破小商穴(在大指甲邊)使出血即解 或用食鹽二斤炒熱以青布包之更換熨胸腹腰背氣透即愈 或以葱煨熱熨亦可 此症最忌熱湯熱物

▲驗痧妙方

壽世良方 斑症 痧症

急取田中生芋芳（即水芋之類）洗淨嚼之如非痧症則生澁難食若是痧症則甘美異常再食二枚即愈尋常腹痛食之亦效

▲痧症諸方

刮痧法 擇一光滑細口磁碗另用熱水一盞入香油一二匙將碗口蘸油水令其暖而且滑兩手覆執其碗於病人背心上輕輕向下順刮切忌倒刮以漸加重碗乾則再蘸再刮良久覺胸中滯氣下行始能出聲頃之腹中大響大瀉如注其病遂減睡後通身騷癢或發出疙瘡遍身而愈

▲又方

以食鹽一握揉擦兩手腕兩脇兩足心並心窩背心八處擦出許多紫紅點漸覺鬆快而愈 或用生白礬爲末每服一錢不拘男婦用陰陽水調下即愈 凡各項痧症及受暑昏暈不省人事者服之立可回生蓋白礬能升清能降濁故奏效如神存心濟世者宜佩帶身旁或道路或深夜遇症施治可當仙丹功德無量 或用鹽置刀口燒紅淬入水中乘熱灌下死者可活

▲治痧脹方

葱白三枚焦鹽細嚼咽下即愈

▲風寒痧症

如死去者用生薑汁滴兩眼角內肉立效重症四眼角俱點即活

▲痧症垂危尿管已出

頭髮(數根燒灰)白礬(二錢)研末陰陽水一碗調服取吐即愈 或用生芋芡二個搗爛放病人口中咽下即醒醒後再吃數片 又用生鹽置刀口上燒紅淬入水中乘熱灌下死者亦活

▲纏腰痧

凡一時昏倒腹痛眩暈腰間如有繩纏者 急以真麻油一盞灌下得吐即愈

▲斑症(並治痧脹及中暑霍亂等症)

用食鹽一握在前後心腰脇擦出許多紫點立散 又用蒜頭搗爛塗兩足心(一愈即除去)

▲絞腸痧刺法

凡絞腸痧手足厥冷腹痛難忍者 急取溫熱水於病者膝灣內用手拍出有紫黑點以針刺去惡血即愈

▲出紅痧忽然七竅流血

先飲童便一盞用艾火灸腳大指頭左右各一次灸後煎蘇木水一盞飲之即愈

▲治出毛疔斑疹方(百發百中不宜針挑孕婦忌服)

鮮浮萍四兩生牛屎四兩取乾淨無油膩砂鏟一個將二味炒乾至微黃色見有黃烟起即放淨水數碗煎至數滾將面上之污垢去淨取中間淨水與病者之服

如見甜味則病有效飽飲自愈倘重症多服二三劑無碍

▲羊毛疔仙方

俗名羊毛痧又名羊毛疔初起身發寒熱胸口迷悶胸前背心有紅點如疹子形者即是方用生薑汁搽病人胸背數次再以滾熱燒酒一斤泡新青布數片乘熱推擦多次俟皮膚大熱之際將燒酒調做淨黃土泥丸十個如雞蛋大先滾胸背次及手足凡有疔處俱先擦後滾滾熱再滾便將羊毛收入剖丸視之中有羊毛為驗屢易屢視總以取盡羊毛為度毛盡病痊再服三生飲可以除根

▲三生飲

新鮮側柏葉汁一杯生地黃汁一杯生荷葉汁一杯如無即薄荷藕汁亦可加薑汁少許和勻隔水燉熱溫服神效 或用紅印色(不拘新舊)放生菜油一些在印色內取竹管一枝(要滑口合用)印一紅圈將竹管印兩太陽穴眉心左右手及心背等穴一印見痛每處印至一刻鐘內便可全愈

●傷寒論脉(傷風附)

脉陽浮而陰弱謂之傷風 邪在六經洪弦加之陽浮衛中風也 陰弱榮氣弱也 風傷陽故浮虛也 脈浮緊而無汗謂之傷寒 寒傷榮實則衛盈 陽脈緊在上焦主欲吐 脈浮頭項痛腰脊強病在太陽 脈長身熱鼻乾目痛不

得臥病在陽明 脈弦胸脇痛耳聾往來寒熱病在少陽 脈沉細咽乾腹滿自利病在太陰 脈微緩口燥舌乾而渴病在少陰 脈沉瀉煩滿囊縮病在厥陰
左手脈來緊盛即是傷寒右手脈平和 右手脈來緊盛即是飲食內傷左手脈平和左右手脈俱緊盛即是夾食傷寒此為內傷外感 右手脈來空虛左手脈來緊盛即是勞力傷寒亦為內傷外感 左右手脈來沉細或伏面色青手足冷小腹絞痛甚則吐瀉舌捲囊拳即是夾陰中寒此是真陰症 脈來浮緊有力為寒邪在表治宜發散 脈來沉實有力為陰邪伏陽治宜攻下 脈來沉細無力此純陰也宜退陰助陽 脈來沉數有力為熱相傳裏宜清解邪熱也

●傷寒審症口訣

口苦者膽熱也	口甜者肝熱也
口燥咽乾者腎熱也	舌乾口燥者胃熱也
手心熱者邪在裏也	手背熱者邪在表也
手足溫者陽症也	手足冷者陰症也
鼻流濁涕者風熱也	鼻流清涕者肺寒也
唇口腫赤者熱極也	唇口青黑者寒極也
閉目喜見人者屬陽也	閉目不欲見人者屬陰也

多睡者陽虛陰盛也

喜明者屬陽元氣實也

睡向外者屬陽元氣實也

舌青紫者陰寒也

譫語者口出無倫邪氣勝也

狂言者無稽妄談邪熱氣盛也

目直視者圓而不轉動也

瘦者筋脈急而縮也

無睡者陰虛陽盛也

喜暗者屬陰元氣虛也

睡向壁者屬陽元氣虛也

舌赤紫者陽毒也

鄭聲者語不接續精氣脫也

獨語者無人則言邪入裏也

怕木聲走響者胃虛不可下也

窳者筋脈緩而伸也

●傷寒治法

正傷寒者大汗之大下之

勞力感寒者溫散之

陰證似陽者溫之

陽毒者分輕重下之

陽狂者下之

濕熱發黃者利之下之

發斑者清之下之

感冒暴寒者微汗之微下之

溫熱病者微解之大下之

陽證似陰者下之

陰毒者分緩急溫之

陰厥者溫之

血症發黃者清之下之

譫語者下之溫之

痞滿者消之瀉之

太陽症似少陰者溫之

忽血者解之止之

咳嗽者清之解之

在裏者利之下之

陷下者升而舉之

真中陰者溫補之

解表不開不可攻裏日數雖多但見表症脈浮尙宜汗之

裏病具者不可攻表日數雖少但見裏症脈沈實尤宜下之

同而異者明之 似是而非者辨之

結胸者解之下之

少陰症似太陽者汗之

發喘者汗之下之

在表者汗之散之

在上者因而越之

從乎中者和解之

●傷寒論

傷寒傳變症候繁多大抵自霜降後春分前寒邪所感者爲正傷寒春夏別感者謂之四時傷寒而兼雜症惟得病之初宜先審辨則調理不差夫傷寒症候大類傷暑但傷寒惡寒而身寒傷暑惡熱而身熱脈緊惡寒謂之傷寒脈緩惡風謂之傷風脈盛壯熱謂之熱病脈虛身熱謂之傷暑傷暑脈浮大而散或弦而遲蓋熱傷氣散而脈虛也外症見頭痛身熱煩渴口乾面垢自汗倦怠少氣或背寒惡寒

甚則迷悶不省手足抽動或嘔瀉腹痛下血發黃出斑等症行路得之爲中熱靜室得之爲傷暑又胸膈脹滿頭痛發熱時有止歇者勞役食積也惟頭痛惡寒發熱手足酸痛晝夜不歇傷寒也依此看法果是傷寒若無良醫幸勿用藥蓋此症死於病者少而死於醫者多惟宜密室避風勿食粥飯米粒謹靜自守祇以薑汁熱酒或薑茶等類服之待七日傳遍經絡雖不服藥亦自然痊愈古云傷寒不藥得中醫正此謂也至於過經傳隔經傳兩感傳之症病本至危尤非良醫不治若用藥一誤是速之死耳可不慎歟

▲傷寒外治諸法

點眼法 粉甘草六分頂上梅花冰片四分共研細末凡傷寒病起一日至六日用此藥點眼內角男左女右點之出汗而愈如過七日不論男女兩眼並點神效

葱熨法 寒中三陰口噤失音四肢強直攣急疼痛兩手無脈似乎中風者或厥逆唇青男子腎囊縮入婦人乳頭縮入或男婦交合後氣絕等症俱用葱白一斤微搗炒熟分二包輪換熨肚臍下久之俟煖氣透入自愈並以葱白三寸搗爛酒煎灌之陽氣即回此華陀救急方也 或用罐裝熱火或裝滾水放炒熟葱上熨之更妙又用艾丸如豆大燒氣海穴臍下一寸五分關元穴臍下三寸各七次則脈暫現手足漸溫可得生矣

蛋熨法 傷寒症不能分陰陽醫生不識不能下藥目定口呆不省人事身熱大

小便不通而無汗者用 鷄蛋十個煮熟留壳切去一頭留七八分合在病人臍上用銀簪插入鷄蛋內取出黑色蛋冷即換俟銀簪不黑病人大汗即愈用神仙粥調養可無後患此秘方也

▲神仙粥

糯米三合生薑五大片河水二碗放沙鍋內煮二滾次入帶鬚葱白五七根或煮至米熟再加米醋半小盞入內和勻乘熱吃粥或止吃粥湯蓋被睡眠謹避風寒以出汗爲度可作發表之藥屢驗

此粥專治感冒風寒頭痛骨痛並四時實氣流行等症初病二三日服之即愈

▲急救夾色傷寒傷暑良方

白茅根一兩生扁柏五錢勒角蕈一兩又名老勒蕈木芋頭五錢切絲榕樹吊鬚一兩共五味切碎用米一兩和勻炒至米黃色爲止取去黃米不用水四碗煎至二碗服之輕症一服全愈重症多服數貼無不應驗一切大熱症均可服之按此症初起下午見潮熱或冷或熱喉乾口渴食物便吐如驗此症取水芋頭（即諧芋仔）一塊切開擦病人前後心不見肉癢者即是如見癢時用黃糖擦之即止此症過七日後不治忌食米飲薑湯犯之無救如肚飢可食綠豆粉絲及心薯之類

▲傷寒又方

壽世良方

傷寒

野芋頭(俗名諧芋仔)切片磨擦背上第三節骨如覺痛癢者即非傷寒若不知痛癢即是仍用野芋頭週身骨節用力擦勻並用芋片炒熟煎濃汁服二三次即愈忌食暈腥米飯

▲傷寒發狂目不識人或見鬼神

新抱出鷄蛋壳煎湯服之即安 或用灶心土煎水日服三次即愈

▲傷寒舌出

巴豆一粒研細去油以帛捲納鼻中舌即收入

▲傷寒五六日週身發黃

生薑火煨去皮布包扭汁蘸香油點兩目大小眼角即效

▲陰症傷寒

凡男女交合後或外受風寒或內食生冷等物以致肚腹疼痛男子腎囊內縮婦女乳頭內縮或手足攣曲紫黑甚則牙緊氣絕謂之陰症傷寒又名下馬風未交合前縮陽名上馬風既交合後縮陽名下馬風症最危險平日須預將藥方傳受婦女免至臨時誤事方用青磚半個燒紅隔布數層在肚腹上熨之或照前葱熨法治之輕則用前蛋熨法治之或以布貼臍上取滾水一壺熨之或取本婦陰毛燒灰水調服之並取洗陰戶水飲之此急救良方不可嫌穢自悞以速為妙遲則不能救矣 或用硫黃末三錢調酒服之陽物即出 又男用黃牛屎

女用水牛屎不拘多少將牛屎圍住肚臍中央用童子小便肚臍上即愈有起回生之力誠良方也 或用檳榔切碎煎濃汁飲之 或用生鷄仔連毛破開連腸臟敷肚臍上一刻即愈 凡遇此症急用婦人扎髻舊頭繩或絲繩扎住陽物或用手緊握勿令縮入方能有救若陽物縮盡則難治矣

▲傷寒傷暑夾色方

沙梨葉十八塊搗極爛用熱酒和勻以布隔渣取酒汁飲之蓋被睡下汗出自愈酒隨量飲之 或用狼毒二個(即諧芋仔)切開兩片擦病人週身如芋口變黑即換新芋片以擦勻週身爲度將黑色芋切絲加米一合炒黑用水三碗煎數滾以一碗病者飲之餘水連芋渣入水一斗又煎數滾與病人洗浴一次即愈此方能起死回生幸勿忽視可也 又方生薑三錢芝朮半合炒熟葱白三條細茶二錢共研爛酒半斤同煎至四兩去渣熱服蓋被出汗如中陰者即還魂夾食即吐誠妙方也

▲夾色傷寒

凡染此症舌色必黃肚腹脹痛起瀝愈痛愈甚有氣一條插至背脊及舌上起水母粒心胸脹兼肚痛者均是此症方用 威攬(即威青果)三個去核每個入白礬四厘用新瓦焙煨透打地氣爲末每食一個白粥飲調服重症不過三個全愈 或用地厝坭簍衣頸(愈舊愈好)榕樹鬚(生在樹上合用)不拘多少用刀切

碎放鑊內炒至黃色爲度調水一碗去渣不用將藥水載碗上打地氣一刻鐘內然後服之立愈 或用麵粉 枝子二味共搗爛攤布上緊貼肚臍痛止除去又女人夾色取男子辮線以舊者爲佳 男子夾色取女人扎髻絲繩或頭繩亦可煎水飲之無不立愈此簡便良方也合上枝子方不妨兼用

▲夾色神方

青色生大蕉一隻切片放淨鍋內炒焦糞水一碗澄清吹去浮油飲之立愈如無生蕉黃色亦可又無大蕉用香蕉二隻亦可神妙之至

▲夾色臨危可救方

乾葛 甘草 穿破砂三味水煎服立愈 或用廣東陳李濟蘇合丸（別家字號亦可用）二個打碎甘蔗尾二條切片水二碗煎至一碗蓋被出汗自愈真神方也

▲夾色妙方（先看舌上黃及舌底黑兩邊起粒者是也）

帛煤七張 生薑七片 生葱七條 舊茶葉二錢 淡豆豉二錢 胆南星二錢 水煎服立愈 或用熟蠔豉（即蜆） 蝗（二個切片）武彝茶四錢鬼羽箭四錢 淡豈豉四錢淨水煎服自愈屢驗之方

▲夾色傷寒百日外可治

凡行房後沐浴多染是症方用 好安茶一兩酒一碗二味慢火煎至半小碗去

渣飲之味甜不澁喉便是對症食一二次全愈重症多食一二次若不對症飲之便吐 或有食鷄先用芒菓核三個煎水飲之解去鷄味然後服藥方有效驗

▲夾食傷寒

葛根六錢煎汁磨三角磁片頻服宿食盡吐發汗而愈

▲傷寒口乾

藕汁生地黃汁童便各半蓋全煎溫服

▲傷寒大小便不通

莧菓葉煎服一碗甚效

▲傷寒舌生芒刺黑胎

用新汲水浸青布洗舌以薑片刮黑胎多次自退

▲傷寒舌出寸許

梅花冰片五厘爲末摻之

▲夾色傷寒肚痛面青

白鴿糞一大撮研細末調滾酒燻被令煖覆臥一時汗出即愈愈後戒食白鴿如手足紫黑即用黑料豈三合炒熱加連鬚葱白三大根好酒煎滾乘熱服之愈後戒食黑魚

▲又握陰取汗法

壽世良方 傷寒

露蜂房三錢燒枯和葱白五寸同研爲丸放手心內男左手女右手握於陰口靜臥片時汗出即愈

▲傷寒腹痛唇青卵縮六脈俱絕

急飲熱酒用葱白搗爛炒熱敷臍上或以布裹葱白二包乘熱熨臍令熱氣入腹以汗出痛止爲度如熨手足不溫即不治矣

▲脫陽危症

凡人大吐大洩之後四肢厥冷不醒人事或小腹緊痛冷汗氣喘或與婦人交後腹痛腎縮厥冷汗出須臾不救急用炒鹽熨臍生薑葱白二味搗爛調熱酒灌之以渣熨臍陽氣即回 或用連鬚葱二三斤搗爛作餅二枚烙熱放臍上冷則輪流熱貼之以愈爲度

▲陰陽易病

凡男女傷寒病後雖稍痊好不可交合若不謹慎手足拳頭拘攣腸腹疼痛幾死男子病後名陰易婦人病後名陽易速宜汗之即愈過四日不可治也炒乾薑四兩每用五錢調服覆被出汗後手足能伸即愈

此症乃傷寒後熱毒遺於精髓中無由發泄驟與無病人交合男病傳女女病傳男故名陰陽易病其症身重少氣小腹裏急或引陰中拘攣熱上衝胸頭重不欲舉眼中生花膝脛拘急燒禪散主之方用 禪襠近陰處剪下燒灰以水和服方

寸一日三服小便即利陰頭微腫即愈男病取女褲襠女病取男褲襠簡便之至

▲傷寒狂走

用新抱鷄蛋壳二個煎水服之

▲傷寒吐血

韭汁磨好墨一杯同服即止無韭汁即鷄蛋白亦可

▲傷寒傷暑諸症(陰陽虛實等症均效)

潔白糖五錢 陰症蔥薑湯下 陽症白滾湯下 暑症或中熱中渴喝暑熱也

太陽經中熱爲渴其症汗出惡寒身熱而渴新汲水下 虛症米湯下 實症陳

皮湯下 傷食山渣湯下 結胸症淡鹽湯下 蛔厥症烏梅湯下 緊痧腹痛

新汲水下 婦人血崩鍋臍煤湯下

▲夾色將死(忌食米氣)

赤石脂六錢正田七三錢甘草六錢鴉片烟泡(輕者二分重者三分)共研末用

古勞茶送服即愈

▲撞紅百日外可治

紅花六分甘草一錢川山甲一錢枝子六分桃仁七分蘇木八分生地一錢赤茯

苓八分連翹一錢金銀花四分水煎服一二劑自愈

●癩癆論症

癩癆一症最爲危險其所傳染者皆由婦人產後未滿百日惡露未淨男子一與交合便成癩癆百日外不治其症見腰痛背脊根抽頭不能下垂飲食不思語言無氣速服後方庶無誤事方用

連翹四錢紅花二錢歸尾四錢白芍三錢桃仁三錢甘草二錢川貝母三錢澤瀉三錢生地四錢麥冬一錢陳皮七分法夏三錢淨水煎服每日服一次連服三日方能取效此呂祖仙方也切勿輕視

▲又方

川地骨一錢五分青皮八分丹皮一錢准牛七七錢川滑石一錢五分澤瀉一錢桃仁一錢蘇梗二錢薄荷八分木通一錢水煎服症深者多服一二劑此經驗方也

▲又方

土牛七二錢過山香四錢牛大力四錢吐血絲米一錢鷄屎藤頭二錢鷄骨香四錢江栢根四錢紫貝天葵一錢血見愁二錢土員葉四錢九龍根四錢土人參四錢過汀龍四錢加猪瘦肉四兩黃酒二兩煎服煎約三炷骨香之久方可服食此草藥也上海廣東藥店有此藥出售價約五元左右若自辦土人參一二元可矣經驗多人以上三方隨意選用百發百中切勿輕視 或用馬齒莧正根不拘多少全猪瘦肉煎水服數次病輕者可愈症重者須擇前三方服之庶無誤事

●感冒傷寒

此偶爲風寒所感其症較輕與前傷寒症不同或照前傷寒外治各方治之亦可

▲風寒頭痛燒熱

黃糖（紅砂糖亦可）加老薑葱頭煎湯或加荳豉並酒煎服 須要避風蓋被睡臥取汗爲妙 或照後方治之亦可

▲中寒面色青黑或不能言語

食鹽一撮放刀口上燒紅取出用好汾酒或燒酒一盅煎滾服之立效 或用黑荳一合炒焦以酒冲入熱飲微醺蓋被取汗即愈

▲暴風身如冷水

用蠟溶化攤舊油綢上（布上亦可）隨患大小貼之並裹貼兩手足心冷即隨換甚效

●中暑論症

中暑中暈皆熱症也動而得之謂之中熱靜而得之謂之中暑乃夏火之氣也靜而得之如避暑深堂大厦爲陰寒所遏暑不得越故也外症見身熱頭痛煩燥不

安或咳嗽發熱汗出不止然必熱有進退脇下有汗方爲傷暑若久熱不止脇下無汗便是夏月傷寒症雖少見不可不詳辨而妄投湯藥也

按腹痛嘔瀉爲冒暑宜清涼解清利四肢困倦不思飲食爲熱傷元氣宜補忽然昏仆不省人事爲暑風宜清涼而加風經藥不可概從中暑治也

中暑者熱傷膀胱經也身熱口渴小便赤澀者宜清利三焦也熱渴大便泄瀉者宜分利陰陽也夏月感寒乃便涼之過也

因寒熱之時或納涼於深堂大廈涼亭冷館大扇風車風寒以傷其外或飲食生冷瓜果冰水寒冷復傷其內其病或頭痛身痛發熱惡寒或惡心嘔吐泄瀉腹痛此內傷生冷外感風寒所致也宜霍香正氣散治之此非治暑也因暑而治之病也

注夏者屬陰血虛元氣不足也

夏初春末頭痛脚軟食少體易者便是此症頭眩眼花腿酸脚軟五心煩熱口苦舌乾精神困倦無力好睡飲食減少胸膈不利形如虛怯脈數無力是名注夏宜參歸益元湯兼服補陰丸治之

暑傷於氣所以脈虛弦細芤遲體狀無餘

夏月有四症傷寒傷風脈症互見中暑熱病疑似難明 脈緊惡寒謂之傷寒 脈緩惡寒謂之傷風 脈盛壯熱謂之熱病 脈虛身熱謂之傷暑

▲中暑諸方

蒜頭二個搗爛取路上熱土日晒熱處淨土若污垢不可用攪新汲井水調勻服一碗甚效 或用黑芝麻炒取井水搗汁灌之即效

▲夏天道路受熱忽然昏倒

名中熱又名中暈切不可悞用冷水噴灌一受寒冷則不可救急用草紙捲成筒點火向口鼻間燻之即活其效如神 或用白礬末陰陽水調服一錢即醒

▲傷暑出丹

凡暑月身熱昏沉未明症候恐是出丹用生白扁豈水泡濕研汁一小杯調水一盞服之即愈

●傷暑

▲暑月暈死

急取地漿水一升飲之甚效 或以熱土圍臍傍令人小便臍中仍用熱土一大塊大蒜五六個搗爛去滓熱水調灌即活常以熱湯徐徐灌之少舉其頭令湯入腹即醒

▲太陽中暈

凡身熱頭痛而脈微細極此夏月傷冷水水行皮中所致 瓜蒂七個水一升煮

至五合燉服取吐即愈

▲夾色傷暑

生鹽炒黃以青布包熨小腹鹽冷換之熨好爲度

▲陰暑

凡夏天走入陰冷屋中易受陰暑此症四肢厥冷指甲唇舌皆青昏迷不醒急用鷄蛋十個煮熟去壳以好銀簪插入蛋內乘熱置肚臍上以手轉蛋俟蛋與簪變黑則換之熨完如蛋黑再熨以蛋不轉色方愈

▲冬月中暑

一婦人冬月忽然惡寒發熱惡食乾嘔大便欲去不去諸醫皆悞作虛弱用滌痰二陳湯不效反甚後一醫輕按其脈細弱似虛及重按其脈伏而緊確係傷暑且屬陰暑衆人皆以爲不然豈冬月中暑之理乎問之病者云夏月有無晒皮棉各衣於病前兩日穿之否婦曰發熱之先一日取夏月所晒衣服穿着次日隨覺身熱醫曰誠哉傷暑也凡暑月晒衣乘熱收入箱中暑氣不散今因穿衣開箱潛受陰暑無怪脈伏而緊也幸此婦體氣素虛先服二陳湯一劑尙無大碍否則立斃矣即用黃連香薷飲連服二貼全愈

●泄瀉論症

泄瀉之症因脾胃虛弱飢寒飲食過度或爲風寒暑濕所傷皆令泄瀉治須分利小便健脾燥濕爲主若瀉太多而不止者當用補住爲要若泄瀉不止手足寒脈虛弱煩燥發呃氣短目直視昏冒不識人者皆死症也若泄瀉初起不可就用補塞恐積氣未盡而成腹痛餉悶惡心煩燥發呃而死直待瀉去四五次方可用補住之法也泄瀉清濁不分者濕多成五瀉也寒泄者悠悠腹痛瀉無休止色青脈沉遲也火瀉者腹中痛一陣瀉一陣後去如湯後重如滯瀉下赤色小水短赤煩渴脈數也暑瀉者夏月暴瀉如水面垢脈虛煩渴自汗也濕瀉者瀉水多而腹不痛腹響雷鳴脈細也風瀉者瀉而便帶清血脈浮弦也食積瀉者腹痛甚而瀉瀉後痛減脈弦也痰瀉者或多或少或瀉或不瀉脈沉滑也虛瀉者飲食入胃即瀉水穀不化脈微弱也脾瀉者食後到飽瀉去即寬脈細是也滑瀉者日夜無度腸胃虛寒不禁脈沉細也

如因內傷勞倦飲食化遲作瀉及脾胃素蘊濕熱但遇飲食勞倦即發而肢體酸軟沉困泄瀉者用補中益氣湯去當歸加芍藥茯苓蒼朮豬苓澤瀉薑棗煎服如泄瀉誤服參芪等甘溫之藥能生濕熱故反助病邪久則濕熱甚而爲疽矣惟用苦寒瀉濕熱苦溫瀉寒則愈泄止後脾胃虛弱方可用參芪補之一腎虛久泄不止者用六味丸加五味子破故紙肉苳蔻吳茱萸若久瀉脾胃虛寒不禁者用六君子湯加泡薑

若命門火衰而脾土虛寒者用八味丸治之 若脾腎

氣血俱虛者用十全大補湯送四神丸 若大便滑利小便閉澁或肢體漸腫喘嗽唾痰爲脾腎氣俱虛也用十全大補湯送四神丸 大抵久瀉多因泛用消食利水之劑損其真陰元氣不能自持遂成久泄若非補中益氣湯四神丸滋其本源後必胸痞腹脹小便淋瀝多致不起也

●泄瀉論脉

瀉脈自沉沉遲寒浸沉數火熱沉虛滑脫暑濕緩弱多在夏月

▲泄瀉三五年不愈

灸百會穴五七壯即愈

▲久泄不止

向天樞氣海穴燒之天樞穴在臍邊左右各二寸闊是氣海穴在臍下半寸闊是雖泄久垂危不止亦效燒法用大蒜瓣切片安穴上用艾葉一小團如豈大在蒜上燒之或用燈草一根蘸油點燃燒之亦可總不如艾火之妙艾火每穴可燒三次燈火只燒一次 或用大蒜搗貼足心或貼臍中此千金方也

▲老幼脾泄不止泄出食物完穀不化胃無火也是胃陽症

柿餅燒紅放地上用碗蓋住若不蓋則成灰無性俟冷研末米湯調服一二錢即愈

●泄瀉論症

泄瀉之症甚多不外虛寒實熱傷食而已治不得法亦有性命之憂若一泄如注是爲水瀉泄後頭目昏花是爲虛瀉腹痛腸鳴一陣瀉是一陣瀉是爲火瀉飲食過多忽然泄瀉是爲傷食每早溏瀉一二次是爲脾虛藥一對症無論男婦老少藥到病除幸勿輕忽可也

▲寒泄不止(即水瀉)

胡椒末和飯作餅貼臍上 或用糯米酒糟和鹽炒敷之 或用灶心土鬥灰醋和飯搗爛敷之 或用鷄蛋一個燒酒四兩調勻合碗綿紙封口蒸熟食之

▲久患水瀉

米醋煮黃母鷄所生鷄蛋二三枚食之

▲腹內虛冷水瀉

生胡椒(取不拆者四十粒)以米漿水浸一宿空心滾水吞下久服煖臟腑

▲熱瀉(即火瀉)

六一散水調服 或用綠荳湯溫服亦可

▲傷食泄瀉

凡飲食過多泄瀉用花粉一味搗爛裝入袋內洗出漿水晒乾每用白糖調服數

錢加蜜少許服之兼治吐血症
凡夏月食瓜果太多而泄瀉者用 桔餅一個細切薄片分二次沖滾水服之

●霍亂論症

夫霍亂者有濕霍亂有乾霍亂皆是內傷飲食生冷外感風寒暑濕而成濕霍亂忽時心腹疼痛或上吐或下瀉或吐瀉齊作攪亂不安四肢厥冷六脈沈欲絕此名濕霍亂俗云虎狼病因風則怕風有汗因寒則怕寒無汗因暑則熱煩燥悶因濕則身體重着因食則胸腹飽悶治用正氣散加減若吐瀉煩渴燥不止厥冷痛甚轉筋入腹者死夏月因伏暑熱伏暑霍亂吐瀉者甚多手足雖厥冷脈雖虛小切不可用薑附熱藥治之要在暑症香薷飲內治之

夏月暑熱明知多食生冷瓜果麵食却於風涼處坐臥以致飲食停滯胸腹飽脹作痛或吐或瀉手足冷脈沈細或伏暑是濕霍亂用正氣散加減治之不可作夏月伏暑霍亂等症治之

有乾霍亂者最難治死在須臾俗云攪腸痧忽然心腹絞痛手足厥冷脈沉細或沉伏欲吐不得吐欲瀉不得瀉陰陽乖隔升降不通急用鹽湯探吐及刺少商穴出血治用理中湯加減切勿用米湯補住難治直待吐瀉之後方飲米湯補接元氣若吐瀉不出胸腹硬面唇青黑手足冷過肘膝六脈伏絕氣喘急舌短囊縮

者死證也。濕霍亂者吐瀉腹痛脈沉伏欲絕也。夏月暑熱霍亂者吐瀉煩渴自汗脈浮也用香薷飲。乾霍亂者心腹飽脹絞痛不吐不瀉脈沈欲絕也先用鹽湯探吐後服理中湯霍亂吐瀉止後發熱頭疼身疼口乾脈數者用參胡三白湯。有異鄉人初到地方不服水土或吐或瀉胸腹飽悶或腫脹不吐瀉者宜服加減正氣散。

上吐下瀉者無論冬夏皆有又有吐而不瀉瀉而不吐者亦是又有吐瀉不出者名爲乾霍亂治不得法皆不可救凡遇此症切勿食粥飯並忌食薑薑一入口即不可救即愈後進食亦不可多慎之慎之。得吐瀉者名濕霍亂其病輕不得吐瀉者名乾霍亂其病危欲吐不吐欲瀉不瀉心腹脹痛煩悶欲死治不得法皆能殺人不可不知。

脈霍亂吐瀉滑而不勻或微而濇代伏驚人熱多洪滑弦滑食論。

▲霍亂欲瀉不瀉者

滾水一碗入炒食鹽一撮候湯冷飲之如不止將針刺指頭少商穴出血立愈穴在大拇指頭指甲兩旁離指甲兩邊各半分便是。

▲治絞腸痧(即霍亂)

明礬三四錢滾水調勻服此即愈先將兩臂抹下血以針刺十指甲一分半處出血即安。

▲霍亂妙方

細看病人背上如有黑點用針一一挑破出血即愈若遲一日即不能救矣 或用炒鹽填臍眼內用艾絨放鹽上燒之以燒至止痛病醒爲度已死而心頭微溫者亦可救活也 或用生黃瓜一條絞汁一酒杯生薑汁一酒杯和勻灌下即愈

▲不吐不瀉心腹脹痛煩悶欲絕者

檳榔五錢童便一杯水一杯同煎服 並將病人腿腕橫紋上蘸溫水拍打紫血脉紋見血以針或磁片刺破出紫血立愈 或用生白礬一錢爲末開水服立效 或用新汲水飲一大碗仍以水一盤浸兩足立止忌食熱物 或用新藕汁服亦愈

▲腹痛兩腿轉筋方

以墨書木瓜二字於痛處仍令病人口呼木瓜隨聲而愈 或用木瓜煎湯服以湯浸青布裹足 或用大蒜頭搗爛敷兩足心立愈

凡轉痛筋不可忍者男子以手挽其陽物向上女子以手牽其乳向兩旁即愈 又勉強站起直立少頃即愈

▲霍亂中暑

嚼大蒜令爛冷水送下

▲反筋腹瀉

凡兩手掣抽搯搦用婦女梳煎水服效

▲霍亂乾嘔不止

用艾棉鋪臍上外用棉花作圈將食鹽炒熱以布包裹放臍上用大碗蓋定圈子勿令洩氣少頃熱氣入肚即愈 凡暑月脹滿欲作霍亂欲吐不得者用 鮮紫蘇搗汁飲一杯甚效 或用薤子煎汁服之

▲乾霍亂煩脹欲死

好醋三升飲之

▲乾霍亂

白鹽(飛淨)四五錢調童便三飲三吐即愈 或用馬屎研汁飲之 凡霍亂脹滿上不得吐下不得瀉名乾霍亂亦名絞腸痧用 小蒜一升水三升煮一升燉服 或掘乾黃土地三尺以新汲水投之攪濁澄清取水飲之連服三五杯即愈忌食米湯 凡腹痛出汗吐瀉不止危在頃刻者用 食鹽一兩生薑三錢切片同炒色變以水一碗煎候冷服愈後不可飲食

●瘟疫論症

此症多發於春分之後夏至之前故曰瘟疫如有鬼癘之氣又曰癘疫以衆人所

患相同又曰天行時疫其症與傷寒相似傳經表裏亦無不同惟時令已煖毒氣鬱蒸與傷寒微異發散宜用辛平等劑又有四時瘟疫治法大略相同也

▲瘟疫諸方

黃沙糖一杯生薑汁一杯白滾水一大杯和勻乘熱急服蓋被出汗即愈四時瘟疫可治

▲大頭瘟

此症頭面腫大咽喉閉塞急用蚯蚓十餘條以白糖拌入碗碟蓋好半日即化為水至遲一日必化用鴨毛蘸水搽之即消百發百中之仙方也如無白糖之處用蚯蚓糞并水調敷亦可須戒殺生 或用燕子窩連坭帶糞搗融醋調敷之即愈至燕子坭平日不妨收存以備急用

凡瘟疫初起頭痛肚熱脈大者用 小蒜一斤杵汁三合溫服再服一二次便愈

或用生梓木削去黑皮取裏白者切片一升水二升半合煎取汁每服八合自

愈

▲瘟疫

烏梅七個蜂蜜七錢水二碗煎服 或用稻草權糲不拘多少用盛火器放於病人床前不時燻之可愈且免傳染之患

▲蝦蟆瘟

凡天行時氣面色紅赤頭頂腫大是用 金線龜搗汁水燉熟空心服

▲瘟疫傷寒時症

凡飯後氣惱心口脹悶填塞不舒者是用 好料酒不拘多少燉熟將布二塊蘸酒由胸前向下擦抹如布冷再換熱布擦抹數次滯氣下通即能大便而愈

▲時疫傷寒狂燥

用抱過雞蛋壳不拘多少泡湯服之即睡 或吞生雞蛋一二個即時清爽

▲疫症外治

凡聞病人汗氣入鼻透腦即散布經絡初覺頭痛即用 蒼朮良薑枯礬爲末每用一錢以葱白一大個搗勻塗手心男左女右將手掩肚臍上手須窩起勿使藥着臍眼又以一手兜住外腎前陰女子亦然即煎 菘菜水一碗服之半炷香久可以出汗無汗再飲菘菜水一碗汗出而愈 或用芥菜子研末溫水和勻填臍眼中隔布一二層上以壺盛熱水熨之汗出而愈 或刺少商穴血出即愈

▲辟疫丹

蒼朮一斤紅棗一斤共杵丸如彈子大每日燒一二丸甚效 或用大管仲一個浸水缸內加白礬少許不染時症 或用向東桃枝煎水常浴可解

▲時氣煩悶

生藕汁一盞 生蜜一合和勻服之

▲辟瘟諸方

六月六日採馬齒莧晒乾收藏於元日日煑熟鹽醋醃食一年可免時疫 或五更時投黑豆一大握於井中勿令人見凡飲水家俱無傳染若食河水之處各家於每日清晨投黑豆一撮於水缸內全家無恙凡入病家用香油調雄黃蒼朮末塗鼻既出用紙條刺鼻孔取噴嚏再飲雄黃酒一盞決無傳染 或用初起病人貼肉布衫置蒸籠內蒸一炷香久取起全家不染

●瘧疾論症

夫瘧者因外感風寒暑濕內傷飲食勞倦或飢飽色慾過度以致脾胃不和痰留中腕然無痰不成瘧脾胃屬土有信來去不失其時若多時或早或晚者是邪無容地瘧將好也瘧疾來時呵欠怕寒手足冷發寒戰大熱口渴頭痛腰膝骨節酸痛或先寒後熱或先熱後寒或單寒單熱或寒多熱少或熱多寒少一日一發受病淺也尙容易治間日發者或二日連發停一日者皆難痊治宜在表無汗者散邪湯爲主有汗者正氣湯爲主半表半裏者紫苓湯爲主分利陰陽而未已者人參養胃湯加減後方截之若用截藥吐出黃膠水者瘧自愈也不可一兩日早截早則邪氣閉塞而成壞症又不可遲截遲則元氣衰憊而成虛怯當在三四日就

截爲好須待熱退身涼方可飲食也切不可帶熱飲食恐不消而成痞一名瘧母痞散成鼓者有之矣

大凡瘧疾初起者散邪正氣爲先也 瘧發寒熱作渴者宜分利陰陽也 虛人患瘧者養正邪自退也 風暑入陰在臟者痞瘧也 人虛者截補兼用也 人壯盛者宜單截也 瘧久不止者先截而後補也 瘧已後者須調養血氣也 瘧中有塊者瘧母也 大凡久瘧多屬元氣虛寒蓋氣虛則寒血虛則熱胃虛則惡寒脾虛則發熱陰火下流則寒熱交作或吐涎不食戰慄泄瀉手足厥冷皆脾胃虛弱但服補中益氣湯其諸症悉愈 大抵久瘧氣血俱虛而三日一發者用十全大補湯蓋邪氣在陽分者淺而易治邪氣在陰分者深而難治

●瘧疾論治

凡治瘧證必須俟寒熱分清方可作瘧治之如寒熱未分切不可認爲瘧治如認瘧治反多纏綿瘧之初病先由太陽經受風寒暑濕而起陽明經夾痰夾滯而發傳入少陽而住則成瘧矣自古治瘧必用柴胡以引少陽之邪外出借其和解瘧邪初病頭痛發燒口渴渴周身痛痠病在太陽陽明而未入少陽宜清暑破瘧飲一服病痊大便結者下之太陽邪解陽明滯清再無傳經不至成瘧也

凡瘧疾口渴切不可飲冷茶水並一切生冷之物犯之其疾更甚惟以薑湯乘熱飲之此良法也。

凡瘧疾熱未全退不宜飲食必俟其熱退盡方可食之不然必成痞積也近治瘧疾以倪涵初所訂三方確有奇效不可不知（方載驗方新編各醫書茲不再錄）

●瘧疾論脈

夫瘧脈多弦弦而數者多熱宜汗之弦而遲者多寒宜溫之弦而緊實者屬實宜下之弦而虛細者屬虛宜補之弦而實大者上焦有痰滯宜吐之弦而數者宜清之弦而浮者宜和表弦而弱者真陰不足宜補下元弦而小者氣分虛弱宜補中益氣固本和解脈濡弱者屬脾虛宜四君子六君子調理脾胃瘧脈寒則遲伏熱則脈數不可以寒熱來時論之要在瘧未至時疹之為準凡治瘧之要養正驅邪最為要着富貴膏梁貧賤藜藿治各不同宜細心參究施以對證之方立見奇效如淺嘗輕視所誤匪輕慎之慎之

弦短者多食弦滑者多痰瘧脈遲緩者病自愈久瘧不愈者脈必虛宜養正去邪

▲截瘧奇方

用草從左手中指頂尖處量至中指根處為止捏斷即用此草從指根量至掌再從掌量至腕為度用墨點記以核桃半個盛獨蒜研爛敷於墨點處以棉絮上一

時辰久即去之 或用胡椒硫黃各三厘研末摻膏藥上貼背脊骨正對臍眼處即愈

▲又方

甲乙日次良冷馮有正 丙丁日李天保馮有正 戊己日孟有春馮有正

庚辛日壬牙生馮有正 壬癸日馮有正

須記真初起發冷日子如(甲乙)日初起發冷則寫(甲乙)日神將名字如(丙丁)日初起發冷則寫(丙丁)日神將名字餘皆倣此至日子須查的真勿錯爲要

右神將名字於未發冷之先一時令病人面向東方以新筆用墨寫於病人背脊第三節骨起直寫神將名字寫完穿回衣服是日即止該字聽其自落幸勿擦去但寫字時勿令人見屢試屢驗 或用棉花樹葉(男八塊女七塊)取男雙女單之意用米一勺同葉搗爛以黃糖一文共糞米糊於未冷之先一時服之立止 或用薑汁(一酒盞)胡椒末(一文)用糯米粉糞糊攤膏藥上預早一時貼病人背脊三節骨內如見熱不可撒去聽其自落不效再貼 或用生薑一塊搗爛入淨鍋焙成餅如杯底大厚二分許取置桌上略退火氣貼風門穴外用大膏藥一張蓋上四圍以手緊貼不可洩氣中間薑餅處切勿按動如薑散碎有冷水流出即不見效風門穴在頸後第二節骨與第三節骨交縫處臨發日黎明貼之膏藥

勿揭聽其自落但發瘡至三五次方可用之 或用立秋日五更取井花水長幼各飲一杯可免一切病症

▲祝由科治瘡咒

咒曰 吾從東方來 路逢一池水 水裏一條龍 九頭十八尾 問伊食甚的 只吃瘡疾鬼 面向東念咒一遍吹氣一口在菓子或糕飯上連念七遍吹氣七口寫一龍字於菓餅上令病人臨發瘡日於五更時面東而立食訖於靜室中安睡須要鷄犬不聞忌食暈腥熱物此法十治九愈無藥處可以救人功德無量

又方 陰歷五月五日午時取桃仁一個劈開二片一片寫日字一片寫月字又用葶麻子一粒同研末爲丸硃砂雄黃爲衣合藥念咒 咒曰 道法不須多南辰共北河 都來兩個字 降盡世間魔 念完將磁瓶收好每發瘡時取一丸男握左手女握右手過時即愈 或用龜板一片炙焦酒煎瘡發早二時温服即愈

▲久瘡人虛

鷄蛋二個入白糖一兩打勻蒸食

▲久瘡脾寒

白朮土炒爲末每服二錢酒調服十劑除根

▲隔日瘧

密陀僧六分研末白糖五錢未發時早一刻熱酒調服小兒用三分之一

▲三陰瘧(午時後發者是)

胡椒三錢研末白糖少許和勻先一夜置臍眼內紮緊次日去之

凡人有素患瘧疾者每年初中末三伏之日用生薑一斤敲碎煎湯滾透先燻後浴以薑擦膝頭手腕小腿脚底心至水冷為止此永斷瘧疾之法也

▲瘧後怪症

斷瘧

凡久瘧口鼻中氣出盤旋不散凝如墨蓋十日漸至肩與肉相連堅如金石不思飲食用澤瀉煎汁日飲三次五日見效

內經錦囊痢疾原論

痢者古名滯下內經謂之腸澼潔古云壯盛之人無積虛人則有之可見積由虛召皆因脾胃既虛飲食不節七情不適腸胃拂鬱氣血壅滯釀成膿血而為滯下也然卒成有五積滯有七有因飲食不調脾胃驟傷者有因受暑濕而發者有因風寒相感而發者有因吐瀉失調而成者有因誤食毒冷物與驚恐相成而得者此為乍成五證其七證者有因食積日久而成者有因氣虛夾寒而成者有因脾氣久傷不能統血而下血者有因濕熱傷脾而成者有因陽氣下陷積成脾敗而

成者有因膏梁燔灸太過燥熱蘊積者有因疫氣時行穢毒相感者凡傷氣則白傷血則赤氣血俱傷赤白並出黃是傷食綠是傷濕然總因濕熱寒暑積滯而成者其虛實各有不同以痢之數有八曰冷曰熱曰疝曰驚曰寒熱不調曰休息曰瀉痢曰蠱毒其冷痢色白熱痢色赤疝痢黃白下無時度驚痢色青冷熱不調之痢赤白之色相兼休息痢蠱黑而如魚腸愈而復作瀉痢肚大停積而又下飲食不爲飢膚氣臭而大便閉塞蠱毒痢下黑色其治之法必審挾寒挾熱或虛或實實熱者即可用實治寒者當同虛論也至如痢久發熱者陰虛也肛門痛甚者濕熱流於下也禁口痢者因胃口熱甚或疫氣穢毒積於臟腑熱毒上衝則成禁口痢矣治宜清心解毒徹熱下行如後重之症由肺氣鬱於大腸宜升提清氣降其濁熱血虛者補血養陰皆兼潤下而痢自止經云養血和血而痢自愈調氣理氣後重自除衰老幼弱元氣虛者必須如此治法如強壯食積重而痢盛者初痢時必須下之不可遲也過五日之後則脾胃漸虛常用消導升提行氣和血病久挾虛者當滋補氣血收澀固脫後重者仍宜下之腹痛者宜和身重者除濕脈弦者兼散去風膿血稠粘者痢以重劑竭之驚澹爲痢者宜溫之在外者散之在裏者下之在上未成積者吐之在下已成痢者通之表熱者內疏之小便澀者分利之盛者和之去者送之至者止之此治痢之格言也

●痢症論症

夫痢無壞症即有壞症必臟腑久已受傷一病即禁口不食痢如腐爛魚腸屋漏此不治之症也如初病久病能食飲者再無一壞也嘗攷諸名家著述議論精微無處不到其理無出其外矣每閱治痢諸方與論大相懸遠有曰不可用苦寒而方中又用黃連黃柏黃芩有曰不可用辛熱而方中偏用丁香肉桂巴豆乾薑附子等藥且又注明此丸能治諸痢即此一言未分虛實直誤至今近日醫書並未備只知此方能治諸痢不問寒熱概而用之如寒痢服熱藥者賴以見功胃積痢熱者服之即成禁口如用苦寒者熱痢服之湊效冷痢服之寒戰腹痛手指青黑及至無救尚在不知徒空發嘆又有好善者見方能治諸痢便合藥施送救人其中所誤者亦不少也凡痢瘧二症初病皆屬陽明胃與大腸積滯濕熱外受暑氣而成痢瘧要明表裏虛實不可執一偏之見痢有初起惡寒發燒頗象瘧症而又腹痛下痢人見瘧痢並行皆稱重候不知內停積滯外感風寒半表半裏之症治宜兩解如專一治之則多纏綿夫痢腹必痛有寒痛火痛虛痛實痛之分寒痛者唇白面青手足發冷痢下色白脾氣虛弱體氣不壯之人積滯腸胃虛中夾實此爲寒痢腹痛也火痛者面赤唇紅手足熱痢下紅色體壯強盛之人因食煎炒厚物不禁生冷停積腸胃實火實熱此火痢腹痛也紅白相間之痢腹痛者因寒

火之積相混凝結於腸胃而成此痢有虛有實宜斟酌調治其虛痛者氣弱怕冷痢時手按腹則快無論紅白色宜補血調氣也實痛者內外刀刮手按之亦痛後重下墜小便結赤肛門腫熱下痢赤而稠粘此爲實痛當歸承氣湯加麝木香下之即鬆如紅多加酒炒川連更妙而痢有腹不痛者此非痢也由肝木之尅脾肚也脾虛受肝之制此爲濕痢不可作痢治宜和肝理脾分利小便氣虛體弱者補氣溫中體有熱者清中調氣年高衰老之人脾腎皆虛之體如下痢不痛者必須溫補眞陽急固滑脫不可執定痢無止法大小緩急全在見機而作也

痢疾初起一二日元氣壯實者先用玄白散虛弱者用芍藥湯疏通積滯三四日以後元氣漸弱調和飲食加減治之如不止服參歸芍藥湯調理脾胃補益元氣久之自愈愈後方可服人參養臟湯加減治之切不可驟用粟壳等葯止塞太早恐積氣未盡便成休息痢又恐毒攻胸腹飽悶作痛惡心嘔噦發呃難治也

先水瀉後膿血者是腎傳脾難愈先膿血後水瀉者是脾傳腎易愈又有痢下鮮血如塵腐色如屋漏水者大便如竹筒者嘔噦發呃煩燥身熱者俱難治也如魚腦髓身熱脈數大此半生半死也

大抵治痢疾一二日元氣未虛治宜疏通積滯此通因通用之法三四日後不可疏通恐元氣虛也當清熱解毒調養脾胃爲主經云行血則便膿自愈調氣則後重自除若大腸積滯壅實而後重法當疏導之若大腸氣下陷而後重法當升補

之合前後論說參觀用藥則治痢之道思過半矣

●痢症論脈

黃帝問岐伯曰腸澼便血何如岐伯曰身熱脈急者死身涼脈緩者生又曰下白沫何如岐伯曰脈沉者生脈浮者死又曰下膿血者何如（即紅白痢）岐伯曰脈懸絕者死（即脈空也）脈滑大者生又曰腸澼（即痢也）之屬身不熱脈不懸絕者何如岐伯曰滑大者生懸澹者死夫痢脈多滑按之虛絕尺微無陰澹則少血沉細者生洪弦者死此言臟腑之死生也

痢症有九不治一脈洪大不食者不治二飲食並藥不過隔者不治三肛門如竹筒者不治四痢如魚腸屋漏不食者不治五食物完穀不化者不治六氣虛下陷不固者不治七面目俱赤直視不食者不治八脈散亂無神不食者不治九呃逆不食者不治以上不治之症本原內傷者不過二三誤治者八九如陰虛下痢當養血清之脾虛氣弱當理調氣則無錯治今人治痢不審虛實概以蒼朮爲主專認痢皆濕不知陰虛痢用熱藥一燥其陰更傷毒熱盡蓄於胃禁口由此而成矣再因痢之不止用藥收澀愈澀愈痢勢難收拾也不知痢者利也通因通用也變通也如人實證實用當歸大承氣通之如人虛證實先固其本爲主再加通利之藥則無變症之憂凡痢全在入手初治不錯總無壞症所有不治者皆因誤治之

過也

痢症最忌黃連服則倒胃難治然倪涵初先生治痢之方均用此味似不相宜胃弱者宜斟酌用之

▲四時暴患瀉痢

四肢臍腹俱冷者 煎百沸湯令患者坐深湯中浸至膝上爲度生陽之葯無速於此

▲噤口痢（飲食不進）

五穀虫七個焙乾爲末米湯灌下即愈將死可救 或用大附子一個（陳者不用）切片貼無根火上俟熱貼病人臍上冷即換之立愈（取無根火法以石灰一團冷水淋下即有熱氣可用）或用煨石膏 黃蜂蜜 薑汁各一匙白滾湯下神效 又方凡男婦飲湯不下者用烏梅一斤敲碎置盤中用水十餘碗煎滾令病人坐盤上待熱氣燻入肛門候水溫即洗其人如睡去即扶上床煎粥湯候之如思飲食即與粥水半碗少頃再進稀粥半碗不宜多食爲要 或用糯穀一升炒出白花去壳薑汁拌濕再炒爲末每服一匙湯下三服即止 或用鐵秤錘（或磚石亦可）燒紅放瓦缸內好醋淬入令病人聞之一日數次極效

▲噤口痢疾

丁香五粒巴荳霜一分杏仁五粒砂仁五粒沒葯二厘紅棗一枚去核同搗分二

丸一丸貼在臍上即愈

▲治痢神方(禁口利更合)

用蘿蔔菜陰乾(宜冬至前預先收之)愈陳愈好每遇痢症即用一兩煎水服之紅痢加紅糖五錢白痢加煨老薑三錢全煎四五服便止真神方也鄉間無葯宜多收濟人功德無量

▲又方

乾荷葉一把去筋研幼末篩過紅痢用紅糖白痢用白糖煎水沖服 或用生藕節搗爛滾酒沖服

▲又方(虛人勿用)

金銀花蕊五錢炒枯研末不論紅白痢開水調白糖空心服服後其痢更甚兩日全愈奇效無比小兒每歲服一分 或用木耳一兩紅痢用紅糖炒白痢用白糖炒紅白痢用紅糖炒煎水服極效

▲鐵甲散

蜣螂(即推糞虫又名屎壳郎四兩炙脆) 山查炭四兩 炒檳榔二兩廣木香一兩(煨)右葯如法泡製共研極細末磁瓶收貯勿令涉氣大人每服二錢小兒五分紅痢用川連三分煎水調服白痢用紅糖五錢老薑二錢煎水調服

▲紅痢不止

壽世良方 痢疾

乾薑(炒黑)候冷爲末每服一錢米湯開服

▲久痢不止

麻油煎鹹魚食數次甚效此方奇驗莫測其理

▲又方(休息禁口均治)

陳火腿骨煨炭研末八錢紅沙糖八錢陳茶三錢烏梅五個煎湯調火腿末服
或用火腿骨煎湯緩緩服之極效

▲禁口痢(又名閉口痢不思飲食者是)

用金色鯉魚煎醋食並用生蔥頭煎粥食之 或多食禾虫便愈

◎急救論

凡自刎自縊凍死溺死及服毒等症事關人命人多畏懼不救不知律書末載洗冤錄一卷及他書方葯原示人救治之法今悉載入以便檢閱有定識者依此方出力救之功莫大焉善莫名焉

▲救縊死法

凡自縊從早至夜雖僵定猶可救從夜至早稍難若心口溫者一日以上亦可救治先預備六人不可割斷繩索緩緩抱解將屍安放平坦處頭要扶正先將手足慢慢灣曲然後將大小便用棉軟物塞緊不令涉氣急將所吊繩索用大碗裝好

即用火蒸之其活更快令人踏其兩肩以手緊提其髮不可使頭垂下一人微微撚整喉嚨一人擦按心胸又輕輕摩其肚腹一人摩擦手足緩緩彎動若已硬直但漸漸強彎屈之又用腳裹衣緊抵糞門陰戶不使洩氣以兩人用竹管吹其兩耳不可住口或用鷄公血滴鼻中男左女右男用雄鷄女用雌鷄如此一飯之久即有氣從口出不可鬆手少刻以淡薑湯或清粥與食令潤咽喉漸漸能動乃止依此救法多吹多摸無不活者勿謂已冷忽略不救也 或炒生鹽二大包從頸喉熨至臍下冷則隨換不可住手其痰盡下並用人對口以氣灌之其活更快或用跌打回生丹灌之立活真仙方也

▲凍死

冬月凍死之人雖人事不知但胸前有微溫皆可救治倘或微笑必急掩其口鼻如不掩則笑不止不可救矣切不可驟令近火但一見火必大笑而死或用毡及草薦捲之繩索繫定放在平穩處令二人相對踏令滾轉往來如扞毡法候四肢溫暖即活

▲睡魔死

原有燈即存燈無燈切不可用燈照並不得近前急喚但痛咬其足跟及大姆指類類呼其名以口水唾其面再灌薑湯必活 或用竹管吹其兩耳以皂角末如豈大許吹兩鼻得噴嚏則氣通死三四日者尙可救活

▲五絕(一)自縊(一)墻壁木石壓(三)溺水四魔魅(五)生產)

半夏一兩研末冷水爲丸如豈大納鼻孔中即愈心頭溫者雖經一日亦可救活

▲溺水死

即令人撈起急將口撬開橫竹筋一隻使可出水以竹管吹其兩耳研生半夏末如豈大吹入鼻孔以皂角末置管中吹入穀道如在夏月將溺人肚腹覆牛背上兩便使人扶住牽牛緩緩行走腹中之水自然從口中並大小便流出再用生薑湯調蘇合丸灌下或生薑汁灌之並用生薑擦牙若無牛則用大鑊覆寬凳上將溺人肚臍覆對鑊底兩人抬凳搖動亦可出水如在冬月急將濕衣更換一面炒鹽用布包熨臍一面厚鋪被褥取灶內初熄草灰多鋪於被褥上將溺人覆臥於上以棉枕一個墊臍下再以草灰渾身厚蓋之灰上再加被褥不可使灰迷於眼內再以蘇合丸和薑湯灌耳鼻穀道等處醒後冬月宜少飲熱酒夏天宜少飲粥湯按灰性煖而能拔水氣凡蒼蠅溺水死者以灰埋之少頃即活此明驗也或用通關散頻吹鼻內有噎可生或用陳壁坭先打一堵置地上以溺人仰臥其上更以壁土覆之止露口眼自然水氣喻入坭間其人遂醒雖身僵氣絕用此法亦可救治或以酒罈一個燒紙片一把放罈內急以罈口覆臍上冷即再燒紙片入罈覆臍去水即活出洗冤錄

▲誤服火水至死可救方

甘草煎水候冷和蜜糖灌之嘔吐即愈

▲熱死

初禁冷水近身用草繩一條盤臍以三四人溺尿臍中不然以熱水澆臍亦可醒後亦不可飲涼水

▲猝中邪魔

此症在道路門外得之爲多令人心腹絞痛脹滿氣冲心胸不治即死方用 烏墨水二錢冲服 或用菖蒲搗汁含之立止 或用雄黃未吹鼻立愈

▲忽然胡言亂語昏迷跌倒

此症不省人事切勿挪動動則難治急用大爆竹（即炮燄）放頭脚兩處頭頂邊一個足下一個一齊點放其人自醒無恙大小皆治屢試如神

▲夢魔

臥時以鞋一仰一覆或以紅毡紅布之類爲枕即安

▲暴厥死

此症或客忤猝死或先病及睡臥猝然而絕或猝然撲地及一切痰壅手足搐扯皆是急將病人扶入煖室扶住正坐用火炭沃醋使醋氣冲入鼻中良久自醒或搗韭菜汁灌鼻如倉猝無藥即於人中穴及兩足大拇趾離甲一韭菜葉許各用艾火灸三五次即活 或用韭菜心黃男左女右向鼻內刺入六七寸令目開

血出即活此症切忌以湯水灌之湯水入喉則痰繫心絡致生他疾 或視上唇內沿有如粟米粒形者以銀針挑破取出血即活 或令人以尿淋其面即醒此扁鵲神方也

▲中惡猝死

或吐瀉不止不知何症無論老幼男婦用馬糞一丸絞汁灌之乾者水糞汁亦可此扁鵲方也

▲驚死

以醋酒一二盃溫灌之即醒

▲烟燻欲死（煤毒可解）

白蘿蔔汁灌之無即用乾葉煎汁亦可

▲自刎斷喉

須速救治遲則額冷氣絕乘初刎氣未絕身未冷時將頭墊曲合攏刀口拭去血急用大雄鷄一隻去毛生剝其皮乘熱包貼患處安穩枕臥自然漸醒善爲調理自愈

● 跌打損傷

▲損傷青腫

生豆腐切片貼之 如青腫不散以葱白搗爛炒熱敷傷處冷再易之 或用爛
席草蒲扇燒灰調酒服童便引 又方

凡一切跌打損傷遍身青腫瘀停作痛及墮仆內傷一服即愈 白木耳四兩黑
者可用焙爲細末每服一兩用麻油三匙和好酒調服日服三次藥完痊愈百發
百中

▲跌打損傷

取淨土蒸熱以布包裹更換熨之勿太熱恐破血

▲損傷諸方

白糖飲 凡跌打損傷如已氣絕牙關緊閉者先用半夏在兩腮邊擦之牙關自
開急用熱酒冲白糖二三兩灌入如不飲酒以水調服亦可愈多愈妙無論受傷
輕重服之可免瘀血攻心至穩至靈不可輕忽如氣絕不省人事急用生半夏研
末水調黃荳大塞鼻孔立能蘇醒男左女右醒後鼻痛用老薑汁擦過即不痛也

▲跌打日久瘀血作痛第一妙方

生南星一兩生枝子一兩生大黃一兩生半夏一兩加生薑一兩生葱頭一兩酒
一兩紅沙糖一兩麵粉三錢用膏梁酒先煎薑葱後放酒糖麵粉及藥末勻攪成
膏帶熱輪流熨之一日見功熨完加射香二厘放藥膏面上再貼一夜永無後患
敷藥膏須要有點暖氣切勿太熱

▲刀斧傷

舊毡帽燒灰研末去火毒(放地上一二時)敷之立刻止血定痛收口神效

▲跌打刀傷流血不止

葱白一大把搗爛炒透和蜜糖(沙糖亦可)俟微熱敷之即止冷即再換神效
此方止血定痛且無癢痕再用白蠟二三錢刀刮爲末酒調服更妙

▲接骨仙方

地骨皮四兩生鷄仔一隻搗爛加水酒三四壺放瓦鍋內煎數滾盡量飲之渣敷患處一週時即愈

▲槍彈入肉

南瓜煮熟乘熱敷之其槍彈即出 或用水銀向傷口擦之即出此軍營妙方也

▲咬落舌尖

鮮白蛤在粗碗底上連內壳用水磨汁敷患處舌即長出如舊便能言語

▲破口傷方

龍眼核(即桂圓核)剝去光皮不用將核研細摻傷口即定痛止血 此方大有功效如口渴者不可飲水但食油膩之物以解其渴更忌食粥食粥則血必湧出而死或用老薑嚼融敷之數日平復如常此方屢驗惟敷時痛極忍耐片時可矣

▲止血法

瘦猪肉切厚片貼上無論傷口大小血流不止者立效如神 或用豬皮亦可此
止血救急第一方也 或用草帛燒灰候冷敷上亦可 或用老薑燒枯研末敷
之 或用柿餅搗爛塗之血止傷口自合 或用葱白一大把搗爛和蜜糖或沙
糖煑熟候溫煖貼上冷即再換 此方止血定痛且無癢痕之患

▲手指砍斷

將指接上用蘇木細末敷之外用蠶繭包縛牢固數日即愈 或用老薑嚼融敷
之舊棉包裹簡便神效不可以平淡而忽之

▲損傷碎骨在內作膿

田螺槌爛加酒糟和勻敷四圍中留一孔其骨自出

▲跌打損傷胸膈脹痛不食

白沙糖用酒調服水服亦可以多為妙

▲騎馬傷股破爛

鳳凰衣(即抱過鷄蛋壳)新瓦上焙枯研末磨油調擦

▲接骨法

杉木炭研極細末用白沙糖蒸極融化將炭末和勻攤帛上乘熱貼之無論破骨
傷筋斷指折足數日可愈屢試屢驗不可輕視忌食生冷發物無杉木炭用杉木
燒枯亦可凡骨斷痛極者先用鳳仙花根一寸(以肥大者為佳)磨酒服之操動

則不知痛苦然後可用藥醫治 或取路傍墻腳來往人小便處日久碎瓦片洗淨燒紅淬人好醋內再燒再淬連製五次刀刮爲細末每服三錢好酒下雖骨節斷痛不可忍者亦極神效 或用銅末研幼酒服之遂愈此古方也屢試屢驗眞不可思議 或用尿桶或尿坑年久青磚一塊火煨七次爲末古錢一枚火煉七次醋浸七次爲末每古錢末一錢和磚末五分調黃酒服三分立效如多服一匣長骨一枝最要秤準

▲接骨神方（治跌傷斷骨從高墜下驟馬上跌折筋骨碎斷痛不可忍此能接骨續筋止痛活血）

礪砂水粉當歸各三錢右爲末每服二錢蘇木湯下

▲接骨又方（治驟馬踏傷損骨碎者）

生半夏黃柏各二錢生搗敷七日愈

▲接骨簡效方（治骨斷損傷）

蟹殼炙枯研末酒調服盡醉其骨自合

▲跌打傷筋

用韭菜搗爛敷過一夜即愈 或照上碎瓦方治之亦效

▲跌打損傷愈後行動不便

罐盛小便火上燒熱時時燻之燻至數次即愈 有人手骨跌斷愈後手足直硬

照方燻數次即愈切勿輕視

▲夾棍傷撥傷

皂礬二兩水四五碗瓦鍋內熬滾將手燻洗良久即活血止痛不致潰爛熬水忌銅鐵器其洗手水過夜即臭惡不可聞矣 或用生松毛（即松針）同陳酒糟搗爛敷患處 或用生枝子末白麵水調敷之

▲損傷日久不愈

冬瓜仁炒研末酒調服

▲頭面跌傷

生半夏末芙蓉葉共搗爛酒蜜調敷

▲眼睛跌出

活豬身上封肉割一小塊趁熱貼上少頃納入

▲打傷眼睛

生豬肉一片以當歸赤石脂二味研末摻肉上貼之拔出瘀血眼即無恙如突出即揉進

▲面目青腫

生半夏末水調敷一夜即消

▲腫痛

壽世良方

跌打

牛膝放入口中嚼爛敷患處二三次自消

▲損傷出血急救方

凡金石木器傷及驢馬傷均治用 生半夏松香或煑或壓去油研末敷之即封
口止痛

▲閃跌手足

生薑葱白搗融和灰麵炒熟敷之 或用生大黃末調生薑汁敷之

▲脚趾割破久不收口

鷄脚骨燒枯研末敷之甚效

▲墜車落馬筋骨作痛

元胡索末好酒服二錢日服二次即愈

▲車碾及墜馬傷

服熱小便一碗立愈

▲騎馬兩股打傷

雞蛋青攤作膏貼之自愈

▲跌壓傷死

凡跌壓傷重之人口耳出血昏暈不醒如面有生氣身體尙軟皆可救治切忌人多嘈雜祇令親人呼而扶之坐地緊抱曲其手足如和尚打坐樣隨以熱童便灌

之馬尿更炒 或用白糖調熟酒灌之(用水調灌亦可)尤妙但能灌得一二杯下喉便好然後輕移於懷抱入內室如前坐法更以足緊抵糞門若婦女連陰戶一並頂住免氣下洩不能救治並將窗門遮住以戶中黑暗爲佳一面查簡便各方兼用之傷重者瘀血必多用白糖飲最妙切不可令出大便恐其氣脫而死必俟其腹中動而有聲上下往來數遍急不能待方可使解所下盡是紫血毒已解下方可另睡偷瘀血未盡宜多服白糖飲 若急切無藥即飲熱小便以免惡血攻心再取地上三尺下黃土數升搗碎蒸熱舊布重包輪流熨傷處數次痛止傷消但不可大熱恐傷皮肉也

▲內傷久發

凡跌撲損傷胸脇腰肋等處並肩挑負重失足蹬筋初時不覺久至經年累月忽然疼痛浮面按之不痛擊重方覺或咳嗽吸氣牽掣引痛此內傷氣逆血滯日久恐患癰毒方用

生大黃一兩(祇用火烘勿用火焙炒)老薑二兩搗爛和滾水一杯絞汁隔湯燉溫調大黃末如膏塗於痛處不必留頭蓋以粗紙外用棉繫之一日一換三日即愈

如傷三五年者亦效此良方也功效難言

▲墜樓墜馬損傷手足

壽世良方

跌打

眞麻油一杯調酒一壺盡量飲醉即睡蓋厚被出汗睡醒筋骨自合痛亦自止冬
月用火烘熱被蓋之有汗爲妙

▲墜樓墜馬傷

取淨土和醋蒸熱布包熨之痛止若瘀血沖心欲死卽抉開其口以熱小便灌之

▲墜撲損傷瘀血在內作悶

蒲黃研末空心溫酒服三錢即散

▲重物壓傷

凡手足肩背被重物打傷或青腫紫赤血痕疼痛用 蘇木煎汁磨眞降香塗之
不可落水連塗數日其腫自消 或用虎胆草搗爛搽之即愈

▲杖傷

急飲童便一碗外用熟豆腐鋪在傷處其氣如蒸豆腐漸成紫色再換豆腐鋪之
見紫散盡轉淡紅色爲度 或用木耳四兩淨砂鍋炒焦(忌鐵器)爲末每服五
錢好酒調下服後坐片時候藥力行至傷處從肉裏往外透如針刺癢甚不時流
血水即其效也 凡臨杖預服四五錢則減痛無重傷之患 或用黃蠟香油同
熬敷之

▲閃挫腰痛

神麩一塊燒紅淬酒二碗飲之立愈 或用葡萄乾一兩好酒煎服重者兩三服

即愈

▲腰閃作痛及一切手足損傷內現紫血

先以葱白搗爛炒熱將痛處擦遍隨以大黃研末生薑汁調敷盡量飲以好酒一二年不愈者皆效 或用王不留行炒研末好酒燉熨並調服

▲跌閃腫痛

生薑葱白同搗爛如麪酒調熱貼之如熱貼而痛者用枝子搗爛和麪炒熱貼之

▲撲跌欲死面青頭縮

宮粉一錢和水服之

▲撲跌欲死

凡從高處墜下木石傾壓落馬墜車以致瘀血凝滯氣絕欲死倉猝無藥急以熱小便灌之免至惡血攻心再用乾淨黃土五升搗碎將舊淨布蒸熱重包黃土熨傷處數次痛止傷消不可太熱恐傷皮肉慎之

▲從高墜死

總宜扶坐不可使臥恐瘀血冲心先用淡豆豉一盃煎水去渣服之如氣欲絕以熱小便灌之

▲跌打骨斷

螃蟹半斤搗爛滾酒調服眞仙方也 或用五加皮四兩小雄鷄一隻（去毛不

去血不沾水）連骨同搗極爛敷斷處骨則響聽至不響即將藥刮去遲則多生骨矣

▲跌打刀傷血流不止

多用葱白搗爛和蜜（沙糖亦可）乘大溫熱撲上冷則再換此方止血定痛且無癍痕 又用白蠟二三錢刀刮爲末水調服

▲碼子入肉

青蛙二隻（俗名青拐）白鵝屎二兩頭髮（二兩煨灰）女人舊木梳（一個或半個先研末）塘扁魚胸（一條）和蜜搗爛敷之則鉛碼自出矣 或用蜂蜜八兩煎滾和好酒一斤盡量熱服取汗安臥次日碼子自出

▲閃挫腰痛不能屈伸

橙子核炒乾爲末以鹽酒空心調服立愈

●人物傷

▲人咬傷

人被咬傷其牙最毒若有牙黃入肉則痛不可忍咬手指者指與掌俱漸爛落年久難愈重則喪命無論日久初起雖至腫爛總宜用童便洗之 或用淘米水洗亦可洗時雖痛至不醒人事亦須忍住若護痛洗之不淨難愈若初咬傷急以人

尿浸洗一二時去清牙積再用 荔枝核焙研幼末摻之外用荔肉蓋貼雖落水亦不爛屢試如神 或用柿餅一個淨口嚼爛盛碗內蒸熱敷之三日乃愈 或用鼈甲龜板炙酥麻油調敷甚效 或用熱水洗去瘀血嚼生白菓塗之如痛用芝蔴油紙燃烟燻之即愈 或用糖鷄糞塗之止痛不作濃 或用人中黃煎湯時洗較諸治法尤覺神妙不可嫌穢自誤 或用尿洗淨後用甘草嚼融厚敷乾則隨換日夜不斷三日必愈屢試屢驗並治各物咬傷

▲癩狗咬傷論症

每年驚蟄後桃花正開蟲蛇出洞霜降後梅花正開蟲蛇入洞其出也必呼氣其入也必吸氣吐納毒氣流於洞口犬性善嗅感觸其毒遂病癩名獼狗春夏日名桃花癩秋冬日名梅花癩犬性義而善守癩則不識人頸硬頭低尾落耳聾直向前行闖入人家凡遇人畜無不亂咬牛犬被咬即觸毒而癩人或被咬或啣衣亦觸毒氣而癩設不早治或治之未善急則七日發作緩則七七日甚至百日定發猝病心腹絞痛如刀割裂神識不清痛劇時每嚼衣服磁瓦甚至自抓其胸膛嚙其舌指咬其膚肉須臾即死慘狀難言欲辨病證以葵扇向病人重扇見風即畏慄又聞鑼聲即驚懼確是中癩犬毒無疑方用人參敗毒散加生地榆紫竹根煎服如病人牙關已緊須用鎚鑿去門牙灌之一劑神清再劑病愈又凡遇癩犬咬傷或啣衣自覺有恙畏扇風畏鑼聲可在七日內預進藥一劑即孕婦都可服愈屢

經試驗方列於左

桔梗三錢 茯苓三錢 眞紋黨三錢 薑活三錢 獨活三錢 前胡三錢 紅柴胡三錢 炒枳壳二錢 甘草三錢 撫芎二錢 生地榆一兩 紫竹根一大握 生薑三錢 右藥十三味 濃煎溫服

▲治癩狗咬傷良方

癩狗噬人自古無善治法 世所傳出虎符及加味人參敗毒散爲最妙 然毒輕者或有效 毒重者不足恃也 仲景云 瘀血在裏 其人發狂 又云 其人如狂者 血證諦也 血下狂乃愈 凡犯此症者 大都如癩 似狂 得非瘀血爲之乎 茲將下瘀血驗方開列於後

生大黃三錢 桃仁（去皮尖）七粒 地漚蟲（炒去足）七只

右三味研末 加白蜜三錢 用酒一碗 煎至七分 連渣服之 如不能飲酒者 用水對和 亦可 小兒減半 孕婦忌服 此藥後大便必有惡物 如魚腸 豬肝 似物 小便如蘇木汁 數次後 則藥力盡 大小便如常 再服 則各物又下 不拘次數 務須大小便無絲毫惡物爲度 倘疑此方有碍於孕婦 是未知立方之意 桃仁 春生得生 陽之氣 地鼈 穀食得中和之性 酒以養陽 蜜以和陰 大黃能推陳致新 得蜜與酒 化苦寒爲馴良 有去瘀生新之功 則邪去正安 於孕婦更爲有益 况被癩狗咬者 垂命頃刻 豈可拘泥而有誤耶 經云 有救無殞 願智者深思之

▲癩犬咬傷

此症最怕七日一發發時天本無風病者但覺風大入帳朦頭躲避此非吉兆過三七之日無此畏風情形方爲可治被咬時先看頭頂如有紅髮二三根趕緊拔去隨於無風處以冷茶洗淨污血用杏仁搗爛敷之內服韭菜汁一碗隔七日再服一碗四十九日共服七碗傷口上再用煑熟鷄蛋白蓋上用艾絨在上燒數十次百日內忌鹽醋一年內忌猪肉魚腥酒色終身忌食狗肉蠶蛹紅豆方得保全否則十有九死此葛仙肘後方也 或用地骨皮(即枸杞根皮)搗爛熬酒服一二日當茶飲永無後患 或用萬年青連根搗爛絞汁灌之腹內如有小犬變成血塊由大便而出不論久近皆治一切不忌眞仙方也

▲瘋狗咬方(如二日內咬傷可保不死)

斑貓七個去翅足同糯米同浸一夜炒乾去米埋蓋土中一時取出再用大黃三錢黑豈一錢半尖檳一錢共爲細末麵糊爲丸桐子大每服一錢空心酒下後等小便痛小狗從小便出再服更妙如肚痛小便不通再加飛潛七錢原麝一分煎葯爲丸水調服

▲家犬咬傷

凡被犬傷必先吮盡惡血再用小便洗淨然後用葯方效 或用長流水洗淨血用口吮之嚼白菓塗之 或用木一截向傷處指定以火在木尾燒之問其痛否

痛則多燒數次不痛乃愈犬本屬土取本能尅土之意也 或用甘草煎水洗淨毒氣以熱牛糞敷之即時止痛 或用甜杏仁(去皮尖)嚼爛敷之 或用陳年肉店礮肉刮取肉屑再取尿坑內久浸磚石共搗極爛敷咬處結痂不爛晨敷夕愈立效

▲避犬咬法

凡行路途遇惡犬即以左手大拇指指寅上吹氣一口輪至戌上指之犬即退伏

▲豬咬傷

用熟松香貼傷處數日愈 或用屋雷中坭塗之

▲馬咬傷

凡受毒入心則危急用馬齒莧一握煎湯日日服外用栗子嚼敷患處 或用雞冠血滴三五滴入傷口內牝馬用雌雞牡馬用雄雞

▲馬咬及踏傷

不論人屎馬屎鼠屎燒灰豬油調塗內服蘇木湯一碗即止痛 或服童便韭菜汁亦妙

▲虎咬傷

急飲香麻油一碗解之並以油洗瘡口令淨再取葛根煮汁日夜飲五六次仍以葛根汁洗之其渣研末敷之不致毒入腹內 或用韭菜汁飲之以渣塗之

▲蛇咬傷

凡遇毒蛇咬傷惡毒攻心半日必死急取竹木桿筒內烟油用冷水洗出飲一二碗受毒重者其味必甜而不辣以多飲爲佳傷口痛甚者內有蛇牙多用烟油揉擦必出此爲蛇咬第一方不可疑而自誤 或用兩刀在水內相磨取水飲之雖痛苦欲死者可救幸勿輕視 或用燒酒淋洗去毒用人糞厚敷即消

▲拔蛇牙

凡蛇咬必有一牙脫在傷處致肉腫爛用、燈草燒灰敷之即出

▲蛇咬解心毒

男孩胎髮燒灰調水酒服之即解

▲蛇纏人足

熱小便淋之即解

▲蛇入人口

凡暑天臥地乘涼有蛇入口不能出者用刀破蛇尾以生椒二粒裹之須臾退出

▲射工傷人(樹上雜毛虫)

凡人觸着此蟲則能放毛射人初癢後痛久則外癢內痛骨肉皆爛宜用荳豉清油搗敷之少時毛出則見去豆豉用白芷煎水洗之如肉已爛用 海螵蛸末搽之效

▲蛇咬妙藥

細辛 白芷 前胡 廣木香(各二錢)共研末用磁瓶封固凡遇蛇咬將藥末調酒服或在路上即沖水服一料即愈

▲又草藥方

仙人座 兩面刀 雙眼龍(各二錢)磨酒服之

▲蜘蛛咬毒(遍身生瘡癢痛難忍)

薑汁調胡椒粉敷瘡口 或用清油搽之再飲羊乳屢試屢驗

▲蝎螫咬傷

雄者傷人痛在一處雌者傷人痛牽遍體用井底泥敷之乾則再換 或用新汲水以青布隨痛處搽之乾則再換亦效 或痛牽遍體用屋上瓦溝泥調水敷之 或用木碗蓋於痛處過半日即愈神效之至 或用百草霜調水敷之 或畫十字在地土上取土煎水服少許亦可

▲蜂螫傷

蚯蚓糞井水調敷其痛立止 或用芋梗搗爛敷之極效 或用蜂房爲未豬油調敷

▲蜈蚣百足咬傷

紙吹一條約長五寸以火點之看無火一邊有烟出即將有烟處對合傷口其毒

氣隨火烟而出即刻止痛俟燒入成將帛吹攤開其牙即在帛內矣或取指甲磨水飲之毒不攻心又搽傷口四圍其毒水流即便愈或取大蜘蛛一隻放傷口處自然吸盡毒氣俟蜘蛛落地即放入水內以救蜘蛛爲妙或用頭垢塗之或用雞糞敷之或用黃皮核嚼爛敷之能消腫去毒止痛

▲壁虎咬傷

柿漆水塗之

▲蚯蚓咬傷

先以尿洗之再用鴨口涎搽之 或用石灰水浸之

▲中蚯蚓毒

形如大麻瘋眉髮皆落每夕聞身中有聲如蚯蚓鳴即是多用白鹽煎湯浸洗數次即愈

▲壁鏡毒人

凡鏡久懸壁上無人對照日久亦能殺人用白礬塗之良

▲諸惡蟲傷

蛇蝎煮湯洗二三次以膩粉生薑汁調敷

▲貓咬傷

薄荷嚼汁塗之 或用薄荷水洗之 或用陳葛頭搗敷之

壽世良方

人物傷

▲鼠咬傷

貓毛燒灰入射香少許香油調敷 或用貓口水擦之

▲有胎老鼠咬傷

白痴頭婆葉搥汁燒酒調服渣敷患處自愈

▲犬咬傷

野花椒葉口嚼爛敷之

▲蛇咬神方

狗牙花二層皮搥爛溫酒調服立效

●湯泡火傷

凡湯泡火傷無論輕重急用童便灌之以免火毒攻心 或用白沙糖熱水調服 或用蜂蜜調熱水灌之均可至緊不可用冷水及井坭溝坭等物即使痛極難受亦須忍耐倘用冷水淋之則熱氣內逼輕則爛入筋骨手足彎縮纏綿難愈重則直攻入心必難救矣先用 眞麻油一茶鍾多加更妙用快子順攪一二千下切莫少攪可以挑起成絲用舊筆蘸油搽上立刻止痛愈後並無疤痕神效無比 或用鴉片烟敷之立刻清涼止痛

▲火爆傷眼

田三七磨水滴入眼內數次便愈

▲湯火傷

凡湯火損傷切勿以冷水洗之冷物熨之恐熱氣內攻便有爛入筋骨之患遇傷重急飲童便（小便亦可）一碗或白糖水一碗免至火毒攻心如急切無藥先以鹽沫敷之然後用藥自無後患用生大黃研幼末先用真桐油遍搽患處後用大黃末敷之立刻清涼止痛愈後且無痕跡一切單方皆不及此真妙方也或用尿桶中宿尿或澆或浸一時之久再以蜜糖麻油調敷即愈二方至便至神雖半身傷爛命在垂危均可調治

▲又方

用鮮側柏葉和生豬油搗爛敷之立刻止痛妙不可言如無生豬油用熟豬油亦可或用舊蘆瓢燒灰敷之或用生石膏爛搗以熟桐油搽患處三四次即愈如日久腐爛用狗頭骨燒枯爲末摻之或用茶葉嚼爛敷患處或用草昏酒濕透敷之或用老生薑搗汁塗之立愈

▲治火燒傷

芥菜搗爛敷傷處熱則再換以換至不熱爲止便愈

▲治滾水傷

雞蛋青調大黃末塗之或用黃栢末亦可

▲湯火傷及油傷

香油半瓶秋葵花三四朶放入瓶內浸之遇患者以鴨翎毛頻頻擦之自愈

▲火盪神方

用扁栢葉半斤麻油一斤煎枯去渣待半冷入黃白蠟各一兩搗勻入土埋蓋好必先預辦愈久愈良取出塗之止痛立效 又方用蘿蔔汁不拘紅白溫熱服一二碗以渣敷患處 又方用高粱酒塗患處止痛

▲火盪燒方(或被火燒狀體遍身受傷重者火毒攻心)

黃連 花粉 元參各二錢 陳皮 桔梗 山梔各一錢半淡竹葉二十塊若遍身潰爛者先吃童便或蘿蔔汁三碗可護其心 外塗蚌殼灰雞子清調搽白礬末和香油塗亦愈 經霜桑葉燒灰香油調塗亦愈

▲火燒破爛

先以煖酒洗之次以杉木炭研末敷之 或用地榆滑石等分研末敷之止痛不潰爛愈後亦無痕迹 或用大麥淨砂鍋炒至黑色爲度取出放地上去火毒研末已爛者乾摻之未爛者用桐油調敷之

●骨骸論

此症宜急治之若飲食難進餓倒胃氣亦屬難救如獸骨及鷄鴨骨卡喉用狗一

隻倒吊取涎緩緩咽下其骨即化屢試如神幸勿輕視

▲諸骨卡喉方

凡諸骨卡喉切勿聲張即將所食之骨用快子在碟上夾一條在唇內噉一下即向背後拋去該骨落地即吞飯一口其骨便下此茅山法也 又方凡卡某魚骨即取某魚生眼珠以豆腐衣裹之拚命吞之下咽即愈 或用橄欖核（即青果核）磨濃汁滾水調服即下真仙方也 或用本魚骨插耳尖縫內左卡插左右卡插右或藏髮中亦可 或用鴨子倒掛垂涎以碗接下令患人仰臥灌之其骨自化 或用獨頭蒜塞鼻中自出 或寫龍字在喉嚨上寫一龍字在水碗飲之即下 或用真礪砂一大塊水洗淨日夜含化咽下其骨自軟

▲魚骨哽喉

威靈仙桔梗各五錢黃酒煎調黃糖服立下

▲諸魚骨鯁

鯉魚骨灰沙糖湯下又方橄欖汁嚙下

▲鷄魚骨卡喉

用霜梅肉搗爛爲丸如彈子大將棉裹好用線穿在丸內冷茶送下用手扯住線頭一嘔即出

▲諸骨及竹木卡喉

用水一碗筆一枝濃墨寫癸水化爲龍行六字在水碗上一氣飲之若不下再服一次未有不下者 或用人指甲燒灰吹入喉中亦下或用鳳仙花研末水調服一二錢諸骨立化

▲竹木卡喉

老絲瓜燒灰每服三錢調酒下 或用鐵斧在石上磨水灌下即愈

▲頭髮卡喉

舊木梳燒枯爲末酒調服愈 或用自己亂髮燒灰白湯送下一錢其髮卽化髮灰須令燒盡方可服之

▲錢卡喉中

用木賊草研末調鷄蛋白黃皆用攪勻服之即吐出

●誤吞諸物

▲誤吞金銀銅鐵錫鉛方

白欖核(即青果核)燒枯研末開水調服自出 或用萼菜一把滾水煎軟不可切斷淡食之少頃吐出或從大便出

▲誤吞鐵器

炭皮研末調粥二三碗食之炭末即裏鐵器由大便而出真妙方也

▲誤吞紅頭火柴

各埠新聞載婦女每因一時氣憤吞服紅頭火柴自盡者日有所聞查赤燐毒死乃內部慢性焚燒服之者往往經三五日始能畢命慘痛不堪言狀內務部雖有禁絕紅頭火柴之案而業此者因利厚仍不停造用戶亦爲價廉不加攢絕誠憾事也茲有解救誤吞紅頭火柴良方願貢於世庶使受毒者得有救濟之法聊盡吾人惻隱之心幸祈登諸新聞欄內俾衆周知德莫大焉感何如也 原方開列於左 益元散三錢(即滑石甘草硃砂也各藥店均有配合者)白礬三錢(係明礬非煨煉過之枯礬也) 右藥同研細末用冷開水和服 按此方均係解除燐毒聖品毒輕者一服即愈毒重者兩服至多不過三服價廉功大勿因平常藥品而輕忽之爲要

▲治吞洋火法

生鷄蛋白(至少須二十個按吞洋火多寡酌量增加)服下快則吐出遲則由大便而下 (注意)施救後若二小時不吐出再服鷄蛋白一次服後須多食饅頭或大米乾飯俾易下行故也

▲誤吞銅錢

胡桃肉四兩荸薺(即馬蹄)一斤共搗汁沖酒服

▲服鹽瀘

壽世良方

誤吞諸物

急用白糖四兩調湯灌下

▲誤吞銅錢銅器

多食核桃或葶藶(俗名馬蹄)自然消化 或用羊脛骨末三錢米飲調服即從大便而出

▲治吞金法

用棉花團如蓮子大外以整棵長生韭菜纏裹棉花愈緊愈妙連吞三枚白開溫水送服逾二三小時金器自下否則再服三枚無不見效若吞剪碎金器再飲生韭菜汁一二酒盅(注意吞金未下以前身體務須活動不可躺臥更須多吃饅頭或乾米飯俾易大便故也)

▲誤吞鐵針

用糯米糖一斤食盡便出 或用咸蛋一個韭菜一把略煮食之即能裹針從大便出 或取用生蝦蟆眼(即蟾蜍)一枚木通煎湯送下針自穿眼內從大便出

▲誤吞木屑搶喉不下

用鐵斧於石上磨水隨飲即下 或用生芝麻炒研水調服

▲誤吞金銀銅鐵等物不能化者

砂仁濃煎湯服之其物自下

▲誤吞金銀毒

黃金毒食鷓鴣肉解之 白銀毒以葱白汁解之或飲生鴨血多食核桃俱化
食銀硝服黃坭水一二碗解之

▲誤吞金銀(胸腹痛者)

羊脛骨燒灰米湯送下三錢從大便下

▲物入肺管

有巨姓子甫七歲食鮮蠶豈以最大一粒弄於口不料氣吸而入於肺管即時委頓發喘醫皆束手至夜竟死惜當時未有喻其理者其法但捉小兒兩足倒懸則所入之豆一刻即出至妙至神並非醫藥可治

▲治諸骨顛喉

大牛七四錢生嚼吞下靜睡少時便下此呂祖仙方也 又方用籠內畫眉雀所踏之橫木取出煎水服下其骨即落

▲誤食百足尿

凡染是症唇黑淚出臍中有紅圈圈若過臍者不治如圈未過臍者用燈心火炙圈兩頭及中間然後用 辣椒油葉搗爛以水送服即愈 或用糖鷄糞 或服生鷄血均可

▲誤服砒霜

用錫酒壺底或鉛條磨水服之

壽世良方 誤吞諸物

壽世良方

誤吞諸物

銅鐵竹木刺傷

二四八

▲誤服砒毒

鷄蛋二十個打碎入明礬三錢灌之吐盡便愈倘毒服已入腹用鉛四兩石上磨汁旋磨旋灌再灌鉛水方愈

●銅鐵竹木雜物刺傷

▲竹木刺入喉

取木匠所用舊鋸燒紅浸酒一盞乘熱飲之

▲木屑搶喉

鐵斧磨水灌之

▲咽喉戳傷飲食不下

鷄蛋一個開孔去黃留白入生半夏一個以微火煨熟將蛋白服之即愈 或用手指甲用香油炒黃爲末黃酒調服

▲鐵針入肉

針入肉內隨氣流走若走至心窩甚險急用 烏鴉翎毛數根瓦上焙焦黃色研細末酒調服一錢外用車輪上油垢調真磁石末攤帛上如錢大貼之每日一換自出 或用鼠腦塗之即出

▲鐵針並銅鐵鉛入肉

陳醃肉皮（陳火腿皮更妙）搗融敷之即出

▲箭簇銅鐵泡子並一切雜物入肉

乾萹菜搗爛和紅沙糖敷之自出奇效

▲竹木入肉

鮮牛膝搗爛敷之縱傷口已合刺亦自出 或用葶麻子搗爛敷之痛止即出

▲銅鐵竹木等物入肉雖已拔去傷口腫爛不愈

葱頭和白沙糖搗融敷之極效

▲雜物入肉

象牙梳屑和水敷之立愈

▲竹木刺入肉

生牛膝二錢加黃沙糖搗爛敷患處其刺自出 或用烏肉薑韭菜二味搗敷亦

效 或用田鷄骨燒枯研末生油調搽均妙

●鬼疰尸疰論症

凡遇風吹拂則股間一點奇癢抓搔不休已而遍體皆然坐則其身乍前乍後若搖兀之狀乃邪鬼所憑而精采蕩越用死人枕煎湯飲之即大瀉而愈枕仍送還原處如若遲留則使人顛狂不可不慎也 患滯冷者名曰疰腹脹面黃名曰石

硫耳眼痛見鬼物者邪氣入肝皆宜煑死人枕服之三病不同而療之俱痊真妙方也

此乃五尸之一自挾鬼邪爲祟其病有三十六種變動至九十九種使人寒熱淋瀝沈默不知所苦而無處不惡年深月久以至於死死後復傳染旁人急以桃仁五十粒研坭水煑多服取吐吐盡則愈神效之至

▲男婦尸厥

凡人奄奄死去脉重無氣氣閉不通腹中氣走如雷名曰尸厥取 本人左角髮方寸燒灰研末篩去粗末和熱酒灌之立愈 或用硫黃一兩炤硝五錢研細分三服酒煎覺烟起則止溫灌之片時而安

▲惡淫腹痛不可忍者

阿魏末熱酒調服三錢

●邪祟論症

丹溪曰俗云衝惡者謂衝斥邪惡鬼崇而病也如此病者未有不因氣血先虧而致者焉血氣者心之神也神氣既衰邪因而入理或有之按此恐止出邪鬼狐魅而言若夫氣血兩虛痰滯心胸妨碍升降不得運行以致十二官各失其職視聽言動皆爲虛妄以邪治之其人必死可不審乎

有人得病之初便讖言發狂六部無脈然切大指之下寸口之上却有動脈者謂之鬼脈乃邪崇憑之也不用服藥但宜符咒治之或從俗送鬼神亦可
脈乍疏乍數乍大乍小或捉或結皆邪脈也脈緊而急者爲遁尸

▲驅狐怪法

凡邪怪作祟擾人用硃砂筆寫 關聖帝君在此六字貼之如仍不去誠心向關聖廟拜禱必去或立九天應元雷聲普化天尊牌位供奉中堂誠心拜禱 或赴雷神廟禱告一切邪怪皆退緣 關帝與雷神能制邪魔誠求必應 或狐迷男女白日用口汲精夜間交媾如人用桐油擦陰處自去 或用珠蘭根擦之則獸自死即將獸肉晒乾爲末服之更妙

▲灸鬼法

治一切邪崇癲狂胡言亂語踰牆上屋尋死等症以病人兩手大拇指用線齊頭縛定以艾絨於兩指縫中離指甲角半分之處(名鬼哭穴)半在甲上半在肉上四處盡燒一處不燒其症自愈神效莫測 或用絲棉一尺燒灰兌酒服或開水送下均效

▲制邪鬼法

端午日午時用豬頭血和明雄晒乾收之或燒煙燻之或帶身旁即能制鬼 或於端午日以雄黃搽狗口鼻用樟木燒煙燻之此狗即能制鬼

▲避鬼火法

夜行時見碧火出沒此鬼火也能奪人精氣用鐵馬鐙敲動作嚮自滅

▲驅邪怪法

取州縣官堂上硃筆在病人心上寫一正字頸上寫一刀字兩手寫兩火字即愈蘇州韓氏家僕遇邪以此法治之寫至左手火字其人張目大呼曰勿燒我我也去自此怪絕

▲鬼箭傷

有人爲鬼氣所中腿上生瘡百藥不效後用乾狗糞要枯而白者燒煙向瘡口燻之拔去清水數碗亂髮十餘團而愈

●奇病

▲遍身搔癢

或搔如虫行抓破見血或風熱疹子成顆或片者用鹽二升水一石熬至一半候溫洗浴三五次能消一切風毒或用好熟白蜜酒調服並用蜜糖調熱水擦之或用生薑搗爛布包擦之而愈

▲飛絲纏身

飛絲纏住耳鼻手足等處腫痛不已用

威靈仙煎濃湯洗之即愈

▲身上無故生蛆

蛇脫研末麻油調搽蛆出自愈

▲眉毛搖動晝夜不眠呼喚不應飲食如常

用大蒜二兩搗汁兌酒飲自愈

▲頭面發熱身有光色

用大蒜汁五錢酒調服吐物如蛇即愈

▲見一物如有兩物

此好食魚鮮所致食薑醋加紫蘇水數日而愈

▲身上忽現蛇形痛不可忍

取雨滴礫石(即簷口石)上苔痕用水融化噙之即消

▲臨臥遍身虱出血肉俱壞漸生漸多舌尖出血身齒俱黑唇動鼻開

日飲鹽醋湯數碗十日自愈

▲瘡癩內有雀鳥出者有亂髮出者有瓜菜或雜物出者

此邪祟也用狗糞(要乾而色白者)燒煙燻之越出越多出盡自愈

▲腹上麻木不仁

多煮葱白食之自愈

● 雜治科

▲ 治熱病法

外用吳茱萸末熟醋調敷兩足心一週時一換以愈爲度此法極妙老幼可用

▲ 除床席上諸虫

三月三日日出時採薺菜花放席下自除

▲ 治臭虫

螺壳燒煙燻之 或用木瓜切片鋪席下

▲ 治跳虱藥

黃瓜子木瓜屑甘草各均分研末遍洒褥上並無污漬過夜翌晨視之盡已醉斃
在褥上可取下殺之行之數次可以除根又可擦之貓犬身上可杜來源

▲ 夏衣沾汗

先浸以水用生蘿葡搥汁搓洗自能消滅 或用綠豈根洗亦可 或用批杷核
研末揉搓更入清水洗之亦佳

▲ 治去漆臭法

取葱頭二三個切薄入提桶中滿注清水置桶室之中央約四五時漆氣自散
又方室內貯水一桶取甘草一握在內經一夜後亦能去臭

▲辟諸虫

頂上銀硃一兩用紙捲燒燻一切虫蟻蜈蚣聞之即死並治白蟻真妙方也

▲辟白蟻

枝子能消白蟻爲水 一見大蒜白蟻即去

▲辟蜈蚣

頭髮燒烟燻床下或厨房蜈蚣聞之入土三尺

▲收蚊法

五月五日五更時使一人在堂中向空而扇一人問云扇甚麼答云扇蚊子凡七問七答不可嬉笑一夏永無蚊入此山西九十老人黃澹翁所傳

▲澤及昆虫

夏夜欲張燈於院內揀青草一根長三寸左手持草向燈焰上旋轉誦真言曰護身草護身草超度衆生離煩惱一氣念七遍以草橫擔於燈上蟲蛾便不入燈油中矣

▲辟鼠

椿樹葉 冬青樹葉 絲瓜根葉 並晒乾四季燒烟燻於室中鼠即避去

▲止火法

凡遇火起之處左手捏三山訣持鷄蛋一個右手捏劍訣向蛋大頭寫一溫字小

頭寫一瓊字向火焰最高處儘力擲去口念 敷施發潤天尊七遍連擲連念連用鷄蛋七個其火自滅矣

▲辟盜

正月元旦燒喜鵲窠撒門內盜則難入

▲辟邪

三伏內庚日採青蒿掛門庭能辟諸邪 或冬至日元旦服青蒿二錢亦妙

▲行路不迷

帶龜而行雖入深山無人處至三叉路口將龜放下依龜而行自不迷路

▲夜行無恐

用右手中指在左手心寫我是鬼三字將手握緊自不畏懼

▲暈船暈車治法

凡坐船車頭暈嘔吐者開船車時飲白沙糖水一碗便可 或寫土字於手心坐船即不恐懼蓋取土能尅水之意也 或用灶心土一塊下船時藏於髮中勿令人知即安

▲渡江膽怯

用黃紙以硃砂寫禹字戴身旁自安

▲不服水土

刮鞋底泥和水飲之

▲撞紅方

其症見頭痛腰刺午後潮熱便是久則咳嗽咳血輕者一服重症二三服便愈二三月之久可治經驗多人 甘草節一錢五分蘇木三錢歸尾二錢小木通二錢紅花二錢小生地三錢赤芍二錢錦大黃(四錢後下)朱苓三錢黃芩二錢車前子二錢黃柏二錢澤瀉二錢銀花二錢煎服

▲睡臥譫語

靈桌上供設果子不拘鮮乾食之即愈

▲病笑不休

海鹽煨赤研入河水煎數沸啜之探喉吐熱痰數升即愈

▲留宿火法

胡桃一個燒半紅用熟灰埋之三五日不滅

▲歉年乾糧

糯米一斗淘汰百蒸百晒搗末日食一餐以水調服至三十日止可一年不飢

●痔漏論症

凡人九竅中有小肉突出爲痔故有耳鼻牙痔等名不獨肛門一處也肛門痔有

數種狀亦不一未破曰痔已破曰漏

肛門邊生數瘡腫而突出膿破即散者爲牝痔

肛門邊露肉如珠如鼠如乳時流膿血者爲牡痔

腸口顆顆發癩且痛且癢血出淋漓者爲脉痔

肛門內結核有血或發寒熱每遇大便脫肛爲腸痔

酒醉即腫痛流血者爲酒痔色痔

肛門腫痛遇怒即發怒息即安者爲氣痔

每遇大便秘流不止者爲血痔

▲治痔瘡驗方

槐樹豈二兩藥店有買即槐花米上白蜜四兩共放一碗內拌勻置鍋內蒸之取出再拌再蒸爲片七次取出藏磁罐內勿令洩氣每日清晨取一撮置碗內開水沖服棄渣不用十數次即愈屢驗

▲痔瘡諸方

冬瓜皮煎水不時燻洗極妙 或用白煮燃雞蛋蘸真象牙末空心服之每日二次有人患此症二十餘年服至半月斷根 或用榕樹上吊生之鬚五兩皮硝五錢煎水入瓦罐內先燻後洗數日斷根 或用隨河柳條根上鬚一把花椒芥菜子三味不拘多少煎水先燻後洗其蟲頭黑身白俱從痔瘡而出立愈

▲痔瘻難忍

蝸子不拘多少燒烟燻之極效

▲痔痛難忍

木鼈子水磨濃(用醋磨之更妙)搽之初覺痛甚少頃即止痛消腫神效之至
或用紙浸汁貼之亦可 或用鼻涕虫(形似蝸牛而無壳者即是)搗爛和陳墨
敷之極效

▲內痔不出

草烏爲末口水調點肛門痔即反出乃可用藥敷治

▲內痔腫痛

猪大腸六兩蚯蚓十餘條煮融去蚓食腸極效

▲痔漏兼治牛皮癬

黃蜂窩一個(內有蜂子者佳)明礬研細末填滿蜂窩內以微火煨之俟窩內明
礬滾透窩亦成灰研末以香油調搽患處

▲痔瘡漏管(血痔並治)

蕎麥麵八兩猪胆汁爲丸每早用滾湯送下三錢即愈成漏管者用黃牛胆汁爲
丸 或用馬齒莧煎水洗之內服葶薺(即馬蹄)數斤亦妙 或用熊胆五分冰
片一分研細末用井花水調搽痔上 或用活鯉魚鱗三五片以棉裹如棗形納

入肛門坐片時即行止痛

▲永除痔漏

凡辛苦勞碌之人忽患腸痔臟毒愈而復發膿水常流漸成管漏每日用筴過頭
蠶紙一張晒燥刮去空壳瓦上焙黃好酒送下連服十張自能除根屢試屢驗最
宜廣傳

▲血痔

地榆爲末每服二錢食前米飲調下日三服 或用血竭爲末敷之

▲內痔

蟒蜒蟲(七個即蟒蜒)銀硃一兩入罐封口放陰處七蟲日即化水以濕硃塗之
有管即退

▲外痔

蟒蜒蟲七個白礬五錢將蟲入礬內研末搽痔上即愈 或用鬱金末調水塗之
或用鵝胆調黃連末塗之 或用無花菓葉煎湯燻洗

▲蓮蓬痔

蜘蛛網一團瓦上煨末滲之

▲鼠乳痔

蜘蛛絲纏上自然脫落

▲翻花痔

木瓜一味煎湯燻洗毒水流盡管即退出一日燻洗三次半月即愈

▲井欄痔(生糞門左右)

用大蕉牙連頭煎水燻洗數次并擦藥散

●脫肛論症

脫肛者肺臟蘊熱肛門閉結肺臟虛寒肛門脫出用參芪湯加減凡瀉痢久虛或老人氣血虛憊或產婦用力過度俱有脫肛也小兒亦有脫肛症者大凡肛門脫出不收用熱尿洗後用鞋底烘熱揉進遲恐冷燥難進或用冰片點上亦效

▲浮萍散

浮萍(要交秋打過露水)不拘多少以淨瓦攤開陰乾其瓦一日一換不可見肛用帛包好凡有脫肛之疾臨用研末先用新汲水洗淨肛門次以藥末摻上其日徐徐而進一時即愈老幼男婦並治

▲脫肛不收

用樛上灰塵或倒吊塵亦可同鼠糞燒烟於桶內坐下薰之數次即上 或用五倍子末冷水調塗之 或用草麻子四十九粒搗爛貼頂門上即收急行洗去其藥孕婦忌用 或用蟬蛻焙黃爲末點上即收 或用菜油調敷或用 人指甲

燒枯先以麻油潤之後用灰點之 或用萬年青連根煎水洗之 或用生鐵二
筋水煮濃汁日洗數次亦效

▲痢痔脫肛

黃連末冷水調敷之

▲熱症脫肛

蝸牛一兩燒枯研末和豬油敷上立收

▲糞門暴腫

凡腸胃流熱下注糞門暴腫用游蜓連壳數個搗爛塗之即消內服防風通聖散
一二劑立愈 或用馬齒莧菜葉酸草煎水燻洗一日三次 或用苧麻根搗爛
貼之

▲老鼠偷糞門方

生在大小便門交界處若不急治對時即死用 甘菊一錢胡麻一錢麵粉一撮
三味研末和白醋煮勻敷患處即愈

●瘰癧論症

夫瘰癧初發必起於少陽經不守禁戒必延及陽明經大抵飲食厚味鬱氣之積
日毒日風日熱皆此二端招引變換須分虛實彼實者故易治然非痛戒厚味發

物禁戒色慾則亦難治其症屬胆經相火易動而且氣多血少婦人染此月信不作寒熱頻來若轉爲潮熱其症危矣

遠項起核名曰蟠蛇癰 延及胸前腋下起名曰瓜籐癰 左耳根腫核者名韭蕙袋癰 右耳根腫核者名曰蜂窩癰 結核連續者爲瘰癧 形長如塔者曰馬刀癰 體壯者宜服內消散 體弱者服益氣養榮湯

▲瘰癧潰爛流串

荆芥根下一段煎湯溫洗良久看瘡紫黑處以針刺出惡血再洗三四次用種毒菜地下蚯蚓一把五更時收取炭上燒紅研末二匙入乳香末藥輕粉末各五分川山甲五片炙研末麻油調敷神效 或用蚯蚓樟腦雄黃爲末麻油調擦出毒水次日再洗再掃以愈爲度雖潰爛至胸前腋下及肩上等處四五年不愈者俱治愈後戒食羊肉

▲瘰癧已潰

羊屎五錢杏仁五錢燒枯研末用豬骨髓調搽 或土牆上白螺螄壳研末日日敷之 或流水不止用鴨油調半夏末敷之 或日久不愈用蜈蚣一條瓦上煨研末清油調塗三四次即愈

▲萬應立效頸癰膏經驗多人

水仙花頭三四個鷄蛋一個去黃留白白糖五錢冰片三分石螺肉三十個去壳

取淨螺肉(要生魚塘內)先將螺肉焮爛再焮水仙花頭二味和蛋白白糖冰片調勻敷患處覺微痛宜忍痛每日換藥三四次連敷五六日俟爛肉去清暫暫全愈

▲瘰癧已破

將先破處麵糊作餅貼上用小瓦壺二個酒煎滾去酒以熱壺口覆於餅上冷則再易一壺將毒氣拔盡即愈燻後用胆猪搽患處膏藥貼之

▲瘰癧結核

鉛三兩用鐵器炒取黑灰和醋塗上以布貼之頻頻換貼半月不痛不破內消爲水而愈

▲多年瘰癧

全蠋三兩去勾足焙乾爲末胡桃肉爲小丸每日早晚酒送服六分七日全愈

▲頸上瘰癧

猪喉下肉子七枚瓦焙研末每夜酒服一錢 忌食酸鹹油膩滯氣之物 或用海帶菜煎水日日飲之自消 或用羊肚內皮燒灰香油調塗

▲瘰串

雄猪胆七個傾入銅杓內微火熬成膏隔水浸去火毒攤布上貼之自愈 母猪及瘟猪胆不可用謹忌或用草麻子以酒醋煮三日以酥爲度研末麻油調敷

不拘已破未破皆驗

▲連珠癩串(並治喉癬)

凡男婦老幼頸上耳後結核連珠癩串不疼痛或已破微痛皮赤潰爛久不收口年近者一料收功年遠者兩料全愈屢試屢驗勿以價廉而輕視之刊印廣傳功德無量方用 香梗芋(十斤去皮勿烘炒切片曬乾磨粉)開水爲丸早晚每服三錢或吃乾片俱用酒下米湯下亦可

▲老鼠癩

蝟虎二條(俗名鹽蛇)用新瓦炙乾爲末入雄黃末三錢爲小丸每飯後服五分每日三次酒送服重症二條輕則一條如有潰爛以丸研末搽之 或已腐爛用九里明 夏枯草 苦參 草節煎水洗之

▲治栗子瘡

一名癩癩取壁虎一條須不斷尾者置磚瓦上炙灰和熬熟菜油塗患處靈驗異常所謂以毒攻毒也

▲治老鼠奶方

又名千日瘡又名豎頭肉生於身上根長數分雖不覺痛然或生於面部頗不雅觀若強去之則鮮血淋漓痛不可言方用洋油日日搽患處不半月連根脫下矣

▲癩癩神方

養世良方

癩癩

壽世良方

瘰癧

結核

二六六

蒜頭 顛茄根 二味共搗爛敷數次自消

▲又方

煨牡蠣五錢蒸元參一兩蒸川貝母五錢共研細末每日清茶服五分忌食酸物煎炒熱毒生冷諸物便愈經驗多人

●結核論症

結核之生腫而且痛頸項身臂在在皆有生在皮裏膜外多是痰注不散問患者平日好食何物吐下後用藥散核又云火氣熱甚則鬱結核硬如果中結核也不須潰發但散熱氣則核自消矣

梅核爲症大抵因七情之氣鬱結而成或因飲食之時觸犯惱怒遂成此症狀如梅核或如破絮在咽喉之間咯不出咽不下或中腕痞滿氣不舒快痰涎壅盛上氣喘急惟婦女患之最多治宜開鬱順氣利膈化痰清肺爲主

▲頂後結核赤腫硬痛

生山藥(一條去皮)草薢子二粒同研爛貼之

▲痰核

全蟲(一個用茶洗淨鹽味)核桃一個去肉不用將全虫置於壳內以黃泥封固火內煨熟去壳取虫研末酒送一個服至痰核消盡爲止 或用鯽魚一條同薯

芋搗爛敷之

▲頭面痰癰結核大如拳小如栗或軟或硬不痛不癢

生南星一大粒研爛滴好醋六七點先用針刺令氣透乃貼之覺癢則頻貼取效不可針灸無生南星用乾者研末亦可

▲痰痺不收口

淡豆豉（不拘多少）嚼爛成餅蓋患處用艾火灸之微痛即止隔日再灸

▲鼠瘻

瘡口雖合有眼出膿不止用老鼠（即耗子）一隻去毛搗爛亂髮一團以陳猪油或火腿肥肉熬令鼠髮消盡爲度以一半塗瘡眼一半酒服自愈（永遠戒食鵝肉兔肉）

▲鼠癰核痛

凡未成膿者以柏葉搗塗炒鹽熨之氣下即消

▲消核妙方

凡毒塊毒核及痰癰癰初起者敷之立消方用 昆布 天南星（各四錢）俱用生研忌火 大梅片二分共研幼末磁盒貯之勿令洩氣用時以薑汁醋蜜三味調塗患處

▲胸旁紅白瘰泡

壽世良方 結核

凡胸前兩旁各生紅白瘰泡名曰倒掛珠簾浸淫疼癢每處直長一尺連生十餘個不等久則殺人諸藥不效用 端午日門前所插菖蒲連根葉切碎火煨研末香油調搽五六次即愈

●癭瘤論症

癭多著於肩項瘰則隨氣凝結此症年數深遠侵大侵長堅硬不可移者名曰石癭皮色不變者名曰肉癭筋脉露結者名曰筋癭赤脉交結者名曰血癭隨憂愁消長者名曰氣癭五癭皆不可決破決破膿血崩潰多致難治
瘰有六種骨瘰脂瘰肉瘰膿瘰血瘰筋瘰亦不可決破決破則亦難治肉瘰尤不可治治則殺人惟脂瘰破而去其胭脂則愈

▲敷瘰奇驗（凡初起者治之極效）

銀硝 煤炭二味研末用水調塗患處再用舊窗上帛一塊蓋之粘住四角瘰漸焦落 或用極細生鐵屑醋拌入銅鍋內煨乾再拌如此三次研極細末再用醋調敷上便覺患處不甚適意過夜剝去再敷以平爲度 或用蜘蛛絲縛瘰根三四日退落 或用生薑汁葱汁各一盃牛皮膠四兩共熬膏去火氣入麝香五分勻攤布上貼之三日一換

▲腋下生瘰

長柄葫蘆燒枯研末擦之 或用嫩菊花葉作團帶濕夾腋下亦好

▲瘤核

凡皮膚頭面上生瘤及結核大如拳小如栗或軟或硬不疼不癢用 生南星一枚研爛滴好醋五七點無生者以乾者爲末醋調先用針刺令氣透乃貼覺癢則頻貼取效不可輒用針灸

▲血瘤

甘草熬膏以筆蘸塗四圍又用 芫花 大戟 甘遂等分爲末醋調另用新筆蘸塗甘草內務須離甘草一圈不可相近蓋二藥性相反切勿悞相攪和塗後次日瘤當縮小再如前塗三四次愈後戒食龜肉並請名醫服藥消散以免復發

▲血瘤傷破出血不止

將前藥摻上並用舊窗帛貼之其效尤速此經驗方也

▲身面贅疣

苦酒浸石灰六七日後取汁頻點之自落

▲生瘰子

用蜈蚣大錯挑之其軟如棉挑盡自愈 或用蒲公英搗自然汁頻點之自落

●癬瘡論症

善世良方

癰瘤

癬瘡

癬有五症濕癬頑癬風癬馬癬牛皮癬是也浮成爲疥深沉爲癬凡癬內有虫治好復發非藥不靈虫未盡也發後再治無不愈矣頭面有癬如入眼內即成大癩瘋急宜治之

▲治癬諸方

荔枝核磨醋將癬抓破搽之雖痛不妨數日即愈再發再搽斷根 或用新棉花扯成如帛薄一層量癬寬大將棉花鋪貼用火向棉花上一點頃刻燃盡當即止癢並不焦痛極簡易極效驗祇一次全愈再發再治一次斷根 或用蒜瓣煮水洗之拭乾再用生桐油搽上炭火炙之 或用皂礬炒乾研末豬油調塗 或用多年竹燈掛一枝火上烤出汗如膠者爲妙將五稽子去虫炒研末和勻加陳醋焙熱塗之 或用韭菜根曬乾炒焦爲末和豬油搽之

▲臉上生癬抓之有白屑起者

綠豇槌碎以白帛糊碗口針刺多孔以碎豆鋪帛上用火炭一塊燒豇俟豆燒盡去豆揭帛將碗內汗水塗之 或用鷄蛋一個以好醋浸七日夜其蛋自化先以穿山甲一片刮破癬瘡即將蛋汁搽之

▲牛皮癬

烟膏(即硝牛皮刮下者)研末菜油調搽即愈

▲久年頑癬

五倍子一兩以醋熬成膏加輕粉三錢調搽 或用鷄蛋一枚和香油葱椒煎熟乘熱貼之

▲頸面花癬

臘梅花葉擦之 或用核桃葉擦之

▲兩腿濕癬(名對面癬)

葶藶鐵粉擦之(鐵粉即火炮中刮下銹粉)

▲久年松皮癬

用白鴿肉(即鶉鴿)常煮食之 外用楊柳葉 地骨皮二味煎水頻洗之

▲濕癬

桃樹青皮研末醋調擦之

▲燥癬作癢

鷄冠血塗之

●疥瘡論症(俗名瘡癩)

疥有五種乾疥濕疥虫疥灰疥膿疥(俗名膿泡瘡是也)由各經蘊毒日久生火兼受風濕而成數日延及遍身最易傳染或癢或痛癢者內必有蟲不獨蟲疥然也治法雖多有效有無效有此用之而效彼用之而不效者古方纒藥一法切不

可用慎之

▲治疥瘡方

大楓肉 皮硝 樟腦冰片各三錢銀硝一分油核桃五個共研末夏布包搽

▲治疥諸方

硫磺 川椒各五錢共研末薑蔥頭各五錢和生猪板油搗融用布包好烘熱時擦之其效甚速 或用田螺煮熟去壳將肉炒酒食數次便愈平日頻頻食之可免生疥之患 或用生白鷓(即鶉鷓)一隻去毛不用水洗連腸臟切碎放鏊內用油炒一次放水一大碗慢火煮透食之食後疥瘡更多再食一隻則愈凡畏食藥者用此方最妙

▲疥瘡時時暴發

雄猪肚一個洗淨去油入 牙皂根五錢煮爛去牙皂食猪肚一味拌鹽食之連食十個全愈

▲偏身疥瘡風癢

茵陳煮濃汁洗之立瘥

▲疥癩

薄荷 百部煎水洗又用生白菓搗爛塗之

▲預解疥瘡

豬胆汁入浴湯中洗浴自不生疥

▲坐板疥瘡（生兩腿上下不便坐臥）

絲瓜皮焙研爲末燒酒擦之 或用生桐油搽出黃水拭乾再搽數次乾水即愈
或用綠礬一兩放盤內滾水溶化候溫浸洗數次瘡止水乾愈 或用蜂巢燒
枯研末加冰片少許搽之

▲治疥瘡

不可抓破但用鴉片烟末塗之則可止癢止痛既不污衣見效亦速誠妙法也蓋
烟有殺蟲之功故能奏奇效也

▲疥瘡奇癢（名蟲疥）

先以砂仁壳煎湯洗之再用厠坑上泥刮下晒乾研細以麻油調塗之三次即愈
或用生芝麻嚼爛敷之 或用陳荷葉煎湯加白礬洗之並治陰囊發癢

▲膿泡疥瘡

松香一兩雄黃一錢研末用竹帚捲成條以菜油浸一宿取出燒之滴下之油用
碗盛塗之 或用最舊男鞋一對 舊絲棉絮筋一握二味燒灰候冷再加大楓
子末和香油調塗兩日全愈如未乾水以灰搽之 或用絲瓜汁調宮粉塗之

▲老少染膿疥瘡身流黃水搔癢延蔓無已

宮粉（一兩炒黑）冰片三分研末敷之

▲人馬疥癩

白鴿屎炒焙研末醋調塗之

●疔瘡論症

凡染是症皆由平日貪嗜煎炒燒炙厚味或誤食瘟死牛馬猪羊毒肉或受四時疫氣而起如疔入肉其形小其根深蓋由火毒攻心發之最速有朝發夕死隨發隨死有三五日不死至一月半月而終死者其毒最烈或發寒熱或發麻木或嘔吐或煩燥或頭暈眼花或舌硬口乾或手足青黑或心腹脹悶或精神沉困或言語顛倒此皆生疔之症其形或大或小或長或圓其色或白或黃或紅或紫或有紅絲名色甚多治法則一倘辨別不清以生黃豆令本人嚼之如無荳腥之味即是總宜急治藥不對症生死攸關可不慎哉

疔瘡多生暗處或痛或不痛或癢或不癢發時人多不覺若不早治最易悞事有發寒熱數日而後生者有當時生者初起如粟米大或大小不一如發寒熱及麻癢嘔吐等症即於遍身留心尋認凡鬚髮眼耳口鼻肩下兩腋手足甲縫糞門陰戶等處更宜細看一日須看數次有則照方醫治若前心坎後背心有紅點者即照後羊毛疔方治之如尋覓不見取甌中氣垢少許納口中必有一處痛甚即知疔瘡所在急用銀針刺出惡血以見鮮血爲止諸瘡及刀鑱疔忌用刀針餘疔不

忌如毒重者急服 生菜油一碗（真麻油亦可）以免毒氣攻心若服菊花飲亦可

可 疔有五種顏色發於五臟其辨色歌云

心經疔

疔名火焔發心經

往往生於唇指中

心作煩時神恍惚

肝經疔

痛兼麻癢泡黃色

此患多於骨筋見

破流血水爛串筋

脾經疔

指青舌強神昏亂

多生口角與顴骨

泡黃光潤紅色纏

肺經疔

黃鼓由於脾經毒

麻癢硬癯兼嘔吐

白泡頂硬根突峻

腎經疔

毒發肺經名白刃

咳吐痰涎氣急甚

易腐易陷多損腮

訣曰

從來黑靨發腎經

驚悸沉昏目露睛

為毒極甚疼牽骨

凡疔疔症貴乎早

速醫即愈緩難保

三陰三陽更宜曉

在下宜灸上宜針

疔毒重者好而復發此疔根未出也若不急治再發則根愈深而難治矣其法

先

將銀針身橫刮疔頂皮開方直針入疔根先出紫黑血再挑刺至鮮血出以知痛爲止隨用葱白加蜜搗爛敷上如人行五里其根自出或用白梅肉荔枝肉同搗膏貼上即出或見惡心欲嘔即飲麻油一盞或飲菊花汁一碗以免毒氣攻心（如無菊花即根葉亦可）

▲疔瘡外治法

大癩蝦蟆一隻以針破眉稜上手捻出蟾酥於油紙上或桑葉上用竹篾刮下然後挿在暗處陰乾取用再加白麵黃丹等分拌爲丸如麥粒大針破患處以一粒貼之即愈

▲誤食瘟牛馬羊肉生出疔瘡疔毒

桐油樹葉又名烏柏葉一把搗汁一二碗燉服瀉解毒氣乃愈如冬月無葉挖取嫩根磨水服之

▲神仙解毒丸

白礬不拘多少溶化作丸如綠豈大硃砂爲衣每服十丸用連鬚蔥頭七根煎水二碗送服汗出立愈已成者不傷未成者即消此方專治一切疔瘡發背魚口諸般惡瘡無名腫毒初發一服即消芙蓉根（要不見天日者）同酒糟搗爛先刺破疔瘡去水然後敷之

▲疔瘡惡瘡

鮮荔枝五個以狗糞中米淘淨晒乾研末和糯米粥研膏攤紙上貼之（中剪一孔以出毒氣）或服菊花飲甚妙

▲疔瘡走黃

凡患疔瘡誤食猪肉腫痛神昏謂之走黃法在不治急搗 芭蕉根汁服之立可回生或照菊花飲治之亦效

▲瘡疔統治

紫蘇梗 菊花根（莖葉均可）研碎取汁和酒飲之將渣敷疔上一宿即愈百試百驗

▲魚臍疔

絲瓜葉 連鬚葱頭 菲菜同搗爛以酒和汁服之渣敷患處病在左手貼左腋下右手貼右腋下左足貼左腠右足貼右腠在中貼心臍用布扎住後下紅絲皆白則愈如有潮熱亦用此法先令人抱住恐其顛倒則難救矣 或疔瘡頭黑皮破出黃水四畔浮漿用 蛇脫一條陰陽瓦煨灰研末鷄蛋白調服

▲蛇眼疔

田三七醋磨汁敷患處即愈 凡蛇咬忌食酸物

▲疔毒乃外科危險之症此方統治各疔價廉可配藥贈送功莫大焉

雄黃大黃巴豆去殼心皮各生用三錢共搗如泥以飛麪陳醋糞糊爲丸如梧子大症重者三十三丸輕者二十一丸熱水送下服後打噎則愈如渴更妙俟噎三四次即以新汲水飲之即止如不省人事將二十三丸用滾水化開從口角邊灌入服後扶坐片刻便醒忌鷄魚葱蒜牛馬肉辛炙飲酒行房事七日

▲疔瘡出血不止

飲麻油一大碗即止 或飲菜子油更妙 或燒銀針乘熱烙疔口即止

▲疔瘡內服方

菊花四兩甘草四錢水煎二大碗服之 如疔瘡有絲者以燈草一根蘸油向絲頭連燒十次並燒瘡頭至不痛又燒至復痛即止

▲紅絲疔

此疔流走最快生於足者其紅絲漸長至臍生於手者紅絲漸長至心生於唇面者紅絲漸長至喉至則不可救矣手足兩處可用頭髮離絲一二寸遠緊緊捆住並將紅絲頭刺破或用燈火或用艾火在絲頭燒之絲即退散而愈不散再燒以散爲度其效如神或照上下各方治之亦可 或用蟾酥丹針之針時以病者知痛出血即愈否則紅絲入腹攻心必危矣

▲羊毛疔

初起頭痛發熱身寒前心坎後背心有紅點如疹子形先用針挑破取出羊毛再

用明雄末二錢青布包扎蘸熱燒酒於前心坎瘡上一二寸外四圍團團擦之漸漸擦入瘡眼其毛即奔至後背心再於背心上照前擦之其毛俱拔於布上即埋入土中內服菊花飲或葱白飲均可或用川連三錢煎水飲之即愈

▲龍牙一醉飲

龍牙草五月五日端午時採收陰乾用時以好酒浸透搗汁加入 乳香 沒藥 荳粉等藥末和汁同飲將渣敷患處是日勿飲茶水祇可飲酒即洗疔亦不可用水如法治之其效如神

▲回生起死方

核桃仁一個古銅錢一文放口內細嚼黃酒送下生疔雖至垂危不過二服即愈

▲蜘蛛拔毒法

先將疔頭用磁片刺破尋活蜘蛛一個(越大越好)放疔瘡上蜘蛛一見自能奔往吸拔其毒少時蜘蛛不動即放冷水中自活如疔未愈可用蜘蛛再行吸拔或另取蜘蛛用之以毒盡為止無論疔在何處雖毒重痛極不省人事命在垂危立可回生此急救第一良法凡手指生蛇頭瘡及毒蟲咬傷皆可施用

▲羊毛疔

硃砂七分檳榔葉七塊同搗爛擦背脊及兩肩上其疔自出即用苦瓜乾煎水服之自愈

▲菊花飲

白菊花葉連根搥取自然汁一茶盅滾酒調服用酒煮服亦可（不如生汁爲妙
毒重者宜多服）渣敷患處留頭不敷蓋被睡臥出汗其毒自散無論生在何處
雖氣絕欲死亦可起死回生至穩至便至靈諸方皆不及此不可遲疑自誤無葉
用根無根即用藥店乾白菊花四兩（少即不效）甘草四錢酒煮（溫服亦可）

▲葱礬飲

明礬三錢研細末葱白七個二味共研爛分作七塊每塊以熱酒一盅送下服完
即睡蓋被取汗如無汗再服葱頭湯一盅少頃汗出如淋其病若失此方不但治
疔一切惡症皆治初起未成膿者更妙

▲烟油膏

用烟杆中烟油厚敷敷四圍留頭不敷少刻疔破出水而愈奇效如有紅絲者用
烟油離絲三分處敷之絲即不走 或用黃色糖雞糞厚敷四圍將疔頭挑破不
敷極效 或用生黃豆嚼爛敷之 或用雞冠血點之神效

凡口唇生疔看大腿彎中如有紫筋用銀針刺出血即愈有人生疔不知疔在何
處但唇內癢極須臾半面腫硬痛甚見腿後起有紫筋刺之立愈

▲雞蛋油

此油最能殺蟲諸瘡破爛癢不可忍或不收口者搽之極效並治癬疥諸瘡用

雞蛋數個煮熟去白留黃放鐵器上煮至黑色用武火再煮其油自出取起應用或以滾水半盞傾入蛋內俟油浮水面取出冷透火氣待用

▲麻藥

凡割毒瘡或取箭頭鎗子敷之麻木不痛用 公麻雀糞(尖而豎者是)胡椒七粒燒酒調敷便效

●漆瘡

▲生漆染身成毒

花椒葉煎湯洗之自愈

▲生漆入目

蟳蟹一隻搗爛取汁滴入目中漆隨汁出 或成紅斑爛瘡取蟹黃塗之數次自愈 或用杉木煎汁洗之

▲漆瘡

蟹壳燒灰芝蔴油調塗之 或用蟹壳煎湯洗之 或用乾荷葉煎水洗之 或用韭菜汁搽之 或用石灰水搽之

▲漆瘡腫爛

白果煎湯洗浴立刻消腫一二次全愈 或用鮮荷葉煎水洗之亦效

●凍瘡（俗名蘿白仔）

橄欖核（即青果核）燒枯研末加輕粉少許香油調搽 或用白芨磨濃汁類類塗之妙不可言 或於暑伏時（三伏月內）搗大蒜爲坭敷在上年生過凍瘡之處過一日一夜洗去遲三四日再敷數次若連日敷之則肉上起泡破皮矣若敷蒜之後本年冬雖極寒冷亦不再生凍瘡凡小兒手足各處雖未凍過亦敷兩次可以耐寒此法可傳船夫腳夫功德無量

●瘡科論症

其症初起頭眩目赤遍體發熱舌見黃色欲飲冷水是實熱症須服清涼解毒之劑如遍體寒冷喜飲熱茶舌色淡白是寒冷症須服內托解毒之劑有初中末三變有初服清涼中末內托有初服內托中服清涼末服內托之藥隨時變通審症發藥自無悞事矣

▲瘡科無名腫毒

明礬五錢研碎放磁盆內入水開化用草紙一塊浸濕貼瘡上乾則再換貼十餘次即消

▲六臟丹治發背搭手

自死龜一個蜂房二兩共入麻油內煮黃不可焦冷研末麻油調塗豆腐皮貼上此方未詳原刻有遺漏

▲無頭瘡

蛇蛻貼於患處

▲神効沃雪湯（治一切無名腫毒）

當歸最重者用八兩輕者二兩白芷重者用四兩輕者一兩夏枯草重者二兩姜薑二兩輕者三錢半頸以上加川芎膝以下加牛膝中部不加水酒各半其驗如神

▲無名腫毒方

大黃 黃芩 黃柏各三兩陳小粉二兩炒黑共研醋調敷

▲治癢瘡方

硫黃 大椒 雄黃等分陳柏油化烱擦擦

▲無名腫毒痛不可忍

芭蕉根搗爛塗之 或用紫花地丁（三伏天採取晒干研末）麵糊成餅收貯臨用以鹽醋浸一宿貼之甚效

▲皮肉太厚不見瘡頭

麻雀屎研細末醋和丸如豆大貼瘡上即穿 或用蛇退燒灰豬油調敷瘡即出頭

▲百種頑瘡毒瘡

蒲公英 馬齒莧搗敷 或用田三七末醋磨汁塗即散如已破口乾末搽之
或用豆腐渣放砂鍋內焙熟貼紅腫處冷則再換以愈爲度 或用蓮花瓣唾沫
砥濕貼上即消已潰者收口 或用淮山藥搗如泥敷之 或用葱白七根蜂蜜
一兩搗爛敷之 或用猪胆薑汁蜂蜜(各半盞)和勻塗瘡四面一夜即消
▲惡瘡有肉粒突出破之血流復生肉粒名翻花瘡
馬齒莧燒枯研末以猪油調敷戒食鷄肉 或用蒼耳葉搗汁服三合將汁日塗
數次

▲毒瘡腫痛日夜呼號難安枕席

獨蒜頭數顆搗爛麻油拌和厚敷瘡上乾則換之毒消痛止其效非常 或用天
南星末調酒搽之

▲惡瘡十年不痊

鱧魚煨灰和醬塗之

▲瘡不斂口

秦艽末搽之 或用槐枝葱白洗淨再以松瓦(陰乾爲末)搽之 或用龜甲煨
枯研末搽之即收口戒食龜肉

▲瘡犯婦人穢氣痛不可忍

巴豆三十粒入麻油煎至黑色去豆以油調硫黃輕粉末頻塗之

▲瘡破傷風傷水作痛

牛屎燒烟燻之令汗出即愈

▲鎖口瘡

木耳焙黃爲末香油調敷其瘡即紅

▲燕窩瘡(生眉間者是)

肥皂焙枯全枯礬研末麻油調塗先用 白礬水洗之 或芥菜湯洗之 或用

白菜搗塗之

▲蜘蛛瘡

羊乳擦之 或用生薑汁調葛粉敷之 或用白芝麻口嚼爛敷之立效

▲嘻兒瘡

瘡兒隱於壁間以尿射人遍身生瘡狀如湯火傷方用 烏鷄翎毛燒灰雞子白
調敷 或用生甘草煎湯洗之 或用韭菜汁塗之

▲小兒黃水瘡

潰爛出水甚至不能坐臥用烏菱壳即風菱燒灰研水塗之一二日愈 菱壳燒
灰愈陳愈佳

▲鬚旁生瘡日久不愈

豬頭上毛 貓頭上毛各一撮燒灰加鼠糞一粒爲末清油調塗立愈

▲羊鬚瘡

舊棉絮胎燒灰麻油調擦 或用小紅棗燒枯清油調敷（凡老幼口角四面生瘡水流即跟水生瘡好而復發者是）

▲天泡瘡

形如水泡者是方用 錦文大黃磨水時時搽之或用 蓮蓬燒枯爲末井坭調敷甚效

▲肩瘡肩破

取貓頭上毛早起未語以唾粘之立愈

▲過腰蛇

腰間生白泡一串圍住便是方用 耳脾草（俗名狗仔腸）搗爛敷之熱即再換以愈爲止 或用根竹葉早糯米搗爛加清水敷之 或用柿油塗之 柿油即糊傘水 或用舊竹鍋蓋邊（愈舊愈好）煨灰開椰油搽之立愈

▲纏腰蛇

腰間紅腫兩便生紅筋圍至臍內即死方用 陳京墨磨濃汁和雄黃末塗之 或用臭蟲半酒盞搗爛燒酒泡略飲少許以蟲渣敷之先由蛇頭搽起後至蛇尾四圍敷之並治 鎖口蛇咬耳蛇諸症

▲拔毒瘡妙法

用極細鐵屑好醋煎一二沸取起醋中鐵屑敷患處又用好磁石類類吸之其毒自出

▲菜油飲

治一切瘡毒用 陳久菜油三大杯一氣飲盡並以菜油煎葱白至黑色乘熱塗患處痛止腫消

▲水澄膏

治無名腫毒用 白芨末五錢溫水攪之澄清去水用棉紙攤貼之乾則再換以愈爲度

▲瘡癩作癢

白扁豆搗末貼之

▲灸瘡血出

有人生瘡灸火五壯血出不止手冷欲絕急以 黃芩二錢紹酒炒透爲末再用好酒半杯調服立止

▲瘡毒攻心

凡患瘡毒心中難過或欲嘔吐或神昏不語此毒氣攻心也急用 護心散時時服之服至大半嘔止神清如製不及急服 白沙糖三四兩調熱水服之亦可

▲熱瘡

色紅而痛者是用 男子尿桶中白霜敷之清涼止痛 或用百草霜桐油調擦即愈

▲趕移瘡毒

用移山過海散 治毒瘡生於致命處用此散移於無碍部位甚效方用 紅黃小麥麵 新鮮蚓蚯糞爲末用好醋調勻漸漸敷於致命處半邊自能移過不致命處

▲瘡毒腫痛不破

用隔皮取膿法 凡患瘡毒腫脹不穿疼痛難受而患處難以用刀或畏懼開刀者俟膿熟時用公老鼠糞(兩頭尖者是)和紅糖搗敷即破口出膿而愈 或用蚤蛾繭一個燒枯用酒調服瘡頭自破不可多用

▲毒瘡初起(崑治面上惡瘡馬嘴疔眼瘡蛇蝎百足蜈蚣諸物咬

傷皆效)

木虱血(即臭蟲血)搽之即止痛消腫奇效之至瘡口以磁鋒割破搽之

▲瘡不收口

一切瘡毒久不收口內必有虫照各方治之必愈如再不愈瘡內必有細骨照多骨疽方治之若百藥不效恐是中邪用 乾狗糞白色者燒煙燻之或流毒水或

出別物自愈方用 石灰水整塊石灰一斤放盤內以清水八斤燒滾傾入盤內待石灰化開用棍攪勻俟水澄清將水輕輕傾入別器不用石灰再用細布瀝清收貯瓶內聽用凡瘡毒日久不能收口或不能生肌量瘡大小剪新白布一塊浸入水內一刻即起即貼患處俟一二時辰再換一塊一日換兩三次數日收功神效莫測此西洋秘方也 或用龍眼肉(即生圓干肉)男用女人口嚼女用男人口嚼爛成膏貼瘡上無論久近皆效

▲魚臍瘡

瘡窄而長腫而黑者此因風毒蘊結或氣血凝滯或誤食人汗所致用 蠟猪頭骨燒枯研末以生雞蛋白調查數日即愈

▲對口瘡

黃鱈魚頭槌飯加鹽少許塗之即消真仙方也

▲爛瘡不収口

蜜陀僧五錢白蠟一兩麻油二兩煎成膏貼之即愈

▲穿瘡方

人指甲焙枯研末和蜜糖點之即穿 或用麻雀屎(即白丁香)焙枯和蜜糖點之 或用巴荳式錢紅黃一錢射香三厘共研末每用三厘放膏藥心貼之亦穿

●癰疽論症

瘡瘍之疽當察經之傳受病之表裏人之虛實而攻補之假如腫痛熱渴大便閉結者邪在內也宜疏通之腫嫩作痛寒熱頭疼者邪在表也宜發散之癰腫痛甚者邪在經絡也宜和解之微腫微痛而不作膿者氣血虛也宜補托之漫腫不痛或不作膿或膿成不潰者血氣虛甚也宜大補之色暗而微腫痛或膿成不出或腐肉不潰者陽氣虛寒也宜溫補之若疑其未潰而概用敗毒復損脾胃不惟腫者不能成膿而潰者亦難收斂七惡之症蜂起多致不救經云諸痛癢瘡瘍皆屬心火若腫赤煩燥發熱引冷便閉作渴脈洪數實是其常也雖在嚴寒之時必用大寒苦之劑以瀉熱毒若脈微皮寒瀉痢腸鳴飲食不入嘔吐無時手足逆冷是變常也雖在盛暑之時必用大辛溫之劑以助陽氣經曰用寒遠寒用熱遠熱是假者反之雖違其時必從其症

癰疽大按乃痛者病深小按便痛者病淺按之患處陷不復者無膿按之患處即復者有膿不復者可消若按之都牽強者未有膿也按之半軟者有膿也又手按下不熱者無膿若熱甚者有膿也凡覺有膿急宜破之無膿但氣腫有血慎勿針破也

癰者大而高起屬乎陽六腑之氣所生也

疽者平而內發屬乎陰五臟之氣所生也

凡癰疽未破毒攻臟腑一毫熱藥不敢用若已潰破臟腑既虧飲食少進一毫冷藥不敢用也

癰疽脉數浮陽沉陰浮數不熱但惡寒侵若知痛處急灸或針洪數病進將有膿淫滑實緊促內消可禁宜托裏者脉虛濡遲或芤濇微潰後亦宜長緩易治短散則危結促伐見必死無疑

五善七惡主治

夫善者動息自寧飲食知味便利調勻膿潰腫消水鮮不臭神彩精明語聲清朗體氣和平是也此屬腑症病微邪淺能慎起居節飲食可占勿藥惡者乃五臟虧損之症或因汗下失宜榮衛銷鑠或因寒涼尅伐氣血不足或服峻厲之劑胃氣受傷以致真氣虛而邪氣實外似有餘而內實不足法當純補胃氣多有回生不可因其惡候棄而不治也

大渴發熱或瀉泄淋閉者邪火內淫一惡也

膿血既泄腫痛尤甚膿色敗臭者胃氣虛而火盛二惡也

目視不正黑睛緊小白睛青赤瞳子上視者肝腎陰虛而目系急三惡也

喘粗氣短恍惚嗜臥者脾肺虛火四惡也

肩背不便四肢沉重者脾腎虧損五惡也

不能下食服藥而嘔食不知味者胃氣虛弱六惡也

聲嘶色敗唇鼻青赤面目四肢浮腫者脾肺俱虛七惡也

腹痛泄瀉咳逆昏曠者陽氣虛寒氣內淫之惡症也

潰後發熱惡寒作渴或怔忡驚悸寤寐不常牙關緊閉或頭目赤痛自汗盜汗寒

戰咬牙手撒身熱脉洪大按之如無或身熱惡衣欲投於水其脉浮大按之微細

衣厚仍寒此氣虛極傳變之惡症也

若手足逆冷寒腹痛泄痢腸鳴飲食不入呃逆嘔吐此陽氣虛寒氣所乘之惡

症也 若有汗而爲惡寒或無汗而惡寒口噤足冷腰背反張頸項勁強此血

氣虛極變瘳之惡候也

大抵五善見三則吉七惡見四必危然虛中見惡症者難治實症無惡候者易治也

●癰毒雜治

▲癰毒宜戒

一戒走泄 凡患癰毒紅腫潰爛或已生管無論久近大小最忌走泄眞元如有遺精及房事不謹醫治最難見功必先將遺精病症醫治全愈仍令夫婦分臥謹戒房事然後按方施治自易收功

一戒污穢 凡大癰惡毒一經污穢腫痛更甚難以收功婦女產後及行經時切戒近前以免污穢若婦女自患癰疽瘡癤遇行經時醫治鮮效必俟行經後始能見功

一戒燻輦 諸瘡有燻輦之一法瘡雖易愈然毒盡歸腹內定成鼓脹難治惟神燈照法不忌

一戒沐浴 凡濕熱諸瘡膿血淋漓或癢或痛莫不以沐浴爲快然浴則濕更重難以速痊惟有溫泉之處不忌

▲隔蒜灸法

一切癰疽腫毒惡瘡初起即用此法使毒氣解散用藥施治亦易見功輕者灸過即愈

大蒜頭（去皮又名老蒜）切片如三文錢厚（無蒜用糞熟雞蛋白或生薑亦可究不如用蒜頭爲妙）安瘡上用艾一團（大則約用一分小如豆子大）於蒜上燒之蒜壞另換若難辨瘡頭先以濕紙貼瘡上先乾處即是瘡頭或有十數頭生一處將蒜搗爛攤瘡頭上鋪艾燒之艾火不論次數或十數次或百餘次總以痛者燒至不痛不痛者燒至痛惟頭不宜灸宜向足三里穴（穴在膝下三寸髌骨外兩筋內灸之）灸多者宜先服護心散以防火毒入內
一陰瘡色白不痛又不作癢或頑瘡久不收口灸之最妙倘灸後血出不止手冷

欲絕者照上疔瘡血出不止方治之

一痘疔毒氣使諸痘不能起發或麻木疼痛安蒜片於痘疔上灸之毒隨火散若紫血出後腫痛不止尤當用灸

一跌打損傷破口傷風牙關緊閉腰背反張命在頃刻攤蒜於傷處多灸更灸百

會等穴立甦

一凡蛇蝎蜈蚣以及瘋犬咬傷各毒攤蒜於傷處鋪艾多燒之至不痛爲度拔出其毒以免內攻

▲隔蠟灸法

治一切癰疽腫毒發背對口等瘡甚效 先看毒聚處水調麵作圈依腫處大小圍圈高寸餘實貼皮上勿令滲泄本人安身勿動圈內鋪極好黃蠟丸屑上以炭火灸至黃蠟溶化毒淺者皮上覺熱痛不受灸便止毒深者全不覺熱痛再下黃蠟隨化隨添至圈滿仍前熱火灸至蠟沸初覺癢後覺痛久之不可忍乃去火以少水微澆蠟滾上俟冷去蠟蠟近皮者俱帶青黑色此毒隨蠟拔去淺者一二灸便內消深者三四灸亦立解或瘡口雖破而皮尙堅硬膿未出者不必用刀針惟灸之膿出腫消或膿出而瘡口潰爛者即於瘡口下圈再灸蠟氣從口而入愈深愈妙

▲葱熨法

治虛怯人肢體患腫塊或作痛或不痛或風襲經絡肢體疼痛或四肢筋攣骨痛又治流注及婦人乳吹乳癰及便毒初起等症用葱白搗爛炒熟布包熨患處冷則易之再熨再易數次腫痛即止而愈終身終戒食龜肉

▲葱蜜膏

治無名腫毒初起腫痛尙未成膿者極效方用葱頭灰麵白蜜各等分搗溶烘熱敷之

▲糯米膏

凡腋助臂膊腰腿等處忽如火熱腫硬如石痛不可忍百藥不效者一二次即愈神效方用熱糯米飯少加葱與鹽共搗融敷過夜即鬆或用熱糯米酒糟亦可其渣務須傾魚池內或入河內爲要

▲豆豉灸法

治一切癰毒既潰不斂瘡色黑暗等症方用淡豆豉一升入熟水搗成泥照瘡大小作餅厚三分安瘡上鋪艾炙之但使溫溫覺熱痛急去之患當減少一日灸二次如瘡有孔留孔勿覆列艾其旁灸之聽其出膿爲妙

▲護心散

藁豈粉一兩乳香五錢（用燈心一錢二分同乳香抄枯去燈心不用）燈心灰（用活竹一段留兩頭節中開一眼以燈心填滿用竹塊塞緊加泥封好放殼壳火

內燒至竹成一炭取出竹內燈心用三錢共研末用甘草一兩煎水送下分數次服輕者即愈重者再服藥子油等方亦妙

▲芙蓉膏(治癰疽發背諸毒初起)

芙蓉葉(或皮或根亦可)黃荊子不拘多少共搗爛用鷄子清調搽瘡上留頂不搽頂如烟起立時止痛搽二三次便愈 或用白鳳仙花連根葉同搗爛先用陳米醋洗淨患處然後敷藥一日一換瘡將好時用桑葉醋煎一滾即取起貼瘡上即生肌收口而愈不問已潰未潰均能取效

▲琥珀膏(治癰疽發背諸般腫毒久年頑瘡脚罅濕爛)

香油四兩沉香一錢(煎至油熟去之)次加嫩松香八兩文武火不住手攪如琥珀色住火加乳香沒藥銀硃血竭各一錢研末攪入膏內退去火毒貼之神效

●楊梅瘡論 (俗名生疔)

楊梅瘡者又名廣瘡時瘡棉花瘡由嫖妓傳染者居多間有遇生瘡之人與之同食同廁感受毒氣而得者治不得法終身受害而且流毒妻兒斬伐宗嗣悔之莫及其症初起淋濁管痛陰頭腫脹破爛或患下疳橫痃魚口便毒等症毒升中焦遍身發出楊梅瘡破爛流水無度毒升上焦咽痛喉爛鼻發腫痛眼花耳聾毒流筋絡骨節酸痛四肢難於運動染是症者始終調治得法輕者半年重者一載便可全愈若不依法調治欲求速效延人包醫誤服輕粉水銀等藥遏抑其毒雖一

時僥倖而愈不知遺毒潛藏骨髓關竅之內積久復成結毒先從筋骨疼痛隨結腫皮色如常將爛時色方紫紅腐臭不堪遂至腦頂塌陷腮唇鼻樑損壞穿喉蝕目手足拘攣當場出醜朋友避之妻子惡之父母不以爲子親戚引爲鑒戒可不懼哉百爾君子問柳尋花須愛惜身軀切勿恃有藥方貪歡取樂一朝受毒貽害無窮也慎之哉 如疔瘡初起由外傳染者其毒在表宜急服透骨搜風散如氣體壯者再服楊梅散一劑 如疔瘡初起由色慾染者其毒在裏宜先服九龍丹 如服藥無汗而體實者再服升麻解毒湯如體虛者再服歸靈內托散 服藥以後瘡色淡白減疼內毒用金蟬退殼酒再服護從丸永無後患以上諸方載在醫方易簡第十本書內 此症忌食牛羊鷄鵝等發物並魚肉茶酒房事 如遍身破爛臭穢體壯者服化毒散氣虛者服豬胰子湯 如結毒攻於口鼻者服五寶散 如結毒久而鼻爛損者服紫金丹 如毒入頭頂頭痛如破服天麻餅 如鼻孔壅息不通用通鼻散吹之 如毒攻咽喉腐爛臭蝕服硫黃不二散照方調理服藥自然痊愈(俱載醫方易簡)

▲金蟬脫殼酒

大蝦蟆一個(黃色者佳)金銀花(金者四兩銀者四兩)用好酒一罈將二藥物搗爛用布包好放酒內煮三炷香久每日盡量飲之飲完自愈

▲又奇效秘方

壽世良方

癩毒

楊梅

用癩蝦蟆一個大者爲佳紅眼者有毒不可用取時手須放輕恐走蟬酥宜用圓口小瓶一個置於地上緩緩推入瓶內如患者能飲酒一斤即入半斤於瓶內蓋好封固勿令洩氣慢火煨煎酒約四兩即住火去蝦蟆取酒溫服服後蓋被取汗俟汗止方起勿坐當風處若上部瘡多先食白粥然後飲酒若下部瘡多空心溫服一服未愈隔三四日再服一次終身不發屢試屢效幸勿輕視 先將酒瓶蝦蟆秤過若干重煎至折半重便可適用 或用 羊角 核桃壳燒枯研末早晚酒調服一錢五分四日後毒從大便出如血如膿半月毒盡後服八珍湯補治之 此症初起即治庶免毒氣傳染凡共食酸味及大小便最易染人不可不知

▲楊梅瘡

楊梅瘡酒 用無灰酒一大盅麻油一茶杯每日清晨重陽收存七日即效

▲楊梅瘡及蠟燭疔

輕粉五分研細紅棗五枚用白麵包裹木炭火內煨先起青烟再起黃烟即取出去核皮同輕粉搗分五丸黃酒送下過一時口內吐出痰水大便泄出穢物（如魚凍樣）二三次再用土茯苓煎湯漱口當茶飲之 忌鹽醬醋豆豉七日祇食米麵自愈其效如神功難盡述

▲丹石結毒

凡服過房術丹石之藥變生淫濕疔瘡復爲庸醫所誤致成結毒終身不愈者方

用紅棗三斤以杉作薪煑棗其火逐次除出祇留炭火煑至棗爛爲度剝去皮核並將杉炭磨末和棗搗丸如彈子大以土茯苓湯送下久服不間斷自能全愈按紅棗能解丹石之毒杉木有祛濕之功是以奏效

▲洗楊梅毒方

銀花三錢 九里明四錢 白礬二錢 朴硝三錢 生軍三錢 防己五錢
紅花三錢 荆芥穗三錢 紫背浮萍四兩 如楊梅毒現面即將該藥煎水洗之每日洗三四次其瘡色淡白即愈並服後方

▲治楊梅毒屢驗方

蝦蟆(即蟾蜍)一隻(去腸臟不用)用紅黃三錢 硫黃三錢 放入蝦蟆肚內再用大黃片(約重四五錢)夾住蟾蜍以濕黃泥封固炭火煨至無烟爲度取出放地上二三時以去火毒並除去外面皮坭加 生軍末五錢和勻蟾蜍灰煉蜜爲小丸日日服之即瀉清內毒而愈

花柳仙方經驗多人凡疔疔魚口白濁初起一服便痊重症不過三服便愈

黃柏三錢 赤芍二錢 二丑一錢 甘草二錢 乳香一錢
土茯苓三錢 大黃四錢後下 連翹二錢 木通一錢 黃岑二錢
銀花三錢 槐花一錢 胆星二錢 丁香一錢 川山甲一錢
歸尾四錢 川連一錢 朴硝三錢 七厘二錢 蜈蚣一錢(去頭足)

右藥水煎空心

楊梅瘡傳驗秘方

楊梅核清水蠶缸浸一個月漂淨晒乾研末 青果核晒乾研細末 茶葉末
硃砂 蟹螯兩隻(即斑毛) 水銀二十四文
以上各味配齊和勻裝在旱煙管內當煙吃完痰涎垂出內毒可解下用老鴉蒜
青葉煎洗患處再搽後藥

金黃散 生肌散此二散藥店有賣乾用麻油調搽溼用棉團撲藥粉於患處其
瘡若開天門者用竹撐蜈蚣一條連藥用煤頭紙包捲再用火點着吹熄在開口
處薰一日薰完痊愈 又男婦內痔亦可照薰有效真靈方也然斑毛水銀均係
毒藥不可悞服爲囑

▲楊梅墜毒方

其症因誤服輕粉墜毒手足不能行動方用 乳香五分 沒藥五分 輕粉四
分 葶麻子一錢 鴉胆三分 水銀一兩 珍珠末三分 射香二分 冰片
二分 琥珀三分半 楓子肉五分 右藥用清油煎濃汁後加青鈎藤汁和勻
搽六脉處其毒從牙脚而出即多含菘豆水並服菘豆粥解之若毒盛痰多兩腮
微腫用蜂房煎水含之半月後身體康健如初

▲花柳疔毒丸 此丸切忌火焙

珍珠末三分 血珀一錢二 硃砂五分 三仙丹一錢二 大梅片一錢五
薏苡仁一錢五 藁荳二錢 赤小荳三錢 槐花二錢 桃仁一錢五
研末米糊爲小丸每服三錢用藁荳水送下毒從牙出服藥後急含藁荳水俟涎
出吐去再含

▲楊梅墜毒五寶丹

琥珀三分半(甘草水泡) 珍珠末二分 硃砂末三分 鍾乳石三分半 甘
草一錢 冰片五厘(後下) 飛羅麵三分五厘炒 共研細末用磁罐封固每日
用土茯苓一斤切碎以水十大碗煎至四碗或五六碗取汁開丹服之病在上加
木香二錢飽服病在下加牛七一兩饑服每次服半盞加五寶丹二厘服一盞加
四厘體壯者每次加丹六厘一日內服盡此汁爲度 忌飲茶酒並一切寒冷動
氣之物其潰爛毒口仍用五寶丹搽之外用萬應膏貼之其毒自散收口以上兩
方單用一方無不應驗兼用二方萬無一失

●魚口便毒論

便毒一名跨馬癰此奇經衝任爲病而癰見於厥陰經之分野其經少血又名血
疝或先有疔瘡而發或猝然起核疼痛而發皆熱鬱血聚而成也初發宜疏利之
即散成體後用裏托內補之藥爲妙便毒生兩腿合縫之間是厥陰濕熱因勞倦
而發便毒潰破即魚口瘡也一云生左胯內者名魚口生右胯內者名便毒也

▲魚口

松瓦爲末鷄子清調敷即散 或用槐花七錢炒黃用酒煎熱服取汗爲度 或用班茅七個（瓦焙研末）鷄子一個（頂上開孔）去白少許入班茅末於鷄子內用皮帛封口火煨燒枯爲末酒送下夜坐椅上不住小便次早尿止病痊

▲便毒初起

射干三寸用生薑湯煎食前服二三次立效 或用核桃七個燒枯研末調酒服三服見效 或用五椏子炒黃研末百草霜等分以醋調敷一晝夜即消 或用豬腰子一個切開入銀硃五錢貼患處一夜即消 或用劉寄奴（不拘多少）量毒輕重酌用酒煎服甚效

▲魚口便毒立消散

大蝦蟆一個去皮連腸搥爛生葱五錢再搥爛貼患處甚效 或用生白礬末三錢酒調下如欲吐忍耐片時汗出即輕次日全消 或用遠志肉一兩（甘草湯炒）水酒各半煎服 或於端午日午時採樹上青胡桃陰乾臨用燒枯研末加全蝎末（炒）川山甲末和勻酒調服一二次有膿自大便出無膿即消二三服全愈

▲魚口便毒洗方

荆芥 白芷 草節 白芨 防風 石榴皮（各一錢）每日煎水洗一二次另

行服藥方可全愈

▲初起魚口便毒(左為魚口右為便毒俗名生芒果)

蜈蚣一條(去頭足)剪碎用核桃一個打開兩邊去肉將蜈蚣放入合桃壳內用草紙包裹外用濕黃泥封固以墜炭煨至無火烟為度取出放地上一二時去清火毒後研幼末用雙料酒調服隨量飲之以醉為度限五六時即刻止痛而愈愈後服廿五味流氣飲自無後患 或用蜈蚣二條去頭足研末入鷄蛋內用濕泥封固以火煨熟去壳食一次即愈並服後方

▲廿五味流氣飲(專治魚口便毒疔頑癬等症)

荆芥穗一錢 川連三錢 歸尾五分 黃柏五分 苦參二錢 連喬五分
地膚子二錢 防風一錢 獨活一錢 羌活一錢 銀花二錢 生地三錢
地骨皮二錢 薜皮二錢 角刺一錢 丹皮二錢 滑石一錢 細辛一錢
寒水石二錢 牛子二錢 枳壳二錢 黃岑一錢五分
川牛七一錢五分 甘草節一錢五分

右方各包先將土茯苓一斤切碎用水一大鍋先煎後入各藥再煎至兩大碗分兩次服之須要連服不可間服為妙

▲魚口便毒日久不能全愈方

寒水石一錢 百草霜一錢 乳香一錢 末藥一錢 蜈蚣二條(去頭足煨)

生大黃二錢 佛陀僧一錢 冰片三分 射香一分五厘 共研末開豬胆汁日日搽之

▲魚口便毒初起限日全愈

蝦蟆一隻向背上割開用好射香一錢入腸臟內放新瓦上炭火焙熟貼患處數次便銷並服前方以清內毒方無後患

瘡瘡辨症

瘡瘡多起於花柳其症亦有攸分若不辨症而誤投方藥流毒不可勝言其症有生龜頭(即馬口)之下者為下疳生陽物頸上者為疔疳陽物生瘡外皮包腫脹者為袖口疳日久潰爛者為蠟燭疳疳痛引睪丸陰囊腫墜者為鷄臙疳生馬口旁有吼如綜眼內作癢捻之有微膿出外者為旋根疳生陽梅瘡時或誤用燻搽等藥以致腐爛如白者為楊梅疳生楊梅瘡時服輕粉水銀太多以至小便刺痛者為梅楊內疳按症施治自無償事矣

▲鷄冠疳

生在龜頭上遍起瘡粒如石榴子一樣常流鮮血者是用 青菡葉 鮮葱(連髮頭)二味共搗爛敷之即愈經驗多人

▲生疔腐爛收口方

火秧心切片用米泔水浸過取起煎瘦肉湯服三四次即愈

▲陰頭生瘡

鳳凰衣(即抱子鷄蛋壳)炒黃 兒茶各等分研末先以甘草瓦松煎水洗之然後敷藥 或用壁錢(即鱗子窠)逐個向燈上燒枯研末加冰片少許搽上立刻止痛而愈(壁錢要壁上結者板上結勿用) 或用舊傘油帚燒灰去火毒一夜敷之便生痂 或用地骨皮研末先以漿水洗淨然後敷之生肌止痛 如已潰用頭髮(鹽水洗去油)再用清湯洗晒乾燒灰米泔水洗之拭乾敷之生肌爛如已腫爛用白蠟五分冰片三厘研末滲上止痛生肌 或用女人月經布燒灰開油搽之

▲下疳陰癢

生甘草煎湯燻洗用海螵蛸末搽之

▲滲疳散

煨人中白五錢文蛤五錢(煨)冰片一分研幼末滲數次埋口生肌

▲男子陽痿靈濕女人陰癢

蛇床子煎湯洗數次自愈

▲治橫痃(俗名生芒菓)

皂角刺一兩煎濃湯去刺用湯入糯米半升煮粥分數次淡食食完即愈

▲陰莖生瘡

壽世良方

瘡疔

白蜜調甘草末敷之甚效並治諸惡瘡

▲腎莖中痛

甘草節不拘多少水煎服自愈

▲下部瘙癢

凡陰囊腎莖肛門瘙癢難忍者用 陳葫蘆燒灰摻患處立愈

▲陰癢難忍

吳茱萸 地骨皮煎水洗之

▲生疔方

珍珠末一分五釐 琥珀五分 甘草一錢 川連一錢 滑石一錢 石脂一錢 花粉一分五釐 冰片二分 共研幼末開生菜油日日擦之

▲洗疔方

甘草節 銀花 大黃 白欖 石榴皮 煎水日日洗之

又方 末藥一錢 銀硃五分 雲連一錢 乳香(去油)六分 夷茶五分

黃柏六分 煨甘石六分 龍骨二分 血珀四分 研末擦之

●疳疔魚口白濁論

諸症之發皆由邪氣混雜以致濕熱相煎其毒聚於小腸膀胱而發者治法先滋腎水滲濕利小便以清臟腑繼則清熱解毒方無後患倘病日深而症日重清之

不除解之不去者當看其人身體之強弱強者先用寒涼之藥由大便疏通再行攻毒利便若年老而體弱者須扶元補氣以解毒不宜過用猛烈之劑雖曰外功是亦仁術也

▲滋腎補臟方

如見心虛四肢無力面帶黃色者方用

大熟地四兩 吳茱萸一兩 淮山藥二兩 丹皮七錢 正川連四錢(酒炒)

澤瀉七錢 茯苓二兩 槐花四錢 熟軍七錢 當歸二兩(酒炒)

升麻七錢 黨參九兩 炙芪四兩 五味子三錢 白茯苓三兩(土炒)

陳皮五錢 炙草五錢 阿膠五錢(炒) 共研幼末用白蜜爲小丸早晚

空心服每服三錢爲度

▲滋腎滲濕利小便方

連翹 黃柏 知母 澤瀉 甘草 丹皮 丹參 赤茯苓 山枝 滑石

陳皮 扁蓄 木通 川連 海金沙 各三錢煎服

▲清熱解毒方

熟軍 川連 黃柏 知母 丹皮 丹參 赤茯苓 荆芥 牛旁子

滑石 山枝子 甘草 苦參 金銀花 澤瀉 海金沙 各三錢煎服

▲治疔方

壽世良方

疔疔

九里明 土茯苓 荊芥 金銀花 甘草節 白欖 山枝 蒟青 紫蘇
蜂房 防風 白朮 薑蠶 兒茶 生軍 柯子 各一錢全煎服

▲攻毒瀉臟方

川連 胆草 丹參 薑蠶 全虫 乳香 末藥 金銀花 土茯苓 芫花
黃岑 黃柏 當歸 石羔 厚朴 蜈蚣 (去頭足) 生軍 元胡索 (酒浸
沖服)

▲扶元補氣解毒生津方 (濁後服此永無後患)

川芎 北芪 石羔 當歸 澤瀉 丹參 滑石 川連 知母 黃柏
黨參 甘草 升麻 白朮 乳香 牛七 紅黃精 淨水煎服

●花柳白濁

蚯蚓 (即地龍) 去清內臟切碎調熱酒服之連蚯蚓服完更妙 或用白菓磨爛
和滑石末調熱水服之 或用玉簪花頭係猪瘦肉食之 或用假油麻根煎水
服之 或用

生芥菜半斤搥爛撞熱水一大碗加蜜糖一兩五錢和勻服二三次即愈神妙之
至 或用

生地黃二錢 山萸肉一錢半 赤茯苓一錢半 牡丹皮一錢 澤瀉二錢
淮山藥一錢半 水煎和酒服二三次即愈

▲白濁及小腸氣

薏米三文白扁豆七文白米(用三指一撮)共煎好露天一夜早起用白糖三文和服即效

●婦科

▲婦人小便不通方

杏仁七粒去皮尖麪妙黃細研末調服之立通

▲小便下血立效方

旱蓮草 車前子取汁每日空心一盃溫服

▲小便出血痛不可忍

淡豆豉一撮煎湯服之立效

▲月經久閉

韭菜搗汁一盞入童便半盞熱服

▲月水不通

茶一碗入砂糖少許露一宿服之即通 或取向東石榴根一把炙乾水二碗濃

煎一碗空心熱服二次即通

▲經行不止

壽世良方

白濁

婦科

紅雞冠花晒乾爲末水煎酒引每服二錢忌三日魚肉葷腥 或用木賊三錢炒水一盞煎服每日服一次以經止爲度 或用陳蓮蓬壳燒灰研末每服二錢熱酒送下

▲婦人閉經

鼠糞(即耗子糞)燒灰熱紹酒送服一錢即通

▲孕婦痢疾

荷葉蒂七個燒灰研末沖服

▲孕婦腹中兒啼

急令孕婦執掃把掃地一次即無聲 或撒豆一撮於地令孕婦俯而拾之便愈

▲胎動肚痛方

用生雄雞一隻問該婦飲酒多少先下酒在碗內割雞血和酒乘熱飲之

▲胎墜(凡未足月胎墜似欲小產或見紅者)

連壳雞蛋三個如無即鴨蛋亦可野苧麻根四兩同煮熟食蛋即安

▲胎動見黃水

葱白十四個煎湯飲之生胎即安死胎即下

▲胎腫(凡胎腫者屬濕熱)

山枝子一合炒研每服二錢米飲調服

▲傷胎血結（凡傷胎血結心腹疼痛者）

令孕婦每日服童便二碗作二次服自愈

▲月數未足胎死產危（凡月數未足母欲悶絕者）

大黑豆三升以醋煮濃汁溫服立生

▲胎上衝心

葡萄一兩煎湯飲之即下或用吳茱萸敷足心胎安洗去

▲婦入白帶丸方

紅棗一斤煑去皮核棉子仁一斤去油白菓一斤去殼心煑郁李仁四兩去油共搗爲丸每服三錢陳酒下

▲妊孕腹痛

大紅棗十四枚燒焦爲末和童便服之

▲孕婦舌血（凡舌上出血如線不止）

雄鷄冠血滴之即效

▲胎衣不下

瓦松煎濃汁服一口即下 或用小貝母七粒去心煎服立下（或用夷茶末二錢鷄蛋二隻去黃留白用黑醋一瓶連藥末放鑊內煎滾將蛋白沖服即下 或用白礬一錢煎醋半滾服之即出）

▲產後胎衣冲心方

若不急救必死方用炮燻二個(即鞭炮)取兩頭紅坭放在碗中冲熱酒服之即下炮藥不可用緊記

▲產後風方

正白絲毛鷄一隻大葉金錢艾一撮共搥爛燉雙料酒連湯肉食之將雞毛煎水薰洗身上即愈

▲胞衣不下

芒硝二錢牛膝三錢水煎童便半盃冲服立下

▲產後損尿胞

白牡丹根一錢黃絹一尺白芨一錢濃煎半碗徐徐服下服後忌言語

▲產後血升

韭菜切碎入瓶內煎滾用醋三碗入瓶內將瓶嘴塞產婦鼻孔即活救人無算

▲婦人血塊痛方

用尖尾匿仔根(草藥)切碎晒乾洗淨飯面蒸過煎豬肝食至一月便愈

▲產後血流不止方(血山崩亦可用)

用生鷄仔一隻向鷄背破開連毛連五臟不用水洗敷臍上用布扎緊然後將婦人平日落下頭髮一把鑊內炒焦冲水半碗用布隔去髮灰打過地氣飲之立愈

▲婦人產後頭痛遍身發腫

死老鼠(即耗子)鍋內炒焦爲末打透地氣黃酒開服自愈

▲婦人生血龜方 俗名血螻痛此症由產後惡露未盡誤服寒涼之物以

至血凝小肚致有此症

水母(即海蜇)泡熟切碎用白蜜糖點食隨意食之以愈爲度雖患數十年亦可斷根

▲經驗婦人白帶方 此友人祖傳之秘方也

生雞蛋一個取白 生蜜糖一兩二味和勻入生灰麵搗爲丸如梧子大晒乾用磁碟收貯每早服三錢淡鹽湯送下連服三四次痊愈

▲婦人陰戶流血不止俗名血山崩

舊棕繩 絲瓜壳 二味煨灰用酒冲服立愈 如無絲瓜壳用婦人亂髮煨灰同舊棕繩酒服亦止 或用韭菜八兩水二碗煎至半碗酒冲服立止 或用生薑數兩搗爛炒熟放布上貼住陰戶即止

▲血山崩方

葵扇 檳榔 棕衣 蓮蓬 共燒枯爲末黃酒送服

▲婦人月經不調方

生鯉魚一條約重十兩去腸臟加薑汁酒艾汁各一盞入內用磁砵載好放瓦鍋

內燉熟打地氣一夜到明早五句鐘再燉加黃酒服

▲婦人白帶妙方

京柿(煨枯研末)一錢八分硃砂一錢二分每服三錢調白粥水下 或用馬齒
莧菜汁和雞蛋白二個調服

▲婦人白帶方

棉花根炒生雞仔和酒服連肉食之 或用龍骨三錢研末柿蒂二十個焙枯煎
瘦肉湯送下

▲婦人生產七日不下子生母死方

五爪金龍葉三兩切碎放鑊內炒取酒一壺作三遍下炒至葉乾爲度再加酒一
壺煎湯服之即下

▲難產神方

取草麻仁十四粒去壳每手各握七粒須臾立下母子平安

▲子死腹中(凡臨產子死腹中母氣欲絕者)

益母草不拘多少以暖水少許和絞取汁服之即下 或用黃牛糞敷產婦臍中
即下

▲產後遺尿

雞窠草煨灰研末紹酒調服二錢

▲產後口乾舌縮

鷄蛋一個打破水一盞攪服

▲產後空腹痛

蓮蓬壳七個去子煎湯服立效

▲產後積血作痛方（痛在一處是）

用舊男鞋一雙輪流在常行走當路地板或磚石上用力擦鞋底即乘熱氣貼在痛處冷則再換連熨數刻止痛再熨消化便愈

▲婦人遺溺

雄鷄翅毛燒灰每次用紹酒調服一匙日三服見效

▲交媾非時血出不止

青白布同頭髮煨灰棉花拌灰塞入陰戶俟血止去之 或用雄鷄冠血塗之神效

▲婦人陰癢

蛇床子 吳茱萸 苦參各三錢煎水日日洗之以不癢爲止

▲婦人陰戶生瘡

用魚胆汁以指點入陰戶內如見痛癢即加紅黃杏仁各二錢研末滲入無孕加射香二三釐更妙

▲乳癰初起屢驗方

牛皮膠一兩或二兩糞溶加生葱五文連根搗爛和勻敷患處經宿即消已成膿者不效

▲小兒咬破乳頭方（兼治對口瘡）

北瓜蒂燒末開油擦之

▲乳少方

紅豆用水煮連湯食之乳出如泉甚效

▲乳汁不通

鯉魚頭一個燒枯研末每服一錢酒調下 或用紅沙糖煎豆腐不用油鹽以黃酒共食之

▲血山崩妙方

母豬屎一大塊曬乾用炭火燒透裏外通紅取出放地上用碗蓋上打透地氣去清火毒約一點鐘取出研幼末放碗上和米酒送服（黃酒亦可）即愈 或先用小公鷄一隻又名生鷄仔不去皮毛將肚破開連腸臟乘熱敷於陰戶處用布捆住亦止救急之方神妙莫測

▲經期三五日一行來往無時

豬仔菜一大把要生在瓦面上或花盤上爲佳北京土名蔞香菜先將菜揀淨洗

淨用水煮熟取出又用白布要疏布一塊白手巾亦可將菜包裹取汁半碗和白糖少許服之如見菜汁太冷用滾湯隔碗熨熱再服即愈至多不過兩服誠妙方也

瘋症論

大凡瘋症所致不同有父母妻妾傳之有婢僕傳之有花柳傳之有坐臥風濕傳之有風雨濕熱觸着傳之有涼水浴身傳之有痘疹餘傳毒之有風水傳之有中毒傳之大抵總由血氣衰弱所致氣血既衰邪毒之氣相侵便生諸病若氣血和暢何邪敢進何病敢侵耶僕所選各方專治大麻瘋紅雲血癰及三十六種瘋症屢試屢驗愈後任食毒物永無復發此正與起死回生之術同也其症愈惡者功效愈奇其效全在主治之藥丸一方於未服藥丸之前先服湯藥一劑以洩其毒然後服丸一料視症輕重用藥加減依法燻洗病去其半再服丸再燻洗如此三次病盡去矣然醫治中有半愈有全愈者全愈者斷根絕迹復回原形半愈者或有痕迹墜在一處雖能免人厭惡仍未斷根非藥之不良也夫效有異同得失所爭祇在戒色戒色有全愈之喜不戒色有半愈之憂如好色不戒縱有靈藥亦難收效不特此也即食味亦要戒鹽何也因磁虫聞臟腑鹹味一到死能復生雖多食藥亦屬無益是以服藥之後戒色與戒鹽缺一不可幸勿以余言爲河漢也昔

王相國醫瘋病愈猶有痕迹如用是方醫愈之後復還本原其效不更大哉

▲瘋症條例辨症

凡虫食心則足穿膝腫 凡虫食肝則鬚眉脫落 凡虫食肺則鼻爛 凡虫食腎則耳鳴啾啾耳弦生瘡或痺或痛如針常刺之狀 凡虫食脾則聲啞 凡虫食身則皮癢如虫行蟻咬 自頭上而起為順醫亦易治 自脚下而起醫終難痊 然而生瘋症者多因感受寒熱夾氣滯濕毒而成凡臨治此等者症須要仔細看其痕點辨症無差方可醫治凡瘋出面無人識或未出面何以知之欲知其症先看其眼必起水充捫牙齒手甲皮膚必枯其身必腥此瘋症無疑也 凡治瘋症者必先用 雷丸天冬各五錢 苦練根(即森木樹根)薑活各三錢 研末令瘋者每服三錢空心服酒送下至未申時小便以白瓦罐裝住一看便知因其小便有虫頭黑者染症日久難醫虫頭白者染症未久可治

▲分辨三十六種癩瘋列左

凡瘋症面部似少紅胭脂在先後發紅光遂至轉為瘀黑週身損爛者不治 凡染此症必有紅霞色浮於面部及左右兩顳 由腎經起者從下先見 脾經起者從穀道先見 肝經起者從左邊先見 肺經起者從右邊先見 心經起者從手足先見

腎屬耳后入肺 肺屬鼻后入頭面 脾屬口后入週身 肝屬目后入身 心

屬手足后入印堂 心傷先損目 肝傷先發紫泡 脾傷週身如癰 肺傷鬚
眉先落 腎傷足先穿 筋傷則破爛難治 皮死痲痺不仁 肉死刀割不痛
血死破爛流水 筋死手節脫落 骨死鼻爛崩凹

歌

精醫染痲瘋

不與別人同

一藥治其症

十旬建奇功

若問全愈者

百日始無踪

戒色與戒味

謹慎一年中

曰

命該不帶疾

早日得相逢

▲五經受病定方

心經受病滿面形體紅腫十指麻木方用

川連 靈仙 枳壳(各五錢) 連喬 葦蘚(各七分) 獨活一錢五分

甘草六分 紅浮萍一錢五分 淨水煎服

肝經受病眉毛先脫方用

黃柏 木通 升麻(各五分) 首烏 黃芩 知母(各六分) 甘草二分

獨活七分 浮萍一錢五分 生地五錢 淨水煎服

脾經受病身如蟻行方用

靈仙 升麻 京芥 白芍(各六分) 打黑丑七分 甘草一錢五分

浮萍一錢五分 生地五錢 淨水煎服

肺經受病鼻樑崩陷可用此方(頭面紅腫依用此方若無紅腫減去黑丑不用)

壽世良方

瘋症

枳壳 黃柏 黑丑(各五分) 薄荷八分 升麻七分 甘草一錢五分 淨

萍一錢五分 淨水煎服

腎經受病耳輪癢甚脚穿及脚底破裂方用

京芥 川烏 苦參 草烏 靈仙 木香 乳香 末藥 獨活(各二錢)

防風 歸尾(各四錢) 血竭 羚羊 卑薜 秦朮(各三錢) 共研細末加

十六味為丸

▲三十六種瘋症加減藥方(遺失四種)

紫雲症滿身如癬其症在內極似真癬一般脾中受毒後有大咬口紅光可治若

轉瘀黑破爛脚有黃水不乾不治方用 充蔚 升麻 松脂 白藪(各一

兩) 研細末合下藥丸方合末為丸(以下同)

松皮症形如松皮病在腸經絡間皮不知痛癢甚至割亦不痛此乃肉死手足脫

落不治方用 升麻二兩 白附子一兩 其楓子不用去油 (看藥丸方

便知)

蓮子症滿身形如蓮子上浮紅光起暈又或起小血粒無膿無血若破爛流黃水

不治方用 充蔚二兩 銀花一兩 白芷三錢

漏蹄症由腎經受毒如身上中下及脚底爛或有借毒成傷破爛不治如用方

則以 充蔚二兩 白芷一兩 白藪一兩

背堆症形如盆子或四五個週身紅光此胆經受毒夜作悶癢鼻折症后入腎脚
二經鼻塞聲啞不知輕重脚浮無力不治方用 附子 升麻 黑丑 桑白
(各一兩)

魚青症形如疔樣在髮脚初起時發熱甚痛手足不痛身有紅泡後至疊疊成黑

泡不治方用 番烏 附子 升麻 白芷 各一兩

雲痕症脾經受毒因乾濕熱毒而成形如白癬不知痛癢日久轉桃花紅色又轉

癩黑腫脹破爛不治 無方

吊眼症面上兩顴起紅色病在內身上有瘀紅粒日夜如虫行蟻咬後將入脚紅

腫指破脚穿不治方用 附子 白菊 升麻(各一兩)

頑癬症形如頑癬一般不知痛癢惟見肌肉癩痺日久面發紫泡破爛流水刀割

不痛不治方用 百部 蕪荑 充蔚 升麻 斑茅 青礬 蕉皮灰 白

芷 五倍子 花椒 蛇床子 木鼈 百草霜 苦果(各一錢) 研末成

膏以醋開搽

碎骨症初從骨節悶痛一年半載而起遂至脚步難行不治此是風水所出無藥

可救 上不過頭 中則手足不過膝 下則脚不過膝

縮骨症形瘦如柴面上無肉手無虎口肉面無血色症心脾二經手足癩痺 此

是父染傳子之症方用 白芨 歸身 升麻(各一兩)

膺爪症乃腎經受毒發出膀胱命門二經紅腫後至滿身浮紅粒日久破爛不治

方用 白芨 歸身 升麻(各一兩)

吊蹄症胆腎二經受毒手足無力因筋斷在內面起紅光則用 川練皮 防己

(各一兩) 薏米三兩 木瓜二兩 血竭 附子 升麻 黑丑 桑白

(各一兩)

鷄爪症手足不時開裂形如羅白痛甚不安用藥散搽上先用 羊油 白芷

杏仁 散毒膏 後用 蝟蛇簾 金不換二藥加烏蟻拌勻火煨研末以醋

開搽偷日久手足已經成片黑色紅腫破爛流水不乾者不治之症

鏡面症面如瘀黑肝肺二經受毒形如楊梅疔一般患處痛悶不治若紫紅轉黑

脚穿爛更不治

剪口症唇大寸厚耳帶紅腫面無血色更如粉白身帶浮紅脚紅腫身有紅粒肉

癩痺難忍破爛流水不治方用 白芷 薑活 天麻 當歸(各一兩) 川

芎五錢

馬汗症在下陰兩腿對門日夜痕癢抓傷擦損脚紅腫瘀黑破爛不治方用 兔

絲子 白芷各二兩 甘松 吳萸各一兩

大蹄症俗名沙蹄症皆由醫治時用藥稀少失理之過也此亦是風水所致

楊沙症腎經受毒入於口鼻俱爛破血流水刀割不痛不治方用 白芷 威靈

仙(各一兩) 楓子不用去油

虎爪症形如荔枝虎爪紅腫無紋如荔枝一樣色似桃紅可治若轉爲紫黑瘀爛
流水不止不治

小殿症形似火燒過一般病在腎面皮紫黑搔如鼓緊成片赤色癩痺不痛轉紅

黑瘀爛不治方用 鯽魚一條焙枯研末又用 蛇退 細辛 (各五分)

花粉 首烏各七分 水銀三分 鉛粉 銀花 紅黃(各五分) 研末和

鯽魚末以醋開搽

粟子症週身如粟子一般上面光滑中間起有些小紅小粒日久則轉紅泡身如
虫行蟻咬初起如蚊口大則成泡穿爛不治方用 白芷 充蔚 升麻 蛇

床子(各八分)

鷄蟥症形如蚊口癢不可當色若胭脂病在於內後轉桃花紅粒疊疊而成紅泡
暈大痕癢不能抵忍其暈破損手指無紋不治方用

黃柏 赤芍 生參 枝子 百部 沙參各一兩 加楓子肉五兩

鷄爪症形如瘋膜但瘋膜者三五日即消此症雖一年亦不消臟中受毒初起紅
影後轉大紅入至手經轉紫紅復轉黑色又轉金錢紅黑暈其金錢暈破爛者

不治方用

花粉二兩 牛七一兩 升麻五錢 薄荷三錢

眉聳症形如蕪子大滿身頭面如汗斑一般三焦受熱毒面上兩部乳旁二部初起在三焦後疊疊發起紅泡泡黑破爛不治方用

百部 甘草 牛旁子 首烏 黃栢 紅黃

荔枝瘋每年到夏天荔枝熟時即發其餘春秋冬天隱在肌肉四肢日久起蚊口後

轉紅泡又轉黑色不治方用 附子一兩 升麻五錢

入骨症週身全好誰知症在骨肉內常痛悶亂不生血肉不識其症者多也不知此症乃父染傳子之症方用 加馬前三個 醋糞去毛爲末搽之

酒滓症俗名酒渣病在肺受毒夜間作悶終難醫治此症亦有由風水所出先食

糝粳葉 枝子 服二三日可服丸

遊風症手疾指大頭如麻椽耳大唇厚日夜痛癢病在大腸所發若手足穿爛不

治方用 附子 升麻

皮癩症形如癩樣癩則痕癢癩瘋即不痛癢日久肉內見癩痺如虫行蟻走皮外

蕪痺難堪方用 附子 升麻

瘀血症頭面浮腫兩耳厚此心經受毒初起眉毛脫落面黑身上浮腫脚行無力

此筋已斷之症方用 附子一兩 升麻 白芷 白附子各一兩

癘瘋症肝經受毒皮厚乳頭腫大如好人面色一般至於皮膚兩脚紅腫人多不

識因不出面所以不知乃父染傳子之症不治方用 白芷 白芨 白朮 白欬

(各一兩) 防己五錢

▲製煉藥丸神功妙法(看症加減藥丸方列下)

大楓子肉十二兩要淨白肉者爲佳製好一料聽用

蒺藜 京芥 防風 牛七 天麻 川烏 威靈仙 浙附 獨活 川芎

草烏(各一兩) 苦參二兩五錢 蟬退 全虫各二兩 射香五錢 多

加楓子射香更妙

右藥十六味功效全在大楓子肉爲君然其藥性未必無毒用者須依後製法泡製方保無虞

▲製藥方(餘藥有載泡製者仍依醫家尋常方法)

大楓子肉十二兩爲度先取堅炭五六十斤貯放備用後取大爐一個大瓦鍋一個投楓子肉入鍋內注滿清水加金器或首飾或紋銀入鍋內然後起着炭火安瓦鍋有大爐炭火上煎至大半鍋水再添滿清水水滿必有黃油浮起輕輕吹去浮油倘吹不盡以火帚拖去或以燈草吸去亦可復煎大半鍋又添滿水再去浮油如是者數十次以三日兩長夜乃止去紋銀等不用於是取出楓子肉單研如膏而煮楓子之湯連楓肉和米粉練爲丸候用留取楓子湯謹調一升米粉足矣不宜湯多稀軟

凡製楓子肉三日兩夜之火切莫停息歇止當製之時務用親實小心謹慎者二

人日夜相替換顧藥掌火時時看鍋內水勢防其滾沸倘一湧起急以扇撥則湯縮下至緊勿被其湯滾出一有滾出恐洩損其楓肉原性則藥力減矣

全虫二兩先用陳細茶泡之三次後用清水洗淨放銅鍋炕乾取出祇用一兩不用去毛

蟬退二兩去頭翅足揀淨一兩白痰藜一兩(去刺)川烏以生薑汁和麵搓好成團研薄作片包裹川烏停當做好然後用老糠起火放其裹起之川烏在糠火內煨熟取出(收貯聽用)

草烏以清水注於鍋內入些豆付同草烏齊煮煎至一日半之內去豆付即將草烏曬乾或以鍋焙乾(收貯聽用)

浙附一兩以老薑半斤搗汁將浙附放在薑汁內浸之以軟爲度然後切爲細片隨斬取青竹筒三四個勿刮皮青留一頭有節將浙附分爲幾筒入起用番團搗塞緊密又以薑汁浸濕其竹筒置於炭火中燒乾又以薑汁浸濕又燒乾如是三次候竹筒黃枯取出浙附研細並將竹筒亦切細片研之然後將已成膏之楓子肉並諸藥一全研勻加射香五錢同楓子肉再搗爛遂合各藥及以前煎楓子湯米粉等項一齊攪勻爲丸如桐子大每晨午候及臥時即服三次或早晚服亦可初服每服二錢半漸加服至三錢以陳六安茶送下或安花茶亦可以陳茶爲佳茶陳則可以殺諸藥之毒也初服時心喉內往往欲吐過得三

四日自安切忌食鹽鹵之味或謂病癘瘋者有虫其虫得見鹽鹵之味則生而不死止食淡味爲妙即魚肉瓜果俱以味淡爲佳至於百味有毒之物亦忌勿食候病全愈待開禁戒之日方可進食諸物但色慾又要禁忌偷症未愈沾染色事則成頑症後雖服靈丹妙品亦安得使其全愈哉如有症求醫者必待戒忌犯禁之物一年勿犯女色鹽鹵味奔走勞碌風雨必得全愈之日矣凡服藥丸者前一日服洩毒湯一劑以洩其毒氣

▲洩毒湯

大黃 黃連 獨活 枳壳 滑石 防風 甘草 牽牛 赤芍 薑虫（火泡）金銀花 全虫 朴硝 川山甲各二錢 淨水煎服

以上諸藥或多或少量病人體之虛實加減以燈草爲引若時當盛暑天氣酷烈病者煩燥受熱或流鼻血須以洩火散下之每服丸一料須服洩火散十餘劑若非盛暑時病者無甚煩燥受熱不過微燥不安但服洩火散兩三劑可矣

▲洩火散

京子 元參 石斛 辛夷 地骨 薜皮各八分 黃芩一錢 連喬一錢 黃連三分 甘草七分

此方洩火消風雖多服數劑亦無大碍服藥一料病勢必減

▲薰洗湯

養世良方 瘋症

楓子肉 蛇床子肉 木鼈子肉 地骨皮 苦參 花椒各三兩 共爲細末
先用桑槐桃柳練葉不拘多少冬天則用枝條同蒼耳子半兩大蒜白一斤煮
水去渣入前藥末於盆中以所煮藥水泡開在盆將一小橈置於盆中又以窄
板橫置盆上承腳週圍用帛封固不使疏氣如患者體壯水將凍可預燒紅一
磚頭待水凍些即以紅磚投在藥水盆中以助熱氣如患者體弱不耐薰蒸則
止候薰水凍了即去紙封圍急令他上床安睡以棉被蓋住待其出汗即用淨
布抹乾忌傷風寒偷房有門罅牆罅預先用沙紙裱固勿令通風薰洗出汗後
再服藥丸要薰洗三四次服丸三四次當薰洗時體壯者即薰洗久些體弱者
薰洗快些可也

▲開鹽禁方

用老鴨一隻乘生吊死取其不破血故也割開留臍肝於腹中用陳皮大腹皮白
茯苓各五錢研粗末入鹽一兩拌勻掙入鴨肚將鴨頭灣轉塞入鴨之后門用
線縫定以黃泥包鴨用炭火煨燒枯焦然後去藥去腹不用後用烏枚牙皂各
五錢研幼末將鴨切碎同二藥蒸食每餐食鴨一塊鴨既食盡方可食鹽味照
平日所用病既全愈乃服藥酒

▲藥酒方

黃芩 杞子 防風 赤芍 柴胡 牛七 厚朴 熟地 生地 苦參 淮

山藥 川芎 木瓜 麥冬 京茶 連翹 天冬 知母 川山甲 歸尾

黃栢 川貝 五味子 半夏 胡麻 薏米 蘇皮 桑寄生各一兩

黃連五錢

右藥揀選正地道上好藥料各味包開先用酒潤濕約藥一兩浸酒一斤早晚任服

▲埋藥丸加減法

癰起加白毛烏肉鷄蒸熟晒乾研未及加天仙籐眼痛加 黃連 肉爛加 當

歸 九部眼吊加 白菊 手腫加 天麻 耳爛加 龍骨 脚吊加 防風

面黑加 桑白 麻痺加 皂仁 肉死加 番烏 聲啞加 黑丑 手曲

加芥京 便結加 朴硝

以上隨症加減之藥或用一兩或用八錢可矣

▲鍊藥吉日

凡製藥須用四季甲子日如不遇其日須選合藥上吉日及與患者生年不冲犯得六合吉日用藥方湊靈妙製藥地方又要得一潔淨密室禁忌污穢勿被婦人六畜見之為妙

以前所製藥方曾醫愈香山縣陳師爺後又醫愈數十人如患者果肯謹慎禁戒雖至重之症未有不全愈者也

壽世良方 瘋症

▲先散發表方

麻黃一錢五分 柴胡一錢五分 蒼朮一錢 枳壳二錢 白芷三錢

甘草二錢 桑白五錢 陳皮一錢 黃芩三錢 薑活二錢

防風二錢 製半夏二錢 獨活二錢 川芎三錢 薄荷八分

七釐三錢 升麻七分 京芥二錢 連喬三錢 蘇皮四錢

苦參三錢 赤芍三錢 當歸三錢

用水五大碗煎至一碗加葱五條勻食又食白粥一碗寒天蓋被出汗熱天不用被蓋其藥渣加浮萍再煎薰洗

▲看瘋症加減方

凡脚腫者用此方可消

泡蒼朮二錢 熟川草烏二錢 薑活一錢 酒炒黃栢一錢五分 炒薏米二錢

錢 木瓜二錢 牛七二錢 酒炒升麻八分

淨酒煎服或熬豬脚食亦可

脚底下起紅腫起風濕熱加

槐花 兒茶 五味子 紅花 桃仁 熟地

面上赤色脚腫如桃花樣加

兒茶 槐花 金銀花 百味各三錢

脚痛者加 牛七 木瓜 薏米 五加皮

兩手麻痺及脚吊面有成片紅色加 苦參 卑麻子 元參 連喬

鼻塞脚腫流血加 皂角 槐花 石膏 半夏

全體起紅色金錢印加 甘草 蒼朮 連喬 紅花 麻黃 生地 赤茯苓

収紅粒入肉加 卑麻子 羚羊 犀角

手足起壳黑色加 全蝎虫 苦麥 蛇皮 楓子

身爛者加 苦參 川芎 川連 生軍 朴硝

面上成片紅色脚吊麻痺加 苦參 元參 連喬 卑麻子

腎經受毒流水不乾加 細辛 苦參 珍珠

遍身俱癢痛不仁加 當歸 牛七 防己 黑丑 枝子 杞子 防風

遍身筋痛肚皮起痛加 金銀花 甘草 苦參 蒼朮 木瓜 桔梗 麻黃

羊蹄草

遍身如蛇皮加 蒼朮 野蘭煎服又用 甘草 防己 京茶 京子 蛇床

子 白附子 搽洗

遍身紅泡紅粒加 紅背浮萍 麻子 洗服兼用

遍身紫黑手足俱爛其毒在血內加 輕粉 枯礬 苦參 爲末搽後加 七

釐 血珀 五加皮 五虎丹 皮烟 開搽

▲治痲瘋奇驗方

大黃 檳榔 白丑 楓子肉各五錢 甘草三錢 薑蠶三錢 防風 荆芥
川椒 雄黃 龍腦 紅粉霜 遼細辛 蔓荊子 薑活 桔梗 薄荷
五靈脂 大當歸 白芷各一兩

右藥二十味共研幼末早午晚每服三錢用生薑四兩搗汁和白蜜一兩調服
晚上十二時前後週身手足如針刺一般疼痛牙縫皆痛此乃藥力運行經絡
之故服藥一料小便如赤豈汁大便或白或黑或紅或五色而出者即病根除
矣如未盡效再服一兩料一月二月以後眉毛復生真稀有之神方也

忌油鹽猪肉發品酒色一年愈後宜力行善事以答天庥

按紅粉霜係用硃砂四錢石膏二兩檳榔根皮洗去粗皮泥垢止用淨白皮四兩
紫草三兩真地道活絡丸十粒去蠟皮此丸要真品藥料五味共爲末入瓦罐文
武火熬一柱香後取出細研去粗渣用水澄清傾去浮面濁垢再定再澄如此三
次取出藥粉晒乾即可用也

▲入脉訣部位

血脉始行起於肺(寅) 大腸(卯) 胃(辰) 脾(巳) 心(午) 小腸(未) 膀胱
(申) 腎(酉) 經絡(戌) 三焦(亥) 膽(子) 肝(丑)
聲氣生於肺 血生於肝 神生於腎 志生於心 色生於膽 氣管血 血

養筋壯 筋酷力生

▲十二經

五臟心肝 肺脾 腎包絡 小腸 膽胃 大腸 膀胱 三焦 命門



●小兒科

小兒一科最難醫治藥力所至生死攸關故誠求保赤者對於小兒一科首先注意研究果能著手見效無不立起沈疴否則百不一治甚矣學醫者之不可不慎也吾鄉擬福公有秘傳小兒科一書挾以問世數十年來呱呱嬰孺得以起死回生者指難屈數誠福幼之青囊居家之寶筏也公今往矣所遺醫書巾箱累軸無不寶若家珍而至爲秘要者惟以小兒科全篇視爲希世之寶泰之獲是也編不忍藏諸篋笥湮歿無存並將壽世良方詳加校正重印付梓後公之同人深望同志仁人君子置諸案頭以便採用或廣而傳送利濟羣生非但造福弱穉而陰功密行亦必獲報於無窮焉

民國十三年仲夏之月

世泰謹識

▲小兒神色總斷

凡小兒病宜先觀形症神色然後察脉假如肝之爲病則面青心之爲病則面赤脾之爲病則面黃肺之爲病則面白腎之爲病則面黑先要分別五臟形症次看稟受盈虧胎氣虛實明其標本而治之無有不效者

▲入門審候歌

觀形察色辨因由 陰弱陽強髮硬柔 若是傷寒雙足冷 要知有熱肚皮求

壽世良方

小兒科

壽世良方 小科兒

鼻冷便知是瘡疹 耳冷應知風熱症 渾身皆熱是傷寒 上熱下冷傷食病


五指稍頭冷 驚來不可當 若逢中指熱 必定是傷寒

中指獨自冷 痲痘症相傳 女右男分左 分明仔細看

▲觀面部五色


面赤為風熱 面青驚可詳 脈證辨溫涼
 脾怯黃疔積 虛寒飢白光 若逢生黑氣 腎敗命須亡

▲面部觀形察色圖



腎 頰

下頰屬腎水北
 左腮屬肝木東
 額上屬心火南
 鼻準屬脾土中
 右腮屬肺金西



面部紋如雙鉤是傷寒如
環是傷食三曲長虫傷食
硬物或如亂虫傷食毒物
細看脈紋過目青色無事
黑色難治紋入口角青色
無事黑色不治

小兒三歲以下有病須看男左手女右手虎口三關從第二指側看第一節名風
關第二節名氣關第三節名命關辨其紋色紫者屬熱紅者屬寒青者驚風白者
疳病黑者中惡黃者脾之困也若現於風關為輕氣關為重遍於命關則難治矣

▲三關脈紋主病歌

紫黑紅傷寒
青色大小曲

青驚白是疳
人驚併四足

黑色因中惡
赤色大小曲

黃色困脾端
水火飛禽撲

壽世良方 小兒科

紫色大小曲 傷米麵魚肉

黑色大小曲

脾風微作搖

四

▲手指脈紋八段錦

Y魚刺形主驚風痰熱

|||水字形主驚疳食積咳嗽

⊗蟲形主肝蟲大腸穢積

///亂紋主蟲


|懸針形主傷風泄瀉積熱

乙乙字主肝病驚風

⊗環形主疳積吐逆

⊗珠形主死

▲虎口三關脈紋圖



風關 第一節寅位

氣關 第二節卯位

命關 第三節辰位

虎口 叉手處是也

凡小兒至三歲以上乃用一指按寸關尺三部常以六七至為率添則為寒浮洪風盛數則多驚沈遲為虛沈實為積

▲小兒脉法總歌

小兒有病須憑脉 一指三關定息數 遲冷數熱古今傳 浮風沈積當先識

左手人迎主外證 右手氣口主內疾 外候風寒暑濕侵 內候乳食痰積致

洪緊無汗是傷寒 浮緩傷風有汗液 浮洪多是風熱盛 沈細元因乳食積

沈緊腹中痛不休 弦緊喉間作氣急 緊促之時疹痘生 緊數之際驚風至

虛軟慢驚作癩癰 緊實風癩發搐搦 軟而細者為疳蟲 牢而實者因便閉

脉乳大小便中血 虛濡有氣兼驚悸 滑主露濕冷所傷 弦急客忤君須記

大小不勻為惡候 二至為免三至卒 五至為虛四至損 六至平和曰無疾

七至八至病尤輕 九至十至病熱極 十一二至死無疑 此訣萬中無一失

▲小兒死候歌

眼生赤脉貫瞳人 顙門腫起又作坑 指甲黑色鼻乾燥 鴉聲忽作肚青筋

虛舌出口咬牙齒 目多直視不轉睛 魚口氣急啼不得 虺蟲既出死形真

手足擲搖驚過節 靈丹十救無一生

▲又歌

魚目定睛夜死 面青唇黑晝亡 啼而不哭是痛 哭而啼啼是驚

壽世良方

小兒科

噤煎不安是煩 噤啞不定是燥

驟觀氣色豈能盡悉病情 故必法心鑑安眉端辨脈紋以治病

寇衡幼科心鑑用三指按小兒額前兩眉心之間食指在上中指居中無名指在下三指俱熱主傷風及鼻塞氣粗發熱咳嗽 三指俱冷主外感風寒內傷飲食發熱吐瀉食中二指熱主上熱下冷名中二指熱主夾驚之候食指熱主胸中氣滿無名指熱主乳食不消又看手指脈紋青主鳥驚脈又青又赤主水驚又黑主入驚紋如流珠者主膈熱如環珠者氣不和長珠者傷積滯雙鈎者傷風如還有蚯蚓者傷冷如長虫者傷硬物如曲虫形者積聚如來蛇之狀者中腕不和如去蛇形者脾胃虛冷如弓反內者感冒傷熱如弓反外者痰結如鎗形者邪熱生風如水形者燥煩如乙字形者慢驚如針形者痰盛搐搦凡三關通度透過皆難治之症然亦不可不盡人力挽回大凡小兒受病驚風居多也

效錢氏察五色看三關以爲標準 錢仲陽醫小兒先察面中五色面赤爲心病青爲肝病白爲肺病黃爲脾病黑爲腎病青主驚風將發赤主熱痰驚悸黃主食積疳癖白爲泄瀉嘔吐黑爲臟腑將絕又看手指三節爲三關第一節寅位爲風關第二節卯位爲氣關第三節辰位爲命關寅位見易治卯位見病深辰位見者死三關通度爲極驚難治之症也

外感六淫風寒火邪易犯 六淫者風寒暑濕燥火是也小兒之病不外風寒火

三般不同大人受病之多也此言兒病甚少

內因諸症心肝脾臟居多 內因者喜怒哀憂思悲恐驚是也小兒未受七情六慾之攻八珍五味之淩惟心肝脾三經多病此言兒症易治

一歲之兒全觀氣色 一歲之兒不能診脈須觀氣色以分五臟病症所謂察外而知內也

三歲之後脈症略兼 三歲以後始能診脈然惟以一指安掌後高骨統其三部一息六七至爲平和八九至爲熱四五至爲內寒也

氣弱有厚薄之殊眼目有神昏之異 稟賦弱用藥宜補不宜攻稟賦強用藥宜攻兼宜補病雖重而眼有神者生病雖輕而神昏者可慮

陰囊若荔枝壳無病之兒 腎爲人根外腎堅實如荔枝壳則根本固而無疾病也

面肉類虛羸必是失乳之子 小兒瘦弱必是乳不足給疾病易生矣

未病之先當調乳母 母病無乳則兒必病故乳母飲食起居時時謹慎以防病於未燃凡爲兒父者不可常在家中與兒同睡世有痴愚之子不出戶庭任情縱慾使小兒常病者皆由父母之過蓋食物無一不入乳中况情慾所係乎故凡生菓寒涼乳母宜戒焉

擊旣之後方察嬰兒 旣病則審虛實辨寒熱用藥調理而乳母猶要謹慎身體

也

一歲之兒因乳滯而致驚寒者甚多 小兒週歲不可令生面人抱之又不可見非常之物否則易致驚悸乳母哺兒不可過飽飽則乳溢出而成嘔吐夏月要去宿乳冬月要去寒乳或交合後乳母熟睡兒啼母驚不可立刻乳兒須要摩揉其乳數次俟乳煖方可哺兒否則令兒瀉青甚則有危驚之病也

三歲之間多嗜食而成疳病者不少 兒生三歲胃口開嗜飲食日積月累漸成疳病泄瀉腸滑肌肉不生腹大身瘦虫積疼痛百病生焉

過食傷脾乳母宜存戒敬之心 戒敬者飲食宜慎也飲食過多疳癍漸生以少食爲安故乳母宜戒敬焉

多衣生熱保護要明過慎之失 父母愛兒往往多着衣服提抱多衣暑熱則汗多汗多則表虛而風邪易入不如少衣使腠理密而無病也

致病之原必有其因調理之精必有其法 致病之有因豈可無調理之法乎蓋貧婦養兒總無他疾由於數見風日血凝氣剛肌肉硬密堪耐風寒富家養兒每至過煖過煖則生熱熱極則生風提抱生瘡餵飼生癍皆不明養兒之法初觀兒病觀其氣色先分部位要知左頰屬木爲肝右頰屬金爲肺天庭爲心火之位承漿乃腎水之區脾主中央鼻爲通氣故曰氣足者無病之兒也頰兩顙下也天庭額中也承漿唇下也此言看小兒氣色就面上分別部位知此而後臆腑明瞭或

寒或熱用藥不差矣

陽明布乎面中太陽形於額上心肺居於胸膈之內肝胆主脇肋之傍手足兼乎脾胃腰背統乎膀胱此言看小兒自頭至身以及手足各有所屬臟腑分布各有定位如此而後病症了然用藥引經直達本臟也

次觀小兒病要知五色而配五行 肝青腎黑木水之色主驚寒肺白心紅金火之色爲虛熱土色黃現瘡食居多青虛淡白元氣不足紅黑兼形腎水虧者五色青黃赤白黑也五行金木水火土也肝屬木其色青腎屬水其色黑肺屬金其色白心屬火其色赤脾屬土其色黃以此而觀兒病則虛實寒熱易見臟腑易知也

再觀兒病五臟晰明 詳而觀之五臟要部分晰明白也

舌爲心之苗黃滑者順乾黑者熱 心熱則舌乾黑心順則黃滑無病 目爲肝緩赤腫熱而有神者生 肝開竅於目而身之華蓋現焉故目有神則病雖重可生神昏則死紅赤是本臟之熱者也

胃屬兩頤風熱內攻則紅赤 兩腮動脈處爲頤若紅赤則受風熱 腎司兩耳腎元氣憊則黑枯 腎開竅於耳下元虛憊則水不能上升其形則黑枯矣

脾土在鼻肺通於鼻兩傍青而驚風起 鼻屬脾土兩傍青則水瀉陰寒而成慢

脾風矣

左屬庚金右屬辛金兩扇鼓而痰喘生 肺氣通於鼻兩氣扇鼓驚風痰喘名曰馬脾風不急治則難救也

遠耳經絡足少陽暴聾紅腫其過在膽 耳雖屬腎而經絡足少陽膽經故暴聾

紅腫在膽不在腎

牙床經絡二陽明齒乾燥熱病歸於腎 牙肉雖屬腎而齒乾燥熱則又是腎水

不足上床足陽明下床手陽明

三法既詳然後觀外則知其內如紅色現於此位即知此臟之熱蒸青色現於此

位即知彼臟之虛寒

若夫一而再二而三觀其神色復觀其形狀然後用藥庶幾不差矣誰謂小兒之

病可不謹慎乎

面紅身熱咳嗽斷是麻疹將出 凡小兒面紅身熱咳嗽耳聾嘔吐手足俱冷即

是麻疹將出以升麻葛根湯主之若痘疹已出則忌用矣

面青泄瀉手足厥冷慢驚風最危之候最重之症宜溫中補脾湯主之

痢症身熱必然閉口不食 氣喘痰聲作响睡臥不寧牛黃散主之

喉內痰鳴知延綿而難愈 痰在喉中吞之不下吐之不出亦用牛黃散瀉去上

隔熱痰

眉毛頻蹙必腹痛而多啼 時時啼哭父母不知兒病何在若見眉毛頻蹙腹痛無疑矣

虫自下出胃多薄弱虫自上出胃冷病危 小兒胃弱或食生冷之物滿腹皆虫有自下瀉出者若胃冷已極虫從口出或從鼻出亦爲逆症虫若貫心則殺人矣理中湯加烏梅主之

喜眠冷地知心煩而有內熱 小兒喜睡涼處或就冷地此疳病內熱心煩也伸縮就煖夾風寒而有表邪 小兒身感風寒時時畏冷欲就煖處則知風邪在表不在裏矣

脾弱成疳則肚大而腳細 食積傷脾下元瀉弱肚大腳細而疳症成矣

頸小頭大又爲哺露丁奚 哺露丁奚皆疳症之至危者註解在下

心經熱而靈舌吐出 舌者心之苗心熱而吐舌欲得風涼之意

脾土弱而咳嗽疳癆 疳病見咳嗽又名疳癆如大人之久病內傷也此乃脾土

太弱之候法宜大補脾胃

變蒸身熱微現不藥而自愈 小兒滿月之後間有身熱吐乳唇有白泡爲變蒸之病五蒸十變一身筋骨乃全不必服藥或有兼風邪者萬應丸主之

夜啼心驚燥鬼而藥符可寧 夜啼心經受熱有人驚有鳥獸驚有邪鬼驚用藥用符皆可止也或用蟬退七個去頭足燈心七條煎水服甚效

▲黎①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺

咒曰撥天火萬丈撥地火萬丈前來捉神將捉着夜啼鬼打殺莫要放急急如律
令用硃砂書符貼在床屏上書符時勿令四眼人物相見

肚痛切切有時止者熱症 小兒腹痛時有歇止者為熱痛若虫痛亦間有歇止

蓋虫之為物飢則動飽則安時作時止飢時侵蝕臟腑故痛時口中吐沫

腹痛綿綿無增減者冷症 時時腹痛而無增減手足厥冷中寒腹痛急投煖氣
之藥

口頻撮者乃驚風之虛寒 驚風撮口脾胃虛寒也

唇常紅者為脾臟之火燥 唇是脾之葉唇紅則內熱青白則內寒

龜胸者肝火乘於肺部 龜胸者胸高而突起肺經受熱擁滯而成也

龜背者腎風入於骨髓

龜背者風熱容於脊背間入於骨髓因而背突矣爛頭瘡疥皆是胎毒綿延爛

頭瘡疥濕癩日久不乾外宜殺虫內宜解毒隨時酌量用藥

肚大青筋總因飲食沾滯 飲食太過脾胃乃傷肚大青筋食積沾滯而成疳積

喜視燈火者煩熱在心 夜睡不寧喜視燈火心經熱也或多穿衣服兒背身熱

亦有之

愛吃泥土者脾熱積弊 吃泥者疳病脾經受熱好食泥土用海底泥和葯食之

則止

風自驚生 小兒皮薄風邪易入其病多因驚風而起也

癩由痰致 痰涎湧塞而癩起搐從內生風自外入內熱交攻故成痰癩也

急驚風者外感風邪理宜發散 急驚驟感風邪風邪相攻痰涎湧搖急用發散

之劑以去風痰庸醫不知病症用火灸之飲以菜油薑湯以致小兒燥渴甚則

飲熱薑湯之後又起悶亂而渴更甚此名急驚實症與慢驚虛症不同宜敗毒

散治之加烏梅壹個

慢驚風得於吐瀉之後溫補爲先 吐瀉日久虛極生寒用藥溫補煖其脾胃此

醫之最良也

兒病旣明逆症要識 病症明然後能下藥逆症識然後知不敢下藥學者慎之

頭搖目攙而氣喘兮良醫束手 以下言不治之病也 口噤鼻張而氣冷兮神

丹何濟 氣喘頭搖兩目上視者肝肺絕也 口噤氣冷者神已出也

閉目不知兮無魂 閉目者肝絕也

狂叫漫亂兮燥迷 狂叫者心絕也

痛矣哉小兒不識不知胡爲乎其病之多也

不能吞吐者死反加悶亂者危 不能吞吐而或加悶亂者皆胃絕也

鴉聲魚口枉費神恩 鴉聲肺絕魚口脾絕

肉拆皮乾空勞氣力 病久肌肉脫者難治

青遮口角扁鵲難醫黑掩太陽盧醫莫治 扁鵲盧醫古之名醫也 口角青遮

乃是脾風極盛太陽黑掩陰寒見於目內皆難治也

目瞳口張病已深而必斃眼青藍色兒雖靜而難全 目不轉睛口不能動眼無

血色風寒深入皆不治之症也

十指頭俱冷知驚來有不可當之勢 爪者肝之餘手足指尖冷危症已形隔日

難治

牙根黑腐兮知疳症有如走馬之危 走馬牙疳熱毒上攻牙肉黑腐牙脫面腫

腮穿者難治

聲啞者雖能食而必死

腎脈巡喉夾舌聲不出者腎絕

目直視者病似愈而亦亡

直視者眼不轉睛病似將愈而不知不可救葯切勿輕言易治若逢不得不醫

之勢更有不能不治之情則先說明莫治理由然後竭我解救之術庶僥倖於

萬死一生免歸咎於醫家之寡效

蓋臟腑脈絕葯所不施誠求保赤葯亦能效 兒有逆症亦有吉症知而醫之則

迎刃而解矣

嘻笑動作如常者病未愈而有必痊之勢 小兒有病則啼無病則笑故嘻笑動作如常病愈之象也

神安夜臥得寐者症雖險而有保全之憑 小兒急驚風易愈惟慢驚風日啼夜哭不能安寢但將愈時或一日或二日熟寐不醒父母疑其昏迷難保不知驚風將愈時有此吉候不可不知

病雖未退胃氣開喜食胃復而喜占勿藥 胃爲五臟之本脾爲五臟之源胃氣弱則百病漸生胃氣強則萬病自息今胃開喜食無用服藥矣

二便調和言語清爽神氣復而病已回春 小兒二便調和言語清爽無身熱吐瀉之患不聞啼哭之聲吉症自見

至若小兒初生啼哭不乳定生馬牙牙挑而治之便能食乳 小兒初生七日內忽然啼哭不乳用葯炮爆無效束手無策細看小兒牙根上若有白泡子如粟米狀俗名馬牙急用指甲輕輕挑破即開口食乳此不葯而效者也至緊用棉花拭淨口內之血勿被吞入腹內

若過七朝噤口臍風則以割牙根法救治

小兒至七朝前後多有噤口撮口臍風之患其症初起忽然啼哭不乳最爲危症十難救一然治之亦有法宜將手指探入兒口中摸其牙根上必有兩條青筋急用利刀包好露刃半分輕輕將筋割斷出血以棉花纏手指拭盡惡血勿

令吞下即用定命散或硃砂散點之有效甚則連刺三朝必愈

此方法準繩書備載甚詳特傳之以救世為父母者不可不知也

定命散硃砂散能開關吮乳之妙 初生小兒三日後最防三種病一撮口二噤

口三臍風此皆危症最難醫治若有此症先看兒牙根及上腭有點子先以指

甲輕輕刮破次服定命散硃砂散如口噤不開用生南星去皮研細末入冰片

少許和薑汁調擦大牙根上立開凡臍風撮口噤口三者其名雖異而受病則

一也

定命散治小兒噤口不乳 蟬退七個去頭足 全蝎三個去頭足 研細末入輕

粉或一厘或二厘和研用乳汁調拭之

硃砂散治小兒噤口撮口硃砂飛過五分 全蝎二個去頭足炙黃色 硼砂 龍腦

射香各二分半 共研細末用乳母唾津調塗兒口裏及牙根上 或用豬乳調

入口中亦可

抱龍保肝為月內諸病之防 抱龍丸治小兒外感風寒發熱一月之內內傷胎

氣熱毒在中初生口中有泡不能吮乳臍風撮口噤口胎黃胎寒

驚風喘咳日夜啼哭不止吮乳艱難痰涎上湧急驚風天吊驚癇心腹疼痛霍

亂吐乳夜熱瀉痢等症並皆治之

射香一錢 琥珀 全蝎去毒 茯神 桔梗 棗仁 蟬退

麥冬去心 薄荷

白朮 竹黃

防風

硃砂飛過

荆芥

遠智 雄黃

人參正土木乃可用

蒙石

僵蚕

獨活

杏仁以上各三錢

白附子二錢

胆星二錢

天麻二錢

細辛二錢

菖蒲二錢 枯凡一錢半

甘草一錢半

勾藤四錢

右爲細末練蜜爲丸每丸重一錢金薄爲衣用薑湯下

胎熱胎黃胎赤以地黃湯而清胎氣 地黃湯治小兒胎黃胎赤胎熱等症

生地黃 赤芍

川芎

括蕞根各一錢

水煎滾用磁杯收貯時時用

少許葯水抹入兒口中自愈

胎怯胎寒胎癩用天麻散以去風痰 天麻散 治小兒胎驚胎寒胎癩等症

全蝎去毒二枚

天麻一錢

丁香

南星

木香

青皮

白附子各七分

共研細末薑湯調少許搽乳頭上小兒吮之 或搽兒口中亦可

沉香餅醫小兒驚風兼止吐瀉 沉香餅治小兒急驚風吐乳洩瀉臍風天吊驚

癩痰喘食少咳嗽小兒週歲常用之方

砂仁

香附各三錢

沉香一錢半

丁香

青皮

木香

陳皮

薄荷

明礬

天麻各二錢

鬱金

百葯煎各二錢半

核桃二個

蓮肉十粒

麝香二分

共研細末大棗肉十枚共搗爲餅薑米湯送下

萬應丸治小兒百病以及變蒸

壽世良方

小兒科

萬應丸 治小兒一歲之中或月內諸症臍風天吊驚癇驚搐外感風邪頭痛發熱痰湧咳嗽疹子麻子痘瘡身熱泄瀉痢疾吐乳嘔逆並皆治之即大人亦可用

人參三分 白朮四分半 茯苓六分半 甘草六分半 當歸六分 川芎三分七厘
白芍九分 熟地三分六厘 半夏六分 柴胡六分 黃芩三分六厘 黃蓮三分七厘
地骨皮三分半 知母六分 桔梗七分 陳皮三分半 防風六分 薄荷六分
麻黃八分 枳殼五分 薑活九分 獨活四分 稿本六分 石羔三分半
北細辛九分 天麻六分 玉桂三分半 木香六分 僵蚕三分 全蝎十個去頭足
小茴六分 兔絲子四分 甘菊三分 杜仲六分 蔓京子三分半 硃砂五分
生地三分半 共三十七味研細末煉蜜爲丸重一錢正咳嗽有痰薄荷湯下
寒用薑湯下 水瀉薑米湯下 瀉黃色滾水下 白瀉腹痛薑艾湯下 痢
疹後作嘔食後翻胃淡薑湯下 百病俱用薑湯下

溫中補脾湯乃慢驚風之聖藥

溫中補脾湯專治慢驚風之症其病即古陰是也或吐或瀉或大病之後虛極生寒目慢神昏或身微熱而手足冷眼上視或斜轉兩手握拳而搖口鼻氣冷脈沉遲緩此眞陽衰耗而陰氣獨盛木尅脾土瘕滯漸生名曰慢驚風奈時醫用藥專以去風鎮驚爲主用硃砂牛黃防風薑活等藥投之殺人如反掌也惟

張季明深得其旨嘗曰慢驚風之症無風可逐無驚可醫惟有溫中補脾而已故用四君子湯及黃芪以補元氣用二陳湯以化痰乾薑玉桂以煖脾胃芫薹砂仁止嘔而溫中附子回陽逐寒余每歲治小兒慢驚風者數百人而投葯一二劑無不立愈特傳於世與天下小兒同登壽域也

人參五分 白朮一錢二分 茯苓一錢 黃芪一錢二分 陳皮八分 乾薑一錢
半夏八分 玉桂一錢一分 白芫薹八分 砂仁八分 附子一錢病重者多加六分先煎
炙草一分 薑三片 水一碗半煎至八分服之甚效

加味敗毒散 爲急驚風之良方

加味敗毒散 治急驚風者也其症屬陽牙關緊閉身熱目攢視痰涎湧盛角弓反張搐搦口噤顛動頰赤唇紅脈浮洪數燥渴嘔瀉自執薑湯而食不知辛辣者燥渴之極也法當滋養肝血祛風化痰用加味敗毒散主之方用

柴胡六分 前胡六分 薑活六分 茯苓五分 枳殼五分 獨活六分

桔梗五分 天麻六分 全蝎二個去毒 川芎五分 甘草二分 白附子五分

加生薑一片用水一碗煎至半碗入鹽二錢和勻服後即吐出痰涎并宿食等物然後可服敗毒散如小兒虛弱則加人參三分以扶元氣

牛黃散驚風痰屬陽者效速

牛黃散 治驚風痰喘其症肺張喘咳惡勢喘滿胸高氣急兩脇擅動兩鼻鼓

扇不思飲食潮熱悶亂咳嗽聲嘶痰鳴喉响痰涎湧塞燥渴不寧俗名馬脾風若不急治危在旦夕方用

黑牽牛 白牽牛 人參 檳榔 大黃各一分研細末 三歲每服一分半一

歲至兩歲者服一分用滾湯送下兒小者加蜜糖一匙和成膏拭兒口中服一二次便可切勿多服若寒邪人內二香散主之

二香散驚風痰喘屬虛者最良

二香散能治小兒咳嗽痰喘日夜不寧痰响喉中不能睡出或將出而復吞下手足冷而喘息不安或身微熱而足冷或病後體虛寒痰上湧或喘咳吐瀉兼作或心腹疼痛或痰在喉中唧唧有聲此皆痰在上膈而小兒氣弱吐之不出二香散用青皮陳皮爲君以順氣化痰木香而去寒氣柯子而歛肺氣丁香而溫脾胃脾煖則不吐沉香爲使沉香加錢如石之墜也

青皮一錢 陳皮一錢 木香六分 柯子五分 丁香十粒 沉香七分 甘草四分

有汗加黃芩八分研末量兒大小以滾湯開服二三分或用藥煎湯亦可

九寶湯 爲風寒喘咳之妙藥

九寶湯治風寒喘咳夜不能睡服之即痊

薄荷五分 紫蘇五分 麻黃五分 桂枝三分 桑白皮五分 杏仁五分
陳皮五分 甘草二分 大腹皮五分 薑三片 烏梅一枚 淨水煎服

花粉散 爲熱咳痰血之神方

花粉散 治小兒熱咳血膿痰痰中帶血或咳傷之後全是血出潮熱身熱日

久則成疔與地黃丸相兼服之更妙真天花粉一味每朝午服一錢 滾湯送

下

補嬰丸 治食積傷皮而惡食

補嬰丸 健脾胃消食積殺疳虫長肌肉進飲食方用

人參五錢 白朮五錢 陳皮五錢 青皮三錢 砂仁三錢半 木香二錢半

山藥五錢 建蓮三錢 神麩三錢炒 山渣三錢 炙草三錢 使君肉三錢

白茯苓四錢 共研細末用生薄荷葉包糯米煮熟搥爛用布袋裝住和滾水

隔出飲汁煮糊爲丸如麻子大每服二十五丸至五十丸爲止粥水送下或小

兒不能吞丸作散服亦可

肥兒丸 治疳積好食而肥

肥兒丸 消疳積化疳癖化疳熱伐肝補脾進飲食殺疳虫潤肌膚養元氣長

肌肉方用

人參二錢 山渣三錢 青皮二錢 檳榔二錢 麥芽二錢炒 武夷茶二錢

神麩三錢炒 蘆薈三錢用瓦罐裝住外用泥封火煨透 使君子肉二錢去皮壳 共研細

末糊爲丸米湯送下 此方富貴之家可以常用

壽世良方 小兒科

小兒五疳症雖不一總可醫治

五疳者心肝脾肺腎五臟疳也其症稟賦虛弱乳食不調飲食不節肚大青筋面黃肌瘦小便如白米汁骨瘦如柴潮熱發熱肝疳則白膜遮睛頸中結核心疳則面黃頰赤身熱潮熱脾疳則面黃腹大好食坭砂肺疳則上氣喘急口鼻生瘡腎疳則兩耳生瘡牙肉臭腐此五疳之辨症也然必內有虫積故此病症雖多端難以盡述要之用藥亦不外潤肌肉養元氣進飲食治虫補脾伐肝消積消熱而已四五歲以上為疳症十六歲以下為癆症投以此方無不效驗韓士雅得此丸興家以其所治者廣也

白朮一兩蜜水炒 百部二錢半 金嬰肉五錢 茯苓三錢 陳皮三錢 木香一錢

山渣五錢 青皮二錢麵炒 麥冬一兩去心 蓮肉五錢炒 甘草一錢半

麥芽五錢 茨實二錢半 射香三分 使君子肉五錢炒 地骨皮五錢

若氣弱加人參一錢 肚瀉加肉豈寇二錢去油 共研細末煉蜜為丸每早晚服

一錢白粥水送下忌食煎炒諸物

小兒洩瀉雖為常病服益黃散便是奇方

益黃散治小兒飲食不節脾胃虛弱肚腹脹滿腸鳴洩瀉悉用此方 青皮一兩

陳皮一兩 柯子五錢煨 丁香三錢 木香三錢半 肉豈寇二錢煨 共研細

末每服七分炒米飲送下

香蓮丸 治疳瀉疳痢

小兒脾胃虛弱疳瀉疳痢延纏不愈雖病至數月服之亦能全愈

黃連酒蜜蓋土製一兩 使君子肉七錢炒 白芍五 木香二錢半 共研細末米湯
爲丸五六歲服五分 八九歲服八分 每日服三次虛弱者服一分
貼臍膏止瀉以固腸

小兒三歲之內常多肚瀉之病湯散丸葯不肯服食致有咬鐘拆齒而藥不能
入口者用此膏貼之神妙之至方用五椏子四兩研末老醋一盅和勻糞成膏
用布開貼先用丁香 木香 華撥 雄黃 肉荳蔻各一分共研細末入射
香少許和勻挑五六分按在臍上後用五椏膏蓋之木香荳蔻二味本能止瀉
五椏子老醋又能固腸是效驗

一味蟾蜍湯能治丁奚哺露危症

手足細小頸長骨露兩臂無肉肚脹臍突名曰丁奚每食而加嘔噦頭骨分開
渴消引飲虫從口出名曰哺露此皆疳症日久者惟蟾蜍一味能退熱止瀉以
蟾蜍能挑動百虫又能補陰中之不足凡小兒形瘦病危而不能食藥者用蟾
蜍數隻煮水食之蟾蜍味甘甜要取黃色者佳頭爪皮臟皆有毒俱宜去之惟
取淨肉二隻去骨每早晨用水半碗黃酒一小杯煮食數次自愈真神方也

六般芍葯飲善醫虫積腹痛沉疴

壽世良方 小兒科

小兒腹痛日久諸藥不效形瘦骨立用芍藥飲治之芍藥甘草和而止痛紫蘇使君子肉苦練皮(即森木樹根)而殺虫黃糖爲引初服壹劑虫出百餘條再服出虫三十餘條連服數劑虫止腹亦不痛此症因小兒飲乳不足食葷味太早之故方用

白朮一錢 白芍三錢 甘草一錢 紫蘇二錢 大棗二枚 苦練皮三錢
使君子肉七個 黃糖一錢 生薑三片 水煎服立愈白朮藥味太苦不用亦可

六和湯和心脾而止瀉身熱

小兒夏秋多有肚瀉之病五香燥熱投之瀉少而熱甚熱退而瀉多惟六和湯

可治方用

半夏三分 砂仁三分 杏仁三分 人參三分 甘草二分 扁豆五分

木瓜五分 赤茯苓八分 厚朴八分 香薷八分 藿香葉五分 薑三片

棗二枚水煎服夏秋之月小兒吐瀉身熱痢症俱效

稀痘湯解內毒而預防痘疹

小兒未曾出痘如鄰兒有出痘者急服此方痘出自稀如身發熱時速服爲妙

烏荳二十粒 紅荳五十粒 升麻五分 京芥三分 防風三分 生地五分 獨活三分
甘草三分 當歸三分 赤芍三分 連翹五分 黃蓮二分 桔梗三分 黃芩二分

紅花二分 乾葛二分 山渣六分 地骨皮三分 牛旁子三分 蟬退三個去頭足 如冬
天加麻黃三分 暑天加香薷三分 臨服入硃砂三分
尋常外感風寒不外芎蘇飲

此方治感冒風寒頭痛身熱鼻塞聲重咳嗽有痰以及變蒸諸症

紫蘇一錢 川芎八分 柴胡八分 前胡五分 桔梗五分 茯苓八分
陳皮八分 白芷五分 半夏五分 枳殼五分 甘草一分 薑二片連鬚
葱頭二個煎服

若兼癩疹加味葛根湯

癩疹症先見咳嗽耳聾足冷發熱鼻流清涕吐瀉作渴寒熱往來如瘧疾甚則
譫語亦有一個月身熱而發不出者內蘊熱毒耳聾如痴吐血唾血目赤潮熱
神昏志亂乃出陰疹也宜用葛根湯主之

紫蘇一錢 升麻一錢半 柴胡一錢 白芍一錢 乾葛八分 蓮喬八分

桔梗一錢 甘草三分 生薑二片 生葱頭一個水煎服麻毒內攻加牛旁

子犀角若發不出胃已爛而必死矣偷出而熱復攻者加黃芩潮熱不退血虛
血熱合四物湯加麥冬有痰加貝母陳皮餘毒未除神昏志亂譫言妄語並服
解毒湯始終以升麻葛根爲主不必服他藥

常山豈醫瘴疾而小兒易食

壽世良方 小兒科

黑豆三合常山一兩無灰酒水各一碗煎至水乾爲止晒乾收貯凡遇小兒瘡疾每服四十九粒或研末用滾水送下亦可大人用藥加倍無不見效古制以十合爲一升三合卽一升之三份一也

栢蓮湯醫痢症而小兒易嘗

此湯治小兒紅白痢症不論新久或身熱或閉口痢俱效

扁柏葉三錢炒黃色 蓮肉二錢炒焦 用水一碗煎滾入蜜糖半小盅和勻類服

當茶飲自愈

香蓮丸鴉胆丸治痢非不靈效惟藥味太苦小兒畏食縱強服之又復嘔出不如此方之便利也

夜熱連綿對交靈丹可愈

食積熱多發於夜分夜熱難退纏綿不已延十數日而不愈者余用至寶丹一半以消食積五福化毒丹一半以退陰分之熱連服一二丸無不奏效因名之

對交丹也臨睡時用燈心三條竹心三條煎水開服丸方皆見於後

遍身瘡疥五福化毒丹能痊

五福化毒丹治小兒蘊積熱毒潮熱夜熱頭面遍體多生瘡疥牙齦出血口鼻咽乾煩燥或痘疹餘毒未除或唇腫口角多生瘡疥一切皆治之

犀角三錢

桔梗三錢

生地三錢酒浸

赤茯苓五錢

大力子五錢微炒

粉甘草三錢 樸硝三錢 連喬三錢 玄參三錢 青黛二錢另研 共研細末

煉蜜爲丸每丸重一錢正薄荷湯下急驚加硃砂少許

至寶丹雖是家中便用之藥實爲醫家通應之方

小兒諸病太多而此丹則止渴止痢健脾消食積退身熱大人男女均可服食

本翟氏文林公家傳秘方也

人參五錢 木香二錢半 砂仁一兩五錢 白茯苓一兩五錢 香附五兩量便製

桔梗一兩 黃芪二兩蜜炙 淮山一兩酒蒸 莪朮二兩醋製 甘松一兩五錢洗去泥研末另包

琥珀五錢另研 山渣肉五錢 硃砂五錢 遠志一兩製 益志仁一兩三錢

滑石六錢水飛過 甘草一兩蜜炙 珍珠四錢另研包 共研細末蜜爲丸每個重一

錢一歲服半丸三四歲服一丸看病深淺服之此方不論男女皆治與回春丹

不同

疝氣偏墜大小茴香湯下 大便出血槐花蒼朮湯下

中風痰厥不省人事薑湯下 咳嗽喘急麻黃杏仁湯下

小便不通車前子湯下 霍亂紫蘇木瓜湯下

夜出盜汗浮小麥湯下 咳嗽痰喘陳皮湯下

夜啼不止燈心薑湯下 洩瀉炒黃色米湯下

慢驚風人參白朮湯下 急驚搖擲薄荷湯下

痘疹不出升麻湯下

發熱金銀薄荷湯下

虫積苦練根(即森木樹根)煎水下

傷寒夾驚發熱薑葱湯下汗出為妙

停食嘔吐腹脹大便酸臭積聚腹痛薑湯下

疳症身瘦腹大而手足細小者陳倉米湯下

或淋或腫或脹赤白痢症俱用陳倉米湯下

頭上久爛兮無如銀杏膏之速愈

銀杏膏治小兒胎熱頭上損爛日久或頭髮多虱搔癢難當用此膏敷患處一

二次即愈 白菓二十個 水銀一錢 共研如坭搽患處立效蓋白菓性寒

去熱毒水銀又能殺虫止癢

耳中損爛兮滑石配一掃之光

一掃光治耳中損爛日久不乾凡一切癢癩皆治

苦參一兩五錢 黃柏一兩五錢 烟膠一兩 白信石二錢 枯礬 硫黃 水銀

蛇床子已上各三錢 木鱉子 紅椒 樟腦 楓子肉以上各二錢 輕粉三分

共研細末每藥一兩加滑石三錢水飛過用真麻油調擦即效

胎毒無皮兮須用黃蓮黃柏

小兒胎毒損爛無皮見紅色是也

黃蓮五錢 黃柏五錢 共研細末乾摻之自愈

嘔吐青冷兮必須炒米炙薑

薑米湯治寒在上而為嘔吐或上吐下瀉腹痛等症方用

炙熟薑一兩去皮炒米一撮用水煎服吐瀉立止

益元散治心煩身熱有效

小兒內膈受熱腮頰面色紅赤午後身熱夜熱心煩等症方用

滑石三錢 甘草五分 硃砂二分 共研細末每服三分白滾湯送下

地黃丸治腎虛形瘦奇方

此乃滋腎妙藥也小兒氣質細弱可常服之以培根本 大熟地二兩酒蒸

丹皮一兩 澤瀉八錢 石棗肉一兩 淮山一兩二錢 白茯苓一兩 共研

末以蜜為丸每早服二錢白粥湯送下脚軟行遲加半七一兩瀉多加山藥一

兩茯苓五錢熟地減半

補中益氣湯理虛弱之童隨時加用

小兒稟質虛弱精神不足胃口不開血氣不調或驚風後神色青白宜連服十

劑以補中氣 黃芪炙一錢五分 白朮一錢 歸身一錢 人參五錢 陳皮五分 柴胡三分

炙草二分 生薑二片紅棗二枚水煎服驚風加天麻僵蚕細辛白附子慢驚

壽世良方 小兒科

風加薑桂病深者加附子傷食加山渣麥芽神曲吐瀉加柯子木香腹痛加使君子肉白芍嘔吐加白荳蔻砂仁咳嗽加杏仁桑白五味子南星瘧疾加常山烏荳搖擗加鈎藤積聚加莪朮小便赤澀加木通

參苓健脾散理脾弱之兒因病酌用

小兒食傷脾胃多有泄瀉之病瀉久則脾胃虛弱故健脾散不可缺也方用

蓮肉 茯苓 茨實 扁荳各五錢 薏苡仁三錢 麥芽三錢 使君子肉三錢

人參二錢 糯米粉少許共研細末白糖三錢和勻每服二錢白粥水送下或作

糊食之或作小餅晒乾食之均可

五香丸不特小兒有效

此丸專治腹痛吐瀉祛風痰除風濕中風中寒中熱傷風頭疼身熱小兒驚風痰盛大人中風失語洩瀉嘔吐霍亂腹痛內傷生冷肚腹脹不思飲食筋骨疼痛慢脾陰症手足厥冷小氣浮腫婦人產後感冒風寒瘀血肚痛血迷不醒凡大人小兒屬風與寒濕者皆能治之眞寶貴良方也

枳壳二錢 乾薑五錢 香附三錢 防風三錢 丁香五錢 蒼朮二錢 南星五錢 燕梨

附子五錢 白朮三錢 川芎五錢 厚樸五錢 天麻五錢 京芥三錢 前胡三錢

茯苓三錢 陳皮五錢 蘇葉三錢 木香五錢 硃砂二錢 畢撥五錢 乳香五錢

沉香五錢 良薑二錢 白芷五錢 砂仁五錢 玉桂五錢 薑活五錢 獨活五錢

冰片三分 射香三分 蓮荷三錢 白豆寇五錢 檀香五錢 北細辛五錢 僵蚕五錢
共研細末用蜜爲丸每丸重一錢用蠟壳封固勿令洩氣每服一丸便效
中風 中寒 中濕 慢驚 傷寒 瘧疾 婦人產後 血暈昏迷 手足
厥冷俱用薑湯下 水腫薑皮湯下 霍亂 嘔吐用薑炒米湯下 傷寒薑
葱湯下 泄瀉炒米湯下 中風不語薑皮湯下 急驚薄荷湯下 腹滿大
腹皮湯下 筋骨疼痛盛靈仙湯下 瘀血腹痛蘇木湯下 痰喘陳皮湯下
虫積苦練根湯下

肥兒膏用之大人亦良

蓮肉 風栗 白茯苓 淮山 白朮(去蘆) 麥芽 黃精 萊萸肉 天
冬 黑棗 福桔 京柿各四兩 小兒用各一兩可矣 捶爛作餅蒸熟成膏大
人加熟肥肉全蒸餅

寒中陰經急宜灸火不外秘傳之一十二穴

針有劫病之功火有拔山之力古人治病重灸火也一時寒中陰經手足厥冷
藥力不及灸數壯以透達風寒邪氣逐出之後然後服薑附等藥最爲穩當但
要按穴法而灸不可太多多則損肉令火氣滯於心中一則徒爲兒苦二則火
能生人亦能損人也穴法在下治兒科盡知之

風邪外襲時宜炮爆要明龔氏之二十四驚

善世良方 小兒科

小兒一二歲難於用藥宜用燈火爆之發散風寒可不藥而愈然必按穴位分驚治法以龔氏爲準否則增兒苦痛究屬無益也而二十四驚圖見下

湯散丸劑要對症而發用

湯者蕩也蕩去其病也散者散也散去胸膈之病也丸者緩也緩以爲功也劑者齊也祛病齊力以代之也俱要用之合宜否則僨事

補瀉溫涼宜因症而異治

虛者補之實者瀉之寒者溫之熱者清之因時制宜不可執定小兒不能服涼藥之說如若固執則癰疹之症必致危殆

辨紋察色治病方可十全

驚則紋青紅主傷寒淡紅邪在表深紅熱在裏紋細腹痛多啼紋粗主驚風惡候黑者難治面赤心中熱黃色脾有積滯色白肺寒色青肝有風色黑爲惡候腎敗不須醫

審症問聲詳慎可無困手

問而知之謂之工與兒父母詳審問症也聞而知之謂之聖聞小兒之聲音清濁也清則熱濁則寒小兒不能言全靠醫家詳慎耳錢仲陽先生著嬰兒百病篇謂小兒純陽法當涼解陳皮仲先生著小兒病源須用溫補因時而治法古而不泥於古可也

蔣仲芳先生窮究百家精搜擇要註醫宗說約一書而小兒心誠賦猶爲詳明習醫者不可不熟讀以爲根本也

觀形審色面部

左腮屬肝 右腮屬肺 額屬心經 鼻屬脾經 下頰屬腎經 額屬心經

三關紋談

紫熱紅傷寒 青驚白是疳 黑色中惡毒 黃色困脾端 驗面色部位

驚風入心則面赤夜啼用枝子青肝散加黃連入肝則面青眼攏 用柴胡湯入脾則面黃嘔吐虛汗嗜臥用六君子加柴胡山枝入肺則面白上氣喘急用異功散加柴胡桔梗入腎則面黑咬乳急用六味丸驚風後作痢或食後作痢白者用人參白茯苓白朮炙草各三分 生乾薑一分半 水煎開驚風散紅者去乾薑加烏梅半截 地榆一錢去頭足 藕節一個開驚風丸淨水煎服若脾胃虛弱加山渣去核一個麥芽五分炒 蓮肉十粒 作渴加柯子五分煨 烏梅半個 作悶加藿香五分 和丸服若肚痛加木香不拘多少將前藥湯磨開驚風丸後用護臍膏貼肚臍若久痢紅白相兼胃弱飲食不進名閉口痢用 人參三分 石蓮子三錢 共爲末蜜調炒服立愈

樵火論

小兒樵火不得已而用之何也穴法不清一旦錯樵徒爲兒苦此良醫所以不

輕於用也若善保赤子者平時節飲食薄衣服慎出入避風雨擇老成之人而懷抱之至若鷄犬牛羊鳥獸及花木彩戲之物皆能致驚凡此一切勿令兒近可無驚恐之虞而乳母哺兒慎勿當風勿向北小便勿時見風雨勿多剃頭時謹慎此法之最善也及其長也天資靈敏聰明睿智爲之父母者宜節其色慾陶其性情庶幾無中道妖折之患也

有孕之婦慎言語節飲食正坐位正睡臥所謂胎教也然此可爲智者道難與俗人言也至若無鱗魚蝦蟹牛羊兔犬薑蒜及一切暈腥毒物苟能於飲食之中隨時節戒則產下之兒自無疾病也縱或有之不過寒暑偶侵或生瘡疥而已危險之症斷乎無之

小兒驚風灸火圖記

小兒各種驚風皆因風邪內攻寒邪外入或吐瀉後大病後身體虛弱失於調理寒極生風手足搐弱藥力所不及者非灸火無以速效蓋灸火之法真有起死回生之功也

灸火之法須要從下灸上切勿由上灸下貽害匪淺凡肚痛宜灸天樞二穴分水一穴氣海一穴其餘各痛照穴灸之百無一失務要認真病症詳審穴位方可下手否則債事矣

慢驚風宜灸下三里二穴湧泉二穴合谷二穴即虎口二穴上三里穴即曲池

穴若兼肚痛照前肚痛穴法灸之

急驚風火穴在耳將耳摺住向尖上一穴虎口一穴第四指甲頭一穴將四指灣曲用竹枝量準度中截窩曲量向手掌橫紋度三寸爲一穴腰尾骨度四指上一穴脚眼外下陷中一穴脚第四指窩中曲一穴又用竹枝量至中曲量向脚踭橫紋度三寸一穴男左女右照穴灸之便愈

善世良方

小兒科



三六


正 面 圖



壽世良方

正面圖


背 面 圖



壽世良方 背面圖


小兒二十四驚風燈草火爆法 凡灸火俱從下灸上

內吊驚風



小兒傷食感寒震齒咬牙兩目上
視昏迷不醒用燈草燵油點火在
額門上四燵心演及兩手虎口兩
手總筋各一燵便愈 總筋在兩手盡
頭接手背夾縫之處

迷魂驚風




小兒忽然不知人事咬牙而死用
燈草火在髮際眉心鼻樑兩耳尖
及心演兩手虎口兩手總筋兩足
曲泉各一燵

壽世良方


小兒科

風驚逆嘔




小兒食乳即吐人事昏迷肚腹飽脹用燈草火在心演及兩手曲池兩手虎口各一燻心窩橫七燻中腕即臍上圍六燻

風驚砂縮




其症日輕夜重人事昏迷四肢軟弱兩脚相蟠用燈草火在兩手中兩足內關各一燻尾脊骨二燻先用桃皮生薑飛鹽香油官粉厚擦各穴處再照形圖燻之仍以前藥遍身擦之立愈

急驚風



其症兩眼上視面氣喘撮口吐白沫片時即死用燈草火在眉心鼻樑心演兩手虎口兩手總筋兩足曲泉各一燻并用生薑清油炒熟遍身搽之又服加味敗毒散自愈

慢驚風




小兒吐瀉日久脾胃虛弱所致其症露睛昏睡手足癱攣肢體厥冷二便清白用燈草火在眉心心演兩手虎口兩足底湧泉穴各一燻並多服溫中補脾湯以培元氣

壽世良方


小兒科

風驚脹膨



小兒脾胃既弱而飲食大過不能
 消化氣吼肚脹用燈草火在額門
 一排三燄心演三燄如品字樣肚
 臍上下左右各一燄兩手總筋及
 兩足曲泉各一燄

風驚魚鯽




其症感寒受風痰湧喉中結滯氣
 响口吐白沫四肢起舞兩目上視
 用燈草火在額門四燄上下左右口
 角上下左右各一燄心演肚臍下各
 一燄兩手虎口各一燄

風驚啼夜



其症肚上現青筋腹脹不乳夜啼
 不寧手足發熱不時跳動用燈草
 火在顛門四燻上下左右眉心兩太
 陽穴各一燻咽喉下平心及肚臍
 上下左右各一燻又以燈草火在
 青筋由上爆至下而止

風驚臍




小兒產下三朝七日半月內受風
 寒肚腹膨脹兩口角起黃色肚有
 青筋直上心口內生白泡子名
 曰馬牙用手甲挑破出血甚則用
 刀割破牙根以青布或棉花拭盡
 惡血勿被吞下用燈草火在顛門
 四燻喉下一燻心演橫平三燻肚
 臍上下左右各一燻青筋一連爆
 之待火行過片時方與飲乳若飲
 乳太早便難醫治

壽世良方


小兒科

風驚痛肚




其症因食生冷之物為乳食所傷
臟腑太寒身體軟弱唇白眼反四
肢俱冷腹痛身顫用燈草火在肚
臍上下左右各一燵便愈

風驚地看




小兒乳食受傷冷熱不調夜眠受
驚兩眼看地一驚便死手拳口歪
牙關緊閉用燈草火在顛門四燵
咽喉上直連二燵肚臍上下左右
各一燵

風驚內月



小兒同妊母當風睡臥或月內受風痰湧喉中落地口撮頭偏左右氣急不語用燈草火在胸前直連七燵肚臍上下左右各一燵青筋縫上七燵

風驚吊天




其症因母抱兒當風食乳兒受風痰結於胃口頭後仰腳後伸手後捲眼上視急用燈草火在額門四燵喉下直連二燵兩肩井及兩手總筋兩足曲泉各一燵肚臍上下左右各一燵

壽世良方

小兒科


烏鴉驚風



其症因乳哺被啼或食冷物復滯榮衛忽然大叫一聲眼閉似死搐手一跳聞响即驚心經有熱用燈草火在顛門四燹兩口角上下四燹鼻樑及兩肩井心演兩肘後兩手掌心兩足曲泉各一燹至兩曲泉穴不燹亦可並用老鴉酸草藥燒枯車前子調水服效


四四

烏縮驚風



因小兒迎風食乳又食冷物過多血經凝結沙行遍體四肢黑色肚上青筋過面腹脹唇黑內有寒邪兼之肚瀉用燈草火存青筋縫上一連七燹立愈縫上即背脊骨

風驚胎受



風驚弓挽




壽世良方

小兒科

小兒外感風邪痰湧肺經頭朝面
仰哭不出聲兩眼不開手足如挽
弓之狀用燈草火在青筋縫上一
連七燂喉下一連三燂肚臍上下
左右及兩足魚肚各一燂


婦人有孕食葷毒之物太多兼受
勞鬱之氣產下小兒或硬或軟兩
眼不開聲不能出是從母腹中受
其胎毒所致用燈草火在頭頂上
三燂兩眉上青筋各一燂喉下直
連三燂肚臍上下左右兩足底心
各一燂背脊骨上七燂

潮熱驚風



小兒大飢傷飽飲食不節脾胃虛弱遍身潮熱兩足向後亂舞用燈草火在兩手虎口心演肚臍上下左右及兩手螺絲紋骨各一燻

鷹爪驚風



小兒因乳食受驚夜睡受嚇手抓人衣哭聲震地身體寒戰緊捏拳頭看上看下此肺經有熱所致用燈草火在頭頂兩太陽眉心兩手掌心心演兩足大敦即是大指頭兩足底湧泉穴各一燻肚臍一圍八燻

重印壽世良方小啓

蓋聞經方多能活命購其書者不吝千金仁術足以濟人廣
來誇不傳之秘寶刊獨步之良方誠有見於此者也家星樞
書家藏已久經驗良多鄙人竊欲公諸同好並以廣厥流傳
京邸刊印千部年來親友函索者指不勝屈無如印本無
刊印餉饋斯世然而善不敢私諸一己賞必待

冊將見手一編而利人利己無煩廣搜乎方

壽域聊疏小啟敬告

慈家

東成印字館

開設北京崇文門蘇州胡同內溝沿頭門牌三十六號

本館承印
 各種書籍
 洋行帳冊
 銀行簿籍
 據傳單以
 五彩圖畫
 售中外文
 紙張改裝
 舊書及新
 石印及
 定期
 目錄

Printing House

NG.

Telephone 2516 East

Print Chinese Characters

Books,

中華

編

印刷所

寄售處

東

